

CA

M MR82344
BUN
BUN

AVAILABLE ON MICROFILM

KOK WAH BOOK BINDING CO.,
545A, HAVELOCK ROAD,
SINGAPORE, 3.

Microfilmed on

10 SEP 1976

NL.8790

NATIONAL LIBRARY SINGAPORE



B02851779F

... CHRITA ...
ORANG YANG CHARI
SLAMAT

REFERENCE ONLY



Q-11-3
23

DUA-PULOH-AMPAT
GAMBAR

Q 113/23

Mr. no. 1



SI KRISTIAN TINGGALKAN RUMAH-NYA.

Q11-3-23.

CHRITA

ORANG YANG CHARI SLAMAT

Yang asal-nya

Terkarang dalam bahasa Inggris oleh

JOHN BUNYAN

Di-pindahkan dalam bahasa Malayu oleh

W. G. SHELLABEAR.

Yang tulis gambar-gambar-nya

C. W. BRADLEY.

SINGAPURA:
Terchap di American Mission Press
1905.

Acc. No.: Q11.3/23
Class no.: MR823.4
BUN

INI BUKU PUNYA ASAL.

Dalam tahun 1628, John Bunyan sudah jadi di negri England. Dia punya mak-bapa orang miskin skali, ttapi dia-orang kasi dia masok skola, spaya dia boleh blaajar bacha dan tulis. Bila dia sudah bsar, John Bunyan jadi tukang tin dan dia jalan mana-mana kliling dia punya kampoing dan buat itu macham kerja. Bila dia lagi muda dia suka champur dalam smoa permainan yang jahat, dan dia mncharut banyak skali, sampai satu prempuan jabat tukking sama-dia sbab dia mncharut itu macham ; sbab itu dia rasa malu, dan dia choba buangkan itu adat yang jahat, dan dia mulai bacha Kitab Allah. Ada satu hari John Bunyan jalan-jalan buat kerja tukang tin, dan dia sampai di negri Bedford ; sana dia digar tiga ampat prempuan miskin yang chakap-chakap di tpi jalan deri-hal Tuhan Allah dan deri-hal jalan slamat, dan dia banyak hairan sbab itu prempuan sudah tahu banyak perkara fasal agama dan fasal Kitab Allah yang dia skali-kali ta'boleh mengerti. Kmdian John Bunyan sudah chari itu tuan yang jadi guru injil dalam greja di negri Bedford, dan bila dia sudah blaajar sama itu guru lama-lama, blakaang dia jadi orang Kristian yang btul, dan dia trima baptis. Itu waktu dia punya umor dua-puloh lima tahun. Dua tahun kmdian, John Bunyan sndiri jadi guru injil, dan mula'i ajar orang dalam greja keri-hal jalan slamat. Dalam tahun 1660 bila Charles II naik raja, itu raja kluarkan satu hukum yang smoa orang Kristian misti smbahyang btul sperti aturan smbahyang yang dalam Kompani punya greja (ög ke kaù). Ttapi John Bunyan ta'mau ikut itu ög ke kaù punya smbahyang, dan sbab itu bila dia ajar dalam dia punya greja dia kna tangkap, dan dia kna tutop dalam jel di negri Bedford dua-blas tahun lama-nya, sbab dia ta'mau masok ög-ke-kaù. Tempo dia ada dalam jel John Bunyan karaang ini "Chrita orang yang chari slamat." Kmdian deri-

pada itu dua-blas tahun, itu raja sudah dapat tahu dia ta'boleh paksa orang ikut dia punya aturan smbahyang, dan sbab itu dia lpaskan smoa orang yang sudah kna tutop dalam jel sbab dia punya agama. Bila John Bunyan sudah lpas deri jel, dia suruh orang chap ini chrita dalam bahsa Inggris, dan deri-pada itu waktu sampai skarang (dkat 250 tahun lama-nya) smoa bangsa orang banyak suka bacha ini chrita, kerna orang sudah pindahan dia dalam hampir smoa bahsa.

Ada brapa puloh tahun dhulu satu tuan yang pandai skali sudah pindahkan ini chrita dalam bhsa orang Mlayu ; ttapi sbab dia pakai perkata'an yang dalam-dalam, terlampon susah orang China peranakan migerti, dan sbab itu kita bharu pindahkan ini cbrita dalam bhsa Mlayu peranakan, spaya smoa orang China dan nonya-nonya yang chakap Mlayu boleh migerti baik-baik. Skali-kali kita t'ada pakai perkata'an yang dalam-dalam atau yang orang susah migerti, mlainkan dalam agama punya perkara ada juga sdikit perkata'an yang orang t'ada pakai s-hari-hari, ttapi kita mst有条件地使用它在某些场合，例如在宗教场合或特定的日常对话中。; dan sbab itu kita sudah kumpolkan itu macham perkata'an dan sudah kas dia punya arti, spaya siapa-siapa yang jumpa satu perkata'an yang dia ta'boleh migerti boleh chari itu perkata'an dkat muka 244, dan blakaing boleh tahu dia punya arti.

Lagi pun dalam ini chrifa ada banyak nama orang dan nama tempat yang kita sudah kumpulkan, dan sudah taroh Inggris-nya yang John Bunyan sudah pakai, spaya orang yang tahu bahsa Inggris boleh bandingkan dan boleh mengerti lagi baik : ini nama-nama sparoh-nya trangan itu orang purya prangai atau itu tempat purya hal, ttapi sparoh-nya John Bunyan sudah pungut deri dalam Kitab Allah (Bible), dan siapa-siapa mau dapat mengerti itu macham nama mstil chari dalam Kitab Allah. Di mana-mana John Bunyan sudah pungut apa-apa deri dalam Kitab Allah, kita sudah taroh satu tanda, dan di bawah dkat itu muka purya kaki boleh dapat nama buku dalam Kitab Allah di mana kita mstil chari itu perkara, bgini : Yashaya 64 : 6, arti-nya fasal (chapter) 64, dan ayat (verse) 6, dalam itu buku yang bernama Yashaya (Isaiah). Lagi pun kita sudah kasi nama-nama smoa buku dalam Kitab Allah, Mlayu dengan Inggris-nya ; tengok muka 237.

Dalam ini buku ada 24 gambar yang bharu skali. Tuan C. W. Bradley, yang sudah datang di Singapura dari Amerika tahun dahulu, sudah tulis ini gambar semula, dan dia sudah tulis bul sperti rupa orang dan rumah-rumah dan pokok-pokok yang kita tergok sini s-hari-

ari, spaya ini gambar punya rupa jangan mnjadi changgong pada orang yang bacha ini chrita.

Dua orang muda yang bernama Chiu Cheig Yong dan Tan Cheig Poh, sudah tolorg bacha ini buku s-blum kita chap, dan sudah banyak btulkan kita punya karaagan spaya mnjadi btul sperti oraig peranakan punya chakap; sbab itu kita harap ini buku t'ada susah atau changgong sama smoa oraig China peranakan yang mau bacha John Bunyan punya chrita yang bernama skali; dan kita harap smoa oraig yang bacha boleh migerti bgimana oraig boleh dapat slamat yang kkal dalam shorga, spaya smoa-nya boleh dapat untung yang bsar dunia akhirat.

W. G. SHELLABEAR.

Malacca, November 1905.

INI BUKU PUNYA FASAL.

<i>Fasal.</i>		<i>Muka</i>
1. Deri-hal si Kristian	...	1
2. Deri-hal tanah paya	...	11
3. Si Kristian ssat deri-pada jalan	...	15
4. Deri-hal si Kristian masok pintu	...	27
5. Si Kristian di rumah si Buka-Ruhsia	...	34
6. Deri-hal kayu salib	...	47
7. Si Kristian naik bukit Susah	...	54
8. Si Kristian sampai di istana bernama Elok	...	60
9. Deri-hal si Kristian berprang dgan Apoluon	...	77
10. Deri-hal lmbah Bayang-bayang Kmatian	...	85
11. Si Kristian berjumpa satu kawan	...	92
12. Si Kristian berjumpa sama si Bletir	...	105
13. Deri-hal pasar bernama Sia-sia	...	123
14. Si Kristian jumpa sama oraig yang suka waig	...	137
15. Dimas mau balekkan oraig deri jalan yang bnar	...	149
16. Si Kristian dan si Harap ssat deri jalan-nya	...	158
17. Deri-hal gergasi bernama Putus-Harap	...	162
18. Deri-hal gombala-gombala yang di gunong Suka-chita	...	170
19. Deri-hal si Bbal dan si Kuraig-Iman	...	177
20. Si Kristian dan si Harap kna seksa sbab ssat deri-pada jalan	...	190
21. Bgimana si Harap mula-mula dapat slamat	...	196
22. Si Kristian mau choba ajar si Bbal	...	208
23. Itu tanah yang bernama Biulah	...	223
24. Si Kristian dan si Harap masok negri Sion	...	230

GAMBAR-GAMBAR.

	<i>Muka.</i>
Si Kristian lari kluar deri negri Kbinasa'an	ii
Si Kristian sama anak-bini-nya	2
Guru Injil tunjokkan pintu yang smpit	4
Si Pnolong tarek si Kristian kluar deri paya..	13
Tuan Pandai-Chari-Dunia mau ajar si Kristian	17
Si Kristian sampai di pintu yang smpit	28
Si Buka-Ruhsia punya rumah	33
Sabar sama Marah	36
Api yang myala sbab miyak	39
Itu pikulan hilang dpan salib	47
Si Kristian dapat tiga orang tertidor	49
Bukit Susah	55
Istana yang bernama " Elok "	60
Si' Kristian berpraing digan Apoluon	82
Pasar Sia-Sia	125
Satu tiang bikuu deri-pada garam	152
Sungai ayer yang kasi hidop	155
Taingga yang bawa k-padang Jalan-Pintas	158
Kota yang bernama Kota Shak	162
Orang-orang yang itu gergasi Putus-Harap sudah butakan	173
Si Kurang-Iman kni churi	180
Si Bbal ikut di blakang	208
Tanah Biulah	222
Si Harap dan si Kristian mybraing sungai	228

CHAP SALAH.

<i>Muka.</i>	<i>Baris.</i>	<i>Ganti.</i>	<i>Patut jadi.</i>
16	4	angkan	angkau
66	22	buangkan	bangunkan
69	29	kut	ikut
74	20	Suka-Hati	Suka-Chita
77	20	mbah	imbah
79	1	bamba	hamba
79	18	tingalkan	tinggalkan
80	6	uukum	hukum
127	24	dalan	dalam
135	6	Hawa-Nafsu	Suka-Nafsu
134	1	Smoa	Sama
159	21	Dai	Dia

CHRITA ORANG YANG CHARI SLAMAT.

FASAL 1.

DERI-HAL SI KRJSTIAN.

Bila sahya berjalan di dalam hutan, sahya datang dkat satu lobang di tanah, dan berbaring mau tidor. Waktu sahya lagi tidor sahya bermimpi satu mimpi, lan dalam itu mimpi sahya teengok satu orang yang pakai pakaian burok. Dia berdiri dkat rumah-nya, ttapi sahya rasa sperti dia mau tinggalkan itu rumah, kerna itu rumah di blakang-nya. Dalam tangan-nya dia pegang satu buku, dan dia ada pikul satu pikulan yang brat.*

Sahya teengok dalam sahya punya mimpi itu orang ada bacha itu buku, dan waktu dia bacha dia mnangis, dan mngglitar sbab takot. Tada brapa lama lagi itu orang bertriak kuat-kuat, "Apa sahya msti buat?" †

Digan itu macham susah hati dia pulang, ttapi dia tahankan dia punya susah digan s-boleh-boleh-nya spaya jaangan anak-bina-nya tahu. Lama-lama bertambah-tambah susah-nya, sampai dia msti chakap juga. "Wah, chlaka sahya ini," dia kata sama anak-bini-nya, "tntu sahya nanti binasa sbab satu pikulan Ini dunia nanti hangus pada hari kiamat. yang terlalu brat yang sahya ada taenggong. Dan lagi orang sudah bilaung sama sahya yang negri kita Singgal ini tntu nanti hangus, kerna api mau turun dari

* Yashaya 64 : 6 ; Lukas 14 : 33 ; Mazmur 38 : 4.

† Perbuatan Rasul 2 : 37 ; 16 : 30 ; Ibrani 2 : 2, 3.

langit dan bakarkan dia. Kalau bgitu kita smoa, laki-bini dan anak-anak kita, tntu nanti binasa kalau kita tidak lpas deri-pada itu chlaka."

Bila anak-bini-nya ditarigar bgitu, dia-orang punya hati terlalu-lah susah, bukan sbab dia-orang fikir bnar juga sperti dia sudah chakap, ttapi sbab fikir barangkali dia



SI KRISTIAN SAMA ANAK-BINI-NYA.

gila. Dan skarang sbab sudah malam smoa-nya minta dia lkas tidor, spaya kalau tidor lama-lama dia punya ingatan boleh ttap.

Ttapi itu malam bgitu juga itu orang punya susah, kerna dia ta'boleh tidor, ttapi dia mnaungis dan dia mraong.

Pagi-pagi anak-bini-nya tanya sama dia kalau dia sudah baik, ttapi dia jawab, "Bertambah-tambah sahya punya susah." Dan dia mau berchakap lagi, ttapi smoa-nya ta'mau dngar, kerna dia-orang fikir kalau chakap kasar sama dia barangkali susah-nya Orang dunia ta'boleh hi-
burkan hati yang susah. dan ktakotan-nya boleh hilaing. Kadaang-
kadaang dia-orang tertawakan dia, kadaang-kadaang maki dia,
kmdian skali-kali ta'mau champur sama dia. Sbab itu
dia masok bielek-nya sndiri, mau minta do'a kerna anak-
bini-nya dgan mnaigis, dan dgan susah sbab nasib-nya
yang ta'baik. Kmdian dia kluar berjalan-jalan dgan
mmbacha itu buku dan minta do'a. Ada brapa hari dia
bgini.

Dan sahya tengok pula dalam itu mimpi, ada satu
hari dia berjalan-jalan bgitu dgan mmbacha itu buku,
terlebih lagi susah hati-ya, sampai dia bertriak sperti
dhulu, "Apa sahya msti buat?" Dan lagi sahya tengok
itu orang pandang sana sini sperti dia mau lari di mana-
mana, ttapi dia berdiri di situ juga, kerna dia ta'tahu
di mana mau lari. Itu waktu sahya tengok satut orang
yang bernama Guru Injil dataig serta berkata sama dia,
"Knapa angkau mnaigis?"

Dan itu orang jawab, "Sbab sahya sudah bacha
dalam ini buku yang tntu sahya msti mati, kmdian
sahya msti berdiri dpan Hakim yang bsar;* dan sahya
rasa sahya punya hati tidak brani mati,† dan sahya ta'
boleh berjumpa dgan tuan Hakim."‡

Dan Guru Injil jawab, "Dalam ini dunia kita
smoa banyak susah ; bgimana angkau ta'mau mati?"

* Ibrani 9 : 27.

† Ayub 16 : 21, 22.

‡ Hizkiel 22 : 14.

“ Sbab sahya takot ini pikulan yang sahya ada pikul nanti bawa sahya pergi nraka;* dan jikalau sahya t’ada sdia mau masok jel, bgimana sahya brani jumpa digan



GURU INJIL TUNJOKKAN PINTU YANG SMPIT.

Hakim, atau trima hukuman-nya? sbab itu sahya mnaangis bila sahya fikir fasal itu.”

* Yashaya 30 : 33.

Itu Guru Injil tanya, "Jikalau aingkau punya hal itu macham, knapa aingkau berdiri di sini?"

Itu oraig jawab, "Sahya ta'tahu mana mau pergi."

Kmdian Guru Injil kasi satu surat sama dia, dan dalam itu surat tersbot bgini, "Lari Kita mati lari kluar deri tempat chlaka. spaya lpas deri-pada marah yang nanti dataung." * Bila itu orang sudah bacha itu surat, terlalu susah rupa-nya; kmdian dia kata, "Di mana sahya mau lari?"

Dan Guru Injil jawab, "Boleh-kah aingkau tengok itu pintu yang di hujong padang yang lapang?" †

"Ta'boleh."

"Boleh-kah aingkau tengok itu chahya api?" ‡

"Sahya fikir nampak juga."

"Pergi-lah aingkau tuju itu chahya api btul-btul, dan slalu aingkau pandaing itu chahya api; kalau sampai di sana, aingkau boleh lihat itu pintu; Kitab Allah tunjok jalan pada Isa. dan bila aingkau ktok pintu, orang nanti kasi tahu apa patut aingkau buat lagi."

Kmdian sahya tengok dalam itu mimpi, itu oraig berlari-lari.

Tapi s-tigah itu orang lari, anak-bini-nya tengok dia, dan pauggil dia kmbali; ttapi itu oraig ta'mau digar, mlainkan dia lari juga digan bertriak, "Hidop! hidop! hidop yang kkal!"§ Skali-kali dia t'ada tengok blakang, || mlainkan lari sampai tigah padang.

Smoa oraig di kampoung pun kluar mau tengok itu

* Matius 3:7.

† Matius 7:13, 14.

‡ Mazmur 119:105; 2 Petrus 1:19.

§ Lukas 14:26.

|| Kjadian 19:17.

orang lari.* Ada yang tingking sama dia, ada yang panggil dia bila gil dia balek. Dalam smoa orang yang kita lari deri kbinasa'an. panggil dia, ada dua orang yang pakat mau bawa dia pulang digan kras. Satu orang bernama Dgil, dan satu orang nama-nya Lutor. Itu orang yang lari sudah jauh sdikit, ttapi dia-orang dua-dua kjar sama dia, dan t'ada brapa lama dia-orang dapat sama dia.

Dan itu orang yang lari kata, "Hei kawan, knapa angkau sudah datang?"

Dan dia-orang jawab, "Kita mau panggil aigkau pulang sama kita."

"Skali-kali sahya ta'mau balek," dia kata, "kerna angkau tinggal dalam negri Kbinasa'an, tmpat sahya ini pun sudah jadi. Sudah banyak nyata sama sahya yang itu negri btul tmpat kbinasa'an, dan jikalau aigkau tinggal di situ t'ada brapa lama aigkau nanti masok dalam kubur dan jatoh di tmpat api dan bleraing. Sbab itu baik aigkau pun ikut sama sahya."

"Wah," si Dgil kata, "mau-kah sahya tinggalkan kawan-kawan sahya dan smoa ksuka'an?"

"Tntu mst tinggalkan smoa-nya," si Kristian kata (kerna itu-lah nama orang yang lari), "kerna smoa-nya itu t'ada bgitu bagus sperti sdikit sahaja deri-pada suka-chita yang sahya mau chari,† dan jikalau aigkau pun mau ikut digan hati yang ttap, tntu aigkau pun boleh dapat untoing yang baik, sama sperti sahya ini, kerna di tmpat yang sahya mau pergi ada chukop skali kerna smoa orang.‡ Mari choba kalau ini ada btul."

* Yirmia 20 : 10.

† 2 Korintus 4 : 18.

‡ Lukas 15 : 27.

" Kalau angkau mau buangkan smoa perkara dunia, apa macham-kah perkara yaig aingkau chari ? "

" Sahya mau chari psaka yang ta'boleh binasa,* dan itu psaka ada tersimpan dalam shorga digan slamat-nya,† spaya oraig yang chari itu psaka digan rajin boleh trima pada hari yang sudah di-tntukan. Aingkau boleh bacha itu macham dalam ini buku kalau aingkau suka."

" Cheh," si Dgil kata, " tidak pduli aingkau punya buku. Mau-kah aingkau balek sama sahya atau tidak ? "

Si Kristian jawab, " Sahya ta'mau balek, kerna sahya sudah mula'i ini punya perjalanan."

Dan si Dgil kata, " Hei Lntor, kalau bgitu mari-lah kita pulaig dan tinggalkan dia. Ada juga oraig yang bgini bodoh; dia fikir diri-nya lbeh pandai deri-pada tujoh oraig yang ada akal."

" Jangan maki sama dia," si Lntor kata, " jikalau btul apa si Kristian kata, dia mau chari lbeh bagus dan lbeh bsar punya perkara deri-pada yang kita chari. Dalam sahya punya hati sahya fikir mau ikut sama dia."

" Cheh, lagi satu oraig bodoh. Lbeh baik ikut sahya punya chakap, dan pulaig; siapa tahu di mana ini orang gila mau bawa kita? Baik aingkau pulaig, jangan jadi bodoh."

" Ja'igan chakap itu macham," si Kristian kata, " mari-lah aingkau pun ikut aingkau punya kawan si Lntor ini; kita boleh dapat ksuka'an lbeh banyak deri-pada sahya sudah kata tadi. Kalau aingkau ta'mau perchaya sama sahya, aingkau boleh bacha ini buku; dia yang

* 1 Petrus 1: 4.

† Ibrani 11: 16.

kasi ini buku sama sahya sudah ttapkan smoa-nya dngan kmatian-nya.” *

“ Sahya mau ikut sama ini orang baik,” si Lntor kata. “ Ttapi ada-kah angkau tahu jalan di tmpat itu, hei Kristian ?”

“ Ada satu orang yang bernama Guru Injil sudah tunjokkan jalan-nya di pintu yang mighadap dpan kita, dan dia kata di pintu ada orang yang mau tunjokkan jalan lagi.”

Dalam itu mimpi sahya tengok si Dgil ada balek, dan si Kristian sama si Lntor berjalan di padang.

“ Sahya banyak suka angkau sudah tntukan diri angkau mau ikut sama sahya,” si Kristian kata. “ Kalau si Dgil sudah rasa takot fasal perkara yang blum nampak lagi, sperti sahya sudah rasa, tntu dia tidak balek bgitu.”

“ Kita di sini chuma dua orang sahaja,” si Lntor kata, “ sbab itu baik angkau kasi tahu lbeh lagi deri-pada smoa perkara yang kita mau pergi chari, dan bgimana kita boleh dapat.”

“ Kita snang sahaja boleh fikir deri-hal itu perkara,”
Susah juga kita trang-kan perkara Shorga. si Kristian kata, “ ttapi susah juga kita chakap fasal itu; kalau angkau mau dapat tahu, lbeh baik sahya bacha deri dalam ini buku.”

“ Angkau fikir bnar juga apa-apa yang sudah tertulis dalam itu buku,” si Lntor kata.

“ Tntu,” si Kristian kata, “ kerna dia yang sudah karang ini buku ta’boleh bohong.” †

* Ibrani 9: 17-21.

† Titus 1: 2.

“ Baik-lah, sahya mau digar itu perkara.”

* “ Ada satu kraja'an yang kkal, tmpat oraig boleh tinggal; dan kita boleh dapat hidop yang kkal, spaya kita tinggal di situ sampai s-lama-lama-nya.” *

“ Baik juga; apa lagi?”

“ Kita smoa masing-masing nanti trima satu makota yang mulia, dan pakaian yang bersinar spaya kita pun boleh bersinar sperti mata-hari.” †

“ Bagus skali; dan apa lagi?”

“ Kita ta'usah mnangis lagi atau susah hati, kerna Tuan yang punya tmpat itu mau sapu ayer-mata deri-pada mata kita.” ‡

“ Apa macham kawan-kawan kita di situ?”

“ Kita nanti tinggal bersama-sama digan sgala mla'ikat, § yang bersinar bgitu traing sampai mata kita ta'boleh pandang. Dan di sana kita boleh berjumpa digan berlaksa-laksa punya oraig yang sudah pergi di sana dhulu deri-pada kita; tada satu oraig pun di dalam itu oraig smoa yang nanti buat susah di atas kita, mlainkan hati-nya smoa suchi dan pnoh digan kasehan, dan itu orang smoa berjalan-jalan di dpan Allah, dan tinggal sama Tuhan Allah sampai s-lama-lama-nya. Dan di situ kita boleh teigok oraig hati btul yang pakai makota 'mas, || dan orang lain yang main bunyi-bunyian. ¶ Dan kita boleh teigok orang yang sudah kna potong digan parang, dan yang kna bakar dalam api, dan yang kna

* Yashaya 65 : 17; Yahya 10 : 27-29.

† 2 Timotius 4 : 8; Kryata'an 22 : 5; Matius 13 : 43.

‡ Yashaya 25 : 8; Kryata'an 7 : 16, 17; 21 : 4.

§ Yashaya 6 : 2; 1 Tesalonika 4 : 16, 17; Kryata'an 5 : 11.

|| Kryata'an 4 : 4.

¶ Kryata'an 14 : 1-5.

makan singa, dan mati tigglam di dalam laut; smoa-nya itu sudah mati sbab kaseh-nya sama Tuan tmpat itu,* ttapi smoa-nya sudah hidop pula, dan boleh tinggal di sana dīgan suka-hati sampai s-lama-lama-nya.”†

“Sahya punya hati banyak suka dīgar bgitu, ttapi bgimana kita boleh dapat satu bhagian dalam smoa itu perkara?”

“Tuan yang prentahkan itu tmpat sudah bilang dalam ini buku,‡ kalau btul kita mau ikut, dia mau kasi, dīgan ta’usah kita bayer apa-apa.”

“Sahya banyak suka dīgar bgitu; baik kita jalan lkas.”

“Sahya mau juga jalan lkas, ttapi ta’boleh sbab ini pikulan ada brat.”

* Yahya 12 : 25.

† 2 Korintus 5 : 2-4.

‡ Yashaya 55 : 1, 2; Yahya 6 : 37; 7 : 37; Kiyata'an 21 : 6; 22 : 17.

FASAL 2.

DERI-HAL TANAH PAYA.

Kmdian sahya tergok dalam mimpi sahya, itu dua orang sampai dkat tanah paya yang pnoh digan lumpur, btul di tigah-tigah padaig ; dan sbab kuraig jaga dia-oraig dua-dua jatoh dalam lumpur. Itu tanah paya nama-nya Tawar-Hati. Dalam itu lumpur dia-oraig dua-dua jatoh bangun ada brapa lama-nya, dan kna banyak kotor. Ttapi si Kristian, sbab pikulan-nya terlampon brat, makin lbeh dia tgglam di dalam itu paya.

Kmdian si Lntor kata, " Hei Kristian, di mana angkau sudah sampai skaraang ? "

" Sahya ta'tahu skali-kali," si Kristian kata.

Bila dia digar bgitu, si Lntor sudah jadi kehil hati, dan kata digan marah-nya, " Ini apa macham ksuka'an yang angkau sudah bilang tadi ? Kalau mulamula bgini susah, dan apa lagi pighabisan-nya ? Jikalau sahya lpas deri-pada ini chlaka dgan hidop, angkau s'orang-s'orang boleh berjalan lagi mau chari itu negri yang bagus ; sahya mau pulaig sahaja."

Kmdian si Lntor angkatkan diri-nya dan mlompat-lompat s-kuat-kuat, sañpai dia terkluar deri-pada itu paya dkat jalan yang tuju rumah-nya sndiri ; kmdian dia berjalan pulaig s'orang-s'orang, dan si Kristian t'ada jumpa sama dia lagi.

Sbab itu si Kristian tertinggal s'orang-s'orang, jatoh bangun di dalam itu paya Tawar-Hati ; ttapi dia choba juga dgan s-boleh-boleh-nya mau kluar di sblah sana,

ia'itu dkat pintu tmpat yang dia mau pergi, t'ada juga si Kristian boleh kluar, sbab pikulan-nya yang tergantong di blakaing-nya. Ttapi sahya tengok dalam mimpi ada satu orang yang bernama Pnoloing pergi dkat dia, serta bertanya apa dia buat di dalam paya.

“ Ada satu oraig yang bernama Guru Injil suroh sahya ikut ini jalan, dan dia suroh sahya tuju itu pintu yang angkau tengok di sana, spaya sahya dapat lpas deri-pada marah yang nanti datang. Dan bila sahya lagi berjalan di sana, sahya jatoh dalam ini tmpat.”

“ Ttapi knapa angkau tidak chari itu batu-batu,
Kalau hati tawar, kita mstinya spaya angkau boleh pijak di atas itu mstinya harap perjanjian Allah.
 batu ? ”


“ Sahya sudah jalan lkas sbab takot, dan jatoh di sini.”

“ Hulorkan taigan angkau,” si Pnoloing kata, kmdian dia tarek si Kristian naik di darat,* dan suroh dia berjalan.

Kmdian sahya sndiri berchakap sama si Pnoloing, “ Hei tuan, kalau oraig mau kluar deri negri Kbinasa'an dan mau masok itu pintu, dia mstinya lalu dkat sini; kalau bgitu knapa t'ada oraig btulkan ini tmpat, spaya oraig yang berjalan boleh lalu digan slainat ? ”

Dia jawab, “ Ini paya satu macham punya tmpat, skali-kali ta'boleh di-tambak; kerna bila kita punya fikiran fasal dosa-dosa kita tertikam di dalam hati, banyak kotor-kotor kluar dan turun di sini; sbab itu ini tmpat sudah dapat nama Tawar-Hati; kerna bila oraig yang berdosa sudah tahu diri-nya mau binasa, dia banyak

* Mazmur 40 : 2.



SI PNOLONG TAREK SI KRISTIAN KLUAR DERI PAYA.

takot, dan dataing banyak kuatir dalam hati-nya, sampai putus harapan, dan itu smoa berku'npol di sini; itu sbab ini tanah banyak ta'baik. Jangan aingkau fikir itu Raja suka ini tmpat bgitu ta'baik,* kerna sudah dkat 1900 tahun lama-nya itu raja punya hamba bkerja mau btulkan itu paya, dan sahya boleh aku lbeh dua laksa kretnya yang bermuat bbrapa million pigajaran yang baik sudah tingglam dalam ini paya; dan itu pigajaran sudah dataing deri smoa tanah Raja, dan orang yang tahu fasal itu kata, kalau mau btulkan tanah paya, t'ada apa-apa yang lbeh baik deri-pada itu pigajaran; ttapi ada juga paya dan Allah janji mau kasi am-pun dan hidop dalam Isa. lumpur ini sampai skaraig. Digan itu Raja punya hukum, oraing sudah ltak di sini banyak batu di tigah paya; ttapi bila kluar banyak kotor, itu batu kurang nampak; atau kalau nampak juga, ada orang yang salah pijak sbab pusing kpala-nya, dan jatoh di lumpur. Ttapi kalau sudah masok itu pintu, baik juga tanah-nya." †

Dan sahya tergok dalam itu mimpi, si Lntor sudah pulaig di rumah-nya; kmdian kawan-nya dataing berchakap sama dia. Ada orang kata dia cherdek sbab sudah balek kmbali; ada pula yang kata dia satu orang bodoh sbab perchaya sama si Kristian; ada lagi yang maki sama dia sbab dia pnakot; habis dia kata, "Cheh bangsat! kalau sudah mula'i satu perjalanan, t'ada patut angkau balek sbab kna sdikit punya susah." Sbab itu si Lntor dudok digan malu di dpan itu orang; ttapi lama-lama dia brani sdikit, sbab itu smoa-nya balekkan chakap-nya dan tertawakan si Kristian, sbab dia tidak ada di situ.

* Yashaya 35 : 3, 4.

† Samuil 12 : 23.

FASAL 3.

SI KRISTIAN SSAT DERI-PADA JALAN.

Bila si Kristian lagi berjalan s'orang-s'orang, dia tergok lagi satu orang deri jauh yang datang mau jumpa sama dia. Itu orang nama-nya Pandai-Chari-Dunia; dia tinggal di negri Akal-Nafsu-Dunia, satu negri yang besar dkat negri di mana si Kristian tinggal dhulu. Tuan Pandai-Chari-Dunia sudah digar deri-hal si Kristian, kerna banyak orang ada chakap fasal si Kristian lari kluar deri negri Kbinasa'an, bukan dalam itu negri sahaja, mlainkan dalam smoa negri yang kliling; sbab itu bila dia tergok dia punya klakuan, dan digar dia tarek nafas panjang dan mra'ong bgitu, dia fikir ini si Kristian juga, kmidian dia tanya di mana dia mau pergi, dan knapa hati dia bgitu susah.

Dan si Kristian jawab, "Btul banyak susah hati; sahya fikir blum pernah ada orang yang bgitu susah. Ttapi kalau angkau tanya di mana sahya mau pergi, tergok itu pintu; sahya mau pergi di sana, kerna sahya sudah dapat tahu di situ sahya boleh lpas deri-pada ini pikulan yang brat."

"Aigkau ada-kah anak bini?" si Pandai-Chari-Dunia tanya.

"Ada juga," si Kristian kata, "ttapi sbab kna ini pikulan yang brat sahya ta'boleh ingat sama dia sperti dhulu; hampir sahya sperti orang yang t'ada anak-bini." *

"Kalau sahya kasi ajaran, angkau mau digar, ta'mau?"

* 1 Korintus 7 : 29.

"Tntu, kalau pingajaran yang baik," si Kristian kata, "kerna pingajaran yaig baik banyak berguna."


"Baik-lah, sahya punya bichara, baik angkau lkas buangkan itu pikulan yaig angkau ada pikul, kerna angkan punya ingatan ta'boleh ttap sampai hilang itu pikulan, dan angkau ta'boleh bersuka-suka dalam smoa berkat yang Tuhan Allah sudah kasi sama kita."

"Itu-lah yang sahya mau chari, ia'itu mau lpas deri-pada ini pikulan; ttapi sahya sndiri ta'boleh buangkan, dan dalam negri kita t'ada satu orang pun yang boleh hilangkan; sbab itu-lah sahya sudah mula'i ini perjalanan, spaya lpas deri-pada ini pikulan."

Si Pandai-Chari-Dunia tanya, "Siapa-kah yang suroh angkau ikut ini jalan spaya lpas deri-pada itu pikulan?"

"Itu orang yang tunjokkan ini jalan banyak baik dan berbudi punya orang, dan orang paiggil nama-nya Guru Injil."

"Chlaka skali itu orang punya pingajaran," si Pandai-Chari-Dunia kata, "dalam ini dunia t'ada satu jalan yang lbeh susah dan lbeh bahya deri-pada jalan angkau ikut ini; dan kalau angkau turut sperti bichara Guru Injil, tntu angkau boleh dapat susah-nya. Sahya tengok angkau sudah rasa juga sdikit, kerna angkau sudah kna lumpur dalam paya Tawar-Hati; ttapi ini smoa chuma mula-mula sahaja. Lbeh baik dngar sahya punya chakap, kerna angkau muda lagi. Dalam ini perjalanan tntu angkau nanti kna pnat, dan ksakitan, dan lapar, dan bahya, dan bertlanjaig, dan kna bunoh dngan pdang, dan bertmu dngan binataig yang garaig dan ular dan naga, dan glap, dan mati pun, dan sahya ta'tahu apa lagi.



TUAN PANDAI-CHARI-DUNIA MAU AJAR SI KRISTIAN.

Smoa-nya itu tntu bnar, kerna banyak oraig sudah kata bgitu. Apa guna orang buangkan diri-nya bgitu sbab ingat fasal perkata'an orang yaig dia ta'knal skali-kali ? ”

“ Ttapi sahya takot ini pikulan yang sahya ada pikul lbeh deri-pada smoa perkara yang tuan katakan tadi; sampai sahya tidak pduli apa macham susah sahya nanti jumpa di jalan, kalau sahya boleh lpas deri-pada ini pikulan.”

“ Bgimana aigkau mula-mula dapat itu pikulan ? ”

“ Sbab sahya sudah bacha ini buku yang sahya bawa.”

“ Itu macham sahya punya fikir; aigkau pun sperti banyak orang yaig t'ada ttap hati-nya, yang masok tangan dalam perkara-perkara yang terlampon dalam, sampai dia mnjadi orang kpala aigin sperti aigkau ini ; dan bukan sahaja hati-nya tawar sperti aigkau ini, mlainkan dia masokkan diri-nya dalam banyak bahya, mau chari macham-macham perkara yang dia sndiri pun t'ada migerti.”

“ Sahya migerti juga apa sahya mau chari, ia'itu ksnangan deri-pada ini pikulan yang brat.”

“ Kalau bgitu knapa aigkau mau chari ksnangan oleh ini perjalanan yang berbahya? Kalau aigkau suka digar, sahya boleh ajar bgimana aigkau boleh dapat snaig, dan ta'usah kna bahya. Dan aigkau boleh dapat snaig di sini juga ; dan bukan-nya sahaja aigkau lpas deri-pada bahya, mlainkan aigkau boleh dapat banyak kawan-kawan dan banyak snaig.”

“ Sahya minta tuan bukakan ini ruhsia.”

“ Dalam ini kampung yang angkau tergok,” si Pandai Chari-Dunia kata, “ nama-nya kampung Klakuan-Baik, ada tinggal satu tuan yang bernama Turut-Hukum ; terlalu cherdek itu orang, dan dia sudah dapat nama yang baik, dan dia pandai lipaskan orang yang seperti angkau ini deri-pada angkau punya pikulan. Dia suka klakuan baik lbeh deri-pada pintu yang smpit. Sahya tahu dia sudah tolong banyak orang bgitu ; dan lagi dia boleh sumbohkan orang yang sudah hilang sdikit akal-nya sbab pikulan-nya terlalu brat. Skarang ini juga angkau boleh jumpa sama dia. Rumah-nya ta’sampai satu batu deri sini, dan kalau dia sudah kluar, ada satu orang anak-nya yang bernama Chakap-Manis, yang sama pandai tolong orang. Di sana tntu angkau boleh dapat snaig deri-pada angkau punya pikulan. Dan kalau angkau ta’mau pulaig di negri di mana angkau tinggal dhulu, boleh panggil anak-bini angkau datang di sana ; dan sahya fikir lbeh baik angkau pindah di sana, kerna ada rumah kosong yang angkau boleh dapat sewa murah, dan di situ boleh dapat makanan yang baik dan murah ; dan orang dalam itu kampung orang hati btul, sbab itu angkau boleh tinggal di situ dngan snaig, dan boleh dapat nama yang baik.”

Bila si Kristian digar bgitu dia fikir, “ Kalau btul sperti ini tuan sudah chakap, lbeh baik sahya ikut dia punya ajaran. Kmdian dia chakap bgini :

“ Tuan, jalan yang mana boleh pergi di rumah orang yang tuan bilang tadi ?”

“ Boleh-kah angkau tergok itu gunong yang tinggi ?”

“ Nampak juga.”

"Angkau mstil lalu dkat itu gunong, dan rumah yang mula-mula itu-lah dia punya."

Kmdian si Kristian balek deri jalan-nya mau pergi di rumah si Turut-Hukum, spaya dia chari satu perto-longan ; ttapi bila dia sudah sampai dkat itu gunong, dia takot mau jalan lagi, sbab itu gunong terlalu tinggi, dan itu batu gunong chondong di atas itu jalan, sperti mau roboh rupa-nya ; sbab itu dia berdiri sahaja, takot itu batu gunong nanti timpa atas kpala-nya ; kmdian dia ta'tahu apa mau buat. Dan lagi pikulan-nya rasa lbeh brat deri-pada dhulu kutika dia ikut jalan yang tuju pintu. Lagi ada api myala kluar deri itu gunong,* sampai dia takot diri-nya haengus, dan dia mngglitar sbab takot, dan kluar ploh smoa badan-nya. †

Keluor orang Kristian digar chakap orang dunia,
Dan mlarat deri jalan, tntu kna bahya.
Tuan Pandai-Chari-Dunia t'ada kuasa slamatkan,
Dia tunjok jalan susah, jalan kbinasa'an.

Kmdian mysal-lah si Kristian sbab dia sudah turut sperti pigajaran si Pandai-Chari-Dunia. Dan itu waktu juga dia tengok Guru Injil datang ; dan dia rasa dalam diri-nya banyak malu. Bila Guru Injil datang dkat, dia intai sama si Kristian dgan rupa muka-nya terlalu kras, kmdian dia mula'i berchakap samā dia bgini :

"Hei Kristian, apa argkau buat di sini ?"

Ttapi si Kristian ta'tahu apa mau jawab, sbab itu dia diain sahaja.

Bharu Guru Injil kata pula, "Bukan-kah argkau ini yang sahya dapat dgan mnaigis dkat negri Kbinasa'an?"

"Ya, tuan, sahya btul itu orang."

* Kluaran 19 : 16, 18.

† Ibrani 12 : 21.

“ Bukan-kah sahya tunjokkan jalan sampai pintu yang kecil ? ”

“ Btul, tuan,” si Kristian kata.

“ Kalau bgitu, bgimana aigkau sudah balek lain sempang deri-pada itu jalan bgitu lkas ? Teengok, skaraang aigkau tidak ikut itu jalan.”

“ Bila sahya bharu lpas deri paya Tawar-Hati, sahya sudah jumpa satu tuan yang kata sama sahya, kalau sahya pergi di kampung yang di dpan itu sahya boleh dapat satu orang yang tahu hilangkan ini pikulan yang sahya ada pikul.”

“ Apa macham itu oraig ? ”

“ Dia punya rupa sperti satu tuan bsar. Dia sudah chakap banyak sama sahya, sampai sahya ikut sperti dia punya pigajaran, dan dataig di sini. Ttapi bila sahya teengok ini gunoig yang chondong sampai bergantong di atas ini jalan, sahya ta'mau jalan lagi, takot ini batu nanti timpa di atas sahya punya kpala.”

“ Apa itu tuan kata sama aigkau ? ”

“ Dia tanya di mana sahya mau pergi, dan sahya sudah bilang.”

“ Kmdian apa dia kata ? ”

“ Dia tanya kalau sahya ada anak-bini, dan sahya jawab ada, ttapi sbab kna ini pikulan yang brat sahya ta'boleh iugat fasal dia sperti dhulu.”

“ Habis, apa dia kata ? ”

“ Dia suroh sahya lkas lpaskan diri sahya deri-pada ini pikulan, dan sahya jawab, btul sahya ada chari snang, sbab itu sahya jalan mau tuju itu pintu spaya di situ sahya boleh dapat tahu mana jalan di

tmpat sahya boleh dapat lpas. Kmdian dia kata dia boleh tunjokkan jalan yang lbeh baik lagi, dan tidak brapa jauh, dan itu jalan ada kuraig susah deri-pada jalan yang pergi di pintu yang tuan sudah tunjokkan sama sahya ; dan ini jalan, dia kata, nanti bawa di rumah orang yang tahu lpaskan orang deri-pada pikulan-nya. Dan sahya sudah perchaya, dan ikut ini lain sempang spaya dapat lpas deri-pada pikulan sahya dgan chpat; ttapi bila sahya sampai di sini, dan tergok apa macham ini jalan, sahya berhenti sbab takot ini bahya; ttapi skarang sahya ta'tahu apa mau buat."

" Kalau bgitu," Guru Injil kata, " baik angkau berdiri s-kjap, dan sahya mau tunjokkan sama angkau perkata'an Allah."

Dan si Kristian berdiri dgan mugglitar.

Kmdian Guru Injil kata, " Iigat baik-baik, jaigan angkau tolak sama dia yang berchakap. Kerna jikalau orang yang tolak dia'itu yang berkata di bumi t'ada lpaskan diri-nya, terlbih pula kita yang palingkan muka deri-pada dia'itu yang berkata deri shorga."* Dan lagi kata-nya, " Ttapi oraig yang bnar di dpan sahya nanti dapat hidop oleh perchaya ; dan jikalau dia undor, jiwa sahya t'ada berknan sama dia."† Kmdian Guru Injil artikan itu perkata'an Injil bgini, " Angkau-lah yang sudah masok ini chlaka, kerna angkau sudah mula'i mau tolak pigajaran Allah, dan sudah undor deri-pada jalan slamat, sampai hampir-hampir angkau binasa."

Kmdian si Kristian jatoh dpan Guru Injil sperti dia nanti mati, serta bertriak, " Susah-lah sahya punya hal,

* Ibrani 12 : 25.

† Ibrani 10 : 38.

kerna tntu sahya nanti binasa."

Ttapi Guru Injil pegaing taigan kanan-nya serta berkata, "Smoa dosa oraig dan hujat-nya pun nanti di-ampunkan.* Jangan-lah angkau kurang iman, mlainkan perchaya-lah."†

Bila dia digar bgitu, bharu si Kristian baik sdikit, serta dia bangun, dan miggitar sperti dhulu dpan Guru Injil.

Dan Guru Injil kata, "Ingat baik-baik perkata'an sahya, kerna sahya mau kasi tahu siapa-kah itu oraig yang sudah tipu angkau, dan s'ima siapa dia suroh angkau pergi. Itu orang yang angkau sudah jumpa bernama Pandai-Chari-Dunia, dan patut dia dapat itu nama, kerna dia turut pigajaran oraig dunia ini‡ (sbab itu dia slalu pergi simbahyang di negri Klakuan Baik), dan lagi dia lbeh suka itu pigajaran spaya jaungan dia kna aniaya sbab perchaya salib Almaseh. § Sbab hati-nya suka fasal dunia, dia slalu mau lawan sahya punya pigajaran. Dalam dia punya pigajaran ada tiga perkara yang patut angkau bnchi skali, ia'itu :

1. Dia sudah ssatkan angkau deri-pada jalan yang bnar.
2. Dia sudah chakap macham-macham spaya angkau pun ta'suka salib Almaseh.
3. Dia sudah ajak angkau ikut jalan yang bawa k-pada kbinasa'an.

Mula-mula patut angkau bnchi pigajaran-nya yang sudah ssatkan angkau deri-pada jalan yang bnar, dan

* Matius 12 : 31.

† Yahya 4 : 5.

† Yahya 20 : 27.

§ Galatia 6 : 12.

patut angkau marah dalam diri sendiri sebab angkau sudah turut itu pengajaran; kerna angkau buat begitu angkau sudah tolakkan kahandak Allah mau turut kahandak orang yang chari dunia. Tuhan Allah kata, ‘Patut angkau jadi rajin coba masuk pintu yang sempit,’* ia’itu pintu yang sahaja sudah tunjukkan, ‘Kerna pintu-nya sempit yang membawa orang masuk hidup, dan sedikit sahaja orang yang mendapat itu pintu.’† Itu orang yang jahat sudah balekkan angkau dari-pada pintu yang kecil dan dari-pada jalan yang bawa di sana, sampai angkau hampir kna binasa. Sebab itu patut angkau benci pengajaran-nya yang sudah balekkan angkau dari-pada jalan yang benar, dan patut angkau marah dalam diri sendiri sebab angkau sudah turut pengajaran-nya.

“Kdua. Patut angkau benci perkataan-nya yang dia sudah chakap spaya angkau tasuka salib Almaseh, kerna patut angkau suka itu salib ‘lbeh dari-pada segala kaya’an Masir.’‡ Dan lagi itu Raja yang mulia sudah berkata, ‘Barang-siapa yang mau pliharkan nyawa-nya, dia nanti hilaang nyawa.’§ Dan lagi, ‘Jikalau orang datang sama sahaja dengan tanda benci bapa-nya sendiri, dan mak-nya, dan bini-nya, dan anak-anak-nya yang jantan dan perempuan, dan nyawa-nya sendiri pun, dia ta’boleh menjadi sahaja puja murid.’|| Sebab itu angkau mesti benci pengajaran orang yang suruh angkau undur dari-pada salib sebab takut mati, kerna- Kitab Allah kata angkau ta’boleh dapat hidup yang kkal mlainkan oleh itu salib.

* Lukas 13 : 24.

† Matius 7 : 13, 14.

‡ Ibrani 11 : 25, 26.

§ Lukas 9 : 24.

|| Markus 8 : 35 ; Yahya 12 : 25 ; Matius 10 : 30 ; Lukas 14 : 26.

"Ktiga. Patut angkau bnchi pigajaran-nya yang sudah ajak angkau ikut jalan kbinasa'an ; kerna angkau msti ingat apa macham orang dia suroh angkau pergi chari, ia'itu orang yang t'ada kuasa lpaskan angkau deri-pada angkau punya pikulan. Itu orang nama-nya Turut-Hukum, anak hamba prempuan, yang sampai skaraang mnjadi hamba sama anak-anak-nya,* ia'itu dalam- satu ruhsia arti-nya Gunong Tur Sina (Mount Sinai), yang angkau takot nanti roboh dan nanti timpa angkau punya kpala. Ttapi kalau itu prempuan digan anak-anak-nya smoa jadi hamba, bgimana-kah itu oraig boleh lpaskan angkau ? Sbab itu si Turut-Hukum ta'boleh lpaskan angkau deri-pada angkau punya pikulan. Dia blum pernah lpaskan satu oraig pun deri-pada pikulan-nya, dan sampai s-lama-lama-nya dia ta'boleh buat bgitu ; oraig ta'boleh di-bnarkan sbab turut hukum taurit, kerna jikalau oraig buat sperti itu hukum, pikulan-nya ta'boleh juga hilang. Sbab itu si Pandai-Chari-Dunia t'ada bhagian dalam ini perkara, dan si Turut Hukum satu orang pnipu, dan anak-nya Chakap-Manis pandai buat diri-nya baik, kerna hati-nya busok, dan dia ta'boleh tolong oraig. Ingat baik-baik, itu oraig bodoh smoa-nya banyak bising, ttapi kerja-nya mau tarek oraig deri-pada itu jalan slamat yang sahya sudah tunjokkan."

Kmdian Guru Injil bertriak minta tanda deri langit yang boleh bnarkan perkata'an-nya tadi. Bharu terkluar satu suara deri gunong di mana si Kristian berdiri, dan api pun kluar, sampai si Kristian jadi banyak takot. Dan itu suara kata bgini, "S-brapa orang yang harap mau

* Galatia 4 : 21-27.

turut hukum taurit, dia-lah kna l'anat, kerna sudah tersurat, 'Terl'anat-lah tiap-tiap orang yang t'ada ttap dalam smoa perkara yaig tersurat dalam kitab taurit spaya dia buat bgitu.' " *

Si Kristian fikir dia tntu mst'i mati, dan dia mnangis terlampon banyak, digan mnyal sbab dia sudah berjumpa digan si Pandai-Chari-Dunia, dan lagi dia banyak malu sbab dia sudah ikut sperti itu pigajaran yang datang deri-pada nafsu dunia. Kmdian dia tanya lagi sama Guru Injil, kata-nya :

"Apa tuan fikir, boleh-kah sahya harap lagi mau dapat slamat? dan boleh-kah sahya balek pergi di pintu yang smpit? Barangkali sbab ini perkara sahya nanti kna tolak deri itu pintu dan di-suroh pulang digan malu. Sahya banyak mnyal sbab sahya sudah ikut itu oraig punya bichara, ttapi boleh-kah dosa sahya di-ampunkan?"

"Bsar skali angkau punya dosa," Guru Injil kata, "kerna angkau sudah buat dua salah, angkau sudah tinggalkan jalan yang baik, dan angkau sudah masok tmpat yang di-larangkan; ttapi itu pnuiggu pintu mau trima juga, kerna dia banyak sayang oraig. Ttapi jaga baik-baik, jangan angkau balek deri-pada itu jalan lagi skali, kerna barangkali angkau nanti binasa kalau angkau tinggalkan jalan, bila Tuhan Allah sudah naik marah kalau sdikit sahaja." †

* Galatia 3 : 10.

† Mazmur 2 : 12.

FASAL 4.

DERI-HAL SI KRISTIAN MASOK PINTU.

Bila Guru Injil sudah habis chakap, si Kristian balek kmbali di jalan yang tuju pintu yang smpit; bharu Guru Injil kasi tabek sama dia dngan tersnyum, dan minta Tuhan Allah berkatkan dia. Kmdian si Kristian berjalan lkas, dngan t'ada chakap sama satu orang pun; dan kalau orang tanya apa-apa, dia skali-kali ta'mau jawab. Dia puya laku sperti orang yang berjalan pada tmpat laraigan, dan hati-ya t'ada snaig sampai dia dapat jalan yang btul yang dia sudah tinggalkan dhulu. T'ada brapa la'na lagi si Kristian sampai-lah dkat itu pintu. Di atas itu pintu ada tersurat bgini: "Ktok-lah, dan pintu nanti di-buka."* Bila si Kristian sudah ktok dua tiga kali, bharu datang satu orang tua yang bernama Suka-Tolong, dan dia tanya, "Siapa itu, dan deri-mana angkau dataig, dan apa angkau chari ? "

"Sahya ini satu orang berdosa," si Kristian kata, "dan sahya ada pikul satu pikulan yang brat; sahya datang deri negri Kbinasa'an; ttapi sahya mau pergi di gunong Sion, spaya sahya boleh dapat !pas deri-pada marah yang nanti dataing. Sahya sudah digar kha-bar, kalau mau sampai di sana orang mstti masok ini pintu dhulu, sbab itu sahya minta tuan kasi sahya masok."

Orang yang susah hati
sbab dosa-nya boleh masok itu pintu.

"Sahya banyak suka buka pintu," si Suka-Tolong kata; dan dia lkas buka

* Matius 7 7

Bila si Kristian mau masok, si Suka-Tolong pegaig taigan-nya dan tarek dia masok.

"Apa sbab angkau buat bgitu?" si Kristian tanya.



SI KRISTIAN SAMPAI DI PINTU YANG SMPIT.

Dan dia jawab, "T'ada brapa jauh deri sini ada
Shaitan ta'msu orang ma- satu kota yang kuat; dan yang jadi kpala
sok pintu yang smpit. kota naina-nya Ba'al-zbul. Dan Ba'al-
zbul digan smoa orang-nya slalu tembak deri situ sama

smoa orang yang mau masok ini pintu, spaya dia bunoh itu orang s-blum dia masok kalau boleh."

" Kalau bgitu," si Kristian kata, " sahya bersuka serta digan miggitar."

Bila si Kristian sudah masok, itu punnggu pintu tanya sama dia siapa sudah tunjokkan itu jalan.

Dan dia jawab, " Guru Injil suroh sahya dataang di sini, dan ktko pintu; dan dia kata tuan boleh bilang apa lagi yang patut sahya buat."

" Ada satu pintu terbuka di dpan angkau, dan satu orang pun ta'boleh tutop." *

" Skaraing bharu sahya dapat untong deri-pada ksusanhan yang sahya sudah rasa," si Kristian kata.

" Ttapi bgimana pula angkau dataang s'orang-s'orang?" itu punnggu tanya.

Sahya punya kawan blum tahu fasal chlaka yang nanti dataang, sperti sahya ini sudah tahu."

" Ada-kah itu orang tahu angkau mau dataang di sini?" itu punnggu pintu kata.

" Anak-bini sahya sudah teigok, dan paiggil sahya balek; dan ada juga bbrapa orang kawan yang berdiri mmaiggil, ttapi sahya sumbatkan kuping digan jari dan berjalan."

" Ttapi t'ada-kah itu orang ikut dan ajak angkau pulang?"

" Ada juga dua orang bernama Lntor dan Dgil; ttapi sbab sahya ta'mau balek, si Dgil pulaang digan maki sama sahya, ttapi si Lntor sudah ikut sama sahya sparoh jalan."

* Kiyata'an 3 : 8.

"Knapa dia tidak ikut sampai di sini?" itu punuggu pintu tanya.

"Kita sudah berjalan sama-sama sampai kita dataang dkat tanah paya yang bernama Tawar-Hati; di sana kita dua-dua jatoh dalam lumpur. Sbab itu si Lntor tada brani timpoh lagi, dan dia kluar deri itu paya dkat jalan yang tuju rumah-nya sndiri, dan dia kata sahya boleh berjalan s'orang-s'orang mnchari itu negri yang bagus. Sbab itu dia sudah pulang mgikut si Dgil, dan sahya dataang masok ini pintu."

Si Suka-Toloig jawab, "Kasehan itu orang! dia tidak tahu brapa indah kmulia'an shorga, sbab itu dia tidak brani kna susah sdikit spaya dapat itu kmulia'an."

"Sahya sudah chakap btul fasal si Lntor," si Kristian kata, "ttapi kalau sahya sudah chritakan smoa hal diri sahya, tuan tntu boleh tahu yang sahya ini sama jahat. Dia sudah pulang di rumah-nya, ttapi sahya sudah pergi lain sempang ikut jalan kbinasa'an, sbab kna pujok oleh tuan Pandai-Chari-Dunia."

"Hei, dia sudah jumpa sama aigkau! dan dia suroh aigkau chari snraig deri-pada tuan Turut-Hukum? Itu orang dua-dua pnipu. Ttapi sudah-kah aigkau turut dia puya ajaran?"

"Sahya sudah ikut," si Kristian kata, "sampai sahya tidak brani jalan lagi. Sahya sudah pergi chari rumah si Turut-Hukum, ttapi itu gunong yang dkat rumah-nya rupa-nya mau timpa kpala sahya, sbab itu sahya berhenti."

Itu punuggu pintu jawab, "Banyak orang sudah mati sbab itu gunong, dan banyak orang lagi nanti mati

di situ; baik juga angkau tidak kna hanchor oleh itu batu gunong."

Si Kristian kata, "Sahya ta'tahu bgimana sahya boleh dapat lpas deri situ, kalau t'ada Guru Injil jumpa sama sahya lagi skali, kutika sahya lagi berfikir-fikir digan terlalu susah hati; ttapi digan Tuhan Allah punya kasehan, Guru Injil sudah dataig di sana; kalau tidak, tntu sahya ta'boleh sampai di sini. Btul sahya sudah dapat banyak kasehan deri-pada Allah yang sahya boleh dapat masok ini pintu."

"Kita tidak larangkan oraig masok, mski-pun orang yang sudah buat dosa bsar, skali-kali t'ada kita buangkan dia kluar.* Sbab itu baik angkau ikut sama sahya, hei Kristian, spaya sahya boleh ajar sdikit deri-hal jalan yang patut angkau turut. Tengok dpan sana; boleh-kah angkau lihat itu jalan yang smpit? Itu-lah jalan yang patut angkau mstti turut. Smoa orang hati btul yang dhulu kala, dan nabi-nabi, dan Isa Almaseh digan murid-murid-nya sudah buat itu jalan. Itu jalan ada lurus skali, sampai orang ta'boleh btulkan lagi. Angkau mstti ikut itu jalan."

"Ttapi bukan-kah itu jalan ada sempang di manama atau berkok? barangkali orang yang blum biasa boleh ssat deri-pada itu jalan," si Kristian kata.

"Ada juga banyak sempang yang jalan lain-lain, ttapi smoa-nya berkok dan lapug; itu macham angkau boleh knal jalan yang bnar, kerna ini jalan smpit dan lurus." †

* Yahya 6 : 37.

† Matius 7 : 14.

Kmdian si Kristian tanya sama si Suka-Tolong kalau dia boleh turunkan pikulan-nya deri blakaing-nya, kerna si Kristian pnat sbab skali-kali dia ta'boleh lpaskan diri-nya pikulan-nya. deri-pada itu pikulan kalau t'ada lain orang tololg.

Si Suka-Tolong jawab, "Aengkau msti pikul juga itu Chuma knutian Isa saha-ja boleh lpaskan kita deri pikulan digan sabar, sampai aengkau dataig di tmpat yang aengkau boleh dapat lpas, kerna di situ aengkau punya pikulan nanti jatoh digan sndiri-nya."

Kmdian bharu si Kristian ikat tali piuggang-nya, dan sdiakan diri-nya mau berjalan.

Dan si Suka-Tolong kata, "Bila aengkan sudah berjalan jauh sdikit, aengkau nanti sampai di rumah si Buka-Ruhsia, dan aengkau msti ktok pintu, kmdian itu tuan nanti tunjokkan banyak perkara yaig indah-indah."

Habis itu, si Kristian kasi tabek sama si Suka-Tolong, dan dia minta berkat Allah atas si Kristian.

Bharu si Kristian berjalan, dan dia sampai di rumah si Baka-Ruhsia, dan dia ktok itu pintu ada bbrapa kali. Lagi s-kjap orang dataig buka pintu dan tanya, "Siapa itu ?"

Si Kristian jawab, "Sahya ini satu orang yang pergi berjalan. Ada satu orang yang knal sama ini rumah punya tuan sudah bilaing kalau sahya singgah sini sahya boleh dapat untong. Sbab itu sahya mau chakap sama tuan rumah ini."

Bharu itu orang panggil tuan rumah, dan bila dia dataig, dia tanya sama si Kristian apa dia mau.

Si Kristian jawab, "Sahya sudah dataig deri negri

Kbinasa'an, dan sahya mau pergi di gunong Sion. Dan itu pununggu pintu yang kasi masok ini jalan sudah bilaang sama sahya, tuan boleh tunjokkan banyak perkara yang indah-indah yang boleh tolong sama sahya dalam ini perjalanan."



SI BUKA-RUHSIA PUNYA RUMAH.

Si Buka-Ruhsia kata, "Mari angkau masok, spaya sahya boleh tunjokkan perkara-perkara yang berguna sama aingkau."

FASAL 5.

SI KRISTIAN DI RUMAH SI BUKA-RUHSIA.

Si Buka Ruhsia suroh orang pasang plita, dan dia Buka-Ruhsia trang kan si panggil si Kristian, dan suroh dia ikut Kristian punya hati. masok dalam bielek, dan suroh orang-nya buka pintu. Kmdian si Kristian tengok satu gambar orang, rupa-nya bgini : Itu orang tngadah k-langit, dan dia pegang Kitab Allah di tangan-nya, dan perkata'an yang bnar ada tersurat di bibir-nya, dan dunia ini ada di blakang-nya ; itu orang punya rupa sperti dia mau pujok orang spaya dia-orang boleh buat baik, dan ada satu makota 'mas bergantong dkat kpala-nya.

Si Kristian kata, "Apa arti-nya ini gambar ? "

Dan si Buka-Ruhsia jawab, "Dalam s-ribu orang kita boleh dapat satu sahaja yang sama baik sperti orang yang dalam ini gambar. Dia boleh dapat anak, dan dia rasa seksa sperti beranakkan dia, dan bila itu anak sudah jadi dia piarakannya itu anak. * Dan arti-nya itu orang tngadah k-langit dan pegang Kitab Allah dan ada perkata'an yang bnar tersurat di bibir-nya, ia'itu pkerja'an-nya chari ruhsia dan nyatakan dia sama orang berdosa, sperti angkau sudah tengok rupa-nya dia mau pujok orang spaya dia-orang boleh buat baik ; dan arti-nya ini dunia ada di blakang-nya dan makota bergantong dkat kpala-nya, ia'itu dia tidak pdulikan perkara dunia, sbab dia banyak suka bikin kerja Tuhan Allah, dan tntu dalam akhirat dia nanti dapat kmulia'an mnjadi balasan-nya. Sahya sudah

* 1 Korintus 4 : 15 ; Galatia 4 : 19.

tunjokkan ini gambar dhulu, kerna orang yang dalam ini gambar dia sahaja yang sudah dapat kuasa deri-pada Tuhan Allah spaya dia boleh pimpin angkau di mana-mana tmpat yang susah yang angkau nanti jumpa. Sbab itu ingat baik-baik perkata'an sahya ini, dan smoa perkara yang angkau sudah tengok dalam ini gambar, spaya jangan angkau ssat deri-pada jalan sbab pengajaran orang yang migaku diri-nya pengajar yang baik, ttapi jalan-nya mmbawa orang turun k-pa la kmatian."

Kmdian si Buka-Ruhsia pimpin taigan si Kristian, dan bawa dia masok bilek bsar yang pnoh habok, kerna t'ada pernah orang sapu di situ. Bila dia sudah tergok s-kjap, dia panggil orang sapu, dan itu habok terbang sampai si Kristian hampir-hampir lmas oleh itu habok. Kmdian si Buka-Ruhsia panggil satu orang anak prepuan dan suruh dia rnjis ayer. Bila dia sudah buat bgitu, snaing sahaja orang sapu itu bilek.

"Apa arti-nya ini perkara?" si Kristian kata.

Si Buka-Ruhsia jawab, "Ini bilek arti-nya hati orang yang blum di-suchikan oleh anugrah injil, dan itu habok arti-nya dosa yang sudah turun deri Adam moyang kita,* dan smoa kotor yang di dalam hati manusia yang sudah najiskan dia punya hati sndiri. Dan orang yang sudah sapu dhulu, ia'itu Hukum Taurit; dan prepuan yang rnjis ayer, ia'itu Injil. Dan arti-nya orang yang mula-mula sapu yang terbaikkan habok sampai itu bilek ta'boleh berseh dan angkau hampir-hampir lmas, ia'itu nyatakan taurit ta'boleh bersehkan hati orang deri-pada

* Rom 5 : 12.

dosa, mlainkan baungkitkan * dan kuatkan itu dosa † sampai bertambah-tambah dosa di dalam hati, ‡ sbab taurit larangkan dosa, dan dosa jadi lbeh nyata, ttapi itu taurit ta'boleh hilangkan dosa. Dan lagi itu prempuan yang rnjis ayer sampai itu bilek boleh di-sapu dgan snaang, arti-nya bila injil masok hati orang dgan kuasa-nya yang sdap dan indah-indah, pada itu waktu sperti habok ta' boleh terbaung lagi, bgitu juga dosa pun kalah dan hilaung, dan jiwa orang pun di-bersehkan sbab perchaya, dan mnjadi satu tmpat yang patut Raja yang mulia tinggal." §



SABAR SAMA MARAH.

Kmdian si Buka-Ruhsia bawa si Kristian masok dalam bilek yang kchil. Di situ ada dua budak dudok dalam krosi. Budak yang bsar bernama Marah, dan yang muda bernama Sabar. Rupa-nya si Marah ta'boleh dapat snaang, ttapi si Sabar diam sahaja.

Si Kristian tanya, " Knapa si Marah ta'boleh snaang?"

* Rom 7 : 9. † 1 Korintus 15 : 56. ‡ Rom 5 : 20.

§ Yahya 15 : 3; Ifisus 5 : 26; Perbuatan Rasul 15 : 9; Rom 16 : 25, 26; Yahya 15 : 13.

Si Buka-Ruhsia jawab, "Sbab orang suroh si Marah nanti sampai lain tahun, bharu dia boleh dapat barang yang terlbeh baik; ttapi dia mau trima itu barang smoa-nya skarang juga. Ttapi si Sabar mau nanti."

Kmdian ada satu oraig dataig sama si Marah yang bawa satu kpok pnoh digan mata-bnda, dan tuaigkan itu mata-bnda dpan itu budak. Si Marah ambil itu mata-bnda digan baiyak suka hati, dan tertawakan si Sabar; ttapi t'ada brapa lama sahya tengok si Marah sudah boroskan smoa-nya, dan satu pun ta'tinggal sama dia lagi, mlainkan pakaian yang burok sahaja.

Si Kristian kata sama si Buka-Ruhsia, "Choba nyatakan ini perkara sama sahya lagi traig."

Dan dia jawab, "Ini dua budak jadi satu makna: Si Marah tandakan orang dunia ini, dan si Sabar tandakan orang yang ingat hari kmdian. Kerna sperti si Marah mau dapat smoa-nya pada ini tahun, arti-nya dalam ini dunia, bgitu juga orang dunia mau trima skarang ini smoa perkara yang dia fikir baik, dan ta'mau nanti sampai tahun bharu, arti-nya hari kmdian. Itu orang fikir perkara dunia lbéh indah deri-pada smoa berkat hari kmdian yang Tuhan Allah sudah janji. Ttapi sperti aigkau sudah tengok itu budak lkas boroskan mata-bnda-nya, bgitu juga nanti jadi sama smoa orang itu macham pada hari kiamat."

Si Kristian kata, "Skarang sudah banyak traig yang si Sabar lbéh budi-nya, mula mula sbab dia suka nantikan barang yang terlbeh baik, dan kdua sbab dia nanti dapat kmulia'an-nya pada waktu tinggal pakaian burok sahaja sama itu budak yang lain."

"Aingkau boleh tambah lagi satu perkara," si Buka-Ruhsia kata, "ia'itu kmulia'an hari kmdian ta'pernah habis, ttapi perkara dunia Iniyap digan s-kjap; sbab itu t'ada patut si Marah tertawakan si Sabar, sbab si Marah sudah trima dhulu; mlainkan patut si Sabar tertawakan si Marah, kerna si Sabar sudah trima kmdian. Yang dhulu mst有条件 undor spaya yang kmdian jadi ganti-nya, ttapi yang kmdian t'ada ganti-nya, sbab itu ta'usah dia undor skali-kali. Sbab itu barang-siapa yang dapat bhagian-nya dhulu, mnjadi ta'guna kalau dia t'ada smpat mau pakai bhagian-nya; ttapi orang yang dapat bhagian-nya kmdian boleh simpan sampai kkal. Sbab itu kita bacha dalam injil deri-hal satu orang kaya yang sudah mati, 'Kutika aingkau lagi hidop aingkau sudah habis trima perkara-perkara yang aingkau fikirkan baik, dan Lazarus pun bgitu juga sudah trima perkara yang jahat; ttapi skarang di sini dia dapat hibur, dan aingkau kna seksa.' " *

"Kalau bgitu," si Kristian kata, "lbeh baik jangan kita ingin perkara yang skarang ada, mlainkan baik kita nantikan perkara-perkara yang nanti datang."


"Btul," si Buka-Ruhsia kata, "kerna perkara-perkara yang kita boleh lihat s-kjap sahaja lama-nya, ttapi perkara-perkara yang kita ta'boleh nampak kkal juga. † Ttapi perkara dunia hampir sama sperti hawa-nafsu kita; lagi pun orang dunia fikir perkara yang nanti datang itu banyak jauh; sbab itu nafsu kita banyak suka perkara dunia, dan tidak pduli perkara yang nanti datang." ‡

* Lukas 16 : 25. † 2 Korintus 4 : 18.

‡ Rom 7 : 15-25.

Kmdian sahya tengok dalam itu mimpi, si Buka-Ruhsia pimpin tangan si Kristian dan bawa dia di tmpat ada api myala dkat pagar batu, dan di situ pun ada oraig slalu tuang ayer spaya itu api boleh padam, ttapi myala juga itu api, dan bertambah-tambah panas-nya.

Si Kristian kata, "Apa arti-nya ini?"



API YANG MNYALA SBAB MINYAK.

Dan si Buka-Ruhsia jawab, "Ini api arti-ya anugrah Allah di dalam hati orang yang perchaya; dan oraig yang tuangkan ayer mau padamkan itu api, ia'itu shaitan. Ttapi sahya mau tunjokkan sama angkau apa sbab itu api lagi myala dan bertambah-tambah galak-nya."

Kmdian dia bawa si Kristian di balek pagar batu, dan di sana dia tergok satu orang yang tuangkan minyak dalam itu api plan-plan.

"Apa arti-nya ini perkara ?" si Kristian tanya.

Dia jawab, "Ia'ini Almaseh, yang slalu kasi ini minyak, ia'itu anugrah-nya, spaya pkerja'an yang dia sudah mulaikan dalam hati manusia boleh jadi kkal. Sbab itu jiwa murid-murid-nya pnoh juga digan anugrah dan t'ada pdulikan kerja shaitan.* Dan arti-nya itu oraig yang miggalakkan api berdiri di balek pagar, ia'itu spaya angkau boleh tahu yang oraig yang kna pnchoba'an susah migerti bgimana itu anugrah jadi kkal di dalam jiwa-nya."

Kndian si Buka-Ruhsia pimpin tangan si Kristian lagi skali, dan bawa dia masok tmpat yang bagus skali dpan istana yang bsar. Si Kristian banyak suka tengok itu istana, dan dia tengok ada bbrapa orang berjalan-jalan di atas lapenh istana yang pakai pakaian 'mas. Si Kristian tanya kalau boleh masok. Si Buka-Ruhsia bawa dia dkat pintu istana, dan di sana dia tengok banyak orang lagi yang mau juga masok, ttapi t'ada brani. Dan t'ada brapa jauh deri itu pintu ada satu orang dudok dkat meja, dan di atas itu meja ada kalam (pen) dan tinta, spaya dia boleh tuliskan nama-nama oraig yang masok di situ. Dan di muka pintu dia tengok banyak orang yang pakai snjata, yang mau kasi luka siapa-siapa yang masok itu pintu. Si Kristian hairan bila dia tengok itu hal. Tada brapa lama ada satu orang datang dkat orang yang dudok di meja, dan dia kata digan brani, "Tuan boleh tulis nama sahya." Dan itu orang chabot pdang-nya dan pakai ktopong (kopiah-bsi) di kpala-nya, kndian dia lari mau masok itu pintu ; ttapi itu oraig yang

* 2 Korintus 12 : 9.

pakai snjata tadi smoa-nya chinchangkan dia kuat-kuat, mau bunoh sama dia. Ttapi itu oraig yang mau masok t'ada tawar hati, mlnainkan dia pun chinchang-miyinchang d'gan brani-nya. Bila dia sudah kna banyak luka, dan sudah lukakan pula banyak oraig yang mau tahankan dia,* trus juga itu orang masok di dalam istana. Kmdian smoa orang yang di atas istana miyanyi d'gan suara yang manis :

Mari masok, boleh trima
Berkat slamat yang mulia.

Kmdian itu oraig yang sudah masok dapat pakaian yang sama sperti orang-orang yang di dalam istana.

Si Kristian tersnyum serta berkata, " Btul-lah sahya tahu apa arti-nya ini perkara. Biar sahya pun lkas masok."

Ttapi si Buka-Ruhsia kata, " Nanti dhulu, ada lain perkara lagi yang sahya mau tunjokkan sama angkau, kmdian bharu angkau boleh berjalan."

Dan dia pimpin taigan si Kristian, dan bawa dia masok bilek yang glap skali. Dalam itu bilek ada satu orang dudok terkurong dalam saugkaran bsi. Itu oraig puiya rupa terlampon susah hati ; dia tundokkan kpala-nya, dan taigan-nya terlipat, dan dia mraong sperti mau pehah hati-nya.

"Apa arti-nya ini perkara?" si Kristian tanya.

Si Buka-Ruhsia suroh dia tanya sama itu orang sndiri.

Si Kristian kata, " Aingkau ini apa macham ?"

Dia jawab, " Sahya puiya hal bukan sperti dhulu."

" Dhulu apa macham ?" si Kristian kata.

* Matius 11 : 12 ; Perbuatan Rasul 14 : 22.

" Dhulu sahya migaku diri sahya orang yang perchaya, * dan orang lain pun perchaya sama sahya ; sahya rasa sahya punya diri ada berjalan menuju shorga, dan sahya suka juga pergi di sana."

" Ttapi skarang apa macham ? " si Kristian kata.

" Skarang sahya ini satu orang yang putus harap, dan itu putus harap jadi sahya punya kureogan, sperti ini saigkaran bsi. Skali-kali sahya ta'boleh kluar."

" Ttapi bgimana angkau jadi bgini ? " si Kristian kata.

" Sbab sahya ini t'ada lagi berjaga dan t'ada tahan-kan diri, dan sahya sudah ikut sperti sgala hawa-nafsu sahya, dan sahya sudah berdosa sbab buangkan traing yang dataung deri-pada Kitab, dan sudah berdosa sbab buangkan kasehan Allah, sampai sahya susahkan Roh Allah dan dia sudah undor; dan shaitan pun sahya sudah kasi masok, dan dia sudah dataung sama sahya; dan Allah sudah jadi marah sbab klakuan sahya, dan sudah tinggalkan sahya ; dan sahya sudah kraskan hati sahya sampai sahya ta'boleh bertaubat lagi."

Dan si Kristian tanya sama si Buka-Ruhsia, " Patut-kah orang putus harap itu macham ? "

" Lagi baik tanya sama dia, " si Buka-Ruhsia jawab.

Kmdian si Kristian tanya sama itu orang, " T'ada-kah angkau boleh harap yang angkau boleh dapat lpas deri-pada ini saigkaran putus harap ? "

" Skali-kali ta'boleh."

" Knapa tidak ? " si Kristian kata, " kerna Almaseh banyak kasehan."

* Lukas 8 : 18.

Dan dia jawab, " Sahya sndiri sudah salibkan itu Anak Allah lagi skali, * sahya t'ada indahkan dia, † dan t'ada indahkan kbnaran-nya ; dan darah-nya sahya sudah bilaangkan t'ada apa-apa, dan itu Roh yang kasi anugrah sahya sudah maki ; ‡ sbab itu perkara smoa sahya sudah jauhkan diri sahya deri-pada perjanjian Allah, dan t'ada tinggal lagi sama sahya chuma hukuman yang tntu, dan api yang nanti makan sahya, sbab sahya sudah lawan dngan Tuhan Allah."

Si Kristian tanya pula, " Apa sbab aigkau sudah bawa diri aigkau dalam ini hal ? "

" Sbab sahya suka chari smoa k'inginan dan ksuka'an dan k'untoigan dunia, dalam itu perkara smoa sahya dhulu harap boleh dapat banyak ksnaigan, ttapi skaraang smoa-nya gigit dan makan hati sahya sperti ulat di dalam diri sahya."

" Ttapi t'ada-kah aigkau boleh bertaubat skaraang dan berba lek deri-pada aigkau punya jalan ? " si Kristian kata.

" Allah sudah jauhkan taubat deri-pada sahya, dan Kitab Allah t'ada kasi sahya harap lagi yaig sahya boleh perchaya ; Tuhan Allah sndiri sudah tutopkan sahya dalam ini saengkaran bsi, dan smoa orang dalam ini dunia ta'boleh lpaskan sahya kluar. Ha ya, susah skali itu hari kmdian ; mana boleh sahya tahan smoa seksa yang sahya mstti tanggong pada hari kmdian ? "

Si Buka-Ruhsia kata sama si Kristian, " Patut angkau ingat baik-baik ini orang punya ksusahan, spaya slalu boleh laraangkan angkau jangan jadi bgini."

* Ibrani 6 : 6.

† Lukas 19 : 14.

‡ Ibrani 10 : 28, 29.

"Btul ini orang punya hal terlampon susah," si Kristian kata, "sahya minta tolong deri-pada Allah spaya sahya boleh berjaga dan tahankan diri, serta berdo'a, spaya sahya boleh jauhkan diri sahya deri-pada smoa perkara yang sudah kasi chlaka sama ini orang. Ttapi bukan-kah patut sahya berjalan skarang?"

"Nanti dhulu," si Buka-Ruhsia kata, "sampai sahya sudah tunjokkan lagi satu perkara, bharu angkau boleh berjalan."

Dan dia pimpin si Kristian punya tangan lagi skali, dan bawa dia dalam satu bilek ; di sana dia tengok satu orang yang bharu bangun deri tmpat tidor-nya dan ada pakai pakaian-nya, dan itu waktu dia mngglitar terlampon kras.

"Knapa itu orang mngglitar bgini ?" si Kristian tanya.

Si Buka-Ruhsia suroh itu orang kasi tahu sama si Kristian apa sbab dia mngglitar bgitu.

Dia kata, "Malam tadi sahya sudah bermimpi, dan dalam itu mimpi sahya sudah tengok langit banyak rdop, dan turun ribot, guntor, ptir yang hairan skali, sampai sahya banyak takot; bila sahya tigadah sahya tengok awan-awan berlari terlampon dras, dan sahya dngar bnyi trumpet yang iwareng skali; dan sahya sudah tengok satu orang yang dudok di atas awan, dan berribu-ribu mla'ikat ada sama-sama dia, smoa-nya miyala sperti api, dan langit pun miyala juga. Kmdian sahya dngar suara yang berkata, 'Bangkit-lah, hei sgala orang mati, mari-lah angkau sbab Tuhan Allah mau bicharakan augkau ;' kmdian smoa batu gunong ter-

blah, dan kubur-kubur pun terbuka, dan orang-orang mati pun terkluar deri kubur. Sparoh orang mati banyak suka hati, dan dia tingadah k-langit; ttapi sparoh-nya choba smbunyikan diri-nya di bawah batu gunoing. Kmdian sahya sudah tengok orang yang dudok di atas itu awan mmbuka Kitab, dan dia suruh smoa orang dunia datang dkat. Ttapi sbab nyala api yang kluar deri dpan-nya, itu orang yang di dunia ada jauh sdikit deri-pada-nya, sperti hakim pun jauh sdikit deri-pada orang-orang salah dalam satu tmpat bichara.* Dan lagi sahya digar suara orang yang suruh sgala mla'ikat kumpolkan lalaung dan skam gindom, dan buangkan di dalam tasek yang berapi.† S-bntaran itu terbuka-lah lobang yang ta'boleh orang duga dalam-nya, btul di tmpat sahya ada berdiri, dan deri-pada itu mulut lobang kluar asap terlalu banyak, dan bara api, dan bunyi yang kasi orang takot. Dan itu mla'ikat dapat hukum pula bgini, 'Kumpolkanlah itu gandom dalam sahya punya gudaq.'‡ Dan sahya tengok ada bbrapa banyak orang terangkat naik di atas awan-awan; ttapi sahya sudah tertinggal.§ Kmdian sahya choba smbunyikan diri sahya, ttapi ta'boleh, kerna orang yang dudok di atas itu awan tengokkan sahya trus skali, dan sahya teringat sahya punya dosa, dan hati sahya sndiri migaku sahya bersalah dalam bbrapa banyak perkara.|| Kmdian bharu sahya bangun deri-pada tidor."

* 1 Korintus 15; 1 Tessalonika 4: 16; Yahuda 15; Yahya 5: 28, 29;
 2 Tessalonika 1: 7-10; Kyata'an 20: 11-14; Yashaya 26: 21; Mika 7: 16, 17; Mazmur 50: 1-3; Malaki 3: 2, 3; Daniel 7: 9, 10.

† Matius 3: 12; 13: 30; 25: 30; Malaki 4: 1.

‡ Lukas 3: 27.

§ 1 Tessalonika 4: 16, 17.

|| Rom 2: 14, 15.

" Ttapi knapa angkau bgitu takot bila angkau tengok itu perkara smoa ? " si Kristian kata.

Dia jawab, " Sbab sahya fikir hari kiamat sudah sampai, dan sahya ini blum sdia ; ttapi sahya terlbeh takot sbab itu mla'ikat sudah kumpolkan banyak oraig, ttapi sahya sudah tertinggal, dan sbab itu lobang nraka sudah terbuka mulut-nya btul di tmpat sahya ada berdiri ; dan lagi sahya punya hati kasi banyak susah sama sahya, dan sahya fikir itu hakim slalu tengok btul k-pada sahya, dan rupa muka-nya terlalu marah."

Si Buka-Ruhsia tanya sama si Kristian, " Sudah-kah angkau perhatikan ini perkara smoa ? "

" Sudah juga," si Kristian kata, " dan sbab itu sahya rasa sparoh harap sparoh takot."


" Baik-lah," si Buka-Ruhsia kata, " simpan smoa-nya di dalam hati angkau, spaya mnjadi satu peringatan yang boleh tolong angkau berjalan kuat-kuat pada perjalanan angkau."

Kmdian si Kristian ikat tali pinggang-nya, dan mula'i berjalan.

Dan si Buka-Ruhsia kata, " Biar-lah itu Pribbur sama-sama angkau slalu, spaya dia boleh tunjokkan jalan yang mmbara di negri Sion."

Kmdian si Kristian berjalan drgan miyayi bgini :

Sini sahya sudah lihat
 Barang yang beruntong sangat,
 Boleh-lah ttapkan hati
 Kalau ingat dan mgerti ;
 Angkah-lah, hei Buka-Ruhsia,
 Sudah tunjok dngan nyata.
 Bagus-lah yang sahya nampak ;
 Trima kaseh banyak-banyak.



ITU PIKULAN HILANG DPAN SALIB.

FASAL 6.

DERI-HAL KAYU SALIB.

Dalam itu mimpi sahya teigok jalan yang bsar yang Kristian mau ikut ada pagar batu kiri kanan, dan naima itu pagar Slamat.* Si Kristian berlari-lah ikut itu jalan, ttapi susah juga dia berjalan, sbab dia punya pikulan ; dan dia lari bgitu sampai dia dataeng di tinpat itu jalan ada tinggi sdikit, dan di atas itu bukit ada terdiri satu kayu salib, dan di kaki bukit ada kubor. Dan dalam itu mimpi sahya tengok bila si Kristian sampai dkat itu salib, lpas-lah pikulan-nya deri blakang-nya dan jatoh k-tanah ; dan pikulan-nya berguling-guling sampai termasok di mulut kubur, dan Innyap, sahya t'ada teigok lagi.

* Yashaya 26 : 1.

Kmdian si Kristian rasa banyak ringan dan hati-nya banyak suka, dan dia kata, " Dia sudah kasi sahya ksnangan oleh dia punya ksusahan, dan hidop oleh kma-
 Bila kita dapat ampun tian-nya." Dia berdiri-lah s-kjap dan dosa, kita banyak suka
 hati. tengok itu salib, dan dia hairan sbab bila dia tengok itu salib dia boleh dapat ksnangan deri-pada pikulan-nya ; kmdian dia tengok satu dua kali lagi, sampai ayer-mata-nya mleleh di pipi-nya. * S-tigah dia tengok bgitu digan mnargis, ada tiga orang yang bersinar dataang kasi tabek sama dia. Satu orang kata, " Angkau punya dosa sudah di-ampunkan." † Dan yang kdua buka pakaian-nya yang burok, dan kasi sama dia pakaian yang bharu. ‡ Dan yang ktiga taroh satu tanda di atas dahi-nya, § dan kasi sama dia satu surat yang ada chap, dan dia suroh si Kristian tengok itu surat kutika dia berjalan, dan bila dia sampaikan pintu negri Sion dia sbab suka hati orang insti tunjokkan itu surat. Kmdian itu Kristian mau nyanyi tiga orang undor. Si Kristian berlompat tiga kali sbab suka hati-nya, dan berjalan digan myanyi bgini :

Sampai skaraeng susah hal-ku,
 Dosa-lah targorgan-ku ;
 Sini bharu hilang susah ;
 Lihat-lah salib itu.
 Bila sahya tergok salib
 Lkas jatoh pikulan,
 Putus tali yang migikat,
 Bharu-lah ksuka'an.
 Salib juga yang mulia,
 Tapi lbeh mulia
 Almaseh yang kna malu
 Mau lpaskan manusia.

* Zakaria 12 : 10. † Markus 2 : 5. ‡ Zakaria 3 : 4. § Ifisus 1 : 13.

Dalam itu mimpi sahya tengok si Kristian berjalan sampai dia datang di tmpat yang rndah, dan di situ dia tengok tiga orang llap tidor, yang terikat kaki-nya drgan rantai. Itu tiga orang bernama Bodoh, Malas dan Hati-Bsar. Bila dia tengok itu orang punya hal, si Kristian pergi rapat mau bargunkan dia deri-pada tidor-nya, serta



SI KRISTIAN DAPAT TIGA ORANG TERTIDOR.

bertriak, "Angkau smoa sperti orang yang tidor di hujong tiang,* kerna di bawah angkau ada laut kmatian yang ta'boleh orang duga dalam-nya ; sbab itu bangun-lah angkau, mari sama-sama, dan jikalau angkau mau, sahya boleh tolong bukakan itu rantai deri-pada angkau punya kaki ; kerna shaitan berjalan sana sini sperti harimau yang garang,† dan kalau dia dataig sini, tntu dia nanti makan angkau smoa."

* Perumpama'an 23 : 34.

† 1 Petrus 5 : 8,

Itu tiga orang tengok sama si Kristian ; dan si Bodoh Ta'guna kita pujok orang ^{kalau Allah blum buka} jawab, " Sahya tidak tengok apa-apa hati-nya. " Dan si Malas kata, " Biar-lah kita tidor lagi sdikit." Dan si Hati-Bsar jawab, " Masing-masing orang msti jaga diri-nya sndiri." Dan itu tiga orang berbaring dan tidor lagi. Tapi si Kristian berjalan-lah dungan susah hati-nya sbab fikir deri-hal itu tiga orang yang dalam itu bahya, yang ta'mau orang tolong sama dia atau lpaskan dia deri-pada rantai-nya.

Bila si Kristian lagi fikir deri-hal itu tiga orang, dia tengok dua orang yang sudah panjat pagar batu di sblah kiri, dan itu orang dua-dua turun dari pagar dan pergi berjumpa si Kristian. Satu orang bernama Turut-Aturan, dan yang lain bernama Pura-pura. Dia-orang dua-dua datang berchakap sama si Kristian.

Si Kristian tanya, " Deri-mana-kah tuan-tuan datang, dan di mana tuan mau pergi ? "

Si Turut-Aturan dan si Pura-pura jawab, " Kita peranakan di negri Sombong, dan kita mau pergi di negri Sion mau chari nama baik."

" Knapa arigkau t'ada masok ini jalan sblah pintu yang mula-mula ? " si Kristian kata. " Aigkau ta'tahu-kah ada tersurat dalam kitab, ' Orang yang t'ada masok di pintu, mlainkan panjat tmpat yang lain, dia-lah pn-churi dan piyamon ? ' " *

Si Turut-Aturan dan si Pura-pura jawab, " Smoa orang dalam negri kita fikir terlampon jauh skali kalau masok di pintu, sbab itu kita puya adat kita ambil ini

* Yahya 10 : 1.

jalan yang dkat, dan kita panjat pagar sperti aingkau tengok tadi."

"Ttapi jikalau orang ta'mau turut sperti kahandak Tuan yang punya tmpat kita mau pergi, bukan-kah mnjadi salah bsar?"

Dua-dua jawab, "Ta'usah aingkau pduli sama kita ; kerna kita ini turut sperti adat nenek-moyang kita ; sudah s-ribu tahun lbeh orang buat bgitu."

"Ttapi ada-kah aingkau punya adat mnurut sperti hukum Allah?"

Dia-orang jawab, "Jikalau adat yang orang sudah pakai s-ribu tahun lbeh punya lama, tntu hakim yang baik boleh trima juga sama sperti hukum. Dan lagi jikalau kita sudah masok ini jalan, tada pduli apa macham hal kita masok. Orang fikir smoa adat sm-banyak banyak berguna. Kalau sudah masok, sudah masok juga; aingkau btul sudah masok di pintu, ttapi aingkau sudah masok sahaja ; tada lbeh deri-pada itu. Dan kita pun yang sudah panjat ini pagar pun sudah masok juga ; bgimana-kah aingkau punya hal lbeh baik deri-pada kita?"

Si Kristian jawab, "Sahya ini berjalan mnurut hukum Tuan-ku; aingkau ini berjalan mnurut fikiran hati sndiri, dan aingkau memang di-sbot pnchuri oleh Tuan yang punya jalan. Sbab itu kalau aingkau sudah sampai pighabisan ini jalan, sahya fikir aingkau ta'boleh dapat nama orang bnar. Aingkau sudah masok sndiri sahaja digan t'ada mnurut itu Tuan punya ajaran, dan aingkau nanti kluar sndiri sahaja digan t'ada dapat kasehan deri-pada itu Tuan."

Dia-orang t'ada kasi jawab yang lain, chuma dia-orang kata, " Ingat-lah angkau punya diri sndiri."

Kmdian sahya teigok dalam mimpi itu tiga orang berjalan digan t'ada banyak chakap satu sama lain ; chuma itu dua orang kata sama si Kristian, kalau fasal hukum dan undang-undang sahaja dia-orang sndiri boleh ikut sama baik sperti si Kristian ; dan dia-orang kata, " Kalau bgitu; angkau ini t'ada lain deri-pada kita, mlainkan itu baju yang angkau pakai sahaja ; dan rupa-ya angkau punya kawan juga yang sudah kasi itu baju spaya tutop angkau punya badan."

" Oleh hukum-hukum dan undang-undang aigkau ta'boleh dapat slamat," si Kristian kata, " kerna aigkau t'ada masok di pintu.* Dan fasal ini baju yang sahya pakai, Tuan yang punya tmpat yang sahya mau pergi sudah kasi sama sahya, btul sperti angkau bilang, spaya mau tutopkan badan sahya. † Dan itu Tuan sudah kasi ini mnjadi tanda kasehan, kerna dhulu sahya ada pakai kain burok sahaja ; dan sahya punya hati dapat banyak hibur waktu sahya berjalan, kerna sahya ingat yang Tuan boleh knal sama sahya bila sahya sampai di pintu negri Sion sbab sahya ada pakai ini baju, yang dia sudah kasi perchuma saina sahya, bila dia sudah buka itu kain burok. Dan lagi ada satu tanda di atas dahi sahya, barangkali angkau blum tengok ; ada satu orang itu Tuan punya sobat sudah tarohkan itu tanda di dahi sahya kutika pikulan sahya sudah jatoh deri blakang sahya. Dan ada juga sama sahya satu surat

* Galatia 2 : 16.

† Yashaya 61 : 10.

yang ada chap, yang orang sudah kasi sama sahya mnjadi pribburan bila sahya bacha tingah jalan; dan orang suroh tunjokkan itu surat di pintu shorga, mnjadi tanda sahya tntu boleh masok. Sahya fikir barangkali itu perkara smoa t'ada sama aingkau, kerna aingkau t'ada dapat sbab t'ada masok di pintu."

Itu dua orang t'ada kasi jawab sama si Kristian fasal itu perkara, mlainkan dia-orang tengok satu sama lain, dan tertawa.

Smoa-nya berjalan juga, ttapi si Kristian berjalan dpan, dan t'ada berkata-kata lagi dgan dia-orang, chuma dia berchakap dgan diri-nya sndiri, kadaang-kadaang dgan tarek nafas panjang, dan kadang-kadaang dgan hati yang snang. Ada kali dia bacha dalam surat yang dia sudah trima deri-pada itu orang yang bersinar, dan hati-nya jadi sgar bila dia bacha bgitu.

FASAL 7.

SI KRISTIAN NAIK BUKIT SUSAH.

Kmdian sahya tengok itu tiga orang berjalan sampai dataang dkat kaki bukit Susah. Di situ ada prigi, dan dkat itu prigi dia punya jalan berchabaing tiga; satu jalan balek sblah kanan, dan satu jalan balek sblah kiri, ttapi itu jalan yang smpit mnuju trus di atas bukit yang bernama Susah. Si Kristian pergi dkat prigi mau minum ayer, * kmdian dia mula'i panjat itu bukit, serta berkata :

Sunggoh tinggi bukit Susah, tapi sahya suka naik ;
Jalan yang mmbawa hidop, kalau susah tntu baik.
Jargan sahya tawar hati, oraig brani yang mnaang ;
Jalan smpit tntu slamat; salah jalan yang snarg.

Itu dua oraig yang lain pun sampai di kaki bukit, ttapi bila dia tengok itu bukit tinggi dan churam, dan dia tergok pula ada dua jalan lagi, dia fikir barangkali itu dua jalan boleh bertemu lagi dgan jalan smpit yang si Kristian sudah ikut, sbab itu dia-orang dua-dua balek Kalau balek deri-pada jalan tntu binasa. deri-pada jalan yang btul. Itu lain-lain jalan, yang satu nama-nya Bahya, dan yang lain bernama Kbinasa'an. Satu orang ikut jalan Bahya, yang mmbawa dia masok hutan rimba yang bsar; dan lain orang ikut jalan Kbinasa'an, yang mmbawa dia di padaing yang lapaing, dan di tigah padaing ada gunong-gunong yang glap skali, dan di situ dia terantok kaki-nya dan jatoh, dan dia ta'boleh baingun lagi.

* Yashaya 49 : 10.



BUKIT SUSAH.

Kmdian sahya tengok si Kristian naik itu bukit : mula-mula dia lari, kmdian dia berjalan plan-plan, habis dia mraigkak dngan lutut-nya sbab itu tmpat churam. S-tengah dia berjalan naik itu bukit, ada satu pondok yang itu bukit punya Tuan sudah bikin kasi orang berhenti di situ kalau pnat. Bila dia sudah sampai di sana, si Kristian dudok mau snangkan diri-nya, dan dia ambil surat-nya deri dalam saku baju-nya, dan bacha spaya hati-nya boleh snang. Dan dia preksa pakaian yang dia sudah trima bila dia berdiri dkat salib. Dia sukakan hati-nya bgitu sampai dia mgantok dan tidor sampai llap, dan sbab tidor bgitu dia tinggal di sana sam-
Orang yang kurang jaga
kna rugi. pai ptang ; dan bila dia ada tidor, surat-nya terlpas deri-pada tangan-nya. Ttapi tengah si Kristian tidor, ada satu orang datang mau bangun-kan dia, dan kata, " Hei Piyegan, pergi-lah angkau blajar sama smut, dan perhatikan-lah klakuan-nya boleh dapat akal." * Si Kristian lkas bangun dan berjalan chpat, sampai dia datang di atas kmunchak bukit.

Bila dia sampai di sana, dia tengok dua orang berlari-lari datang berjumpa dngan dia; satu orang bernama Pnakot, dan satu orang Kuraang-Iman.

Si Kristian kata, "Hei tuan-tuan, apa buat ? angkau berjalan balek."

Si Pnakot jawab, "Kita dhulu berjalan pergi negri Sion, dan kita sudah naik ini tmpat yang susah ; ttapi ini jalan makin jauh makin susah dan makin bahya-nya, sbab itu kita sudah berbalek mau pulang."

* Perumpama'an 6: 6.

Si Kurang-Iman pula jawab, "Btul, kerna t'ada brapa jauh deri sini ada dua ekor harimau di tpi jalan,* 'ntah tidor-kah atau jaga kita ta'tahu ; kita fikir kalau kita rapat tntu itu harimau nanti terkam sama kita."

"Sahya pun takot sbab angkau kata bgitu," si Kristian kata, "ttapi di mana kita boleh lari spaya dapat slamat? Kalau sahya pulang di negri sndiri, tntu binasa di situ, kerna itu negri nanti kna hujan api dan blerang; ttapi kalau sahya boleh sampai di negri shorga, di sana tntu dapat slamat; sbab itu sahya mstilah choba tmpoh. Kalau balek tntu mati; kalau tmpoh takot mati, ttapi pighabisan-nya hidop Si Kristian ta'mau jadi takot. yang kkal. Sbab itu sahya mau tmpoh juga."

Kndian si Pnakot dan si Kurang-Iman lari-lah kmbali turun deri atas bukit, ttapi si Kristian berjalan juga di dpan. Dan bila dia fikir deri-hal orang itu punya perkata'an tadi, si Kristian slok saku baju-nya mau chari surat-nya spaya mau bacha dan dapat snang, ttapi ta'boleh dapat itu surat; sbab itu dia banyak susah hati, dan ta'tahu apa mau buat, kerna sudah hilang itu surat yang mnjadi pighiburan-nya dan yang boleh kasi dia masok di shorga. Bila dia berfikir lagi, dia ingat yang dia sudah tidor dalam pondok di tpi jalan ; dan dia berlutut minta ampun sbab kbodohan-nya dan dia balek kmbali mau chari itu surat. Ttapi siapa boleh tahu brapa susah si Kristian punya hati bila dia berjalan kmbali? Digan tarek nafas panjang dan mnaangis dia tgurkan diri-nya sndiri sbab dia bgitu bodoh sampai sudah tertidor dalam itu pondok,

* Perumpama'an 22 : 13.

yang bukan-nya tmpat yang patut orang tidor, mlainkan spaya orang berhentikan pnat-nya sahaja. Kmdian dia kmbali dgn itu macham hal, serta mnchari sana sini s-panjang jalan, kalau dia boleh dapat itu surat ; dan dia berjalan bgitu sampai dia tengok itu pondok tmpat dia sudah dudok dan migantok, dan hati-nya bertambah-tambah susah sbab ingat fasal ksalahan-nya. * Dan dia berjalan dgn mysal sbab dia sudah tertidor bgitu, serta berkata, "Hei chlaka sahya ini yang bertidor pada siang hari, dan bertidor tigah ini jalan yang susah, sampai sahya chari ksnaigan badan di tmpat yang ini bukit punya Tuan sudah bikin spaya orang-orang yang berjalan boleh dapat snraig dalam jiwa-nya. Brapa jauh sahya sudah berjalan dgn perchuma ! Bgitu juga hal orang Isa'el, kerna Allah suroh dia kmbali padajalan laut Kulzum (Red Sea) sbab dosa-nya. † Skaraeng dgn susah-hati sahya berjalan di tmpat yang patut sahya berjalan dgn suka hati kalau t'ada sahya berdosa dalam hal sahya tidor bgitu. Kalau t'ada sahya tidor bgitu, sampai skaraeng tntu sahya sadah berjalan banyak jauh. Skaraeng sahya msti berjalan tiga kali di tmpat yang patut sahya berjalan s-kali sahaja. Dan skaraeng sudah ptang, rupa-nya sahya ta'boleh kluar deri sini sampai malam. Sayaing-lah sahya sudah tidor bgitu."

Bila dia sampai dkat pondok, dia dudok mnangis s-jurus punya lama, ttapi waktu dia lagi tundok dgn susah hati-nya dia tengok itu surat di bawah bangku, dan dia lkas puigut dgn migglitar, dan dia simpan dalam

* Kiyata'an 2: 4, 5 ; 1 Tessalonika 5: 6-8.

† Bilangan 14 : 25.

saku baju-nya. Dan siapa boleh tahu brapa suka-hati-ya bila dia dapat itu surat kmbali! kerna itu surat sperti surat jamin kerna nyawa-nya, dan mnjadi kuasa yang kasi masok di tmpat yang dia mau pergi; sbab itu dia simpan baik-baik dalam saku-nya, dgan banyak trima kaseh pada Allah yang sudah kasi dia dapat kmbali. Dan dia berjalan pula dgan suka-hati dan dgan mnangis, dia panjat itu bukit dgan pantas-nya ; ttapi s-blum sampai di atas kmunchak bukit, matahari sudah masok. Sbab itu dia ingat pula dia punya bodoh yaig dia sudah tidor bgitu, dan dia kata sama diri-nya sndiri, "Wah, salah juga sahya sudah tidor, dan sbab itu skarang sahya mst有条件 berjalan malam bgini dalam glap, dgan t'ada chah-ya matahari, dan sahya mst有条件 digar sgala bunyi yang kasi orang takot sbab sahya berdosa bgitu." Bharu dia ingat fasal chrita si Pnakot dan si Kurang-Iman deri-hal hari-mau yang dia-orang sudah tengok, dan si Kristian kata sama diri-nya sndiri, "Itu binatang berjalan-jalan pada malam hari mau chari makanan-nya, dan kalau sahya bertmu dgan dia dalam glap apa boleh buat ? bgimana boleh sahya lpaskan diri sahya ?" Digan itu hal dia berjalan juga ; ttapi waktu dia susah hati lagi dia angkat mata-nya dan tengok satu istana yang bsar, yang bernama "Elok," dkat tpi jalan.

Dan sahya tengok dalam itu mimpi, si Kristian berjalan lkas kalau barangkali dia boleh tumpang dalam itu istana.



ISTANA YANG BERNAMA "ELOK".

FASAL 8.

SI KRISTIAN SAMPAI DI ISTANA BERNAMA "ELOK."

T'ada brapa jauh lagi, si Kristian sampai di tmpat yang smpit skali, baraingkali s-ratus dpa deri pintu pagar Shaitan dan orang dunia
mau terkam kita seperti istana. Bila dia sudah intai baik-baik, dia tengok dua ekor harimau di tpi jalan. Dan dia kata, "Skarang bharu sahya tengok banya yang sudah kasi takot sama si Kurang-Iman dan Pnakot sampai dia-orang balek." Itu harimau sudah terikat dgn rantai, ttapi si Kristian ta'boleh tengok itu rantai. Dia fikir mau balek juga sbab takot, kerna

dia tidak sangka boleh slamat lagi. Tapi itu pununggu di pintu istana, yang bernama Jaga, sudah tergok si Kristian berhenti bgitu, dan dia bertriak, "Aengkau punya kuasa bgitu kurang-kah? * Jangan aengkau takot sama itu harimau, kerna dua-dua sudah terikat dngan rantai; dan itu harimau sudah terikat di situ mau choba iman orang yang perchaya, dan mau nyatakan siapa-kah yang t'ada perchaya. Ikut di tingah-tingah jalan, dan angkau t'ada nanti kna apa-apa bahya." †

Bukit Susah sudah lalu, takot harimau dpan ;
Babya-nya berturut-turut ; nasib orang Kristian.

Kmdian si Kristian berjalan-lah dngan migglitar sbab itu harimau, tapi dia ikut btul sperti itu pununggu pintu sudah bilang sama dia. Dia dngar juga itu harimau mraoig, tapi satu pun dia ta'dapat susah. Sbab itu dia tpok taigan-nya dngan suka hati, serta berjalan sampai dia datang dkat pintu pagar istana, di mana itu pununggu ada berdiri. Dan si Kristian tanya sama dia, "Tuan, apa ini rumah? dan boleh-kah sahya mnumpang di sini ini malam ? "

Itu pununggu jawab, "Tuan bukit ini sudah bikin ini rumah spaya orang-orang yang lalu di sini boleh dpat tolong dan boleh innumpang di sini."

Kmdian itu pununggu tanya deri mana dia datang dan di mana dia mau pergi.

"Sahya dataang deri negri Kbinasa'an," si Kristian kata, "dan sahya mau pergi negri Sion ; tapi sbab matahari sudah masok sahya mau mnumpang di sini kalau boleh."

* Matius 13 : 34-37.

† Yashaya 41 : 10.

Itu pnuiggu tanya, "Apa nama angkau?"

"Skarang sahya bernama Kristian, ttapi mula-mula nama sahya Ssat."

"Ttapi skarang matahari sudah masok," itu pnuiggu kata, "apa fasal angkau datang bgini lambat?"

"Patut sahya sampai lbeh dhulu, ttapi sahya orang chlaka ini sudah tertidor dalam pondok di balek ini bukit; dan bukan sbab tidor sahaja, mlainkan waktu sahya tidor, sahya punya surat ktrangan sudah hilang; dan bila sahya sudah sampai di atas kmunchak bukit, bharu sahya tahu sudah hilaang. Sahya chari, ttapi ta'boleh dapat, sbab itu sahya mst有条件的在某处被找到; dan di situ sahya dapat kmbali, dan datang sampai sini."

"Baik-lah," itu pnuiggu kata, "sahya mau panggil satu prempuan yang jaga ini tmpat, dan, kalau dia suka, dia boleh kasi angkau masok sperti ini rumah punya adat."

Si Jaga buyikan locheng, dan terkluar satu prempuan digan tingkah-laku yang manis, nama-nya Budi, serta bertanya siapa panggil.

Itu pnuiggu jawab, "Ini oraig ada berjalan deri negri Kbinasa'an mau pergi negri Sion, dan sbab pnat, dan lagi sbab skarang sudah malam, dia minta tumpang; sbab itu sahya sudah panggil angkau, spaya bila angkau sudah chakap sama dia angkau boleh buat sperti ini rumah punya adat."

Kmdian itu prempuan tanya sama si Kristian deri mana dia datang dan di mana dia mau pergi, dan dia pun kasi tahu. Dan itu prempuan pula tanya bgimana

dia dapat itu jalan mula-mula, dan itu pun dia kasi tahu. Kmdian itu prempuan tanya apa macham sudah jadi pada itu perjalanan, dan itu pun dia chritakan. Kmdian skali dia tanya apa nama-nya, dan dia jawab, " Sahya punya nama Kristian, dan sahya lbeh suka mnumpang di sini sbab sahya tengok ini bukit punya Tuan sudah bikin ini rumah spaya oraig-oraig yaig lalu dkat ini jalan boleh dapat tolong dan boleh mnumpang di sini." .

Itu prempuan tersnyum, ttapi mleleh ayer-mata-nya, dan dia kata, " Sahya mau pauggil lagi dua tiga orang yang tinggal dalam ini rumah." Dan dia pauggil Snonoh dan Bakti dan Kaseh; itu orang smoa-nya berchakap sama si Kristian, dan kasi dia masok itu rumah. Kmdian banyak orang lain berjumpa sama dia di muka pintu, serta berkata, " Masok-lah aingkau yang sudah trima berkat deri-pada Tuhan Allah. Ini bukit punya Tuan sudah buat ini rumah digan sigaja mau trima orang-orang yang lalu pada ini jalan, sperti aingkau ini."

Si Kristian tundokkan kpala-nya, dan ikut itu orang masok dalam rumah. Bila dia sudah masok, dia dudok, dan dia-orang kasi dia minum, kmdian smoa-nya bichara fasal mau tntukan bbrapa orang yaig boleh berchakap sama dia, spaya jangan tempo-nya hilang. Dan si Bakti dan si Snonoh dan si Kaseh sudah di-tntukan mau chakap sama dia, dan dia-orang chakap bgini:

Si Bakti kata, " Hei Kristian, kita sudah tunjok kasehan sama aingkau, dan sudah kasi aingkau masok dalam ini rumah; sbab itu baik kita chakap deri-hal

smoa perkara yang sudah jadi pada angkau punya perjalanan, dan kita smoa boleh dapat untong."

" Sahya banyak suka," si Kristian kata, " dan sahya suka-hati juga sbab aingkau smoa ada baik sama sahya."

" Apa sbab angkau mula-mula mau masok ini perjalanan ? "

" Sahya sudah dirga dalam kiping sahya satu bunyi yang kasi sahya takot, dan sbab itu sahya ta'boleh tinggal lagi dalam negri di mana sahya sudah di-beranakan; itu suara kata sahya ta'boleh lpas deri-pada kbinasa'an kalau sahya tinggal di sana lagi."

" Ttapi bgimana aingkau sudah ikut ini jalan ? " si Bakti kata.

" Drgan Tuhan Allah punya kasehan," si Kristian kata, " kerna bila sahya takot mau binasa, sahya ta'tahu di mana mau pergi ; ttapi bila sahya ada mnangis lagi dan mrgglitar, ada satu orang dataing sama sahya yang hina ini. Itu oraig punya nama Guru Injil, dan dia sudah tunjokkan pintu yaig smpit ; kalau tidak, tntu sahya ta'boleh dapat itu pintu. Itu macham dia sudah tunjokkan jalan yang mmbawa trus sampai ini rumah."

" Ttapi t'ada-kah angkau lalu dkat rumah si Buka-Ruhsia ? "

" Ada juga," si Kristian kata, " dan di sana sahya sudah tengok banyak perkara yang sahya ta'boleh lupa s-umor hidop. Yang sahya lbeh ingat tiga perkara, ia'-itu (1) bgimana Almaseh ttapkan pkerja'an yaig dia sudah mula'i dalam hati manusia oleh anugrah-nya, sunggoh-pun shaitan mlawan dia ; dan (2) bgimana ada

satu orang yang sudah buat dosa sampai dia ta'boleh harap lagi dia nanti dapat ampun; dan (3) orang yang sudah bermimpi deri-hal hari kiamat, dan dia fikir itu hari hukum sudah sampai."

"Sudah-kah angkau ditarik itu orang christakan mimpi-nya?" si Bakti kata.

"Ya, sahya sudah ditarik; dan itu mimpi kasi sahya banyak takut, sampai hati sahya pun berdarah. Tapi baik juga sahya sudah ditarik itu mimpi."

"Ada-kah angkau ditarik apa-apa lagi di rumah si Buka-Ruhsia?" si Bakti tanya.

"Ada juga; dia sudah tunjok sama sahya satu istana yang besar, dan orang yang tinggal di situ ada pakai pakaian 'mas; dan sahya tengok satu orang yang brani yang datang berklaiki dengan orang-orang yang tahan-kan dia, dan dia masuk juga di dalam itu istana dengan kras, dan orang dalam itu istana sambot sama dia serta berkata dia boleh trima kmulia'an yang kkal. Dan smoa perkara yang sahya tengok di rumah si Buka-Ruhsia bikin hati sahya banyak suka skali; kalau tinggal di situ s-tahun lama-nya sahya suka juga, tapi sahya tahu sahya mst有条件 berjalan jauh lagi."

"Apa lagi angkau sudah tengok pada perjalanan angkau?"

"Ha ya," si Kristian kata, "sahya blum berjalan jauh dari situ bila sahya tengok satu orang yang rupanya tergantong di kayu, dan darah-nya kluar dari-pada luka-nya. Dan bila sahya tengok sahaja, sahya punya pikulan jatoh-lah dari atas sahya punya bahu; kerna dhulu sahya sudah pikul satu pikulan yang terlampon

brat, digan banyak susah juga; ttapi itu jam juga itu pikulan sudah jatoh. Bila sahya tengok itu, sahya jadi banyak hairan, kerna blum pernah sahya tengok itu macham dhulu. Dan kutika sahya ada tengok lagi sama dia (kerna sahya mst tergok sama dia), * ada tiga orang yang berchahya datang dkat sahya, dan satu orang deri-pada-nya bersaksi yang dosa-dosa sahya sudah diampunkan, dan satu orang lagi bukakan pakaian burok yang sahya ada pakai dan pakaikan sahya ini pakaian chantek yang angkau tergok, dan yang ktiga taroh satu tanda di dahi sahya sperti angkau tergok, dan dia kasi sama sahya ini surat yang ada chap." Bharu si Kristian ambil itu surat deri saku-nya spaya dia tunjokkan k-pada smoa orang.

"Ttapi ada lain perkara lagi yang angkau sudah-tengok, bukan?"

"Perkara-perkara yang sahya sudah chritakan itu lah yang terlbeh indah," si Kristian kata, "ttapi ada lagi yang sahya sudah tengok, sperti tiga orang yang bernama Bodoh, dan Malas, dan Hati-Bsar, yang tidor di tpi jalan, digan rantai terikat pada kaki-nya; ttapi apa angkau fikir; boleh-kah sahya buangkan itu macham orang? Kmdian sahya sudah tengok Turut-Aturan dan Pura-pura datang panjat itu jalan punya pagar, dan dia-orang buat diri-nya sperti mau jalan di negri Sion, ttapi t'ada brapa lama lagi dia-orang dua-dua binasa, sperti sahya sudah bilaang dhulu sa'na dia-orang, ttapi dia-orang ta' mau perchaya. Ttapi yang sahya fikir susah skali, bila sahya naik ini bukit; dan bila sahya lalu dkat itu hari-

* Hosia 1 : 4.

mau pun susah juga; kalau punjgu yang berdiri dkat itu pintu t'ada paiggil sama sahya, barangkali sahya balek juga. Ttapi skaraig sahya banyak trina kaseh sama Tuhan Allah sbab sahya sudah sampai di sini, dan sama angkau pun sbab angkau sudah sambot sama sahya."

Kmdian si Snonoh pun mau tanya sdikit sama si Kristian, dan minta dia kasi jawab, dan dia kata, "T'ada-kah angkau ingat kadang-kadang deri-hal itu negri yang angkau sudah tinggalkan?"

"Ada juga sahya ingat, ttapi digan banyak malu dan buchi sama dia, kerna kalau sahya sudah ingat deri-hal negri sahya sndiri, boleh juga ^{si Kristian ingat negri asal-nya.} sahya balek, ttapi skaraig sahya chari negri yang terlbeh baik, ia'itu yang di shorga." *

"T'ada-kah angkau bawa sama angkau apa-apa yang dhulu angkau sudah biasa pakai?"

"Ada juga, ttapi skali-kali sahya ta'mau bawa; yang sahya ta'suka skali ia'itu sahya punya fikiran deri-hal nafsu dunia, yang kawan-kawan sahya di negri sahya sndiri banyak suka, dan sahya pun dhulu bgitu juga. Ttapi skaraig itu perkara smoa buat sahya susah hati, dan kalau sahya boleh pileh, sahya ta'mau fikir lagi deri-hal itu perkara smoa; ttapi bila sahya mau buat yang baik, itu kutika jahat pun ada sama sahya." †

"Ada-kah angkau rasa bbrapa kali angkau mnaang dalam itu perkara yang mnjadi susah sama angkau?"

"Ada kadaang-kadaang sahya mnaang, ttapi bukan slalu; dan bila sahya mnaang, itu-lah waktu yang bagus skali."

* Korani 11 : 15, 16.

† Rom 7 : 15-21.

“Boleh-kah angkau ingat bgimana angkau dapat innaig dalam itu ksusahan ?”

“Bila sahya ingat apa sahya sudah tengok dkat kayu salib, sahya mnaig juga ; dan bila sahya tengok sahya punya pakaian ini yang chantek, boleh juga sahya Bgimana se Kristian dapat mnaig. yang dalam saku sahya, itu pun boleh kasi sahya mnaig ; dan bila sahya banyak fikir deri-hal negri yang sahya mau pergi, sahya boleh mnaig juga.”

“Dan knapa angkau bgitu suka mau sampai di negri Sion ?” si Snonoh tanya.

“Sahya harap di sana sahya boleh tengok itu orang yang sahya sudah tengok mati tergantoi di kayu salib; ttapi bila sahya nanti tengok dia, tntu dia hidop pula. Dan di sana sahya harap sahya boleh lpas deri-pada smoa perkara yang skarang buat susah sama sahya. Orang kata di situ kita ta'boleh mati, dan sahya boleh tinggal sama orang yang ada prangai sperti sahya punya suka.* Kerna btul sahya sayang sama itu orang yang tergantoi di salib, sbab dia-lah yang sudah lpaskan sahya deri-pada pikulan sahya ; dan lagi sahya ta'snaig sbab sahya blum baik dalam diri sahya. Sahya banyak rindu mau sampai di tempat yang sahya ta'boleh mati lagi, dan sahya mau tinggal sama orang yang slalu bertriak, ‘Suchi, suchi, suchi.’”

Dan si Kaseh kata sama si Kristian, “Angkau ada anak-bini-kah ?”

* Yashaya 25 : 8 ; Kryata'an 21 : 4.

"Ada juga bini, dan anak sahya ampat orang."

"Knapa angkau tidak bawa smoa-nya sama-sama?"

Si Kristian mnangis serta berkata, "Sahya banyak suka bawa smoa-nya kalau boleh, ttapi skali-kali dia-orang ta'suka sbab sahya mau buat ini perjalanan."

"Patut angkau ajar sama dia-orang dan kasi dia-orang tahu deri-hal banya-nya kalau dia-orang tinggal di situ."

"Sudah juga sahya ajar dan berchakap sama dia-orang sperti sahya sudah dapat tahu deri-pada Tuhan Allah, bgimana itu negri tmpat yang kita tinggal nanti kna binasa; ttapi dia-orang fikir sahya main-main sahaja, dan dia-orang ta'mau perchaya." *

"Sudah-kah angkau minta do'a spaya Tuhan Allah boleh tolong sampai dia-orang mau trima angkau punya chakapan?"

"Tntu sahya sudah berdo'a digan banyak kaseh sayang, kerna angkau boleh migerti apa macham sahya chinta sama bini dan anak-anak sahya."

"Sudah-kah angkau kasi tahu sama dia-orang bgimana angkau susah hati dan bgimana angkau takot smoa-nya nanti binasa? Kerna tntu angkau sudah tahu fasal itu kbinasa'an."

"Brapa kali sahya sudah chakap deri itu hal, dan smoa-nya boleh tahu fasal itu deri sahya punya rupa, dan deri sahya punya ayer-mata, dan deri sahya punya migglitar fasal itu hukuman yang hampir jatoh di atas kita smoa; ttapi itu pun smoa-nya ta'boleh ajak dia-orang kut sama sahya."

* Kjadian 19 : 14^t

" Ttapi apa dia-orang kata? apa sbab dia-orang ta'mau datang ? "

" Sahya punya bini ta'mau tiggalkan perkara dunia, dan anak-anak sahya ingat budak-budak punya permainan sahaja. Sbab itu digan masing-masing punya ksuka'an dia-orang diamkan sahya datang s'oraig-s'oraig."

" Barangkali angkau punya klakuan sia-sia dan t'ada sama sperti angkau punya ajaran, dan sbab itu barangkali dia-orang ta'mau ikut "

" Sahya tidak brani puji sahya punya klakuan, kerna sahya tahu banyak juga sahya punya salah ; dan lagi sahya tahu kalau klakuan kita tidak btul, perchuma sahaja kita choba ajar lain oraig spaya dia-orang ikut yang btul. Ttapi sahya sudah jaga baik-baik spaya jaing-an sahya buat apa-apa yang t'ada patut, sbab sahya takot kalau bgitu dia-orang tntu ta'mau ikut sama-sama ; sampai dia-orang sndiri bilaig sahya punya klakuan ter-lampon lurus, dan dia-orang kata sahya sudah pantaig-kan banyak perkara yang t'ada salah. Kalau ada apa-apa yang sudah tahankan dia-orang sampai dia-orang ta'mau ikut, sahya fikir barangkali sbab sahya skali-kali ta'mau buat salah atas orang, atau berdosa sama Tuhan Allah."

Si Kaseh jawab, " Btul itu anak Adam yang bernama Ka'in sudah bnihi dia punya adek sbab klakuan-nya sndiri jahat, dan klakuan adek-nya btul.* Dan jikalau angkau punya anak-bini ada kuatir dalam batinya sbab itu perkara, itu jadi satu tanda yang dia-orang

* 1 Yahya 3 : 12.

sudah tolakkan jalan yang baik, dan angkau sudah lupakan angkau punya jiwa sendiri deri-pada dia-orang punya ksalahan.” *

Di dalam itu mimpi sahya tergok smoanya berchakap bgitu sampai makan sudah sdia, kmdian smoanya dudok makan. Dan waktu dia-orang makan t'ada lain chakap mlainkan deri-hal itu bukit puya Tuan, dan smoanya perbuatan-nya, dan knapa dia buat bgitu, dan apa sbab dia sudah bikin itu rumah. Deri-pada dia-orang punya chakap sahya dapat tahu yang itu Tuan sudah jadi prgliima-prang yang bsar, dan sudah berprang digan iblis yang ada kuasa mati, † dan sudah bunoh sama dia, ttapi dalam itu dia sndiri sudah kna banyak seksa, dan sbab itu sahya lbeh sayang sama itu Tuan. Dan lagi ada orang kata yaig dalam itu prang dia punya darah tumpah banyak skali; ttapi yaig mulia skali, ia'itu dia sudah buat itu smoanya sbab dia banyak sayang sama kita orang. Dan ada juga orang yang dudok makan yaig berkata, dia-orang sudah chakap sama itu Tuan kmdian deri-pada dia sudah mati di kayu salib, dan dia-orang kata itu Tuan sndiri sudah bilaing t'ada orang lain yang sayang orang yang berjalan k-negri Sion sperti itu Tuan sayang sama dia-orang. Dan ini pun jadi satu tanda yang dia sudah sayang sama kita, ia'itu dia sudah buangkan kmulia'an-nya spaya dia boleh buat bgitu kerna oraing miskin. Dan lagi itu Tuan sudah bilaing dia ta'mau tinggal s'orang-s'orang di negri Sion.

Isa kasi pangkat raj
sama orang hina

Dan banyak oraing yang pergi di negri

* Hizkiel 3 : 19.

† Ibrani 2 : 14, 15.

Sion, itu Tuan sudah jadikan raja, surggoh pun dia-orang puya asal deri tmpat buang sampah.*

Smoa-nya chakap bgitu sampai jauh malam, dan bila dia-orang sudah srahkan diri-nya, spaya Tuhan Allah boleh pliharkan dia-orang, kmdian smoa-nya pergi tidor. Dan dia-orang kasi si Kristian tidor di loteng, dalam bilek yang bsar, jndela-nya migadap sblah timor; dan itu bilek nama-nya Sjahtra. Dan si Kristian tidor sampai pagi, dan bila dia bangun dia miyanyi bgini:—

Bagus skali tmpat ini,
Kaseh sayang nyata skali:
Isa mau plihara kami
Yang mnchari negri suchi.
Dia ampun smoa dosa,
Kasi tumpang chuma-chuma.
Sini banyak suka-cbita,
Hampir-hampir sperti shorga.

Pagi-pagi smoa-nya bangun, dan chakap sama-sama ; kmdian smoa orang dalam itu rumah kata, jangan skali-kali lpas si Kristian pergi sampai dia sudah tengok smoa perkara yang bagus dalam itu rumah. Mula-mula dia-orang bawa dia masok bilek tmpat orang bacha buku, dan tunjokkan dia banyak surat orang dhulu kala : mula-mula surat kturunan Tuan yang puya bukit, yang kasi tahu dia-lah Anak Allah deri-pada jman yang t'ada mula'i ; dan di situ pun ada surat yang kasi tahu deri-hal smoa apa-apa yang dia sudah buat, dan nama-nama orang berratus-ratus yang sudah jadi hamba-nya, dan bgimana itu Tuan sudah kasi sama hamba-hamba-nya itu tmpat tinggal yang ta'boleh mnjadi burok sampai s-lama-lama-nya. †

* 1 Samuil 2:8; Mazmur 113:7.

† Korintus 5:1.

Kmdian dia-orang bacha dpan si Kristian deri-hal banyak perbuatan yang baik yang itu Tuan puya hamba-hamba sudah buat, ia'itu bgimana dia-orang sudah bina-sakan kraja'an musoh-nya, sudah buat yang bnar, dan sudah trima balasan sperti Tuan-nya sudah janji, dan sudah tutopkan mulut singa, dan padamkan nyala api, dan dapat lpas deri-pada mata pdang, dan deri-pada hal yang lmah sudah mnjadi kuat, dan mnjadi kuat dalam prang, sampai soldadu lain-lain baigsa sudah lari deri dpan dia-orang. *

Dan lagi dalam lain surat dia-orang bacha bgimana Tuan-nya suka trima baraug-siapa pun baik, mski-pun orang yang dhulu sudah chakap kasar atau buat salah atas itu Tuan sndiri atau kraja'an-nya. Dan ada pula banyak chrifa dan surat-surat yang bernama skali, smoa-nya si Kristian sudah teigok, sperti perkára dhulu kala, dan perkara jman ini, dan perkara yang nanti dataing, sperti nabi-nabi sudah katakan dhulu ; dan itu perkara nanti kasi hairan sgala musoh-nya dan nanti hiburkan hati orang yang mnurut jalan slamat.

Dan besok pula smoa orang dalam itu rumah bawa si Kristian masok dalam bilek simpan snjata. Di situ dia-orang simpan macham-macham perkakas yang Tuan-nya sudah sdiakan kerna oraig yang berjalan di negri Sion, sperti pdang, dan prisai, dan ktopoig (kopiah bsi), dan baju rantai, dan kasut yang ta'boleh rosak, dan banyak do'a. † Banyak skali itu snjata, chukop mau bhagikan sama itu Tuan puya hamba yang sama banyak sperti bintang di lauit.

* Ibrani 11 : 33, 34.

† Ifisus 6 : 13-19.

Dan lagi dia-orang tunjokkan macham-macham perkakas yang itu Tuan punya hamba-hamba sudah pakai, yang sudah [buat banyak perkara yang hairan, seperti Kristian tengok perkara tongkat Musa,* dan paku dan pigtok bsi dhulu kala. yang Ya'il sudah pakai mau bunoh Sisera,† dan buyong dan trumpet dan plita yang Gidion sudah pakai bila smoa soldadu orang Midian lari deripada dia; ‡ dan lagi tulang graham (jawbone) yang Simson pakai bila dia buat kerja yang terlampon kuat; § dan lsing digan batu-nya yang si Da'ud pakai bila dia bunoh ger asi yang bernama Goliat; || dan pdang yang Tuan-nya nanti pakai bila dia mau bunoh si Lawan-Almaseh pada jman yang nanti datang.

Dan banyak perkara lagi yang dia-orang tunjokkan sama si Kristian, sampai dia banyak suka hati. Kmdian smoa-nya tidor lagi.

Dalam itu mimpi sahya tengok si Kristian bangun mau berjalan, ttapi smoa-nya minta dia nanti lagi sampai besok, dan dia-orang kata, " Kalau bgitu kita boleh tunjokkan sama aigkau Gunong Suka-Hati ; kalau ada traing boleh tengok, dan boleh dapat hibur juga, sbab itu gunong Ibeh dkat itu tmpat yaig aigkau mau pergi." Si Kristian suka juga, dan dia tinggal di situ lagi satu hari. Besok pagi dia-orang bawa si Kristian naik di atas lapenh, dan sunoh dia tengok sblah slatan ; dan dia tengok satu gunong yang baik skali rupa-nya, dan bagus skali pokok-pokok, dan kbun digan macham-macham

* Kluaran 4 : 17.

† Hakim 4 : 21.

‡ Hakim 7 : 16.

§ Hakim 15 : 15.

|| 1 Samuel 17 : 40.

buah dan bunga, dan bberapa mata-ayer yang sdap pada orang yang tengok. *

Dan si Kristian tanya, " Itu negri apa naima ? "

Dan dia-orang jawab, " Itu Tanah Immanu'el, dan smoa orang yang berjalan mau pergi negri Sion boleh pergi sana digan suka-hati-nya, sama sperti dia-orang masok ini rumah ; dan bila angkau sudah sampai sana, dari situ angkau boleh nampak pintu Shorga, dan smoa gombala-gombala yang tinggal di situ boleh tunjokkan angkau itu pintu."

Kmdian deri-pada itu si Kristian mau berjalan, dan smoa orang dalam itu rumah suka juga, ttapi dia orang kata, " Baik kita masok lagi skali dalam bilek snjata." Dan s'noa-nya pergi ; dan bila dia-orang sampai di sana, dia-orang pakaikan si Kristian chukop skali orang Kristian mstilawen dgan snjata, spaya dia chukop ligkap shaitan dan mstilawen snjata. Kalau berjumpa satu oraig musoh di tigah jalan. Kmdian smoa-nya kluar di pintu ; dan si Kristian tanya sama itu punuggu pintu kalau dia sudah tergok lain oraig yang mau chari slamat lalu di itu jalan.

Dan dia jawab, " Ada juga oraig lalu."

" Ada-kah angkau knal sama dia ? "

" Sahya sudah tanya apa nama-nya," itu punuggu kata, " dan dia jawab nama-nya Stia."

" Ha ya," si Kristian kata, " sahya knal sama dia dia pun sama sahya satu negri. Dhulu dia tinggal dka sama sahya di tmpat sahya sudah jadi. Skaraig angkau fikir dia sudah sampai brapa jauh deri sini ? "

* Yashaya 33 : 16, 17.

“ Sahya fikir skarajg dia sudah sampai dkat kaki bukit.”

“ Baik-lah, slamat tinggal, hei sobat,” si Kristian kata, “ dan sahya minta Tuhan Allah boleh tinggal sama angkau, dan tambah berkat sama angkau sbab kasehan yang angkau sudah tunjok sama sahya.“

FASAL 9.

DERI-IIAL SÍ KRISTIAN BERPRANG DNGAN APOLUON.

Si Kristian berjalan-lah, ttapi si Budi dan Bakti dan Kaseh dan Snonoh pun jalan sama-sama, sampai di kaki bukit. Dan waktu smoa-nya berjalan, dia-orang berchakap juga sperti dhulu, sampai datang di tmpat churam mau turun bukit; bharu si Kristian kata, "Rupa-nya turun ini bukit sama susah sperti naik bukit juga."

"Btul," si Snonoh kata, "kerna susah juga orang turun dalam Imbah Krndahan, sperti angkau skaraang ini nanti turun, digan t'ada terglinchir kaki-nya; sbab itu-lah kita smoa sudah datang mau turun bukit saina-sama." Bharu si Kristian mula'i turun digan jaga baik-baik, ttapi terglinchir juga kaki-nya satu dua kali.

Dalam itu mimpi sahya tengok bila smoa-nya sudah sampai di kaki bukit, kawan-kawan-nya kasi sama dia satu biji roti sama satu botol ayer minum dan satu tangkai buah anggor; habis itu si Kristian berjalan-lah.

Ttapi susah juga si Kristian puja hal dalam itu mbah Krndahan, sbab t'adu brapa jauh lagi dia berjumpa sama satu jin yang jahat skali, bernama Apoluon. Si Kristian banyak takot, dan dia fikir dalam hati-nya, "Baik sahya balek-kah, atau berdiri ttap?" Ttapi dia ingat yang baju rantai-nya di dpan sahaja, dan blakang-nya tlanjaug, dan sbab itu dia fikir kalau balekkan diri-nya deri-pada itu jin, snang sahaja itu jin boleh tikam blakang-nya drgan anak panah. Sbab itu dia branikan

hati-nya dan berdiri ttap, sbab dia fikir, "Kalau sahya mau slamatkan badan sahya sahaja lbeh baik berdiri bgini."

Si Kristian tmpoh juga, dan Apoluon pun datang berjumpa sama dia. Itu jin punya rupa terlalu jahat skali ; dia punya badan smoa-nya bersisek sperti sisek ikan, dan sayap-nya sperti sayap naga, dan kaki-nya sperti kaki bruang, dan deri dalam prot-nya kluar api dan asap, dan mulut-nya sperti mulut harimau. Bila dia sudah datang dkat si Kristian, dia hinakan dia, dan tanya sama dia :

"Deri mana aigkau datang, dan mana aigkau mau pergi ?"

"Sahya datang deri negri Kbinasa'an, tmpat asal smoa yang jahat, dan sahya mau pergi di negri Sion."

Apoluon jawab, "Kalau bgitu traig-lah aigkau jadi sahya punya hamba, sbab s-gnap negri itu dalam prentah sahya, dan sahya pun jadi Raja dan Tuhan di situ. Knapa aigkau sudah lari deri-pada prentah raja aigkau ? Sahya harap aigkau boleh buat sahya punya kerja lagi ; kalau t'ada, tntu skarang juga sahya himpaskan aigkau k-tanah."

"Btul sahya sudah di-beranakkan di bawah aigkau punya prentah," si Kristian kata, "ttapi aigkau punya kerja terlalu kras, dan gaji-nya ta'boleh kasi orang hidop, 'Kerna upah dosa itu-lah mati ;'* sbab itu bila sahya sudah chukop umor, sahya sudah buat sperti orang lain yang ada akal baik, sahya sudah chari kerja yang lbeh baik."

* Rom 6 : 23.

“ T'ada satu raja pun yang mau diamkan bamba-nya lpas bgitu, dan sahya pun ta'mau lpas kan angkau. Ttapi kalau angkau ta'suka itu kerja, angkau boleh juga balek, kerna sahya janji sahya mau kasi s-brapa yang ada dalam negri kita.”

“ Ttapi sahya sudah mnjadi hamba sama orang lain, sama Raja yang di atas smoa raja-raja; sbab itu bgimana sahya boleh pulang sama angkau kmbali ? ”

“ Kalau bgitu angkau sudah buat sperti orang kata, ‘ Terlpas deri-pada mulut buaya, masok mulut harimau ; ’ ttapi ada juga itu Raja puya hamba yang tinggalkan dia dan balek sama sahya ; baik juga kalau angkau pun buat bgitu.”

Si Kristian kata, “ Sahya sudah berjanji sama sahya puya Raja, dan sudah bersumpah, yang sahya mau turut prentah-nya ; kalau bgitu jikalau sahya tinggalkan dia tntu sahya jadi orang pmbelot yang patut kna gantong.”

“ Bgitu juga angkau sudah tinggalkan sahya,” Apoluon kata, “ ttapi sahya boleh ampunkan juga, kalau angkau pulang kmbali.”

“ Bila sahya jadi hamba angkau, sahya blum chukop umor ; dan lagi yang skaraeng mnjadi Raja sahya ada kuasa boleh ampunkan dosa sahya yang sahya sudah buat bila sahya ada di bawah angkau puya prentah lagi. Lagi pun sahya btul suka turut prentah Raja sahya, hei Apoluon yang binasakan orang, dan sahya suka gaji-nya, dan hamba-hamba-nya, dan aturan-nya, dan negri-nya, dan sahya suka bersobat sama dia ; itu smoa-nya lbeh baik deri-pada angkau pu ja prentah. Sbab itu jangan angkau mau pujok sama sahya lagi, kerna sahya mnjadi shaitan choba pujok orang dhulu.”

hamba sama Raja sahya dan sahya mau turut prentah-nya.”

“ Ingat baik-baik,” Apoluon kata, “ bila angkau punya hati kurang panas ; ingat apa macham susah angkau nanti kna pada ini perjalanan. Angkau tahu juga kbanyak hamba-hamba Raja angkau dapat chlaka, sbab smoa-nya derhaka sama sahya dan laiggar uukum sahya. Brapa banyak oraig sudah kna bunoh digan malu. Angkau fikir itu Raja punya prentah lbeh baik deri-pada sahya punya prentah, ttapi dia blum pernah dataig deri tmpat-nya mau slamatkan dia punya oraig deri taigan musoh-nya. Ttapi smoa oraig dunia tahu brapa kali sahya sudah lpaskan oraig yang-sudah jadi hamba yang stia sama sahya deri-pada itu Raja punya taigan ; digan sahya punya kuasa, atau digan tipu-daya sahya sudah lpaskan sama dia. Bgitu juga sahya boleh lpaskan angkan deri-pada taigan-nya.”

Si Kristian jawab, “ Digan sigaja juga itu Raja ta’mau lpaskan hamba-nya skaraeng deri taigan angkau, kerna dia mau choba kalau btul dia-orang chinta sama dia, dan kalau dia-orang mau ikut dia ttap sampai pighabisan. Dan jikalau dia-orang dapat chlaka sperti angkau sudah kata tadi, smoa-nya dapat kmulia’an deri itu chlaka ; kerna dia-orang t’ada harap boleh dapat lpas skaraeng, mlainkan dia-orang suka nantikan itu kmulia’an, dan dia nanti dapat juga bila Raja-nya datang digan kmulia’an-nya sndiri dan digan kmulia’an sgala mla’ikat-nya.”*

Apoluon kata, “ Sampai skaraeng pun angkau t’ada bgitu stia dgan Raja angkau dan bgimana angkau harap boleh dapat gaji-nya ?”

* Matius 25 : 31.

"Hei Apoluon, apa-kah yang sahya sudah buat yang t'ada stia drigan sahya punya Raja?"

Apoluon jawab, "Bila mula-mula angkau berjalan, angkau sudah terantok, dan hampir-hampir angkau lmas di dalam paya Tawar-Hati. Angkau sudah choba ikut jalan yang t'ada btul, spaya Ipas deri-pada pikulan angkau ; mlainkan patut angkau nanti, sam-pai angkau punya Raja hilaangkan itu pikulan. Dan lagi pun angkau sudah berdosa bila angkau tidor dan hilang angkau punya surat yang bagus. Dan hampir-hampir angkau balek sbab takot harimau yang angkau sudah berjumpa di jalan. Dan bila angkau ber-chakap deri-hal angkau punya perjalanan, angkau mau chari pujian dalam angkau punya hati."

"Btul juga itu perkara smoa," si Kristian kata, "dan banyak perkara lagi yang angkau blum chakapkan ; ttapi itu Raja yang sahya hormatkan dan yang mnjadi Tuan sahya ada banyak kasehan, dan dia suka kasi ampun. Dan lagi bila sahya ada dalam angkau punya negri lagi, sahya sudah buat itu macham salah juga, sbab sahya sudah trima dosa deri-pada mak-bapa sahya ; dan sahya sudah mnangis sbab itu ksalahan, dan sudah bertaubat, dan dapat ampun dari sahya punya Raja."

Bharu Apoluon naik marah, dan dia kata, "Sahya mau lawan sama itu Raja, dan sahya bnchi sama dia, dan smoa hukuman-nya, dan smoa hamba-hamba-nya. Digan singaja sahya sudah dataig mau lawan sama angkau."

“ Hei Apoluon, ingat baik-baik apa angkau mau buat, sbab sahya ini ada ikut jalan bsar yang itu Raja sudah bikin, nama-nya Jalan Ksuchian ; sbab itu juga baik-baik.”

Apoluon berdiri digan kaki-nya terkaangkaing s-lebar itu jalan, dan dia kata, “ Skali-kali sahya ta'takot dalam ini perkara, sbab itu siapkan diri angkau, kerna angkau



SI KRISTIAN BERPRANG DNGAN APOLUON.

nanti mati. Sahya bersumpah digan nama nraka, tmpat sahya tinggal, angkau ta'boleh berjalan lagi ; di sini juga sahya mau binasakan angkau punya jiwa.”

Dan s-bntar juga Apoluon panahkan satu anak panah yang miyala, trus di si Kristian punya dada ; ttapi si Kristian helakkan itu anak panah digan prisai yang ada di taigan-nya, dan terlpas deri-pada itu banya.

Bharu si Kristian chabot pdang-nya, kerna dia tahu skaraing dia msti berprang; dan Apoluon panahkan anak panah-nya lbat sperti hujan; dan sung-^{Si Kristian punya ingatan jadi kachau.} goh pun si Kristian helak s-boleh-boleh, ttapi luka juga kpala-nya dan kaki targan-nya. Sbab itu dia undor sdikit, dan Apoluon berprang sama dia terlaunpon kras; ttapi si Kristian branikan hati-ya dan lawan sama dia dgan s-kuat kuasa-nya. Lama juga dia orang berklahi, ada s-tugah hari punya lama, sampai si Kristian hampir-hampir ta'boleh lawan lagi, kerna bertambah-tambah lteh-nya, sbab dia sudah kna luka.

Bila Apoluon sudah dapat tempo yang baik, dia datang dkat si Kristian dan bergumpal sama dia, dan bantingkan dia k-tanah; dan s-bntaran itu juga terlpas pdang-nya deri tangan si Kristian. Apoluon kata, "Skarang tutu angkau kalah;" dan dia tkankan si Kristian, sampai dia fikir dia msti mati. Ttapi dgan kahandak Allah, bila Apoluon mau tikam lagi skali, si Kristian lkas hulorkan targan-nya dan dapat pdang-nya, dan dia kata, "Jangan angkau bersuka-suka deri-hal sahya, hei musoh ! Bila sahya jatoh sahya boleh baigun kmbali."* Dan itu jam juga dia tikam Apoluon dgan hati brani, dan Apoluon undor, sperti dia sudah kna luka yang susah. Bila si Kristian tengok itu hal, dia kjar sama Apoluon, kata-nya, "Dalam smoa ini perkara kita lbeh mnnaing oleh dia yang sayang kita." † Dan lkas Apoluon kmbangkan sayap-nya, yang rupa-nya sperti sayap naga, dan dia terbang, dan lniyap deri-pada si Kristian punya mata. ‡

* Mika 7: 8 ; 2 Korintus 12: 9.

† Rom 8: 37.

‡ Yakob 4: 7.

Kalau t'ada orang sendiri tengok itu prang, sperti sahya sudah tengok, orang ta'boleh sangka lagi buni-i-nya, bgimana Apoluon bersorak dan mnjrit; dan suara-nya sperti naga. Dan si Kristian pun mra'ong kuat-kuat dan tarek nafas panjang; dia punya rupa terlampon susah skali, sampai dia sudah tikam Apoluon dgan pdang-nya yang bermata dua, bharu dia tersnyum juga dan tigadah k-laigit. Tapi sahya blum pernah tengok apa-apa yang kasi sahya bgitu takot.

Bila sudah habis berprang, si Kristian kata, "Skarang sahya mau balaskan trima kaseh sama Tuhan Allah, yang sudah tolong sama sahya, dan sudah lpaskan sahya deri-pada Apoluon." Dan dia miyaii bgini :

Ba'al-zbul, prghulu sklian shaitan
 Mau bunoh sahya, jiwa drgan badan.
 Di dalam prang pun Tuhan sudah tolong,
 Dan sahya pakai prisai dan ktopong :
 Drgan pdang-ku ini sahya tikam,
 Dan skarang shaitan tidak brani terkam.
 Patut-lah sahya balas trima kaseh,
 K-pada Juru-slamat-ku, Almaseh.

Kmdian datang-lah satu tangan, yang bawa daun-daun deri-pada pokok kahidopan.* Dan si Kristian ambil itu daun dan tampal dkat luka-nya, dan dalam s-bntaran juga dia punya luka sudah baik. Dan dia dudok di situ makan roti dan minum ayer yang dia-orang sudah kasi sama dia tadi. Bila dia rasa dia punya badan sdap, dia berjalan lagi, dan dia pegaing pdang-nya terbuka di taigan-nya, dan dia kata, " Mana boleh tahu kalau ada lagi satu musoh dkat sini juga!" Tapi Apoluon t'ada terkam sama dia lagi dalam itu Imbah Krndahan.

* Kyata'an 22 : 2.

FASAL 10.

DERI-HAL IMBAH BAYANG-BAYANG KMATIAN.

Dkat hujong Imbah Krudahan ada lagi satu Imbah yang bernama Imbah Bayang-Bayaig Kmatian, dan si Kristian mstil lalu trus itu Imbah, kerna jalan pergi shorga mstil lalu di tugahtiga-iya. Itu Imbah suyi skali, sperti nabi Yirmia sudah bilaung, "Itu tmpat suyi dan tanah lkak-lkok, tanah kmaraun dan bayang-bayaig kmatian, dan t'ada oraig lalu di situ, dan s'oraig pun t'ada tinggal sana."*

Dalaun itu Imbah si Kristian punya hal terlbeh susah deri-pada berpraing sama Apoluon.

Dan sahya tengok dalam itu mimpi, bila si Kristian s-tigaht mau masok dalam Imbah Bayang-Bayaig Kmatian, ada dua oraig berjumpa sama dia, ia'itu kturunan orang yang sudah kasi khabar yang jahat deri-^{Orang pnakot balek kmbali} hal itu tanah yang baik ; † dia-orang dua-dua mau balek chpat. Si Kristian kata sama dia-oraig, "Di mana aingkau mau pergi ? "

Dia-orang jawab, "Balek ! balek ! dan baik aingkau pun balek, kalau aingkau mau hidop lagi, dan suka dapat snraig."

"Apa salah ? " si Kristian kata.

"Apa salah ! Hei, kita pun ada berjalan pada ini jalan sperti aingkau juga, ttapi kita t'ada brani berjalan lagi; hampir-hampir kita ta'boleh balek lagi, kerna

* Yirmia 2 : 6.

† Bilaungan 12 : 32.

jikalau kita sudah berjalan lagi sdikit, tntu kita ta'boleh datang kasi tahu sama aigkau."

"Apa yang aigkau sudah jumpa?" si Kristian tanya.

"Kita hampir-hampir masok lmbah Bayang-Bayang Kmatian, ttapi baik juga kita sudah preksa dhulu, dan sudah tengok banya-nya lbeh dhulu kita sampai sana." *

"Apa-kah yang aigkau sudah tengok?" si Kristian kata.

"Kita sudah tengok itu lmbah glap skali; dan kita sudah tengok smoa hantu shaitan deri nraka; dan kita digar suara orang bertriak dan mra'ong, sperti orang yang kna seksa yang terlampon kras, yang dudok di situ terikat digari rantai; dan awan-awan bernama Bingong, yang kasi orang tawar hati, ada lindongkan itu lmbah, dan Mati pun slalu kumbaikan sayap-nya di atas itu lmbah. Btul itu lmbah nampak banyak takot, kerna di situ smoa perkara kachau skali."

Si Kristian kata, "Jikalau itu lmbah btul sperti aigkau sudah bilaq, itu jalan juga yang membawa di tmpat yang sahya mau pergi."

"Baik-lah, kalau aigkau suka; ttapi kita ta'mau."

Kindian itu dua orang balek kmbali, ttapi si Kristian berjalan juga, dan dia pegaig pdang di tangan-nya, takot orang nanti terkam sama dia.

Dalam itu mimpi sahya tengok s-panjang jalan dalam itu lmbah ada parit yg banyak dalam skali di sblah kanan.

Itu parit arti-nya harap yang bukan-bukan. Deri dhulu kala sampai skaraeng kalau orang buta pimpin orang buta, tntu dia-orang dua-dua nanti jatoh dalam itu parit dan binasa. †

* Mazmur 44: 18, 19; 107: 10.

† Mazmur 69: 14, 15.

Dan lagi di sblah kiri ada satu tmpat yang pnoh digan lumpur, dan kalau orang yang baik pun ^{Itu lumpur arti-nya tawar batu.} jatoh di sana tntu tngglam; pada jman dhulu Raja Da'ud sudah jatoh di situ, dan tntu dia mst miati kalau yang Maha-kuasa t'ada aigkat kasi dia kluar deri situ.

Di tmpat itu terlalu smpit skali jalan-nya, sbab itu si Kristian lbeh susah, kerna dalam glap-gulita bila dia choba jauhkan diri-nya deri-pada itu parit dia hampir-hampir jatoh dalam lumpur; dan bila dia mau lpaskan diri-nya deri-pada lumpur, kalau kuraig jaga, tntu jatoh dalam parit. Dia jalan bgitu juga, ttapi sahya digar dia tarek nafas panjang, kerna bukan sahaja ada bahya yaig sahya sudah bilaing tadi, mlainkan ada juga terlalu glap, dan bila dia mau langkah k-dpan dia ta'tahu di mana mau pijak.

Sayaig, hei Kristian, jalan-mu susah,
Siang berobah jadi malam-lah;
Ttapi jaangan hati-mu tawar,
Aigkau migikut jalan yang bnar;
Pintu nraka tntu-lah dkat;
Branikan hati, tmpoh-lah chpat.

Di tingah-tingah itu Imbah sahya teigok ada lobang nraka, dkat tpi jalan. Dan si Kristian fikir, " Skarang apa mau buat? " Kerna kadaang-kadaang asap dan api kluar terlampon banyak, sama bunga api dan buyi yang terlampon kuat. Si Kristian punya pdang t'ada apa guna mau lawan itu perkara smoia, sbab itu dia sarongkan pdang-nya, dan pakai snjata yang bernama Slalu -Berdo'a;* dan sahya digar dia bertriak, " Ya Allah, sahya minta Tuhan slamatkan jiwa sahya." † Laina juga dia berjalan bgitu,

* Elsus 6: 18.

† Mazmur 116 : 4.

ttapi itu iyala api terkluar lagi dkat dia; dan dia digar suara oraig yang susah hati, dan buniy oraig berlari k-sana-sini, sampai dia rasa sperti dia nanti kna laenggar dan kna pijak. Ada brapa batu (mile) puya jauh dia dugar itu buniy dan teigok itu perkara smoa, sampai dia datang di tmpat yang dia fikir dia ditar bbrapa jin datang berjumpa sama dia, dan dia berhenti mau fikir apa dia msti buat. Kadaig-kadaig dia fikir lbeh baik pulaig, dan kadaig-kadaig dia fikir barangkali dia sudah sampai sparoh jalan; dan dia ingat pula bgimana dia sudah mnaig brapa kali punya susah, dan barangkali lbeh susah pulaig deri-pada jalan k-dpan. Sbab itu dia ntukan dirinya mau tnpoh juga; ttapi dia rasa itu shaitan smoa makin lama makin dkat. Dan bila dia rasa itu shaitan hampir mau laenggar sama dia, si Kristian bertriak digan suara yang nyaring, "Sahya mau berjalan digan Tuhan Allah punya kuasa."* Kmdian itu shaitan smoa undor, dan ta'boleh dkat lagi.

Sahya ta'mau luþa bilaig ini perkara: pada itu jam si Kristian banyak p using kpala, sampai dia ta'boleh knal dia puya suara sndiri. Kerna sahya teigok bila dia ada dkat itu lobang yang nyala, ada satu shaitan dataig dari blakaig, dkat sama dia, dan berbisek-bisek di kuping-nya bay ik perkata'an kotor-kotor dan umpat sama Tuhan Allah ; dan si Kristian fikir dia sndiri sudah chakaþ itu macham. Blum pernah si Kristian bgitu susah hati skali, sbab dia fikir skaraig dia umpatkan Tuhan Allah yang dia banyak sayang, dan dia fikir dia mau tahankan

* Mazmur 71: 16.

diri-nya ta'mau migumpat bgitu ; ttapi sbab kurang cher-dek dia ta'tahu deri-mana itu umpat dataing, dan dia tidak fikir boleh sumbatkan kuping-nya.

Bila si Kristian sudah berjalan bbrapa lama digan hal yang terlalu susah, dia fikir dia dgar suara orang yang berjalan di dpan dan berkata, " Mski sahya berjalan trus lmbah Bayaig-Bayaig Kmatian t'ada juga sahya takot baraug susah, kerna angkau ada sama sahya." *

Si Kristian suka hati sbab dia dgær itu perkata'an, kerna ini tiga perkara—*Mula-mula* sbab btul-lah lagi satu orang yang takot sama Tuhan Allah ada berjalan dalam itu lmbah ; dan *kdua* sbab dia tahu Tuhan Allah ada sama-sama itu orang, mski pun dalam ini hal yang glap dan susah, dan kalaupun bgitu tntu Allah ada sama-sama diri-nya juga, suiggoh pun ta'nampak sbab itu tm-pat glap skali ; † dan *ktiga* sbab si Kristian harap kalau dia boleh kjar itu orang yang dpan, tntu ada satu kawan dalam perjalanan-nya. Si Kristian berjalan juga dan bertriak-triak mau pauggil itu orang yang jalan di dpan, ttapi itu orang tiada brani jawab, sbab dia fikir dia berjalan s'orang-s'orang. Tada brapa lama lagi hari pun siaang, dan si Kristian kata, " Dia sudah tukar bayang-bayaig kmatian itu mnjadi pagi hari." ‡

Bila sudah siaang hari, si Kristian balek muka-nya mau tengok di blakaig, bukan sbab dia mau pulang, mlainkan spaya siaang hari dia boleh tengok brapa baiyak baiya dia sudah lalu dalam glap ; bharu dia boleh tengok traing skali itu parit yang di sblah kanan dan lumpur yang di sblah kiri, dan dia tengok brapa

* Mazmur 23 : 4.

† Ayub 9 : 11.

‡ Amos 5 : 8.

smpit itu jalan di tigah-tigah. Dia te'gok pula sgala jin dan shaitan deri nraka, ttapi smoa-nya jauh-jauh, kerna bila siaig hari smoa-nya ta'mau dkat; ttapi smoa-nya mnjadi nyata juga, sperti yang tersurat dalam Kitab, "Dia nyatakan perkara yang dalam-dalam deri-pada glap, dan dia traangkan bayang-bayang kmatian." *

Si Kristian terlalu suka hati sbab lpas deri-pada sgala banya kutika dia berjalan s'orang-s'orang. Dan miski pun dhulu dia lbeh takot itu banya, ttapi skaraang smoa-nya mnjadi lbeh traang sama dia, sbab traang siang nyatakan dia. Itu waktu matahari pun kluar, dan itu pun jadi satu tolongan sama si Kristian, sbab kita mstingat yang jalan lmbah Bayang-Bayaig Kmatian susah juga pada mula-nya, ttapi pnhabisan-nya yang dia blum sampai lagi terlbeh lagi banya-nya; kerna s-panjang jalan deri tmpat dia berdiri sampai hujong itu lmbah pnoh dig-an jrat dan prangkap dan jaring-jaring, dan lagi bbrapa lo-baig dan tmpat churam; sampai jikalau s-ribu nyawa-nya barangkali hilang smoa-nya kalau berjalan di sana bila malam hari. Sbab itu baik juga matahari sudah kluar. Dan si Kristian kata, "Plita-nya traangkan kpala sahya, dan sbab chahya-nya sahya boleh berjalan dalam glap." †

Sbab itu digan itu chahya punya tolongan si Kristian sudah sampai di hujong itu lmbah. Dan sahya tengok dalam itu mimpi di hujong itu lmbah ada darah oraung digan tulaig-tulaig-nya, dan abu, dan mayat oraung yang hanchor skali, ia'itu mayat oraung yang sudah pergi di negri Sion yang dhulu sudah lalu di situ. Bila sahya lagi berfikir apa sbab ada bgini, sahya teigok dpan sdi-

* Ayub 12 : 22.

† Ayub 29 : 3.

kit ada satu goa batu dalam gunong, di mana dua orang gergasi sudah tinggal deri jin dan dhulu kala, yang bernama Rom dan Berhala (Datok). Berratus-ratus tahun dhulu itu dua gergasi sudah bunoh smoal itu orang yang sahya sudah tengok mayat-nya dan tulang dan darah-nya, dengan banyak aninya. Tapi si Kristian lalu di sana digan t'ada kna banyak banya; sebab itu sahya pun hairan, tapi kesian sahya sudah digar yang itu gergasi dua-dua sudah banyak hilang kuasa-nya, sebab sekarang sudah tua, dan sudah kna banyak luka bila berpraing dengan orang-orang yang ikut itu jalan. Sebab itu ini dua gergasi duduk sahaja di muka pintu-nya dengan gigi-nya tersigei bila orang lalu di situ, dan miggigit-gigit kuku-nya sebab t'ada dapat tangkap itu orang.

Si Kristian jalan juga, tapi bila dia tengok itu dua orang tua yang duduk di muka pintu goa, dia ta'tahu apa mau fikir, terlebih pula sebab gergasi yang bernama Rom triak sama si Kristian dan kata, "Aengkau ta'boleh jadi baik sampai kita bakar bberapa orang lagi deri aengkau punya bangsa." Tapi si Kristian diam diri-nya dan tidak pduli, dan dia berjalan dengan t'ada kna banchana, dan nyanyi begini :

Hairan skali! Ipas sahya
 Deri tmpat yang berbahaya;
 Sebab taigan-mu, ya Bapa,
 Yang slalu boleh jaga.

 Shaitan, dosa dan nraaka,
 Yang mau rosak jiwa sabya;
 Jaring, lobang dan prangkap
 Hampir-hampir sudah tangkap.

 Sahya ipas dengan berkat
 Kuasa-mu, ya Juru-slamat.

FASAL 11.

SI KRISTIAN BERJUMPA SATU KAWAN.

Bila si Kristian ada berjalan lagi, dia sampai di tempat yang orang sudah tambak spaya orang-orang yang jalan di situ boleh tengok sedikit jauh. Si Kristian naik di atas itu tanah tambak, dan bila dia tengok dpan, dia lihat si Stia berjalan dhulu, dan dia pauggil kuat-kuat, "Hei, nanti, nanti; sahya mau jalan sama-sama." Si Stia tengok blakang. Bharu si Kristian bertriak lagi sekali, "Nanti sampai sahya datang." Tapi si Stia jawab, "Sahya ta'boleh nanti, kerna ada satu orang yang kjar sama sahya, mau bunoh sama sahya." *

Bila dia digar bg'tu, si Kristian fikir dia boleh kjar si Stia, dan dia jalan chpat-chpat, sampai dia dapat dia, dan dia pergi lbeh dhulu, sampai si Kristian yang dhulu di blakang sudah datang dpan. † Sbab ini si Kristian naik sompong dan tersnyum sbab dia sudah alahkan saudara-nya ttapi sbab dia t'ada jaga baik-baik kaki-nya terglinchir dan dia jatoh, ‡ dan dia ta'boleh bangun sampai si Stia datang tolong sama dia.

Dan sahya tengok dalam itu mimpi, dia-orang dua-dua berjalan sama-sama dengan kaseh-sayang-nya, dan dia-orang berchakap-chakap deri-hal apa-apa yang sudah jadi pada perjalanan-nya. Si Kristian mula'i chakap bgini :—

* Yahoshua 20 : 2-6.

† Matius 19 : 30.

‡ 1 Korintus 10 : 12.

"Hei Stia, sahya banyak suka sbab sahya sudah jumpa aingkau, dan sahya suka sbab kita punya hati berstuju, sampai kita boleh jalan bersama-sama dalam ini perjalanan yang sdap."

Si Stia kata, "Mula-mula sahya fikir aingkau boleh berjalan sama sahya s-panjang jalan deri negri kita, ttapi aingkau sudah berjalan dhulu, dan sbab itu sahya mstilah berjalan s'orang-s'orang sampai skaraang."

Si Kristian kata, "Brapa lama aingkau sudah tinggal di negri Kbinasa'an lbeh dhulu aingkau mula'i ini perjalanan?"

"Sahya sudah tinggal di situ sampai sahya ta'boleh tahan lagi; sbab bila aingkau sudah pergi, banyak orang kata t'ada brapa lama lagi negri kita nanti binasa skuli, kerna dia-orang kata api nanti turun deri langit."

"Aingkau punya kawan-kawan sudah chakap bgitu?" si Kristian tanya.

"Ada brapa hari lama-nya smoa orang kata bgitu."

"Dan tiada-kah orang lain lagi yang kluar spaya lpas deri-pada itu bahya?"

Si Stia jawab, "Msiki pun dia-orang banyak chakap fasal itu, sahya fikir dia tidak perchaya juga, kerna bila dia-orang bertigkar bgitu sahya sudah digar orang tertawakan aingkau sbab aingkau buat ini perjalanan yang berbahya. Ttapi sahya btul sudah perchaya yang negri kita nanti binasa pada pighabisan-nya digan hujan api dan bleraang, dan sampai skaraang pun sahya perchaya bgitu. Sbab itu sahya sudah lari, spaya sahya boleh terlitas."

Si Kristian tanya, "Sudah-kah aingkau digar orang chakap deri-hal si Lntor?"

Si Stia jawab, "Sudah digar juga yang dia sudah ikut sama angkau sampai di paya Tawar-Hati. Orang kata dia sudah jatoh di dalam paya; dia ta'suka oraing tahu itu fasal, ttapi tntu dia sudah kna banyak kotor dalam itu lumpur."

"Apa kawan-kawan-nya kata?" si Kristian tanya.

"Dia sudah kna banyak maki deri-pada waktu dia sudah kmbali; macham-macham oraing sudah maki sama dia. Ada yang hinakan dia, dan jarang-jaraing ada oraing mau kasi kerja sama dia; skaraung dia punya hal tujoh kali lbeh jahat deri-pada dhulu."

"Ttapi kalau itu oraig ta'pduli itu jalan yang si Lntor sudah tinggalkan, knapa smoa-nya marah sama dia?"

Si Stia jawab, "Smoa-nya kata, 'Chlaka orang yang munkir bgitu; dia sudah mingaku mau pergi, ttapi dia t'ada ikut sperti niat-nya.' Rupa-nya Allah sudah grakkan hati musoh-nya juga sampai smoa-nya maki sama dia, dan dia sudah dapat nama busok sbab dia sudah undor deri-pada ini jalan."*

"Sudah-kah angkau berchakap sama dia s-blum angkau kluar?"

"Sahya sudah berjumpa sama dia satu kali di jalan, ttapi dia undor di tpi jalan, sperti oraig yang malu; sbab itu sahya t'ada berchakap sama dia."

"Bila sahya mula'i ini punya perjalanan," si Kristian kata, "sahya harap juga sama si Lntor; ttapi skaraung sahya takot dia nanti binasa bila itu negri nanti haigus, kerna sudah jadi atas dia sperti ini dua ma'na yang bnar: 'Anjing berulang makan muntah-nya,' dan, 'Babi yang di-basoh berkubang kmbali dalam luinpur.'"†

* Yirmia 29: 18, 19.

† 2 Petrus 2: 22.

Si Stia kata, "Sahya pun takot bgitu juga, ttapi apa boleh buat?"

"Baik kita berchakap sdikit deri-hal perkara kita sndiri," si Kristian kata. "Bilaang sama sahya apa macham aingkau punya hal dalam ini perjalanan, kerna tntu mnjadi hairan kalau aingkau blum tengok apa-apa."

Si Stia jawab, "Sahya sudah lpas deri-pada susah di paya Tawar-Hati, tmpat aingkau sudah jatoh di dalam lumpur, dan sahya sampai di pintu; ttapi sahya sudah jumpa satu orang yang bernama Sundal, yang mau buat sahya satu bnchana."

"Baik juga aingkau sudah lpas deri-pada jrat-nya," si Kristian kata. "Nabi Yusof hampir kna itu jrat, dan dia lpas juga sperti angkau ini, ttapi hampir dia mati sbab itu.* Apa itu prepuan buat sama aingkau?"

"Angkau tahu juga dia pandai puji oraig; dan dia pujok-pujok sama sahya spaya sahya ikut dia, dan dia janji machain-macham ksuka'an."

"Ttapi ada-kah itu prepuan janji ksnaigan yang datang deri-pada hati yang suchi?" si Kristian tanya.

"Angkau tahu juga apa macham ksuka'au-nya, ia'itu ksuka'an hawa-natsu."

"Patut aingkau puji Allah sbab aingkau sudah lpas deri-pada itu prepuan, 'Kerna oraig yang Tuhan Allah bnchi nanti jatoh di dalam itu longkang.' †

"Sahya blum tahu kalan btul sahya sudah lpas digan simpurna-nya," si Stia kata.

"Ttapi tntu aingkau t'ada ikut dia punya mau," si Kristian kata.

* Kjadian 39 : 11-13.

† M^azmur 22 : 14.

"Bukan sampai buat jahat, kerna sahya ingat satu surat orang dhulu kala yang sahya sudah tengok ; dalam itu surat tersbot, 'Tapak kaki-nya bawa orang pergi nraka.'* Sbab itu sahya tutop mata sahya sbab takot teigok sama dia.† Kmdian itu prempuan maki sama sahya, ttapi sahya berjalan juga."

Si Kristian tanya, "Ada-kah angkau berjumpa lain-lain pnchoba'an pada itu jalan ?"

Si Stia jawab, "Bila sahya sampai di kaki bukit yang bernama Susah, sahya sudah jumpa satu orang yang tua skali. Dia tanya sahya apa baingsa orang, dan di mana sahya mau pergi. Sahya sudah jawab yang sahya ini satu orang yang mau pergi di shorga. Itu orang tua kata, 'Rupa-nya angkau orang baik ; kalau sahya kasi gaji, maukah angkau datang makan gaji sama sahya ?' Dan sahya tanya apa nama dia, dan di mana dia tinggal. Dia jawab, 'Nama sahya Adam yang pertama, dan sahya tinggal di negri Tipu-Daya.' ‡ Kmdian sahya tanya apa kerja-nya, dan brapa gaji dia mau kasi; dia jawab itu pkerja'an macham-macham punya ksuka'an, dan gaji-nya bgini; sahya boleh jadi waris-nya pada pighabisan. Dan sahya bertanya lagi brapa orang ada dalam rumah-nya, dan kalau ada orang gaji lagi; dan dia kata rumah-nya pnoh digan smoa perkara yang sdap, dan orang gaji-nya dia sndiri sudah beranakkan. Sahya tanya kalau dia ada beranak; dan dia jawab, 'Anak prempuan tiga saha'ja, satu nama-nya Kinginan-Tuboh, dan yang kdua Kinginan-Mata, dan yang ktiga Mewah-Kahidopan ;

* Mazmur 5 : 5.

† Ayub 31 : 1.

‡ Ifesus 4 : 22.

kalau suka angkau boleh kahwin sama dia-orang tiga-tiga.* Sahya tanya sama dia lagi brapa lama dia suka sahya tinggal sa na dia, dan dia jawab, ‘S-panjang umur sahya.’”

“Apa pighabisan-nya angkau berchakap sama itu orang tua?” si Kristian tanya.

Si Stia jawab, “Mula-mula sahya fikir mau juga ikut sama dia, kerna dia chakap banyak bagus; ttapi tingah sahya berchakap-chakap bgitu, sahya tengok ada tersurat di dahi-nya bgini, ‘Tolakkan-lah angkau punya diri yang lama digan perbuatan-nya.’” †

“Kmdian apa angkau buat?” si Kristian tanya.

“Bharu-lah ini fikiran termasok dalam sahya puiya hati, ia’itu sunggoh-pun dia pandai pujok sama sahya, ttapi kalau dia sudah bawa sahya pulaang di rumah-nya dia mau jual sama sahya jadi hamba; sbab itu sahya suroh dia jangan chakap lagi, kerna sahya ta’mau pijak pintu rumah-nya. Bharu itu orang tua maki sama sahya, dan dia kata dia mau suroh satu oraig ikut sama sahya yang boleh seksakan jiwa sahya s-panjang jalan. Kmdian sahya mau undor deri-pada itu oraig tua, ttapi bila sahya balek muka deri-pada-nya sahya rasa dia pegang badan sahya, dan tarek sama sahya balek terlalu kras, sampai sahya fikir sparoh sahya punya badan sudah hilang dan ikut dia; sbab itu sahya bertriak, ‘Hei, chlaka sahya ini!’‡ Kmdian sahya berjalan juga naik itu bukit. Bila sahya sudah sampai sparoh jalan naik itu bukit, sahya tengok blakang, dan lihat satu oraig yang kjar sama

* 1 Yahya 2 : 16.

† Ifisus 4 : 22.

‡ Rom 7 : 24.

sahya digan berlari terlalu lkas, sperti aigin dras-nya; dan dia dapat sama sahya dkat itu pondok tmpat orang berhenti."

"Di situ juga sahya sudah dudok s-kjap," si Kristian kata, "ttapi sbab sahya migantok, itu surat yang sahya simpan dalam saku baju sahya sudah hilang."

"Ttapi digar-lah sahya punya chrita dhulu," si Stia kata. "Bila itu orang sudah dapat sama sahya, s-patah pun dia t'ada chakap, chuma dia pukol satu kali, dan sahya jatoh sperti orang mati. Bila sahya sudah tersdar, sahya tanya knapa dia sudah buat bgitu; dia jawab, 'Kerna dalam aigkau punya hati aigkau ingat mau ikut itu Adam yang pertama.' Dan dia tumbok dada sahya lagi skali, sumpai sahya jatoh terlntang sperti orang mati macham dhulu. Dan bila sahya sdar pula, sahya bertriak minta kasehan; ttapi dia jawab, 'Sahya ta'tahu kasehan,' dan dia tumbok pula, dan sahya jatoh lagi s-kali. Sahya fikir tntu dia mau binasakan sahya, ttapi dataang pula lagi satu orang yang suroh dia berhenti."

"Siapa itu yang suroh dia berhenti?" si Kristian tanya.

"Mula-mula sahya t'ada knal sama dia; ttapi bila dia jalan lalu, sahya sudah tengok luka-luka di tapak taigan-nya dan di rusok-nya; bharu sahya tahu yang dia-lah Tuhan kita. Kmdian sahya berjalan naik itu bukit."

Si Kristian kata, "Tntu itu orang yang sudah kjar aigkau nama-nya Musa, kerna dia-lah yang t'ada sayangkan orang, dan dia ta'tahu kasehankan orang yang mlainggar hukum-nya."

Si Stia jawab, "Sahya knal sama dia baik-baik; bukan bharu ini dia jumpa sama sahya. Dia-lah juga yang sudah datang sama sahya waktu sahya ada tinggal di negri sndiri lagi; dan dia kata kalau sahya tinggal sana lagi dia mau bakarkan rumah taigga sahya."

Si Kristian tanya pula, "T'ada-kah angkau lihat satu rumah yang orang sudah bikin di atas bukit dkat tumpat angkau bertmu digan Musa?"

Si Stia jawab, "Ya, sahya sudah tengok itu rumah, dan itu dua ekor harimau pun,. ttapi sahya fikir itu harimau sudah tertidor, kerna itu jam kira-kira pukol dua-blas tigah hari, dan sbab siang hari lagi kutika sahya lalu di situ sahya t'ada singgah itu rumah, mlainkan trus turun bukit."

Si Kristian kata, "Itu punjgu pintu sudah bilaang sama sahya dia tengok angkau lalu; ttapi sayang angkau t'ada singgah, kerna di dalam itu rumah ada banyak perkara yang hairan skali, dan kalau angkau sudah tengok, tntu angkau ta'boleh lupa s-umor hidop. Ttapi sudah-kah angkau berjumpa siapa-siapa dalam Lmbah Krndahan ? "

Si Stia jawab, "Sahya sudah berjumpa satu orang yang bernama Tidak-Puas, yang mau ajak sahya balek sama-sama dia, sbab dia kata dalam itu limbah orang ta'boleh dapat kmulia'an; dan dia kata pula, kalau sahya ikut itu jalan, tntu kawan-kawan sahya smoa-nya nanti kchil hati, sperti Chongkak, dan Mgah, dan Bsarkan-Diri, dan Kmulia'an-Dunia, dan ada oraig lain pula yang tntu ta'suka kalau sahya bgitu bodoh sampai sahya turun dalam itu limbah."

"Apa macham angkau kasi jawab?" si Kristian tanya.

Si Stia kata, "Sahya sudah bilaq saia dia, btul itu orang sahya punya daging-darah, ttapi deri-pada waktu sahya mula'i ini perjalanan dia-orang ta'mau knal lagi sama sahya, dan sahya pun sudah buangkan dia-orang, sbab itu skarang dia-orang sperti t'ada lagi jadi saudara sama sahya. Dan sahya kata pula, dia sudah chakap salah deri-hal itu lmbah; kerna kalau orang rndahkan diri-ya, bharu boleh dapat hormat; ttapi kalau orang somborg, nanti jatoh; sbab itu sahya kata, sahya lbeh suka turun dalam itu lmbah spaya dapat satu hormat yang oraig berbudi fikir jadi hormat yang btul, dan sahya ta'mau pileh itu perkara smoa yang dia fikir baik."

"Apa lagi angkau sudah tengok dalam itu lmbah?" si Kristian tanya.

"Sahya sudah berjumpa sama si Malu; ttapi salah juga oraig yang sudah kasi itu nama sama dia. Lain-lain orang yang sahya sudah jumpa dalam ini perjalanan, kalau lama-lama kita bertigkar, dia-orang tutop mulut-ya, ttapi si Malu yang muka tbal ini skali-kali ta'mau berhenti."

"Apa-kah yang dia sudah bilaq?" si Kristian tanya.

"Dia ta'suka orang buat smbahyang skali-kali," si Stia kata, "dan dia kata kalau oraig ingat perkara agama, itu satu pkerja'an yang hina; dan dia kata, kalau orang jadi lmbot hati, dia bukan anak jantan; dan kalau kita mstil slalu jaga baik-baik klakuan kita dan apa kita chakap, sampai kita ta'boleh ikut adat oraig baik-baik, tntu smoa oraig nanti tertawakan sama kita. Dan lagi dia kata, oraig bsar-bsar dan oraig kaya dan oraig pandai-

pandai jarang ikut sahya punya agama;* dan kalau orang baik-baik ikut juga, dia tntu mstti jadi bodoh dhulu, sampai dia suka buaikan smoa spaya chari perkara yang satu orang pun ta'tahu. Dan lagi dia ta'suka sbab kba-yakan oraig yang berjalan pergi negri Sion jadi oraig miskin dan oraig hina, dan smoa-nya banyak kuraig plajaran, dan skali-skali ta'tahu ilmu. Dan dia kata itu macham juga fasal banyak perkara yang lain-lain lagi ; ia'itu, dia kata itu jadi satu malu kalau dudok dalam greja digan muka moroig mau digar guru migajar oraig, dan malu juga orang pulaig deri greja digan tarek nafas panjang; dan malu juga slalu minta ampun kalau kita buat salah yang sdikit, atau pulaigkan apa-apa yang kita sudah ambil. Dan dia kata, kalau orang ikut kita punya agama, dia mstti jauhkan diri-nya deri-pada orang bsar-bsar sbab kjahatan-nya yang sdikit, dan mstti jadi sobat baik digan orang yang hina, sbab dia-orang pun simbahyang sama-sama. ‘Dan bukan-kah itu perkara jadi malu ?’ dia kata.’

“ Kalau bgitu bgimana-kah angkau jawab?” si Kris-tian tanya.

“ Mula-mula sahya ta'tahu apa mau jawab,” si Stia kata, “ dan dia kachau sama sahya sampai sahya punya muka naik merah, ia'itu kerna si Malu juga ; dan ham-pir-hampir dia mnarg. Ttapi kindian sahya bharu ingat yang Tuhan Allah bnchi banyak perkara yang bsar dpan manusia.† Dan lagi sahya ingat yang si Malu ini boleh nyatakan hal manusia, ttapi satu pun dia tidak bilang deri-hal Tuhan Allah atau Kitab Allah. Dan sahya ingat

* 1 Korintus 1: 26; 3: 18; Filipi 3: 7, 8; Yahya 7: 48.

† Lukas 16: 15.

pula bukan-nya orang dunia yang hati bsar nanti jadi hakim pada hari kiamat, mlainkan Tuhan Allah yang maha bsar nanti tutukan kalau kita mati atau hidop. Sbab itu sahya fikir perkata'an Allah yang terlbeh baik, suiggoh-pun smoa orang dalam ini dunia lain bichara. Tuhan Allah lbeh suka pigajaran-nya sndiri, dan lbeh suka hati yang lmbot. Kitab Allah kata, ada orang yang mnjadi bodoh spaya mnchari kraja'an shorga, dan dia-lah yang terlbeh budi. Dan itu Kitab kata, orang miskin yang sayang Almaseh ada lbeh kaya deri-pada orang bsar-bsar yang bnchi sama dia. Sbab itu undor-lah deri-pada sahya, hei Malu, angkau-lah yang mau tahankan sahya spaya jangan sahya mndapat slamat. Patut-kah sahya trima angkau punya ajaran lbeh deri-pada Tuhan Allah punya? Kalau bgitu bgimana sahya brani teigok mukanya bila dia datang? Kalau skaraang sahya malu mau ikut prentah-nya atau champur sama hamba-hamba-nya, mana boleh sahya harap mau dapat berkat-nya? * Sung-goh-lah si Malu terlalu brani, dan susah skali sahya lpas deri-pada-nya; dia slalu mau ikut sama sahya, dan berbisek-bisek dalam kuping sahya deri-hal smoa perkara agama yang dia fikir susah. Ttapi kndian skali sahya sudah bilaqg sama dia, perchuma sahaja dia pujok sama sahya lagi, kerna smoa perkara yang dia fikir hina, itu-lah juga yang sahya fikir mulia. Bharu sahya lpas deri-pada itu orang yang mrenggek bgitu, dan sahya mula'i miyayi bgini:

Kalau orang suka turut jalan yang ksuchian,
Tntu dia nanti dapat banyak-lah pnchoba'an;

* Markus 8: 38.

Dan jikalau kuraang ingat nanti kalah oleh-nya ;
Sbab itu orang Kristian mstil lawan dan jaga.

Si Kristian kata, " Sahya banyak suka angkau sudah lawan sama itu chlaka punya orang digan hati brani, kerna sperti angkau sudah bilang, btul salah dia punya nama ; dia bgitu brani dia ikut kita berjalan sampai mana-mana, dan dia choba kasi malu sama kita dpan orang banyak. Dia punya mau spaya kita jadi malu fasal yang baik. Kalau dia tahu malu, tntu dia ta'mau buat bgitu. Baik kita lawan juga sama dia, kerna msiki-pun dia brani chakap dan bsarkan diri-nya, btul dia jadikan orang bodoh sahaja ; kerna nabi Sleman kata, 'Orang berbudi nanti dapat kinulia'an jadi pusaka-nya, ttapi orang yang bodoh dapat malu.''" *

Si Stia jawab, " Sahya fikir patut kita minta tolong deri-pada Tuhan Allah, sbab dia mau kita lawan digan brani kerna yang bnar dalam ini dunia, spaya Tuhan boleh tolong kita lawan sama si Malu."

" Btul," si Kristian kata ; " ttapi t'ada-kah lain orang yang angkau sudah jumpa dalam itu lmbah ? "

" Sahya tidak jumpa satu orang lagi, sahya sudah dapat chahya matahari di dalam itu lmbah kutika sahya lpas deri-pada si Malu, dan bgitu juga s-panjang jalan dalam lmbah Bayang-Bayang Kmatian pun."

" Baik juga angkau sudah lpas deri-pada ksusahan yang sahya sudah rasa dalam itu dua lmbah," si Kristian kata. " Bila sahya bharu masok lmbah Krndahan sahya sudah jumpa satu jin yang jahat bernama Apoluon, dan dia sudah lawan sama sahya lama skali. Sahya fikir

* Perumpama'an 3 : 35.

btul dia nanti bunoh sama sahya, dan bila sahya jatoh dia pijak sama sahya sperti mau hanchor rasa-nya; kerna bila dia bantingkan sahya di bumi, sahya punya pdraig terlpas deri-pada taigan sahya, dan dia kata tntu sahya nanti binasa ; ttapi sahya sudah triak sama Tuhan Allah, dan Tuhan sudah lpaskan sahya deri-pada itu ksusahan smoa. Kmdian sahya sudah masok lmbah Bayaig-Bayaig Kmatian, dan sahya berjalan dalam glap sampai sparoh jaln dalam itu lmbah Bbrapa kali sahya fikir sahya nanti kna bunoh di situ, ttapi kmdian matahari naik bharu sahya berjalan snaig sdikit."

FASAL 12.

SI KRISTIAN BERJUMPA SAMA SI BLETIR.

Dalam itu mimpi sahya tengok bila itu dua orang ada berjalan, si Kristian tengok sblah kiri, dan dia lihat satu orang yang bernama Bletir berjalan jauh sdikit deri-pada dia di tpi jalan; kerna di sana itu jalan ada lapang juga. Dia satu orang tinggi, dan kalau jauh dia punya rupa lbeh baik deri-pada dkat. Si Stia kata sama dia:

“ Hei sobat, mana angkau mau pergi? Angkau mau pergi di shorga-kah? ”

“ Ya, sahya mau pergi di sana,” si Bletir jawab.

“ Baik-lah,” si Stia kata, “ sahya harap kita boleh berjalan sama-sama.”

“ Sahya suka juga,” si Bletir kata.

“ Kalau bgitu baik kita berjalan,” si Stia kata, “ dan kita boleh berchakap deri-hal perkara-perkira yang boleh kasi kita untong.”

“ Sahya banyak suka berchakap deri-hal perkara yang baik,” si Bletir kata, “ sahya boleh chakap sama angkau pun, atau sama siapa pun baik; tapi sahya lbeh suka berjumpa sama orang yang mau buat bgitu, sbab jarang kita jumpa orang yang buat itu macham di tingah jalan, mlainkan kbanyakkan orang lbeh suka chakap deri-hal perkara yang ta'guna. Itu sudah jadi satu susah saina sahya.”

“ Patut kita susah hati fasal itu,” si Stia kata, “ kerna kita orang dunia lbeh patut chakap deri-hal perkara Allah yang di shorga.”

"Sahya banyak suka digar aingkau chakap bgitu," si Bletir kata, "kerna aingkau chakap baiyak btul skali; t'ada apa-apa yang sama baik dan sdap sperti perkara Allah. Kalau oraig suka perkara yang hairan, apa-kah yang sama sdap sperti perkara Allah? Sperti orang yang mau chakap deri-hal chrifa oraig dhulu kala, atau perkara yang dalam, atau kalau oraig suka chakap deri-hal perkara yang hairan, atau m'ujizat, mana boleh dapat surat yang lbeh sdap dan lbeh bagus deri-pada Kitab Allah?"

"Btul juga," si Stia kata, "ttapi patut kita chari untong dan plajaran dalam itu perkara smoia."

"Itu macham sahya sudah bilang," si Bletir kata, "kerna jikalau kita chakap fasal itu perkara, tntu kita dapat untong; kalau bgitu kita dapat banyak plajaran, ia'itu kita dapat tahu perkara dunia ada sia-sia, dan perkara shorga ada untoig. Ttapi terlbeh lagi sperti perkara-perkara ini, ia'itu oraig boleh dapat tahu yang orang msti "di-beranakkan lagi skali," dan lagi kita msti dapat kbnaran dalam Almaseh, dan ta'chukop perbuatan sndiri yang baik, dan lain-lain perkara itu macham. Dan lagi kalau chakap, orang boleh dapat tahu apa arti-nya tobat dan perchaya, dan minta do'a, dan sabar, dan lain-lain perkara; dan orang boleh dapat hibur sbab blajar deri-hal perjanjian yang tersurat di dalam Injil. Dan bgitu juga oraig boleh dapat tahu bgimana kita boleh ajar oraig yang bodoh, dan lawan pigajaran yang bohong, dan nyatakan yang bnar."

"Btul," si Stia kata, "dan sahya banyak suka digar aingkau chakap bgitu."

Dan si Bletir kata pula, " Sbab itu juga kbanyak orang t'ada migerti apa guna oraig perchaya, dan kalau mau dapat hidop yang kkal kita mstil dapat anugrah di dalam hati : kerna banyak orang fikir sudah chukop kalau turut hukum Allah digan s-boleh-boleh-ya ; ttapi digan itu macham klakuan sahaja kita ta'boleh masok shorga."

" Ttapi Allah sahaja yang boleh kasi tahu deri-hal itu perkara smoa," si Stia kata, " manusia ta'boleh dapat itu perkara smoa digan rajin-ya, atau digan berchakap sahaja fasal itu."

" Sahya tahu itu macham baik-baik," si Bletir kata, " kerna orang ta'boleh trima apa-apa kala Tuhan Allah tidak kasi sama dia deri shorga ; smoa-ya dataang deri-pada anugrah, bukan digan kerja kita. Sahya boleh puugut s-ratus perkata'an deri dalam Kitab Allah yang nyatakan itu hal."

" Kalau bgitu," si Stia kata, " apa-kah yang satu perkara patut kita perhatikan skarang ?"

" Angkau punya suka," si Bletir kata, " sahya boleh chakap deri-hal perkara shorga, atau perkara dunia ; deri-hal klakuan yang patut, atau deri-hal anugrah ; deri-hal perkara agama, atau perkara mniaga ; perkara yang sudah lalu, atau yang nanti datang ; perkara lain negri, atau perkara negri sndiri ; perkara yang brat, atau yang ringan ; ttapi dalam smoa-ya kita mstil chari satu untoing."

Bharu si Stia hairan-lah dalam hati-ya, dan dia datang dkat sama si Kristian (yang ada berjalan s'oraig-s'oraig itu kutika), dan si Stia bisek sama si Kristian,

"Ini orang bagus skali, tntu dia satu orang baik yang boleh mnchari slamat dgn smpurna-nya."

Si Kristian tersenyum, dan dia jawab, "Ini orang yang angkau puji boleh tipu berpuloh-puloh orang yang ta'knal sama dia dgn mulut-nya yang manis."

"Ada-kah angkau knal sama dia?" si Stia tanya.

"Knal juga," si Kristian kata, "lbeh deri-pada dia knal sama diri-nya sndiri."

"Siapa dia?"

"Dia punya nama Bletir. Dhulu dia tinggal dalam negri kita juga. Sahya hairan angkau ta'knal sama dia; ttapi btul negri kita bnyak bsar."

"Dia punya bapa siapa, dan di mana dia tinggal?"

"Dia punya bapa bernama Pandai-Chakap, dan dia tinggal di Lorong Bising; smoa kawan-kawan-nya painggil dia Bletir di Lorong Bising. Sunggoh dia pandai chakap, ttapi dia satu orang ta'guna."

"Ttapi rupa-nya bagus," si Stia kata.

"Btul, kalau orang blum knal sama dia; rupa-nya lbeh baik di negri orang, di negri sndiri jahat juga. Bila argkau kata dia satu orang bagus, sahya irigat bbrapa gambar yang bagus rupa-nya kalau jauh-jauh, kalau dkat kurang baik."

"Sahya fikir angkau main-main," si Stia kata, "kerna sahya teigok angkau tersenyum tadi."

"Jangan skali-skali sahya bermain-main dalam ini perkara, atau salahkan orang dgn bohong; skali-skali tidak. Sahya boleh chakap lbeh trang lagi deri-hal ini orang. Dia ikut macham-macham klakuan dan macham-macham orang; bgimana dia sudah chakap tadi sama

aingkau, bgitu juga dia boleh chakap dalam kdai arak ; dan makin lbeh dia sudah minum, makin lbeh dia chakap deri-hal itu perkara ; ttapi agama tidak ada dalam hatinya, dan bukan dalam rumah-nya atau klakuan-nya ; dia punya agama smoa-nya di dalam mulut-nya, dan dia pakai agama spaya boleh buat gadoh sahaja."

" Kalau bgitu sahya btul sudah kna tipu," si Stia kata.

" Tntu aingkau sudah kna tipu," si Kristian kata, " ingat baik-baik ini perkata'an, 'Itu orang berkata-kata, ttapi dia tidak buat bgitu.'* Ttapi 'Kraja'an Allah bukan-nya deri-pada perkata'an orang, mlainkan deri-pada kuasa juga jadi-nya.'† Dia chakap fasal do'a, dan tobat, dan iman, dan orang di-beranakkan lagi skali ; ttapi dia tahu chakap sahaja. Sahya sudah masok rumah-nya, dan sahya knal sama dia di rumah-nya sndiri dan di rumah orang. Sahya tahu bnar juga sperti sahya sudah bilang. Skali-kali t'ada bakti dalam rumah-nya, kosoig sahaja ; smbahyaing pun t'ada, dan tobat pun t'ada. Kalau binataang skali-pun ada lbeh bakti-nya deri-pada itu orang. Di antara orang yang knal sama dia, dia kasi malu dan dia rosakkan agama kita ; dan sbab dia juga agama kita sudah dapat nama yang jahat dalam itu kampung di mana dia tinggal.‡ Dan orang banyak yang knal sama dia slalu pakai ini ma'na : 'Di rumah orang, kuching; di rumah sndiri, anak harimau.' Kasehan dia punya anak buah, smoa-nya banyak susah, sbab dia chakap banyak kasar, dan slalu maki dia punya orang gaji, dan prentah-

* Matius 23: 3. † 1 Korintus 4: 20. ‡ Rom 2: 24, 25.

nya pun t'ada patut, sampai satu orang pun ta'tahu apa mau buat atau bgimana mau chakap sama dia. Dan orang yang mniaga atau berjual-bli sama dia smoa-nya kata lbeh baik mniaga digan orang Jaudi, kerna si Bletir ini cherdek skali, sampai dia boleh tipu orang Jaudi skali-pun. Dan anak-anak-nya pun dia ajar migikut itu klakuan juga; dan kalau anak-nya ta'mau tipu oraig, si Bletir kata itu budak kuraig brani sbab hati-nya Imbot, dan sbotkan dia satu orang bodoh, dan sbab itu dia ta'mau puji dia dan ta'mau suroh. Sahya fikir banyak orang sudah terglinchir kaki-nya dan sudah jatoh sbab klakuan-nya yang jahat; dan kalau t'ada Tuhan Allah tahankan dia, tntu dia nanti binasakan banyak orang lain lagi."

Si Stia kata, "Sahya mstil perchaya juga sperti aigkau kata, bukan sahaja sbab aigkau knal sama dia, mlainkan sbab aigkau sudah katakan smoa itu hal sperti orang Kristian patut chakap, bukan mau umpat oraig, mlainkan sbab itu perkara ada btul."

"Angkau ta'knal sama dia," si Kristian kata; "kalau sahya ta'knal sama dia barangkali sahya pun fikir sperti aigkau sudah fikir dhulu. Dan kalau sahya sudah dngar sahaja itu khabar deri-pada oraig yang bnchi agama kita, tntu sahya fikir itu oraig umpat sama dia, kerna banyak orang yang baik kna umpat oleh oraig jahat; ttapi sahya sndiri sudah tahu itu perkara smoa, dan banyak lain lagi yang sama jahat. Dan lagi oraig yang baik smoa-nya malu fasal dia, dan ta'mau panggil dia saudara atau kawan; kalau sbot nama-nya sahaja, muka orang yang knal sama dia naik merah."

Si Stia jawab, "Skaraeng bharu sahya tahu ada orang yang chakap lain buat lain. Kmdian sahya nanti ingat itu perkara."

"Btul berchakap dan berbuat ada lain-lain," si Kristian kata, "sperti jiwa dan badan pun lain-lain. Kerna sperti badan yang t'ada jiwa jadi mayat sahaja, bgitu juga kalau orang chakap sahaja dia jadi sperti satu mayat. Kerna agama punya jiwa ia'itu klakuan yang baik. 'Ini-lah bakti yang suchi dan t'ada berchachat dpan Allah Bapa kita, ia'itu mlawat anak-anak piatu dan prem-puan janda dalam hal ksusahan-nya, dan pliharkan diri deri-pada ini dunia digan t'ada berchila.'* Si Bletir ta'tahu itu hal ; dia fikir kalau orang dgar dan berchakap-chakap dia boleh jadi orang Kristian yang baik ; itu macham dia tipu diri-nya. Kalau orang dgar, ia'itu sama sperti satu orang yang tabur biji ; kalau orang chakap-chakap, blum nyata lagi kalau hati-nya ada berbuah. Dan pada hari kiamat tntu smoa orang nanti kna hukum sperti buah-nya, arti-nya perbuatan-nya. † Bukan-nya itu hakim nanti tanya, 'Sudah-kah angkau perchaya ?' mlain-kan, 'Sudah-kah angkau berbuat, atau berchakap sahaja?' Dan hukuman-nya nanti jatoh bgitu juga. Dalam ini ma'na itu hari kiamat sperti musim potong padi, dan bila orang potong padi dia-orang ingat buah-nya sahaja. Itu buah kluar deri-pada perchaya juga ; kalau tidak, tntu Tuhan Allah ta'boleh trima ; ttapi sahya sudah kata itu macham spaya angkau boleh tahu yang si Bletir punya perkata'an ta'guna pada hari kiamat."

* Yakob 1 : 22-27.

† Matius 13 : 23.

"Mula-mula sahya t'ada brapa suka sama ini orang," si Stia kata, "ttapi skarang sahya skali-kali ta'mau berjalan sama-sama. Apa boleh buat spaya dia undor deri-pada kita?"

"Kalau angkau buat sperti sahya punya pengajaran," si Kristian kata, "sahya fikir tidak brapa lama lagi dia pun ta'mau berjalan sama kita, kalau Tuhan Allah tidak buka hati-nya spaya dia bertobat."

"Apa yang patut sahya buat?" si Stia tanya.

Si Kristian jawab, "Lbeh baik angkau pergi chakap sama dia deri-hal kuasa agama kita, dan tntu dia nanti bilaing dia suka itu perkara; bharu angkau mstt tanya sama dia trus trang kalau itu perkara sudah masok dalam hati-nya, dan kalau dia ikut bgitu dalam klakuan-nya dan di rumah-nya sndiri."

Kmdian si Stia pergi dkat si Bletir lagi skali, serta berkata, "Skaraeng bgimana angkau punya hal?"

"Baik juga," si Bletir kata, "ttapi sahya fikir sudah lama kita t'ada chakap apa-apa."

"Baik kita mula'i skaraeng, kalau angkau mau," si Stia kata; "angkau sudah bilaing tadi sahya boleh pileh apa macham perkara kita mau perhatikan, sbab itu baik kita fikir bgimana anugrah Allah yang kasi slamat boleh nyatakan diri-nya dalam hati manusia."

"Kalau bgitu," si Bletir kata, "kita mau chakap deri-hal kuasa. Baik-lah, itu pun satu perkara yang baik, dan sahya suka kasi jawab juga. Kalau chakap pendek sahaja, mula-mula kalau ada anugrah Allah dalam hati manusia, tntu itu orang banyak chakap mlawan dosa. Dan kdua—

"Nanti dhulu," si Stia kata, "baik-lah kita preksa satu perkara dhulu. Tapi sahya fikir lbeh baik aingkau kata, kalau ada anugrah Allah dalam hati, tntu itu orang bnchi dosa."

"Apa lain-nya chakap mlawan dosa dan bnchi dosa?" si Bletir tanya.

"Tntu banyak lain," si Stia kata, "ada orang yang chakap mlawan dosa spaya dapat nama yang baik; ttapi orang ta'boleh bnchi dosa kalau Allah blum obahkan prangai dalam hati-nya. Sahya sudah digar guru-guru pun yang chakap mlawan dosa dalam greja, ttapi dalam hati-nya sndiri, dan dalam rumah-nya dan dalam klakuan-nya pun dia-orang diamkan dosa. Sperti bini Potifar yang bertriak digan suara yang nyaring dan buat-buat diri-nya orang yang suchi, ttapi dia mru juga buat jahat digan nabi Yusof.* Ada juga orang yang berchakap mlawan dosa sperti satu mak tgurkan anak-nya dan kata dia kotor atau nakal, ttapi itu jam juga dia plok dan chium sama dia."

"Sahya tengok aingkau mau tangkap orang punya salah," si Bletir kata.

"Bukan-nya bgitu," si Stia kata, "mlainkan sahya mau btulkan orang punya salah. Tapi apa-kah perkara yang kdua yang angkau mau katakan tadi yang boleh nyatakan ada anugrah dalam hati orang?"

Si Bletir kata, "Kalau orang banyak tahu deri-hal smoa ruhsia injil."

"Ini tanda patut aingkau sbotkan dhulu, ttapi dhulu atau kndian pun t'ada bnar juga. Kerna orang yang

* Kjadian 39: 15.

skali-kali t'ada anugrah Allah di dalam hati-nya boleh dapat tahu banyak perkara deri-hal ruhsia injil. Ada juga orang yang t'ada jadi satu apa-apa, miski pun dia tahu smoa perkara.* Bila Almaseh sudah tanya sama murid-murid-nya, ‘Ada-kah angkau tahu smoa ini perkara?’ dia-orang jawab, ‘Tahu.’ Kmdian Almaseh kata, ‘Slamat-lah angkau kalau angkau buat bgitu.’† Dia kata dia-orang dapat slamat bukan sbab dia-orang sudah tahu, mlainkan sbab dia-orang buat bgitu. Kerna ada orang yang tahu, ttapi ta'mau buat. Dan ada orang yang bukan orang Kristian skali-kali miski pun dia-orang tahu sama sperti satu mla'ikat. Sbab itu itu perkara yang angkau kata jadi satu tanda, bukan btul satu tanda. Orang yang banyak chakap dan yang bsarkan diri-nya suka tahu macham-macham perkara; ttapi kalau dia-orang buat, bharu Tuhan Allah suka. Ttapi kalau orang jadi bodoh dan blum tahu apa-apa, tntu hati-nya ta'baik. Sbab itu orang boleh tahu dua macham: ada orang yang tahu chari ilmu sahaja, dan ada orang yang tahu di dalam hati-nya dgn perchaya dan dgn kaseh-sayaig, dan orang yang tahu itu macham suka buat sperti kahandak Allah. Orang yang banyak chakap suka tahu itu ilmu, ttapi orang yang btul jadi orang Kristian ta'puas hati-nya kalau blum dapat tahu dalam hati-nya. ‘Kasi sahya migerti, dan sahya nanti ikut Tuhan punya hukum; dan sahya nanti perhatikan dia dgn s-bulat-bulat hati sahya.’”‡

“Lagi skali angkau mau tarik orang punya salah;” si Bletir kata, “ini macham chakap t'ada untong.”

* 1 Korintus 13 : 2.

† Yahya 13 : 17.

‡ Mazmur 119 :34.

"Kalau angkau suka, angkau boleh kasi lagi satu tanda yang nyatakan anugrah Allah di dalam hati orang," si Stia kata.

"Sahya ta'mau, kerna sudah nyata kita ta'boleh s-tuju," si Bletir kata.

"Kalau bgitu boleh-kah sahya kasi satu tanda?" si Stia tanya.

"Boleh juga," si Bletir kata.

Si Stia kata, "Kalau anugrah Allah ada bkerja dalam hati orang, dia sndiri boleh tahu, dan oraig lain pun boleh tahu dgn ini tanda, ia'itu: dia dapat tahu dosa-nya sndiri, dia mgaku prangai-ya jahat, dan dia tahu dia punya dosa bsar sbab dia tidak perchaya sama Isa (dan sbab itu dosa dia tntu nanti kna binasa juga kalau dia tidak chari ampun dgn perchaya sunna Isa).* Dan bila dia sudah sdar bgitu, dia bnyak susah hati dan banyak malu sbab itu dosa. Dan lagi dia dapat tahu dalam hatinya yang btul-lah Isa jadi Juru-slamat kerna smoa orang dalam dunia, dan dia rasa dia mstti jadi hamba Isa s-panjang umor-nya, sampai hati-ya lapar dan haus rasa-nya mau chari Isa. Dan Tuhan Isa sudah berjanji orang yang lapar dan haus itu macham nanti dapat slamat. † Kalau btul dia bnyak perchaya sama itu Juru-slamat, lbeh bnyak lagi suka-chita dan sntausa dalam hati-ya, dan dia bnyak rindu mau dapat ksuchian, dan mau dapat knal lagi sama Isa, dan slalu buat sperti kahandak-nya; ttapi kalau kuraig perchaya, tntu smoa itu perkara

* Yahya 16: 8, 9.

† Mazmur 38: 18; Yirmia 31: 19; Galatia 2: 16; Perbuatan Rasul 4: 12; Matius 5: 6.

kurang juga. Tapi miski-pun anugrah Allah mnjadi nyata bgitu, jarang itu orang sndiri tahu fasal itu anugrah, kerna dia punya hati blum traing, dan dia ta'boleh timbang baik-baik. Tapi mnjadi nyata juga sama orang lain, kerna itu orang tntu nanti migaku diri-ya perchaya sama Almaseh;* dan sbab klakuan-nya ada sperti dia migaku, ia'itu dia punya klakuan suchi, dan hati-ya pun suchi, dan di rumah-nya sndiri atau di rumah orang lain pun dia buat klakuan yang suchi; dan sbab dia suchi bgitu dia bnchi dosa-ya sndiri, dan dia tahankan orang dalam rumah-nya pun spaya dia-orang jaigan buat dosa, dan dia ajak orang lain pun ikut bgitu juga; bukan dngan chakap sahaja sperti orang pura-pura atau orang yang bletir, mlainkan dngan mnurut sperti Kitab Allah suroh, dngan suka hati-ya dan dngan perchaya.†. Skorang kalau tuan mau bertigkar apa-apa yang sahya sudah bilang deri-hal anugrah Allah, dan bgimana itu anugrah mnjadi nyata dalam klakuan orang, lbeh baik bertigkar skorang; kalau tidak, ada lagi satu perkara sahya mau tanya."

"Tidak, sahya ta'mau bertigkar skorang," si Bletir kata, "sahya mau dngar sahaja; sbab itu baik angkau katakan apa angkau mau tanya."

"Ini-lah dia," si Stia kata; "sudah-kah angkau sndiri rasa bgitu dalam hati angkau ? dan ada-kah angkau punya klakuan sama sperti sahya sudah bilang tadi ? atau ada-kah angkau chakap sahaja deri-hal perkara agama dan ta'mau buat ? Kalau angkau mau kasi jawab, jangan

* Rom 10: 10; Matius 10: 32; Lukas 12: 8.

† Yahya 14: 15; Mazmur 50: 23; 1 Yahya 5: 2; Galatia 6: 7; Ibrani 12: 41.

bilaq lain deri-pada yang bnar, sperti aigkau tahu dalam hati sndiri, dan yang Tuhan Allah pun tahu ada bnar, ‘Kerna bukan-nya orang yang bnarkan diri-nya jadi stia, mlainkan orang yang Tuhan Allah bnarkan.’ * Dan lagi kalau sahya bilaq sahya satu macham orang, ttapi smoa oraig tahu sahya punya klakuan t’ada s-tuju, mnjadi dosa yang bsar.”

Bila si Bletir digrar bgitu muka-nya naik merah, ttapi kindian ttap pula hati-nya, dan dia kata, “Skaraq aigkau mau chakap deri-hal rasa hati kita dan deri-hal Allah ; dan mau minta Allah bnarkan perkata’an kita. Sahya tidak sangka aigkau mau chakap itu macham, dan sahya ta’suka kasi jawab, sbab sahya fikir t’ada patut ; dan kalau aigkau mau tanya pun, sahya ta’mau trima aigkau jadi sahya punya hakim. Ttapi knapa aigkau mau tanya itu macham?”

Si Stia jawab, “Sbab sahya tengok aigkau banyak-banyak chakap, dan sahya fikir barangkali t’ada apa-apa lagi mlainkan chakap sahaja. Dan kalau sahya bilang nyata-nyata, sahya sudah digrar khabar yang aigkau boleh chakap sahaja deri-hal perkara agama, dan angkau punya klakuan t’ada s-tuju sperti angkau migaku. Orang kata aigkau satu chlaka di antara sgala’ orang Kristian, dan agama kita dapat nama busok sbab angkau punya perbuatan yang jahat, sampai banyak orang kuatir sbab angkau punya klakuan, dan sbab itu barangkali dia-orang nanti binasa. Aigkau punya agama boleh champur sama kdai arak, dan tuaaha, dan kotor, dan sumpah, dan bohong, dan oraig sia-sia. Sperti orang kata, prempuan

* 2 Korintus 10: 18.

sundal kasi malu sama smoa prempuan baik, bgitu juga angkau kasi malu sama smoa oraig yaig migaku diri. nya orang Kristian."

" Kalau angkau mau digar-digar khabar orang," si Bletir kata, " dan mau salahkan orang digan kurang preksa, tntu angkau punya hati busok, dan sahya ta'mau chakap lagi sama angkau. Tabek."

Bharu si Kristian dataang dkat si Stia serta berkata, " Btul sperti sahya sudah bilaig, dia punya hati ta'suka kalau oraig chakap itu macham sama dia. Dia ta'mau taubat, dan sbab itu dia ta'mau chakap lagi. Ttapi biar juga dia pergi; bukan kita kna rugi sbab dia pergi, mlainkan dia punya rugi. Ta'usah kita undor deri-pada dia atau tolakkan dia; lbeh snaig itu macham. Kalau dia ada sama-sama kita, tntu kita pun dapat nama busok. Dan lagi itu Kitab kata, ' Undor-lah deri-pada itu macham orang.'"^{*}

" Ttapi baik juga kita sudah chakap sama dia bgitu," si Stia kata, " barangkali kmdian dia nanti ingat. Sahya sudah chakap banyak trang, sbab itu dosa-nya t'ada tanggong atas sahya."

Si Kristian jawab, " Baik juga angkau sudah chakap trang bgitu; jman skaraig jaraig orang chakap itu macham, dan sbab itu banyak oraig bnchi agama kita. Kerna ada banyak orang bodoh yaig bletir itu macham, dan yang chakap sahaja deri-hal agama, ttapi t'ada ikut klakuan yaig bnar; kalau orang Kristian trima dia jadi kawan dan kasi dia champur digan orang bnar, tntu nama Kristian jadi busok, dan orang yang bukan Kristian ta'boleh

* 1 Timotius 6 : 5.

migerti. Baik juga kalau smoa orang Kristian chakap sama itu macham orang traing-traing, sperti angkau sudah chakap tadi ; kalau bgitu tntu dia-orang nanti bertaubat atau undor deri-pada kita."

Si Kristian dan si Stia chakap sama-sama deri-hal smoa perkara yang dia-orang sudah tengok dalam itu perjalanan, jadi snang-lah dia-orang berjalan ; kalau tidak chakap itu macham tntu pnat, kerna itu kutika dia-orang berjalan dalam tmpat yang suyi. Bila dia-orang sudah hampir kluar deri tanah yang suyi, si Stia teengok blakaing, dan dia lihat ada satu orang ikut dia-orang, dan dia knal sama itu oraig. Dan dia kata sama si Kristian, "Teengok itu orang yang ikut kita. Angkau tahu siapa-kah dia?"

Si Kristian pun teengok dan kata, "Ini sahya punya kawan Guru Injil."

"Dia jadi sahya punya sobat juga," si Stia kata, "kerna dia-lah yang sudah tunjokkan jalan yang mnuju itu pintu."

Guru Injil sampai di tmpat dia-orang dua-dua berdiri, dan dia kata, "Slamat-lah angkau, hei sobat sahya, dan slamat-lah smoa orang yang tolong angkau."

"Sahya bnyak suka jumpa sama aigkau, hei Guru Injil," si Kristian kata, "bila sahya teengok aigkau punya muka sahya ingat brapa rajin aigkau sudah bkerja spaya jiwa sahya boleh dapat berkat yang kkal."

"Berribu-ribu trima kaseh sama Tuhan Allah sbab angkau sudah datang," si Stia kata, "kita orang yang berjalan di negri Sion banyak suka jumpa sama angkau."

Guru Injil kata, "Bgimana aingkau punya hal deri-pada waktu kita sudah jumpa dhulu? Apa sudah jadi, dan apa macham angkau punya klakuan?"

Dia-orang dua-dua chritakan smoia perkara yang sudah jadi, dan digan brapa susah dia-orang sudah sampai itu tmpat.

Guru Injil jawab, "Sahya punya hati banyak suka, bukan sbab aingkau kna susah, mlainkan sbab aingkau sudah dapat mnaing, dan sbab aingkau sudah turut ini jalan sampai skaraing, mski-pun aingkau oraig yaig lmah juga. Sahya suka hati bgitu, kerna diri sahya sndiri dan kerna aingkau pun. Sahya sudah tabur itu bneh, dan aingkau sudah potong padi-nya; dan t'ada brapa lama lagi orang yaig tabur dan yaig potong padi nanti suka-hati bersama-sama, ia'itu kalau aingkau tinggal ttap, kerna 'Kita nanti potong padi pada musim-nya, kalau kita t'ada lteh.'* Ada satu makota sdia kerna aingkau, ia'itu makota yaig ta'boleh layu: choba aingkau lari digan hal aingkau boleh dapat itu makota.† Ada orang yang berjalan mau chari itu makota, ttapi bila dia-orang sudah jalan sdikit jauh, ada lain orang ambil itu makota deri-pada dia. 'Sbab itu pegang baraig yaig ada pada aingkau, spaya jangan orang lain ambil aingkau punya makota.'‡ Kamu blum lpas deri-pada kuasa iblis. 'Dalam hal aingkau lawan digan dosa, blum juga aingkau tahan sampai berdarah.'§ Baik aingkau slalu ingat fasal kraja'an shorga, dan patut aingkau lbeh iugat fasal hati sndiri dan smoia k'inginan-nya, kerna hati manusia jadi satu pnipu yaig

* Yahya 4: 36; Galatia 6: 9. † 1 Korintus 9: 24-27.

‡ Kiyata'an 3: 11.

§ Ibrani 12: 4.

bsar skali dan banyak jahat.* Baik aingkau ttapkan hati angkau, tgoh sperti batu gunung: smoa kuasa yang di shorga dan yang di bumi boleh tolong aingkau.”†

Si Kristian balaskan banyak trima kaseh sama Guru Injil sbab ajaran-nya, dan minta dia chakap lagi tigah dia-orang berjalan, terlbeh pula sbab dia tahu itu Guru ada sperti satu nabi, yang boleh kasi tahu apa nanti jadi, dan bgimana dia-orang boleh lawan pnchoba'an sampai dapat mnang. Si Stia pun minta Guru Injil chakap lagi.

Guru Injil kata, “Hei anak-anak, aingkau sudah digar deri-pada perkata'an Injil yang bnar bgimana kita msti masok kraja'an shorga digan taiggong banyak ksusahan.‡ Dan lagi dalam tiap-tiap negri oraig nanti ania-yakan kita. § Sbab itu dalam ini perjalanan sudah tntu aingkau nanti kna susah. Sampai skaraig pun aingkau sudah rasa sdikit ksusahan, dan t'ada brapa lama ada lagi nanti dataig: kerna aingkau boleh tengok hampir-hampir aingkau sudah kluar deri-pada ini tanah suyi, sbab itu t'ada brapa lama lagi aingkau nanti masok satu negri, dan dalam itu negri aing'au nanti j'umpa banyak musoh yang nanti choba bunoh aingkau. Dalam aingkau dua-dua tntu satu nanti kna bunoh, dan darah-nya mnjadi sperti satu chap yang nanti ttapkan aingkau punya saksi. ‘Aingkau mstijadi stia sampai mati, dan Raja nanti kasi aingkau hidop, jadi aingkau punya makota.’|| Dan siapa yang mati di situ mski-pun mati-nya t'ada patut, dan barang-kali dia nanti kna banyak seksa, ttapi lbeh untoig itu oraig deri-pada kawan-nya, bukan sahaja sbab dia sampai di negri

* Yirmia 17: 9. † Matius 28: 18. ‡ Perbuatan Rasul 14: 22.

§ Perbuatan Rasul 20: 23. || Kiyata'an 2: 10.

Sion lbeh dhulu, mlainkan sbab dia lpas deri-pada bayak ksusahan yaig nanti dataig atas kawan-nya. Ttapi bila aingkau sampai di negri yang di dpan ini dan kna susah sperti sahya sudah bilang tadi, bharu aingkau msti ingat sahya punya chrita ini, dan buat klakuan sperti anak jantan, dan ‘srahkan aingkau punya jiwa sama Tuhan Allah serta buat baik, kerna Allah ada stia yaig sudah jadikan aingkau.’ ” *

* 1 Petrus 4 : 19.

FASAL 13.

DERI-HAL PASAR BERNAMA SIA-SIA.

Dalam itu mimpi sahya teigok si Kristian dan si Stia sudah kluar deri tanah sunyi, dan dia-orang teigok ada satu negri dpan dia-orang. Itu negri punya nama Sia-sia, dan di situ orang sudah buka satu pasar, tmpat orang berjual-bli s-hari-hari ; jadi itu pasar pun bernama pasar Sia-sia, kerna apa-apa yang orang jual di situ smoa-nya perkara yang sia-sia sahaja.

Itu pasar bukan-nya bharu buka, mlainkan lama sudah. Sahya boleh chritakan apa macham asal-nya.

Ada kira-kira lima ribu tahun dhulu bbrapa orang mau pergi negri shorga digan berjalan sperti si Kristian dan si Stia ini. Ttapi Ba'al-zabul dan Apoluon dan Ligion digan smoa kawan-kawan-nya sudah teigok orang yang pergi shorga ada ikut jalan trus negri Sia-sia, sbab itu dia-orang smoa pakat mau buka satu pasar di situ spaya orang boleh jual macham-macham perkara yang sia-sia. Sbab itu orang jual di situ macham-macham barang, ia'itu, rumah-rumah, dan tanah, dan baraig mniaga, dan pangkat dan kbsaran, dan bbrapa negri dan kraja'an, dan smoa k'inginan dan ksuka'an, sperti sundal dan gundek dan bini dan laki pun, dan anak-anak, dan tuan-tuan, dan hamba, dan orang gaji, dan nyawa orang digan darah-nya dan badan-nya dan jiwa-nya, dan 'mas perak mutiara dan intan, dan bnyak lain lagi.

Itu pasar sudah banyak lama.

Dan dkat itu pasar slalu boleh jumpa orang penipu, dan orang buat silap-mata, dan wayang dan permainan, dan orang bodoh, dan orang main judi, dan orang penchuri.

Dan lagi orang boleh tergok macham-macham digan ta'usah bayer apa-apa, sperti penchurian, dan pmbunohan, dan zina, dan orang makan sumpah, dan smoa perkara yang merah sperti darah.


Dan sperti pasar yang lain pun ada banyak lorong-nya dan jalan-nya, kerna orang jual lain-lain barang dalam lain-lain lorong dan lain-lain tmpat, mnurut sperti itu barang punya tmpat asal, ia'itu lorong China, dan lorong Malayu, dan lorong Kling, dan lorong Inggris, dan lorong Blanda; di sana itu barang-barang boleh di-bli.

Sperti sahya sudah bilang tadi, smoa orang yang mau pergi negri shorga mstil lalu trus negri Sia-sia: kalau orang mau pergi di shorga digan t'ada lalu trus pasar Sia-sia, 'dia mstil kluar deri dalam ini dunia.'* Bila Raja yang di atas smoa raja-raja ada sini, dia sudah pergi trus negri Sia-sia pada satu hari bila itu pasar ada bayak

Almaseh sudah ikut ini ja-
lan trus pasar Sia-sia.

ramai skali: dan sahya ingat juga yang Ba'al-zabul, kpala negri itu, sndiri sudah minta itu Raja bli barang-barang-nya yang sia-sia; dan dia mau jadikan itu Raja tuan dalam itu pasar kalau dia mau kasi hormat sama Ba'al-zabul waktu dia berjalan trus itu pasar.† Dan Ba'al-zabul sudah bawa dia masok smoa lorong-lorong-nya, dan sudah tunjokkan dia smoa kraja'an dunia dalam s-kjap sahaja lama-nya,‡ spaya barangkali itu Raja yang maha bsar boleh tawar dan bli dia punya barang yang sia-sia: ttapi skali-kali dia ta'mau

* 1 Korintus 5 :10. † Matius 4 : 8; Lukas 4 : 5-8. ‡ Lukas 4 : 5.



blanjakan satu sen.* Sbab itu kita tahu itu pasar sudah banyak lama, dan banyak bsar skali : dan sahya sudah bilang tadi si Kristian dan si Stia mstl lalu trus itu pasar. Ttapi bila dia masok dalam itu pasar, smoa orang yang di situ terpranjat skali ; sampai kachau smoa orang dalam itu negri. Dia-orang jadi kachau itu machain, ini-lah sbab-nya :—

(1) Kerna si Kristian dan si Stia punya pakaian ada lain deri-pada pakaian orang banyak yang mniaga di situ. Sbab itu smoa orang datang mau intai dan preksa sama dia : ada yang berkata dia-orang bodoh, ada yang kata dia bharu kluar deri rumah gila, ada yang kata dia-orang lain negri. †

(2) Dan lagi dia-orang punya chakap pun lain : jarang ada orang yang boleh migerti dia punya chakap, kerna dia-orang dua-dua chakap bhasa orang Kana'an, ttapi orang yang jual-bli dalam itu pasar smoa-nya orang dunia. Sbab itu smoa orang kata dia-orang dua-dua orang lain negri. ‡

(3) Dan orang yang jual-bli di situ banyak ktawa sbab si Kristian dan si Stia tidak pdulikan dia-orang punya mniaga : bukan sahaja dia ta'mau bli, dia ta'mau preksa atau tengok itu barang-barang skali-kali, dan kalan orang panggil suroh bli, dia-orang tutop kuping-nya digan jari-nya serta berkata, " Balekkan-lah kpala sahya spaya sahya jaigan tengok perkara yaig sia-sia :" kmdian dia-orang tingadah k-lairgit spaya smoa-nya migerti dia-orang mau mniaga perkara shorga sahaja. §

* Yahya 14:30.

† Korintus 1:18; 4:9.

‡ Korintus 14:11.

§ Mazmur 119:37; Filipi 3:19, 20.

Ada satu orang mau usek si Kristian dan si Stia, dan dia kata, "Apa angkau mau bli?" Tapi dia-orang dua-dua tengok sama dia digan sopan serta berkata, "Kita bli yang bnar sahaja."* Sbab itu smoia hinakan dia lbeh lagi, ada yang ktawa, ada yang maki, dan ada yang suroh pukol si Kristian dan si Stia. Blakang mnjadi satu huruhara di pasar dan gadoh yang bsar, sampai orang pergi kasi tahu kpala pasar: dan itu kpala datang sama kawan-kawan-nya yang dia banyak harap, dan suroh tangkap dua-dua orang yang sudah kachaukan itu pasar, dan preksa apa macham hal-nya. Itu orang yang mau preksa dia-orang tanya deri mana dia-orang datang, dan di mana dia-orang mau pergi, dan apa dia-orang mau buat dalam pasar digan pakai pakaian yang lain deri-pada orang banyak.

Si Stia sama si Kristian jawab, "Kita ini orang dagaig yaig jalan pergi di negri kita sndiri, ia'itu Yerusalem yang di shorga. † Skali-kali kita ta'mau kasi orang susah, dan ta'patut ini orang aniayakan kita atau tangkap kita: chuma kita sudah bilang bgini sahaja, ia'itu bila orang tanya apa kita mau bli, kita sudah jawab, 'Kita mau bli yang bnar sahaja.'

Tapi itu orang yang preksa dia-orang punya hal fikir dia-orang dua-dua orang gila sahaja, atau barangkali orang yang mau bikin gadoh dalam itu pasar; sbab itu dia bawa dia-orang kluar dan pukol dia-orang sama rotan, dan lempar macham-macham kotor, sama dia-orang, dan masokkan dia-orang dalam satu sangkaran bsi, spaya dua-dua-nya boleh mnjadi satu hairan sama smoia orang yang di pasar.

* Perumpama'an 28: 23.

† Ibrani 11: 13-16.

Ini pasar Sia-Sia, tmpat orang dunia suka ;
 Sini orang Kristian kna maki atau luka ;
 Dan di sini Isa pun sudah kna banyak maki,
 Sini orang pukol dia, sini juga Isa mati.

Sbab itu si Kristian dan si Stia dudok brapa lama di dalam itu sangkaran, dan siapa-siapa yang suka boleh maki atau usek sama dia. Dan itu kpala pasar tertawa sahaja sbab dia-orang kna itu chlaka. Ttapi si Kristian dan si Stia banyak sabar, dan t'ada balaskan maki atas Kalau kna aniaya orang Kristian sabarkan. orang yang maki dia, mlainkan minta berkat atas itu orang drgan chakap yang baik,* sbab itu ada orang di dalam itu pasar yang kurang kras hati-nya yang mau tgurkan dan tahankan orang hina yang maki dia. Bharu itu orang hina mula'i mlawan drgan itu orang pula, dan bilaq itu orang sa'na jahat drgan itu dua orang yang dalam itu sangkaran bsi, dan patut dia pun masok dalam itu sangkaran sbab mnjadi kawan-nya. Dia-orang jawab, "Rupa-nya ini orang ada orang baik dan diam sahaja, dan ta'miu susahkan lain orang. Ttapi ada banyak orang lain di dalam ini pasar yang lbeh patut masok dalam sangkaran atau kna rantai atau kna pasong juga." Dan sunggoh-pun si Kristian dan si Stia diam sahaja spaya jangan itu orang marah, ttapi t'ada brapa lama lagi smoa-nya berklahi, dan banyak orang kna luka. Sbab itu orang preksa si Kristian dan si Stia lagi s-kali sbab itu gadoh, dan dia-orang kna pukol lagi s-kali terlalu kras, dan orang ikat rantai di kaki-nya dan bawa dia-orang berjalan-jalan di mana-mana dalam pasar, spaya mnjadi chontoh pada orang lain, jangan orang tolong sama dia atau chakap

* 1 Petrus 3 : 9.

apa-apa yang baik deri-hal-nya. Ttapi lbeh budi lagi klakuan si Kristian dan si Stia, dan dia-orang trima smoa aniaya dan malu digan sabar dan lnbot Bila orang tengok sabar-nya, ada yang mnysal. hati-nya, sampai ada sdikit orang di dalam pasar yang taroh kasehan dan mau tolong dia-orang. Sbab itu smoa orang yang buat aniaya lbeh marah lagi, sampai dia mau bunoh dia-orang, dan dia kata, t'ada chukop dia-orang kna rantai dan masok sangkaran, mlainkan patut dia-orang mati sbab mmbuat gadoh dan sbab tipu orang di pasar.

Kmdian si Kristian sama si Stia kna masok lagi skali dalam sangkaran, sampai orang dapat hukum lagi apa mau buat sama dia.

Bharu si Kristian dan si Stia teringat perkata'an Guru Injil, dan hati-nya dapat hibur sbab Guru Injil sudah nyatakan dhulu apa mau jadi; dan lagi dia-orang ingat Guru Injil sudah bilang barang-siapa yang kna bunoh dia punya nasib yang lbeh baik; sbab itu dia-orang dua-dua fikir dalam hati-nya dia suka juga kalau dia boleh kna bunoh, ttapi dia srahkan diri-nya sama Tuhan Allah yang ntukan hil kita masing-masing,* dan dia-orang tinggal di dalam sangkaran digan hati yang snang sampai dia-orang boleh dapat tahu apa nanti jadi.

Bila jam snang, orang bawa si Kristian dan si Stia di tmpat bichara spaya dia boleh hukumkan dia; dan smoa musoh-musoh-nya d'awa sama dia. Itu hakim punya nama Tuan Bnchi-yang-Baik. Dia-orang dua-dua kna d'awa atas perkara yang sama, ttapi perkata'an surat d'awa ada lain sdikit, ia'itu bgini: "Ini orang sudah

* 1 Petrus 4: 19.

kachau dan rosakkan kita punya perniaga'an;" dan lagi, "Ini orang sudah buat gadoh dalam negri, dan sudah tarek orang lain sampai dia pun sudah ikut sperti dia punya fikiran dan pigajaran, yang mlawan hukum raja kita."

Hei Stia, jadi brani, anak jantan yang bnar,
Tuhan Allah boleh tolong, kuasa dia yang bsar.
Kalau orang pukol angkau, sabarkan aniaya-nya;
Kalau mati, angkau nanti hidop dirgan mulia.

Si Stia jawab, "Sahya tidak lawan apa-apa mlainkan perkara yang mlawan Tuhan Allah yang maha tinggi sahaja; dan skali-kali sahya t'ada buat gadoh, kerna sahya ini orang yang suka damai. Dan oraig yang mau ikut sperti kita punya bichara sudah tergok yang kita dua-dua oraig bnar dan t'ada salah, sbab itu dia pun mau ikut sperti kita; ttapi dia sudah pindah deri-pada yang jahat mau ikut yang baik. Dan angkau punya ra'a nama-nya Ba'al-zbul, ia'itu musoh sama Tuhan kita, sbab itu sahya brani lawan sama dia dan dia punya shaitan smoia."

Kmdian orang panggil siapa-siapa yang suka tolong raja-nya, dan suruh dia bersaksi mlawan dia-orang dua-dua. Bharu tiga oraig dataang yang bernama Digki dan Smbahyang-Hantu dan Puji-puji. Dan itu hakim tanya sama itu tiga oraig kalau dia-orang knal sama itu orang salah, dan apa dia mau bilang spaya mau salahkan dia.

Kmdian si Digki berdiri dan kata, "Tuan, sudah lama sahya knal sama ini orang, dan sahya mau sumpah dpan ini bichara yang ini orang—

"Nanti," itu hakim kata, "kasi itu oraig sumpah." Bharu itu orang bersumpah.

Kmdian si Digki kata, "Tuan, ini oraig punya nama banyak bagus, ttapi dia satu orang yang jahat skali dalam ini negri. Dia tidak pdulikan raja atau orang banyak, atau adat dan undang-undang kita, mlainkan slalu dia choba pujok oraig spaya dia trima pigajaran-nya yang buat orang derhaka, ia'itu pigajaran yang dia sbotkan "perkara iman" dan "perkara ksuchian:" dan sahya sndiri sudah dngar ini oraig kata, lain skali pigajaran orang Kristian deri-pada adat negri Sia-sia ini, dan skali-kali t'ada boleh sama. Bila dia chakap itu macham, bukan sahaja dia salahkan smoa apa-apa yang kita biasa buat, mlainkan dia silahkan kita ini pun yang buat bgitu."

Dan tuan hakim jawab, "Ada-kah lagi apa-apa aing-kau mau bilang?"

"Ada banyak lagi sahya boleh bilaing," si Digki kata, "ttapi barangkali tuan pnat, ta'mau ngar lagi. Kalau lain saksi sudah habis chakap, kalau ada kurang apa-apa, sahya boleh chakap lagi spaya tntu dia boleh dapat hukum bunoh."

Dan tuan hakim suroh si Digki nanti dhulu, dan dia pauggil si Smbahyang-Hantu, dan suroh dia tengok itu oraig salah, dan bilang apa dia tahu yang boleh salahkan dia.

Bila si Smbahyang-Hantu sudah bersumpah, dia kata, "Tuan, sahya tidak brapa knal saina ini oraig, dan sahya ta'mau tegok suma dia lagi: ttapi sahya tahu dia satu orang ch'laki, kerna tidak brapti hari dhulu sahya sudah chakap sama dia dalam ini negri, dan dia kata kita punya agama sia-sia, dan kalau oraig ikut itu agama

itu orang tutu ta'boleh berknan sama Tuhan Allah. Dan tuan hakim pun lbeh tahu apa itu perkata'an punya arti, ia'itu perchuma sahaja kita smoa sambahyaing, dan lagi kita orang yang berdosa, tntu nanti masok nraka. T'ada apa lagi sahya mau bilaing."

Kmdian si Puji-puji pun naik sumpah, dan itu hakim tanya apa dia boleh bilaing spaya salahkan itu orang.

Si Puji-puji jawab, "Tuan hakim dan tuan-tuan smoa, sudah lama sahya knal sama ini orang, dan sahya sudah digar dia chakap macham-macham perkara yang t'ada patut orang chakap. Dia sudah maki Ba'al-zbul, raja kita yang mulia, dan dia sudah hinakan sobat-sobat raja kita yang terhormat, ia'itu Datok Hawa-Nafsu, dan Datok Lazat, dan Datok Chari-Kpujian, dan Datok Chabol,

smoa d-sa ada pangkat
bsar, dan prentah-nya ba-
nyak kras. dan Datok Glojoh, dan smoa orang lain yang bsar-bsar. Dan lagi ini orang kata, kalau smoa orang ikut sperti dia punya fikiran, dia mau choba s-boleh-boleh spaya jangan tinggal satu orang lagi deri-pada itu orang bsar-bsar di dalam ini negri. Dan dia brani maki sama tuan hakim skali pun; dia kata, tuan satu orang yang t'ada agama, dan banyak perkata'an yang itu macham busok dia pakai, spaya dia boleh jahatkan orang yang baik-baik dalam ini negri."

Bila si Puji-puji sudah habis chakap, bharu tuan hakim kata sama si Stia, "Hei orang baungsat, yang der-haka, dan yang rosakkam agama kita, sudah-kah angkau digar apa macham ini tuan-tuan yang baik sudah bersaksi atas angkau?"

"Boleh-kah sahya dapat chakap sdikit spaya sahya boleh nyatakan diri sahya t'ada salah?" si Stia kata.

"Hei aigkau, t'ada patut angkau hidop lagi : patut aigkau kna bunoh di sini juga. Ttapi spaya smoa oraug boleh tahu bgimana lmbot hati kita, boleh juga aigkau chakap, hei orang bangsat."

Si Stia jawab, "Mula-mula sahya mau kasi jawab fasal si Dingki punya ktrangan, sbab sahya sudah chakap bgini sahaja, ia'itu sgala prentah atau hukum atau adat atau ora'g yang mlawan Kitib Allah tntu banyak lain deri-pada agama Kristian; itu-lah sahaja yang sahya sudah bilaug, dan kalau itu perkata'an t'ada btul, baik tuan bilaug apa salah-nya, dan sahya nanti migaku sahya punya salah dan minta ampun.

(2) Deri-hal Tuan Smbahyang-Hantu punya saksi, sahya sudah kata bgini, kalau ora'g mau smbahyang sama Tuhan Allah, dia mst有条件得到 iman yang btul, ia'itu perchaya sa'na Tuhan Allah ; ttapi ora'g ta'boleh btul perchaya kalau Tuhan Allah blum nyatakan diri-nya sama kita : sbab itu kalau ora'g tambah lagi lain macham smbahyang yang t'ada sama dgn smbahyang yang Tuhan Allah sudah nyatakan dalam Kitab, tntu smbahyang yang ora'g tambah itu dataug deri-pada manusia punya perchaya, dan itu macham perchaya t'ada boleh kasi ora'g hidop yang kkal.

(3) Tuan Puji-puji sudah bilang sahya maki ora'g, ttapi sahya ta'mau kasi jawab atas itu perkara ; chuma sahya mau bilaug yang ini negri punya raja dgn smoa ora'g hina yang ikut prentah-nya, dan ora'g-orang yang dia sudah sbotkan nama-nya tadi, lbeh patut tiuggal dalam nraka deri-pada dudok dalam ini negri. Sbab itu sahya minta Tuhan Allah kasehankam dia-orang smoa-nya."

Kmdian tuan hakim berchakap smoa orang dua-blas krusi yang ada dudok di situ, "Tuan-tuan, angkau tengok ini oraig yang sudah buat gadoh bsar dalam ini negri, dan angkau sudah dngar apa macham ini saksi yang baik-baik sudah saksikan atas itu oraig salah, dan angkau sudah dngar apa macham dia sudah jawab, dan apa macham dia mgaku diri-nya sudah chakap : sbab itu skaraig di atas angkau-lah yang boleh tntukan kalau ini orang patut di-gantong-kah atau patut di-ipaskan : ttapi sahya mstti kasi tahu dhulu apa macham hukum negri kita atas ini perkara. Pada jman Fira'on yang bsar yang turut prentah raja kita, sudah kluar satu hukum bgini, 'Spaya jaigan orang yang ikut lain agama bertambah-tambah banyak, smoa anak jantan mstti di-buangkan di dalam sungai.'* Dan lagi pada jman Nbukad-nissar yang bsar, yang sudah turut prentah raja kita juga, sudah kluar ini hukum, ia'itu barang-siapa ta'mau soja dan smbah patoing-nya mstti di-buangkan dalam api. † Dan lagi satu hukum sudah kluar pada jman Darius, ia'itu dalam bbrapa hari lama-nya kalau orang minta do'a sama Tuhan Allah dia mstti di-buangkan di dalam saugkaran singa. ‡ Ini orang yang derhaka sudah lawan smoa perkara yang di dalam itu hukum tadi; bukan sahaja fikiran-nya mlainggar itu hukum, mlainkan perkata'an dan perbuatan-nya pun mlainggar itu hukum. Sbab itu kita ta'boleh tahan. Kerna Fira'on sudah buat itu hukum spaya tahankan oraig deri-pada yang jahat, kerna dia suroh bunoh budak-budak yang t'ada buat salah : ttapi traing skali ini orang sudah buat salah. Deri-hal perkara yang

* Kluaran 1 : 22.

† Daniel 3 : 6.

‡ Daniel 6 : 7.

kdua dan yang ktiga, nyata-lah dia-orang sudah bertingkar dan mlawan kita punya agama, dan sbab derhaka-nya yang dia sudah mugaku dia patut mstilah kna bunoh."

Kmdian itu orang dua-blas krusi kluar deri tmpat bichara. Itu orang dua-blas krusi punya nama, Tuan Buta, Tuan Ta'baik, Tuan Dndam, Tuan Hawa-Nafsu, Tuan Buat-Jahat, Tuan Kpala-Kras, Tuan Sombong, Tuan Musoh, Tuan Pmbohong, Tuan Bigis, Tuan Suka-Glap, dan Tuan Tiada-Sayaing; dia-orang smoa ntukan dalam hati masing-masing yang dia mau kata itu orang ada salah, kmdian smoa-nya pakat digan satu hati mau kata dpan tuan hakim itu orang ada salah. Ttapi dhulu itu orang dua-blas krusi kata bgini satu sama lain: Tuan Buta, yang jadi kpala kata, "Sahya boleh tergok digan traing yang itu orang mau lawan agama kita." Tuan Ta'baik kata, "Buaugkan-lah itu macham orang deri dalam dunia." "Btul," kata Tuan Dndam, "sbab sahya bnchi dia punya rupa." Dan Tuan Suka-Nafsu kata, "Sahya ta'boleh tahan itu orang." "Sahya pun ta'boleh tahan," Tuan Buat-Jahat kata, "kerna slalu dia salahkan sahya punya klakuan." "Gantoig sama dia," Tuan Kpala-Kras kata. "Dia satu orang baig-sat," Tuan Sombong kata. "Sahya punya hati bnchi sama dia," Tuan Musoh kata. "Dia satu orang pnipu," Tuan Pmbohong kata. "Kalau gantong jadi ta'chukop seksa-nya," Tuan Bigis kata. "Kalau bunoh bharu boleh tutop mulut-nya," Tuan Suka-Glap kata. Dan Tuan Tiada-Sayaing kata, "Kalau sahya dapat smoa dunia ini sahya ta'boleh bersobat digan dia, sbab itu baik kita lkas ntukan patut dia mstilah kna bunoh." Kmdian

smaoa-nya tntukan bgitu. Dan hakim jatohkan itu hukuman atas-nya, ia'itu oraig msti bawa dia pergi jel lagi skali dan bunoh dia di situ digan seksa yang brat skali. Dia-orang bawa si Stia kluar spaya dia-orang buat sama dia sperti itu hukum, mula-mula dia-orang pukol dia digan chabok, kmdian dia-oraig tumbok sama dia, dan dia-oraig potong badan-nya digan pisau, kndian dia-orang
Bngis skali orang yang mau binasakan agama. rjam sama dia digan batu, dan tikam sama dia digan dia-orang punya pdang, dan kmdian skali dia-oraig ikat dia dkat satu tiang dan bakarkan dia hidop-hidop sampai badan-nya mnjadi abu sahaja. Bgitu-lah si Stia punya kmatian.

Ttapi sahya tengok dalam itu mimpi ada satu kreta jori yang nanti di blakang itu orang banyak, dan bila si Stia bharu mati, dia naik itu kreta, dan itu kreta bawa dia naik di atas awan-awan digan bnyi trumpet, turut jalan yang trus skali di pintu shorga.

Ttapi si Kristian punya bichara di-gantongkan, dan dia-orang bawa dia pulang di sangkaran kmbali, dan dia tinggal di situ brapa lama. Ttapi digan kahandak Tuhan Allah yang prentahkan smoa itu perkara, dan yang boleh tahankan marah oraig yang jahat, si Kristian terlpas deri-pada taigan dia-orang dan berjalan. Dan tigah dia berjalan dia nyayi bgini :—

Slamat-lah aigkau, hei kawan berbakti,
 Angkau btul jadi saksi yang brani.
 Hakim mrosakkan badan sahaja,
 Dia ta'kuasa binasakan jiwa.
 Oraig pnakot yang t'ada stia,
 Tntu ssal bila masok nraka.
 Nama Stia jadi tntu mashhur,
 Msiki-pun badan-nya dalam kubur.

FASAL 14.

SI KRISTIAN JUMPA SAMA ORANG YANG SUKA WANG.

Da'am itu mimpi sahya tengok si Kristian kluar deri negri Sia-sia, ttapi bukan s'orang-s'orang, kerna ada satu oraig yang bernama Harap ikut sama dia. Dia sudah dapat harap dalam hati-nya bila dia tengok klakuan si Kristian dan si Stia waktu dia kna aniaya dkat pasar. Si Harap berjanji sama si Kristian mau jadi kawan-nya. Itu macham hal oraig yang berjalan di negri shorga, kalau satu oraig kna bunoh sbab dia bersaksi deri-hal yang bnar digan hati brani, tntu ada pula lain oraig mnjadi kawan sama si Kristian dalam perjalanan-nya. Dan si Harap kata sama si Kristian, ada banyak oraig lain lagi di negri Sia-sia yang mau ikut juga lagi sdikit hari.

Tada brapa jauh deri itu negri, si Kristian dan si Harap tengok di dpan ada satu oraig berjalan. Itu oraig punya nama Chari-Untong-Sndiri. Bila si Kristian dan si Harap sudah sampai dkat itu oraig, dia-oraig panggil sama dia, " Hei Tuan, deri mana aingkau dataig, dan brapa jauh aingkau mau pergi? "

Dia jawab, " Sahya dataig deri negri Mulut-Manis, dan sahya mau pergi negri shorga." Ttapi dia tidak bilaang apa nama-nya.

" Deri negri Mulut-Manis! " si Kristian kata, " adakah oraig yang baik tinggal di situ? " *

* Perumpama'an 26 : 25..

“ Sahya harap bgitu,” si Chari-Untong-Sndiri kata.

“ Tuan apa nama ? ” si Kristian tanya.

“ Angkau ta’knal sama sahya, dan sahya pun ta’knal sama angkau. Kalau angkau ikut ini jalan, sahya suka jalan sama-sama ; kalau tidak, tidak apa.”

Si Kristian kata, “ Sahya sudah ditar deri-hal negri Mulut-manis ; sahya ingat orang kata, ba’yak orang kaya-kaya tinggal di situ.”

“ Btul,” si Chari-Untong-Sndiri kata, “ sahya punya saudara-saudara pun baiyak yang kaya-kaya tinggal sana.”

“ Boleh-kah sahya tanya siapa-kah tuan punya saudara-saudara yang tinggal sana ? ” si Kristian tanya.

“ Hampir smoa orang dalam itu negri,” si Chari-Untong-Sndiri kata, “ sperti Datok Putar-Balek, dan Datok Bulang-Baling, dan Datok Mulut-Manis (dia punya nenek-moyang juga yang sudah kasi nama-nya sama itu negri) : ada lagi Tuan Lichin, dan Tuan Dua-Muka, dan Tuan S-barang ; dan tuan padri dalam itu negri bernama Tuan Lidah-Berchabaing, dia-lah sahya puiya bapa-saudara ; btul sahya ini orang baik-baik, ttapi sahya puiya moyang jadi anak prahu sahaja, yang dudok berdayong, prahu-nya jalan dpan. ttapi muka-nya sndiri tengok blakang ; dan sahya pun sudah jadi kaya dalam itu pkerja’an juga.”

“ Tuan sudah-kah berbini ? ” si Kristian tanya.

“ Ada,” si Chari-Untong-Sndiri kata, “ dan sahya punya bini orang baik, dan mak-nya pun baik ; nama mak-nya Bibi Pura-pura, sbab itu tutu-lah dia punya chikeweh orang mulia, dan dia pun sndiri sudah tahu adat, dan dia pandai membawa diri-nya dpan orang kecil bsar. Btul

kita punya agama lain sdikit deri-pada oraig yang lurus skali, ttapi chuma dua perkara yaig lain deri-pada itu orang, (1) Tada pernah kita mlawan angin atau harus; dan (2) kita slalu lbeh rajin bila agama ada pakai kasut 'mas perak: dan kita suka ikut itu agama kalau ada chahya mata-hari, dan kalau orang puji dia."

Kmdian sahya teigok si Kristian undor sdikit, dan berkata sama kawan-nya si Harap, "Sahya fikir ini orang bernama si Chari-Untoig-Sndiri yang tinggal di negri Mulut-Manis; kalau btul dia, kita sudah jumpa satu orang pnipu yang nombor satu bsar."

"Tanya sama dia," si Harap kata, "tidak patut dia malu nama-nya sndiri."

Bharu si Kristian pergi dkat sama si Chari-Untoig-Sndiri, serta berkata, "Rupa-nya tuan chakap sperti orang yang tahu lbeh deri-pada smoa orang lain. Kalau tidak salah, sahya fikir sahya boleh agak tuan punya nama. Bukan-kah tuan ini si Chari-Untoig-Sndiri?"

"Itu bukan sahya punya nama," itu oraig kata, "ttapi oraig yang bnchi sama sahya panggil sahya dgn itu nama; ttapi kalau bgitu apa boleh buat? Lain-lain orang yang baik sudah kna umpat bgitu juga."

"Barangkali ada satu sbab yang orang panggil tuan punya nama bgitu," si Kristian kata.

"Skali-kali tidak," si Chari-Untoig-Sndiri kata, "chuma sbab sahya punya bichara slalu sama sperti smoa orang dunia, bgimana skali pun oraig fikir; sahya punya nasib sudah bgitu. Ttapi kalau jadi bgitu, patut sahya

trima juga; ja'gan oraig yang digki hati busokkan sahya punya nama."

"Sahya fikir btul tuan-lah itu orang yang sahya sudah dngar," si Kristian kata. "dan rupa-nya patut juga itu nama, miski-pun tuan ta'suka trima."

"Kalau aingkau fikir itu macham, apa boleh buat?" si Chari-Untoing-Sndiri kata, "ttapi kalau aingkau suka jalan sama-sama, aingkau nanti dapat sahya satu kawan yang baik."

Si Kristian jawab, "Kalau tuan mau ikut sama kita, tuan mstti lawan angin dan harus, dan sahya teengok tuan ta'suka itu macham; dan lagi kalau kita punya agama pakai kain burok, tuan mstti knal sama dia, sama sperti kutika dia pakai kasut 'mas perak; dan kalau itu agama pakai rantai dan pasong skali-pun tuan mstti toloig sama dia, sama sperti kutika oraig puji dia."

"Skali-kali ta'boleh aingkau paksa sama sahya dalam perkara agama," si Chari-Untoing-Sndiri kata, "biar sahya buat apa sahya suka, kalau bgitu sahya mau ikut."

Si Kristian jawab, "Sahya ta'mau jalan lagi sama-sama kalau tuan ta'mau ikut sperti klakuan kita dalam itu hal."

Si Chari-Untoing-Sndiri jawab, "Sahya ta'mau tinggalkan sahya punya adat yang lama, kerna itu adat t'ada salah dan boleh kasi untoing. Kalau sahya ta'boleh pergi sama-sama, sahya mstti jalan s'oraig-s'oraig sperti dhulu, sampai oraig dataig yang saka sama sahya."

Dalam sahya punya mimpi sahya teengok si Kristian dan si Harap tinggalkan dia dan jalan k-dpan; ttapi kmdian bila itu dua orang teengok blakang dia-orang teengok

ada tiga orang ikut si Chari-Untong-Sndiri, dan bila dia-orang sampai dkat dia, si Chari-Untong-Sndiri tundokkan diri-nya mau kasi tabek sama itu tiga orang, dan itu tiga orang pun kasi tabek sama dia. Itu tiga orang nama-nya, Tuan Pegang-Dunia, Tuan Suka-Waing, dan Tuan Lokek; dan si Chari-Untong-Sndiri sudah knal smoa-nya baik-baik, kerna bila dia-orang lagi muda smoa-nya sudah masok satu skola dan sudah blajar sama Tuan Kechek, yang mnjadi guru skola di negri Suka-Untong, ia'itu satu tmpat mnjaga bsar di tanah Tmaha. Itu guru skola sudah ajar dia-orang bgimana boleh dapat waing, baik digan kras, atau digan pujok oraig, atau digan puji-pujian, atau digan bohoig, atau digan mnurut agama digan pura-pura; dan itu ampat orang smoa-nya sudah dapat itu ilmu chari duit digan simpurna, sampai masing-masing-nya chukop pandai yang dia-orang sndiri boleh buka satu skola itu macham juga.

Bila smoa-nya sudah kasi tabek, sperti sahya sudah bilaung tadi, kmidian Tuan Suka-Waing kata sama si Chari-Untong-Sndiri, "Siapa-kah itu dua oraig yang berjalan dpan?" Kerna dia-orang boleh nampak juga si Kristian dan si Harap.

Dia jawab, "Dia-oraig dataig deri negri yang jauh berjalan mnchari slamat sperti suka-nya sndiri."

Si Suka-Waing kata, "Sayang itu oraig tidak nanti spaya kita smoa boleh jalan sama-sama; kerna kita ini, dan tuan pun s hya harap, smoa-nya ada mnchari slamat juga."

"Tntu," si Chari-Untong-Sndiri kata, "ttapi dia-orang dua-dua terlalu lurus skali, dan dia-orang banyak

suka fikiran-nya sndiri, dan bnihi lain orang punya bichara, sampai s-baik-baik punya orang dia tolak kalau dia tidak ikut btul sperti dia-orang punya adat."

"Jahat skali itu macham," si Lokek kata, "ttapi kita bacha dalam Kitab ada orang yang ikut yang bnar lbeh deri-pada patut; dan kalau orang ada bgitu lurus, slalu dia salahkan orang lain. Ttapi brapa-kah perkara tuan tada stuju dgan dia-orang? dan apa macham itu perkara?"

Si Chari-Untong-Sndiri jawab, "Dia-orang punya kpala terlalu kras, dia-orang fikir kalau hujan ribot pun patut-lah dia-orang berjalan juga, ttapi sahya mau nanti-kan itu harus dan argin yang baik. Itu orang brani buangkan smoa perkara kerna Allah sama skali, ttapi sahya mau jaga sahya punya diri dan sahya punya herta. Dia-orang mau ikut dia-orang punya bichara sndiri, mskipun lain-lain orang smoa-nya lain bichara; ttapi sahya mau ikut agama dalam s-brapa perkara yang sahya boleh ikut dgan slamat dan sperti adat orang jman skarang. Dia-orang mau ikut agama kalau dia pakai pakaian burok, dan kalau orang hinakan dia; ttapi sahya mau ikut dia bila dia pakai kasut 'mas perak, dan berjalan kutika panas hari, dan kalau orang puji sama dia."

"Patut-lah tuan buat bgitu," si Pegang-Dunia kata, "sahya punya fikir bodoh skali orang yang tidak simpan apa-apa yang dia ada, kalau boleh. Patut kita jadi cherdek sperti ular; kalau orang suka kerja dan berjalan dalam hujan, baik kita nanti sampai berhenti hujan. Sahya lbeh suka agama yang mmbawa di atas kita sgala berkat Allah; bodoh sahaja orang yang fikir Tuhan

Allah suka kita buangkan smoa perkara yang baik yang dia sudah kasi sama kita. Nabi Ibrahim dan Nabi Sleiman sudah ikut againa, ttapi dia-orang jadi kaya juga. Dan Nabi Ayub (Job) kata, orang-orang yang baik nanti simpan 'mas sperti habok banyak-nya. Ttapi dia-orang bukan-ya sperti itu dua orang yang dpan, kalau btul sperti tuan sudah bilaing."

Si Lokek kata, "Sahya fikir kita ini smoa berstuju atas itu perkara, sbab itu ta'usah kita chakap lagi fasal itu."

"Btul, ta'usah chakap lagi," si Suka-Waing kata, "kerna oraig yang t'ada akal dan t'ada perchaya Kitab Allah, dia-lah yang ta'tahu dia boleh buat apa dia suka, dan dia ta'tahu chari slamat-nya sndiri."

"Hei saudara-saudara," si Chari-Untong-Sndiri kata, "kita smoa ada berjalan mnchari slamat ; sbab itu spaya kita jauhkan diri kita deri-pada yang jahat, sahya mau tanya satu perkara:

Kalau ada satu orang, tuan padri pun baik, atau orang yang mniaga, yang lihat satu untong atau perkara dunia yang baik yang dia boleh dapat kalau dia jadi banyak rajin dalam perkara agama yang dhulu dia tidak pdulikan, bukan-kah patut dia mmbuat diri-nya rajin dalam itu perkara spaya dapat itu untong? dan kalau dia buat bgitu, bukan-kah dia satu orang bnar juga?"

Tuan Suka-Waing jawab, "Sahya migerti juga itu perkara, dan kalau ini tuan-tuan suka, sahya mau kasi jawab. Mula-mula deri-hal itu tuan padri; kalau ada satu padri yang baik yang dapat gaji sdikit, kalau dia tergok lain tmpat yang dia boleh dapat banyak wang lagi,

dan dia fikir boleh dapat itu tmpat kalau dia lagi rajin baca Kitab, atau kalau dia kuat-kuat mengajar orang, atau kalau dia tukar adat-nya seperti orang yang di tmpat itu suka; skali-kali sahaya tidak salahkan orang yang buat bgitu, kalau dia fikir Tuhan Allah sudah panggil dia pergi sana; ia'itu kerna ini ampat perkara:—

1. Patut juga dia chari tmpat yang lbeh bsar, sbab Allah sudah tntukan dia bgitu; boleh juga dia trima dgn ta'usah preksa sbab kuatir dalam hati-nya.

2. Dan lagi sbab dia mau dapat tmpat yang lbeh bsar dia sudah jadi satu guru yang lbeh rajin, dan dia sudah bertambah-tambah baik, dan pigajaran-nya pun bertambah baik; tutu Tuhan Allah suka itu.

3. Bila dia tukar adat-nya seperti lain orang punya suka, dan smbunyikan dia punya fikiran sndiri spaya dia boleh tololg itu orang, mnjadi nyata skali (1) dia satu orang yang tidak ikut suka-nya sndiri, dan (2) dia punya klakuan banyak lmbot, dan (3) sbab itu dia satu orang yang banyak patut mnjadi guru.

4. Sbab itu sahaya fikir kalau satu guru tinggalkan kerja yang kchil spaya chari kerja yang bsar, tidak patut orang fikir dia satu orang yang tmaha; mlainkan sbab dia sudah bertambah pandai dan bertambah rajin dalam itu hal, patut orang bilangkan dia satu orang yang sudah ikut sperti Allah sudah panggil dia, dan sperti dia sudah dapat smpat yang baik yang dia boleh tololg orang.

Dan skaraig lagi satu perkara yang tuan sudah tanya deri-hal satu orang yang mniaga. Kalau orang yang mniaga sdikit sahaja boleh mniaga lbeh kalau dia jadi smbahyang punya orang, barangkali boleh dapat bini yang

kaya, atau barangkali lbeh banyak orang atau orang yang lbeh kaya boleh datang mniaga dkat kdai-nya ; sahya fikir patut juga dia ikut smbahyang, kerna :—

1. Baik juga orang buat smbahyang ; dan apa sbab dia mau buat bgitu, itu tidak apa.
2. Dan kalau orang dapat bini yang kaya, atau dapat lbeh banyak orang mniaga dkat kdai-nya, t'ada apa salah.
3. Dan kalau orang dapat itu perkara sbab buat smbahyang, dia sudah dapat perkara yang baik deri-pada orang yang baik sbab dia sndiri sudah mnjadi baik. Kalau bgitu dia sudah dapat bini yang baik, dan orang baik datang mniaga, dan dia dapat untong yang baik ; smoa-nya itu dia dapat sbab buat smbahyang, dan smbahyang itu pun satu perkara yang baik ; sbab itu kalau orang buat smbahyang spaya dia boleh dapat itu perkara, dia sudah buat satu kerja yang baik dan beruntong."

Itu tiga orang yang lain smoa-nya puji Tuan Suka-Wang sbab dia sudah kasi jawab itu macham sama si Chari-Untong-Sndiri ; sbab itu smoa-nya fikir itu perkara banyak baik dan banyak untong. Dan smoa-nya tengok si Kristian dan si Harap t'ada brapa jauh, sbab itu smoa-nya fikir baik panggil itu dua orang dan tanya sama dia-orang sperti si Chari-Untong-Sndiri sudah tanya tadi ; kerna smoa-nya fikir skali-kali ta'boleh si Kristian atau si Harap kasi jawab atau bertingkar sama dia atas itu perkara ; dan smoa-nya lbeh suka usek si Kristian dan si Harap bgitu, sbab dhulu dia-orang sudah lawan sama Tuan Chari-Untong-Sndiri. Kmdian smoa-nya paiggil si Kristian dan si Harap, dan itu orang berhenti sampai smoa-nya sudah datang sana. Ttapi waktu dia-orang lagi

berjalan, smoa-nya pakat siapa-kah yang patut tanyakan itu fasal; dan dia-orang fikir lagi baik Tuan Chari-Untong-Sndiri jaigan taya, mlainkan lbeh baik Tuan Pegang-Dunia tanyakan, spaya jaigan si Kristian dan si Harap jadi marah sbab bharu lawan digan si Chari-Untong-Sndiri.

Bila smoa-nya sudah jumpa dan sudah kasi tabek, Tuan Pegang-Dunia tanyakan itu fasal sama si Kristian dan si Harap, dan suroh dia-orang kasi jawab kalau boleh.

Si Kristian jawab, " Kalau orang yang bharu masok agama skali-pun snang sahaja dia boleh jawab s-ribu perkara itu macham. Kerna jikalau t'ada patut oraig ikut Isa spaya dapat makan roti (sperti kita bacha dalam Injil Yahya, fasal 6) mnjadi lbeh jahat lagi kalau orang ikut Isa atau ikut agama Isa spaya dapat ksuka'an dunia. Dan kita dapat chuma orang ssat, orang pura-pura, orang yang pakai ilmu, dan hantu shaitan sahaja yang fikir dia-orang boleh buat itu macham.

1. Deri-hal oraig ssat, kita bacha dalam Kitab Allah, bila Hamor dan Shakim gilakan anak prempuan nabi Yakob dan ingin lmbu-nya dan kambing-nya, dia teingok ta'boleh dapat kalau blum bersunat; dan dia-orang kata sama kawan-kawan-nya, ' Kalau kita smoa trima sunat sperti itu orang Israel, bukan-kah lmbu-nya dan kambing-nya dan herta-nya dan binatang-nya smoa mnjadi kita punya?' Itu oraig mau dapat itu anak prempuan dan itu binatang, dan dia-orang mau ikut agama Jaudi spaya dapat dia. Lbeh baik bacha itu chrita smoa dalam Kitab Kjadian 34: 20-23.

2. Dan orang Farisi yang pura-pura itu pun slalu ikut klakuan yang jahat; dia-orang minta do'a banyak lama skali; ttapi maksud-nya mau dapat herta prempuan janda; dan Allah sudah tntukan itu orang punya hukuman terlalu brat.*

3. Dan Simon, itu orang yang pakai ilmu, sudah ikut itu macham klakuan, kerna dia mau dapat kuasa Roh Alkudus spaya digan itu kuasa dia boleh dapat wang; dan rasul Petrus sudah hukumkan dia digan patut. †

4. Yudas pun sudah buat itu klakuan, sbab shaitan sudah masok dalam hati-nya; dia ikut Isa spaya dia boleh pegaing wang, ttapi btul Yudas sudah binasa, dia punya jiwa sudah hilang skali. ‡

5. Dan sahya ingat juga ini perkara, ia'itu kalau orang ikut agama spaya dapat perkara dunia, tntu km-dian dia-orang nanti buaigkan juga itu agama; kerna sperti Yudas sudah tolakkan dunia bila dia ikut Isa, bgitu juga dia jualkan Isa spaya dapat perkara dunia.

Sbab itu chuma orang ssat dan orang pura-pura dan hantu shaitan sahaja yang boleh kasi jawab sperti aingkau punya suka, dan aingkau smoa nanti dapat balasan sperti aingkau punya klakuan yang jahat.”

Dia-orang pandang satu sama lain, ttapi satu orang pun ta'tahu apa mau jawab sama si Kristian. Dan si Harap pun fikir si Kristian sudah jawab btul skali; sbab itu smoa-nya diam sahaja. Ttapi si Chari-Untong-Sndiri dgan kawan-kawan-nya ta'boleh lawan lagi, sbabitu dia-orang undor sdikit spaya si Kristian dan si Harap boleh jalan dpan.

* Lukas 20 : 46, 47. † Perbuatan Rasul 8 : 18-24. ‡ Yahya 17 : 12.

Si Kristian kata sama kawan-nya, " Kalau ini orang ta'boleh tahan bila manusia ajarkan dia, bgimana-kah hal-nya bila Allah ta'ala hukumkan dia? Dan kalau dia-orang diam sahaja bila kita tgurkan dia-orang, mskipun kita chuma tanah sahaja, apa-kah dia-orang nanti buat bila api nraka nanti makan dia ? "

FASAL 15.

DIMAS MAU BALEKKAN ORANG DERI JALAN YANG BNAR

Si Kristian dan si Harap berjalan dpan, dan sampai
dkat satu padang yang bagus skali, bernama Snang, dan
di situ dia-orang berjalan dngan banyak suka hati ; ttapi
itu padang t'ada brapa lebar-nya, sbab orang Kristian ta'boleh
itu lkas dia-orang sampai di sblah sana,<sup>ta'boleh
dapat banyak snang dalam
dunia.</sup>
dan tengok satu bukit kchil yang bernama Untong-Waig.
Dalam itu bukit ada satu lombong tmpat orang gali perak,
dan sbab jarang orang jumpa lombong perak, banyak orang
sudah balek deri-pada itu jalan spaya dia-orang boleh
preksa dia ; ttapi sbab dataang terlalu dkat di tpi lombong,
roboh-lah tanah yang di tpi lombong, dan dia-orang binasa-
lah ; dan ada juga orang yang kna luka di situ, dan
berjalan tempang s-panjang umor-nya, ta'boleh jadi sama
sperti dhulu.

Dan dalam sahya punya wimpi sahya tengok t'ada
brapa jauh deri itu jalan ada satu orang berdiri dkat itu
lombong perak, dngan teigkah laku sperti orang baik-baik,
yang panggil smoa orang yang lalu di situ spaya dia-orang
dataang tengok ; itu orang punya nama Dimas. Dan dia
paiggil si Kristian dan si Harap, kata-nya, "Hei balek-
lah aingkau dataang sini; ada satu perkara sahya mau
tunjokkan."

"Tntu satu perkara yang banyak indah skali kalau
patut kita balek deri-pada ini jalan spaya tengok dia," si
Kristian kata ; "kalau bgitu apa juga itu perkara ?"

"Sini ada satu lomboing perak," si Dimas kata; "dan ada orang gali dalam-nya spaya dapat wang; kalau angkau suka datang, dengan sedikit kerja sahaja angkau boleh ikas jadi kaya."

Si Harap kata, "Kalau begitu baik kita pergi tengok."

"Sahya skali-kali ta'mau," si Kristian kata; "sahya sudah digar dhulu deri-hal ini tmpat, dan sahya sudah
Si Harap kna itu pncho-
ba'an. digar brapa banyak orang sudah mati di sini; dan lagi kalau orang chari wang, tntu jadi sperti satu jrat sama dia, yang tahankan dia dalam perjalanan-nya."*

Si Kristian triak sama si Dimas, kata-nya, "Bukan-kah itu tmpat ada bahya? bukan-kah itu tumpat sudah tahankan banyak orang deri-pada perjalanan-nya?"

"Tidak brapa bahya-nya, chuma kalau orang kurang jaga," si Dimas kata; ttapi bila dia chakap begitu mukanya naik merah.

Si Kristian kata sama si Harap, "Jangan kita pergi skali-kali, mlainkan ikut jalan kita sndiri."

Si Harap jawab, "Sahya fikir kalau si Chari-Untong-Sndiri sudah sampai di sini, tntu dia mau menyempang spaya tengok ini lomboing."

"Sahya pun fikir begitu," si Kristian kata, "kerna dia punya hati ingat itu macham perkara; dan susah skali dia lpas deri-pada ini tmpat."

Si Dimas panggil si Kristian lagi satu kali, kata-nya, "Angkau ta'mau-kah datang tengok?"

Bharu si Kristian jawab trus traing, "Hei Dimas, angkau mnjadi musoh sama Tuhan Allah punya jalan

* Matius 13 : 22.

yang baik ; ada satu orang Tuhan punya hakim yang sdia sudah hukumkan aigkau sbab balek deri-pada jalan,* dan knapa aigkau mau choba tarek orang lain pula spaya dia pun kna hukuman itu juga ? Dan kalau kita smoa myempang deri-pada jalan, tntu Raja nanti dngar, dan kita nanti kna malu di tmpat kita mau berdiri dngan brani.”

Si Dimas jawab, “ Sahya ini pun satu orang saudara ; kalau aigkau boleh nanti sdikit, sahya pun mau jalan sama-sama.”

Si Kristian kata, “ Apa aigkau punya nama ? Bukan-kah btul sperti sahya sudah paiggil tadi ? ”

Dia jawab, “ Ya btul, sahya punya nama Dimas ; sahya ini anak Ibrahim.”

Si Kristian kata, “ Sahya knal juga sama angkau ; aigkau punya nenek bernama Gahazi,† dan bapa aigkau bernama Yudas ;‡ dan aigkau pun ikut sperti dia-orang punya klakuan. Aigkau tipu orang, sama sperti shaitan pun tipu orang ; aigkau punya bapa kna gantong sbab dia satu orang pmbelot, dan angkau pun patut kna itu hukum juga. Ligat baik-baik, kita mau kasi tahu sama Raja kita deri-hal aigkau punya klakuan bila kita jumpa sama dia.” Dan dia-orang dua-dua berjalan-lah.

Itu waktu si Chari-Untoig-Sndiri sama kawan-kawan-nya sudah datang dkat, dan bila Dimas panggil dia-orang, smoa-nya lkas pergi ; 'ntah jatoh dalam lombongkah, atau baraigkali turun dalam itu lombong mau gali perak, atau lmas sbab wap yang busok yang slalu

* 2 Timotius 4 : 10.

† 2 Raja-raja 5 : 10.

‡ Matius 26 : 14, 15 ; 27 : 3-5.

ada di situ, t'ada-lah sahya tahu; ttapi sahya tahu t'ada satu orang tengok dia-orang lagi pada itu jalan.

Dan dalam sahya punya mimpi sahya teigok t'ada bra-pa jauh deri sana si Kristian dan si Harap datang dkat satu tiang, rupa-nya sperti batu, dkat tpi jalan ; bila dia-orang tengok itu tiang, dua-dua banyak hairan, kerna itu tiang



SATU TIANG BIKIN DERI-PADA GARAM.

hairan skali rupa-nya, hampir-hampir sperti satu prempuan yang sudah berobah mnjadi tiang batu. Sbab itu dia-orang dua-dua berhenti mau tengok itu tiang, ttapi dia-orang ta'boleh migerti itu hal, sampai si Harap tengok ada tersurat di kpala-nya digan satu macham punya surat yang dia blum pernah tengok dhulu ; dan dia panggil si Kristian, sbab dia lbeh tahu lain-lain bahasa, kalau ba-

rangkali dia boleh mengerti. Bila si Kristian sudah preksa baik-baik, dia dapat arti-nya bgini, "Ingat-lah bini Lot." Dan dia baca bgitu sama kawan-nya; sbab itu dia-orang dua-dua fikir tntu-lah itu tiang bikin deri-pada garam, sperti itu chrita di dalam kitab Kjadian (Genesis), ia'itu bila itu prempuan sudah tengok blakang mau balek negri Sadom, dia sudah berubah mnjadi tiang garam.* Sbab tengok itu tiang, si Kristian kata sama kawan-nya,

"Patut juga kita tengok ini tiang garam waktu kita bharu lpas deri-pada si Dimas, yang panggil kita pergi tengok lombong perak di bukit Untong-Wang; kalau kita sudah ikut sperti dia punya bichara (dan angkau dhulu mau juga ikut), baraikali kita ini pun sudah jadi sperti ini prempuan, yang mnjadi satu hairan spaya smoa orang yang datang kmdian boleh tengok."

Si Harap jawab, "Sahya btul mnyal sbab itu kbodohan, dan sahya hairan juga yang sahya sudah lpas deri-pada itu bahya. Kerna bini Lot punya dosa t'ada lbeh bsar deri-pada dosa sahya? Dia chuma tengok blakang sahaja, dan sahya pun mau pergi tengok. Sbab itu patut sahya puji Tuhan Allah sbab dia punya kasehan, dan patut sahya jadi malu sbab sahya sudah fikir itu macham."


Si Kristian kata, "Baik kita ingat ini perkara, spaya jadi satu larangan kmdian hari. Ini prempuan sudah lpas deri-pada satu hukuman, kerna dia t'ada mati bila negri Sadom sudah binasa; ttapi dia binasa juga dgn hukuman yang lain, sperti kita tengok dia sudah jadi tiang garam bgini."

* Kjadian 19 : 26.

"Btul," si Harap kata, "dan patut dia jadi satu larangan dan chontoh pada kita; ia'itu larangan spaya jaigan kita ikut dia punya dosa, dan satu chontoh pun yang kasi kita tahu apa macham hukuman orang yang t'ada digar itu larangan. Bgitu juga Korah, Daten dan Abiram, dungan 250 orang lain lagi yang mati sbab dosa-nya, mnjadi chontoh spaya lain orang mnjadi takot.* Tapi sahya lbeh ingat satu perkara, ia'itu bgimana Dimas sama kawan-kawan-nya bgitu brani chari waig, mskipun ini prempuan sudah kna hukuman mnjadi tiang garam chuma sbab dia tengok blakang sahaja, kerna Kitab Allah tidak bilang itu prempuan sudah balek deri-pada jalan; terlbih pula sbab deri itu lombong perak dia-orang boleh tengok ini tmpat di mana ini prempuan sudah kna hukuman-nya, dan kalau dia-orang angkat mata-nya sahaja tntu dia-orang mstti tengok ini tiang garam."

Si Kristian jawab, "Sahya pun hairan itu fasal, dan sahya fikir nyata-lah dia-orang punya hati sudah jadi kras skali, dan dia punya klakuan btul sperti orang yang churi dalam tmplate bichara dpan mata tuan hakim. Sudah tersurat yang itu orang Sadom terlalu bsar dosa-nya, sbab dia-orang buat itu dosa dpan Allah, bila waktu Tuhan lagi tengok dia, dan bila Tuhan sudah tunjok kasehan sama dia, † kerna tanah Sadom dhulu tanah baik, sperti kbun Adan; ‡ sbab itu Tuhan lbeh marah lagi, sampai hukuman-nya terlalu kras. Dan sahya fikir kalau bgitu, tntu ini orang pun yang buat dosa-nya dkat ini larangan dan chontoh yang dia-orang boleh tengok slalu, tntu nanti kna hukuman yang terlbih brat."

* Bilangan 26 : 9, 10. † Kjadian 13 : 13. ‡ Kjadian 13 : 10.



SUNGAI AYER YANG KASI HIDOP

Si Harap jawab, "Angkau sudah chakap btul, ttapi bsar skali Tuhan punya kasehan sbab kita t'ada kna hukuman (lbeh lagi sahya ini). Patut kita balaskan trima kaseh sama Tuhan Allah, dan takot sama dia, dan slalu ingat fasal bini si Lot."

Kmdian sahya tengok dia-orang dua-dua berjalan, sampai di tpi sungai, tmpat yang bagus skali. Raja Da'ud sudah sbotkan nama ini sungai "Sungai Allah,"* ttapi Rasul Yahya sbotkan dia "Sungai Ayer yang kasi Hidop."† Jalan-nya btul di tpi sungai. Sbab itu si Kristian dan si Harap berjalan-lah dgan banyak suka-chita, dan dia-orang minum itu ayer sungai yaig sdap skali, yang kasi hati-nya sgar. Dan lagi di tpi sungai kiri-kanan ada bbrapa pokok buah yaig macham-macham buah-nya ; dan daun-nya jadi obat yang baik. Dia-orang banyak suka makan itu buah, dan daun-daun itu pun banyak guna-nya kalau orang sudah kna panas sbab berjalan jauh. Dan kiri-kanan itu sungai ada padang yaig chantek skali, sbab banyak bunga yaig berchampur dgn rumput yang hijau s-panjang tahun. Dia-orang dua-dua berbaring dan tertidor di situ; kerna slamat juga orang tidor sana. Bila dia-orang bangun, dia-orang dua-dua makan lagi buah-buah deri-pada itu pokok, dan minum ayer sungai ; kmdian dia-orang tidor lagi.‡ Ada brapa hari lama-nya dia-orang tinggal di situ dgan bgitu macham hal, dan nyanyi bgini :

Orang yang pnat dan llah,
Minum ayer surgai Allah.
Sini hati dapat hibor;
Dgan slamat boleh tidor.

* Mazmur 65 : 9. † Kiyata'an 22 : 4. ‡ Mazmur 23 : 2 ; Yashaya 14 : 30.

Kaki taigan choba basoh,
Smoa luka jadi sumboh.
Sini bayak suka-chita,
Puji pada Tuhan kita.

Dan bila dia-orang mau berjalan (kerna blum juga sampai pighabisan perjalanan-nya), dia-oraug makan minum lagi, kmdian bharu berjalan.



TANGGA YANG BAWA K-PADANG JALAN-PINTAS.

FASAL 16.

SI KRISTIAN DAN SI HARAP SSAT DERI JALAN-NYA.

Sahya tergok dalam itu mimpi, t'ada brapa jauh lagi itu sungai makin jauh deri-pada dia-orang punya jalan ; dia-orang susah hati juga sbab dia-orang mstil tinggalkan itu surgai, ttapi dia-orang t'ada brani tinggalkan jalan. Dan lagi di situ jalan-nya ada banyak batu; dan kaki-nya pun sakit, sbab dia-orang sudah berjalan jauh ; sbab itu hati-nya tawar kerna jalan-nya.* Dan lagi dia-orang banyak rindu mau dapat jalan yang lbeh baik. Ttapi t'ada brapa jauh lagi di sblah kiri ada satu padang, dan ada satu tangga spaya orang boleh panjat pagar dan masok itu padang ; dan itu padraig nama-nya padraig Jalan-Pintas.

* Bilangan 21 : 4.

Si Kristian kata sama kawan-nya, "Kalau ini padang btul di tpi jalan kita, dan s-tuju dungan ini jalan, baik kita naik ini tangga dan berjalan di padang."

Si Kristian pergi dkat itu tangga mau tengok, dan dia tengok ada satu jalan dalam padang dkat itu pagar.

"Btul sperti sahya punya mau," si Kristian kata, "lagi snaug berjalan di sini; mari kita naik dan berjalan sblah sana."

"Ttapi bgimana kalau kita ssat deri-pada jalan?" si Harap kata.

Si Kristian jawab, "Sahya fikir kita ta'boleh ssat. Tengok, kita boleh ikut btul di tpi jalan."

Bharu si Harap ikut sperti kawan-ya chakap, dan Snang sahaja orang yang dia pun naik tangga. Dan bila itu dua kuat boleh ssatkan orang Imah. orang sudah turun di padang, dia-orang boleh berjalan snaug skali, sbab rumput-nya lmbot di bawah kaki-nya. Dan dia-orang tengok di dpan ada lagi satu oraig berjalan dalam itu padang juga, itu orang punya naima Harap Sia-sia; dia-oraig paiggil itu oraig yang di dpan dan tanya, "Ini jalan pergi mana?"

Dai jawab, "Di pintu shorga."

"Bukan-kah sahya sudah kata bgitu," si Kristian kata, "sbab itu kita boleh tahu ini jalan btul."

Dia-oraig dua-dua ikut, dan itu orang yang lain berjalan dhulu. Ttapi kmdian jadi malam, dan glap skali itu malam; sampai itu dua orang yang ikut ta'boleh nampak itu oraig yang jalan di dpan.

Itu orang yang berjalan dhulu, naima-nya Harap Sia-sia, jatoh-lah di dalam lobang yang dalam skali,* sbab dia

* Yashaya 9: 16.

t'ada boleh nampak mana mau pergi, kerna itu tuan tanah sudah buat itu lobaing sigaja spaya tangkap orang yang sia-sia harap-nya ; dan itu orang hanchor-lah dalam itu lobang.

Si Kristian dan kawan-nya digar-lah itu bunyi orang jatoh, dan dia-orang panggil dia, mau tanya apa salah ; ttapi t'ada orang jawab, chuma dia-orang digar bunyi orang mraong.

"Skarang kita sudah sampai di mana ?" si Harap tanya. Ttapi kawan-nya diam sahaja dan t'ada jawab, sbab dia bharu ingat barangkali dia sudah bawa kawan-nya ssat deri-pada jalan yang bnar. Itu waktu hujan pun turun, dan satu ribot dngan kilat yang sabong myabong, dan ayer pun naik di jalan sperti ayer bah.

Si Harap tarek nafas panjang, serta berkata, "Hei, sahya sahya tidak ikut itu jalan yang bnar."

Si Kristian jawab, "Siapa boleh sangka yang ini jalan nanti bawa kita ssat ?"

"Deri mula-nya sahya takot itu macham," si Harap kata, "dan sbab itu sahya ingatkan angkau patut kita mstti jaga ; sahya mau juga chakapkan trus traig, ttapi sahya muda lagi, dan sbab itu sahya tidak brani."

"Hei saudara," si Kristian kata, "jangan angkau sakit hati ; sahya banyak susah hati yang sahya sudah bawa angkau ssat bgini di tmpat yang sangat bahaya-nya ; sahya minta saudara ampunkan sahya punya salah, kerna bukan sahya buat bgitu dngan sigaja."

"Jangan susah hati," si Harap kata, "tntu sahya mstti ampunkan, dan sahya perchaya juga kita nanti dapat untong deri-pada ini hal."

Si Kristian jawab, "Sahya banyak suka sbab angkau boleh tunjok kasehan bgitu ; ttapi jangan kita berdiri di sini, lbeh baik kita balek."

"Ttapi sahya mau jalan dhulu," si Harap kata.

"Jangan bgitu," si Kristian kata, "sahya msti jalan dhulu, kerna kalau ada bahya patut sahya dhulu kna bahya, sbab sahya punya salah yang kita dua-dua ssat bgini."

"Tidak, jaigan aigkau berjalan dhulu," si Harap kata, "kerna angkau banyak biingoig sbab susah hati, sbab itu baraigkali aigkau nanti ssat lagi skali."

Itu waktu dia-orang dua-dua digar satu suara yang branikan hati-nya; itu suara kata, "Biar-lah hati angkau tuju di itu jalan bsar, ia'itu jalan yang aigkau ikut dhulu ; baik angkau balek." * Ttapi itu waktu ayer sudah banyak naik, dan sbab itu berbahaya-lah itu jalan yang dia-orang mau balek. (Dan sahya ingat lbeh snaig kita boleh ssat deri jalan deri-pada balek di jalan kalau kita sudah ting-galkan dia). Dia-orang choba juga balek, ttapi sbab glap skali, dan sbab ayer terlalu dalam, hampir-hampir dia-orang tigglam bbrapa kali.

Digan s-boleh-boleh dia-orang choba chari itu taugga di mana dia-orang sudah panjat itu pagar, ttapi itu malam dia-orang t'ada d'ipat juga. Sbab itu bila dia-orang dapat satu tmpat yaig dia-orang boleh berlindong sdikit, dia-orang dua-dua dudok mau nantikan sampai hari siaig ; ttapi sbab pnat dua-dua-nya tertidor.

* Yirmia 31 : 21.



KOTA YANG BERNAMA KOTA SHAK.

FASAL 17.

DERI-HAL GERGASI BERNAMA PUTUS-HARAP.

Tada brapa jauh deri-pada tmpat si Kristian dan si Harap ada tidor, ada satu kota yang bernama Kota Shak, dan dalam itu kota ada satu gergasi yang bernama gergasi Putus-Harap. Dia-orang ada tidor dalam itu gergasi punya kampung, dan bila itu gergasi bangun pagi-pagi, dia berjalan-jalan dalam kampung-nya, dan dia nampak si Kristian dan si Harap tertidor di situ. Itu gergasi suroh dia-orang bangun, dan dia tanya dengan marah deri mana dia-orang sudah datang, dan apa dia-orang mau buat dalam tmpat-nya.

Dia-orang jawab, "Kita ini buat satu perjalanan, dan kita sudah ssat deri-pada jalan."

Itu gergasi jawab, "Aigkau sudah masok tmpat laraangan, dan sudah pijakkan tanah aku, dan berbaring di tanah aku ; sbab itu aigkau mstik ikut sama aku."

Dia-orang mst ikuut sama dia, kerna itu gergasi terlbeh kuat; dan dia-orang t'ada brani chakap, sbab dia-orang tahu diri-nya ada salah. Sbab itu itu gergasi halau-kan dia-orang di dpan, dan masokkan dia-orang dalam jel yang glap skali dalam itu kota. Deri hari tiga pagi sampai hari anam malam dia-orang ada dalam itu tmpat, dugan t'ada makan nasi atau minum ayer; glap skali itu tnpat, dan t'ada satu oraig pun datang mau tanya apa macham hal-nya.* Sbab itu banyak susah dia-orang punya hal, jauh skali deri-pada smoa kawan-kawan-nya. Dan si Kristian lbeh susah lagi, kerna dia punya bichara yang sudah bawa dia-orang dalam ttmpat chlaka.

Orang berjalan pergi di shorga
Jangan-lah chari ttmpat snarg ;
Kalau tinggalkan jalan yang smpit
Tntu kna untoing yang malang.

Itu gergasi ada satu bini, dan bini-nya bernama Pnakot. Bila itu gergasi mau tidor, dia kasi tahu sama bini-nya deri-hal itu dua orang yang dia sudah tangkap dalam kampoig-nya, dan sudah masokkan dalam jel-nya; dan dia tanya sama bini-nya apa boleh buat sama dia-orang. Itu prempuan tanya deri mana ita oraig dataig, dan di mana dia-orang mau pergi; dan bila dia dngar dia-orang punya hal, dia kata, " Lbeh baik pukol sama dia besok pagi dugan t'ada skali-kali sayang sama dia." Sbab itu besok pagi itu gergasi chari tongkat yang bsar, dan turun dalam itu jel, dan dia maki dia-orang dan chakap kasar sperti oraig chakap sama anjing, mski-pun dia-orang skali-kali t'ada balaskan maki-nya. Kmdian itu gergasi pukol dia-orang terlalu kras, sampai dia-orang ta'boleh

* Mazmur 88 : 18.

bangun lagi, dan bergrak pun ta'boleh. Habis itu, itu gergasi kluar, dan tinggalkan dia-orang digan hal yang terlalu susah; dan s-panjang hari dia-orang mraong digan mysal sbab hal-nya terlalu susah skali.

Itu malam bila gergasi punya bini chakap sama dia lagi skali deri-hal itu oraing, dia digar yang dia-orang ada hidop lagi, dan dia kata, "Lbeh baik suroh dia-orang bunoh diri-nya." Pagi-pagi itu gergasi masok di jel, digan morong muka-nya sperti dhulu juga; dan bila dia tergok dia-orang terlalu sakit sbab kna pukol klmarin, itu gergasi kata sama dia-orang, "Skali-kali t'ada angkau dapat kluar deri-pada ini tmpat, sbab itu lbeh baik angkau bunoh diri sndiri, digan gantongkan diri angkau, atau potong lehir angkau digan pisau, atau makan rachun; kerna apa guna hidop lagi digan bgini punya seksa?" Ttapi dia-orang minta itu gergasi lpaskan dia. Itu gergasi punya muka naik asam, dan dia mau terkam dia-orang dan tntu mau binasakan dia; ttapi itu jam juga itu gergasi naik pitam, kerna biasa-nya kalau panas hari itu gergasi naik pitam, dan hilang kuasa tarigan-nya brapa lama-nya. Sbab itu, itu gergasi undor-lah, dan tinggalkan dia-orang sperti dhulu. Kmdian dia-orang berbichara sama sndiri-nya, kalau patut ikut sperti itu gergasi punya ajaran atau tidak.

Si Kristian kata, "Hei saudara, terlalu susah skali hal kita skaraig. Sahya ta'tahu yang in-una baik, hidop bgini atau lkas mati. 'Jiwa sahya lbeh suka mati lmas deri-pada hidop,' * dan sahya fikir kubur lbeh snarg deri-pada ini jel. Apa fikir? baik kita ikut sperti itu gergasi punya bichara atau tidak?"

* Ayub 7 : 15.

Si Harap jawab, "Ini hal btul chlaka skali, dan sahya pun lbeh suka mati deri-pada tinggal slalu dalam ini tmpat; ttapi baik kita ingat yang Tuan tanah tmpat yang kita mau pergi sudah bilang, 'Jangan-lah angkau bunoh,' ia'itu jangan bunoh oraig lain; kalau bgitu lbeh lagi ta'patut kalau kita ikut itu gergasi punya chakap dan bunoh diri kita sndiri. Dan lagi, kalau kita bunoh oraig lain, kita bunoh badan-nya sahaja; ttapi kalau kita bunoh diri, kita binasakan badan dan jiwa skali. Saudara sudah chakap tadi deri-hal itu kubur jadi tmpat snraig, ttapi sudah-kah angkau lupa nraka, di mana oraig pmbunoh tntu pergi? Kerna t'ada satu orang pmbunoh yang dapat hidop yang kkal. Dan patut kita ingat yang ini gergasi bukan smpurna kuasa-nya. Sahya fikir lain orang sudah kna tangkap sama sperti kita, dan sudah lpas deri-pada tangan-nya. Siapa tahu kalau digan kahandak Allah yang mnjadikan ini bumi barangkali itu gergasi nanti mati; atau kindian hari barangkali dia nanti lupa kunchikan ini jel punya pintu; atau kalau lagi skali dia kna pitam bgitu, barangkali kaki-nya pun hilang kuasa. Kalau jadi bgitu, sahya ini mau branikan hati sahya, dan choba lpasskan diri sahya deri-pada tangan-nya. Banyak bodoh skali sahya tidak choba dhulu, ttapi baik kita sabar sdikit; t'ada brapa lama lagi barangkali kita boleh dapat lpas, ttapi ja'igan skali-kali kita bunoh diri."

Digan chakap itu macham si Harap ttapkan-lah hati kawan-nya; dan dia-oraig tinggal juga dalam glap itu hari digan banyak susah hati-nya.

Bila ptang, itu gergasi turun dalam itu jel lagi skali, spaya dapat tahu kalau dia-oraig sudah ikut

sperti bichara-nya ; dan bila dia sampai di sana, dia tengok dua-dua ada hidop lagi, ttapi hampir-hampir mati, kerna sbab kurang makan minum dan sbab luka-nya dia orang ta'boleh bergrak, chuma boleh tarek nafas sahaja. Bila itu gergasi tengok dia-orang ada hidop lagi, dia banyak marah, dan dia kata, "Angkau ta'mau ikut sperti sahya punya hukum, sbab itu angkau nanti kna susah terlalu bsar; Ibeh baik kalau angkau blum pernah jadi."

Bila dia-orang digar bgitu, dia-orang migglitar digan takot, dan si Kristian jadi pengsan ; ttapi bila dia sdar deri-pada peigsan-nya, dia chakap lagi sama si Harap deri-hal itu gergasi punya bichara, kalau patut ikut atau tidak. Si Kristian rupa-nya mau ikut itu bichara, ttapi si Harap jawab lagi skali bgini :

"Hei saudara, t'ada-kah angkau ingat bgimana bra-ni angkau punya hati dhulu deri-pada ini? Apoluon
Orang yang boleh slalu harap tntu boleh tolong lain orang.
 juga angkau punya hati tawar sbab smoa perkara yang angkau sudah digar dan tengok dan rasa dalam limbah Bayaig-bayaing Kmatian. Angkau memang sudah tanggoing macham-macham susah, dan macham-macham perkara yang kasi hairan dan kasi takot. Skaraig ada-kah takot sahaja dalam angkau punya hati ? Angkau tengok sahya ini pun ada bersama-sama dalam ini jel ; sahya punya prangai banyak kuraig kuat deri-pada angkau punya. Dan ini gergasi sudah pukol sama sahya sama sperti angkau, dan sahya pun skali-kali t'ada dapat makan minum di sini, dan sahya pun susah hati sbab glap ; ttapi Ibeh baik kita sabar dhulu. Ingat

bgimana brani klakuan aingkau di pasar Sia-sia, kerna di situ t'ada aingkau takot rantai, atau sangkaran, atau mati skali-pun. Sbab itu baik kita branikan hati kita s-boleh-boleh-nya, spaya jangan kita malu sbab hati kita tawar bgini."

Itu malam bila itu gergasi mau tidor, dia punya bini tanya lagi kalau itu dua orang yang di dalam jel sudah ikut bichara-nya. Dia jawab, "Itu oraig brani juga; dia lbeh suka targgong macham-macham susah deri-pada bunoh diri-nya." Bini-nya kata, "Lbeh baik bawa dia-orang kluar besok pagi spaya dia-orang bolek teigok dalam ini kota smoa tulang dan tingkorak orang yang aingkau sudah bunoh dhulu; bharu dia-orang nanti perchaya yang aingkau mau binasakan dia bgitu juga."

Sbab itu pagi-pagi itu gergasi turun lagi skali di dalam jel, dan bawa dia-orang naik spaya tunjokkan itu tulang dan tingkorak, sperti biuni-nya sudah bilang. Dan dia kata, "Ini-lah tulang orang yang berjalan pada itu perjalanan, dan sudah masok sahya punya tanah, sperti aingkau sudah buat; bila sahya mau bunoh itu orang sahyu binasakan dia sperti aingkau teigok di sini, dan dalam s-puloh hari sahyu mau binasakan aingkau pun bgitu juga. Pergi-lah aingkau turun dalam itu jel." Kmdian itu gergasi pukol dia-orang s-panjang jalan sampai di dalam jel. Sbab itu dia-orang berbaring di situ sperti dhulu digan hal yang terlalu susah. Itu malam, bila itu gergasi digan bini-nya Pnakot sudah berbaring di tmpat tidor-nya, dia-orang chakap lagi skali deri-hal itu orang yang dalam jel. Itu gergasi jadi hairan sbab dia ta'boleh matikan itu oraig digan ajaran-nya atau digan pukol

dia. Dan bini-nya jawab, "Barangkali itu orang harap kawan-nya nanti dataig lpaskan dia, atau barangkali ada kunchi palsu sama dia, yang dia fikir boleh buka itu pintu jel." Itu gergasi kata, "Kalau angkau fikir bgitu, sahya nanti preksa itu oraig baik-baik besok pagi."

Itu malam, kira-kira tingah malam, si Kristian dan si Harap mula'i minta do'a, dan dia-orang ttap minta do'a sampai pagi-pagi, ia'itu pagi hari minggo.

Siang-siang, s-blum matahari naik, si Kristian chakap bgini digan banyak hairan sperti oraig yang sudah lupa satu perkara ; dia kata, "Bodoh skali sahya ini dudok dalam ini jel yang busok, yang sahya boleh kluar digan bebas. Kerna dalam sahya punya saku ada satu anak-kunchi yang tntu boleh buka smoa kunchi dalam ini kota Shak."

Si Harap jawab, "Ini btul khabar yang baik ; kluarkan-lah itu anak-kunchi dan choba buka."

Si Kristian kluarkan itu anak-kunchi, dan choba buka pintu jel; dan bila dia pusing itu anak-kunchi, snang sahaja terbuka, dan si Kristian sama si Harap kluar. Dan pintu yang sblah luar pun dia buka bgitu juga. Ttapi ada lagi satu pintu bsi, dan itu pintu punya kunchi terlalu knchaig skali, ttapi dapat juga itu anak-kunchi bukakan, dan dia-orang tolak itu pintu bsi spaya lkas dapat lpas; ttapi itu pintu berbunyi terlalu kuat, sampai itu gergasi Putus-Harap terkjut dari tidor. Dan dia baigun lkas skali mau kjar dia-orang ; ttapi itu gergasi punya kaki sudah hilaig kuasa, sbab itu jam juga dia kna pitam, sampai dia skali-kali ta'boleh kjar sama dia-orang. Si Harap sama si Kristian jalan juga, sampai

di jalan bsar; dan di situ-lah dia-orang sudah slamat, kerna sudah lpas deri itu gergasi Putus-Harap puya prentah.

Bila dia-orang sudah turun deri taigga yang dia-orang sudah panjat pagar, si Kristian dan si Harap fikir-fikir apa mau buat spaya jaigan orang yang dataing km-dian nanti jatoh di taigan gergasi Putus-Harap. Dan digan satu hati dia-orang tntukan mau chachak satu batu bsar, dan mau tllok surat di itu batu, sperti bgini : " Kalau naik ini taigga nanti sampai di kota Shak, tmpat gergasi Putus-Harap tinggal ; dia satu gergasi yang t'ada pduli Raja negri shorga, dan yang slalu mau binasakan orang yang berjalan pergi shorga." Banyak orang yang dataing km-dian sudah bacha itu surat, dan lpas deri-pada itu banya. Bila dia-orang sudah buat bgitu, dia-orang nyayi bgini :

Kita yang masok tmpat terlarang
Sudah dapat susah bsar ;
Kalau orang yang km-dian datang,
Ini ajaran baik aigkau drgar :
Jaigan naik tangga masok padang,
Jaigan tinggalkan ini jalan,
Ini tmpat sudah terlarang,
Ada gergasi mau binasakan.

FASAL 18.

DERI-HAL GOMBALA-GOMBALA YANG DI GUNONG SUKA-CHITA.

Si Kristian sama si Harap berjalan-lah sampai di gunong Suka-Chita ; itu tanah Raja Sion punya. Dia-orang naik atas itu gunong, spaya tergok smoa kbun yang ada di situ, digan macham-macham buah-nya, dan banyak mata-ayer ; dan dia-orang minum deri-pada itu mata-ayer, dan mandi pun, dan makan buah-buah digan bebas-nya. Dkat kmunchak gunong ada bberapa gombala yang jaga kambing-nya, berdiri dkat tpi jalan bsar. Si Kristian dan si Harap dataeng berchakap sama itu gombala, dan tanya, "Ini gunong yang bagus siapa punya ? dan siapa punya kambing yang angkau jaga ? "

Itu gombala jawab, "Ini Immanuel punya tanah, dan deri ini gunong boleh nampak juga negri-nya, dan ini kambing pun dia punya, kerna dia sudah srahkan nyawa-nya ganti smoa ini kambing." *

Si Kristian tanya, "Ini jalan mnuju negri shorgakah ? "

"Ini jalan btul pergi sana," itu gombala jawab.

"Itu negri brapa jauh deri sini ?" si Kristian tanya.

"T'ada brapa jauh, kalau orang btul mau pergi sana," itu gombala kata.

"Boleh-kah kita jalan dgan slamat, atau ada-kah ini jalan berbahaya ?" si Kristian tanya.

* Yahya 10 : 11.

Dia-orang jawab, "Ini jalan slamat juga, kalau orang ikut jalan bsar; ttapi oraig yang ssat deri-pada jalan nanti kna chlaka." *

Si Kristian bertanya lagi, "Boleh-kah oraig yang lmah dan yang pnat dapat tmpat berhenti di sini?"

Itu gombala jawab, "Ini tanah punya Tuan sudah kasi kita satu hukum, jangan kita lupa kasi tumpangan sama orang yg singgah di sini; † sbab itu aigkau boleh ambil apa-apa yang ada di sini."

Sahya tengok dalam itu mimpi, bila smoa gombala dapat tahu yg dia-orang mau berjalan pergi Sion, dia tanya apa macham hal-nya, sama sperti lain-lain orang sudah tanya dhulu, ia'itu, "Deri mana aigkau dataig?" dan, "Bginama aigkau masok ini jalan?" dan, "Bginama aigkau sudah ikut ini jalan digan ttap, kerna ada banyak oraig yang mula'i ini perjalanan, ttapi t'ada sampai ini tmpat." Bila itu go:nbala ditar bginama si Kristian dan si Harap kasi jawab apa yang dia tanya, smoa-nya tengok sama dia digan banyak kaseh sayang, serta berkata, "Slamat-lah aigkau; kita banyak suka trima sama aigkau di atas ini gunong Suka-Chita."

Itu gombala punya nama, Pigtahan, dan Biasa, dan Jaga, dan Tulus; itu ampat orang pimpin tangan si Kristian sama si Harap, dan bawa dia-orang pergi di pondok di 'nana itu gombala tiuggal, dan suroh dia-orang makan ap-i-apa yang sudah sdia, dan smoa-nya kata, "Kita minta aigkau tiuggal sini bbrapa hari, spaya kita boleh knal sama aigkau, dan lagi spaya boleh hiborkan


* Hosta 14: 9.

† Ibrani 13: 2.

hati angkau digan smoa perkara yang baik yang ada di atas ini gunong Suka-Chita." Si Kristian dan si Harap banyak suka tinggal di situ, dan smoa-nya berbaring dan tertidor, kerna sudah malam.

Dan sahya tengok dalam mimpi, smoa gombala pauggil si Kristian dan si Harap pergi berjalan-jalan di atas itu gunong. Dan "smoa-nya kluar berjalan, dan tengok smoa tmpat yang bagus-bagus. Itu gombala kata satu sama lain, "Baik kita tunjokkan perkara-perkara yang hairan sama dia-orang." Dan itu gombala bawa dia-orang naik di kmunchak gunoig yang bernama Ssat, yang churam skali di sblah sana; dan dia suroh si Kristian dan si Harap tengok di bawah itu tmpat yang churam, dan bila dia-orang pandang di bawah dia-orang tengok bbrapa banyak orang yang hanchor skali badanya, sbab jatoh deri atas itu ttmpat. Si Kristian tanya, "Ini apa arti-nya?" Itu gombala jawab, "Blum-kah angkau digar deri-hal orang yang sudah ssat sbab turut sperti pigajaran Huminaius dan Filetus fasal badan kita nanti hidop pula?*" Dia-orang jawab, "Kita sudah digar." Itu gombala kata, "Ini-lah dia yang angkau tengok hanchor badan-nya di kaki gunoig, dan sampai skaraig pun blum orang tanam mayat-nya, spaya mnjadi larangan pada orang lain, ia'itu jangan orang panjat terlalu tinggi, dan jangan dkat tpi ttmpat yang churam." Kmdian sahya tengok itu gombala bawa si Kristian dan si Harap di atas kmunchak gunoig yang lain, bernama Jaga-Baik-Baik, dan suroh itu orang tengok jauh-jauh; dan bila dia-orang sudah tengok, dia-orang nampak ada

* 2 Timotius 2 : 17, 18.



ORANG-ORANG YANG ITU GERCASI PUTUS-HARAP SUDAH BUTAKAN.

bbrapa oraig berjalan-jalan di tigah-tigah sgala kubur yang ada di situ; itu oraig punya mata buta, kerna kadaig-kadaig dia terantok di kubur, dan rupa-nya itu oraig ta' boleh dapat jalan kluar deri antara itu kubur smoa. Si Kristian tanya, "Ini apa arti-nya?"

Itu gombala jawab, "Tada-kah angkau tengok tidak brapa jauh deri kaki gunoig ada satu taugga, di mana oraig panjat pagar di sblah kiri, spaya masok satu padang?" Dia-orang jawab, "Kita sudah nampak juga." Itu gombala kata, "Deri itu taugga ada satu jalan trus di kota Shak, tmpat gergasi yang bernama Putus-Harap. Itu oraig yang berjalan-jalan di tigah kubur dhulu sudah berjalan pergi di negri Sion, sama sperti aigkau ini. Ttapi bila dia-oraig sampai dkat itu taugga, dia-orang panjat kluar, dan masok itu padang, sbab dia-orang rasa itu jalan ada susah sdikit; dan smoa-nya kna taikap oleh gergasi Putus-Harap, dan itu gergasi masokkan dia dalam jel-nya; dan bila dia sudah tunggu itu oraig brapa lama, blakang dia korek dua biji mata-nya, dan bawa dia-orang pergi di ttmpat kubur, dan tinggalkan dia hanyut di situ; sperti oraig yang bijak kata, 'Oraig yang ssat deri-pada jalan pigtahanan, nanti tinggal dalam perhimponan oraig mati.'" * Si Kristian dan si Harap pandang satu sama lain, drgan berliniaig ayer-mata-nya; ttapi dia-oraig ta' brani bilaig apa-apa sama itu gombala.

Sahya tengok dalam itu mimpi, smoa gombala bawa si Kristian dan si Harap turun dalam satu lmbah; di sana ada satu pintu goa di bawah itu gunoig. Itu gombala bukakan pintu, spaya dia-orang boleh tengok di dalam;

* Perumpama'an 21 : 16.

dan bila dia-orang pandang dalam itu lobang, dia-orang tengok itu tmpat glap skali, dan pnoh dngan asap; dan dia-orang fikir dia-orang digar satu bunyi sperti api, dan suara orang mnjrit, sperti orang yang kna seksa, dan dia-orang dapat bau bleraang. Si Kristian tanya, "Itu apa arti-nya?" Itu gombala jawab, "Ini jalan orang boleh myempang pergi nraka, ia'itu jalan yang orang pura-pura slalu masok; sperti Isau yang jualkan dia punya bhagian anak suloang,* dan orang yang jualkan Tuan-nya sperti Yudas,† dan orang yang busokkan Injil sperti Iskandar,‡ dan yang chakap bohong sperti Hanania dngan Safira bini-nya."§ Si Harap kata sama itu gombala, "Smoa-nya orang yang angkau sbotkan tadi rupa-nya ada berjalan di shorga juga, sperti kita ini; bukan-kah bgitu ?"

Itu gombala jawab, "Ya btul, dan sudah lama dia-orang ikut itu jalan."

Si Harap tanya pula, "Brapa jauh boleh orang ikut ini jalan, dan kmdian buangkan diri-ya bgini?"

Gombala jawab, "Ada yang ta'sampai ini gunoang, dan ada juga yang pergi lbeh jauh lagi, kmdian binasa."

Si Kristian dan si Harap kata satu sama lain, "Patut kita minta kuasa deri-pada Tuhan Allah yang maha kuasa."

Itu gombala jawab, "Dan angkau mst有条件 pakai itu kuasa bila angka'i sudah trima."

Bharu-lah si Kristian dan si Harap mau berjalan lagi, dan smoa itu gombala pun suka juga; dan smoa-nya

* Kjadian 25 : 31-33.

† Matius 26 : 14-16.

‡ 1 Timotius 1 : 20.

§ Perbuatan Rasul 5 : 1-11.

berjalan sama-sama sampai di sblah itu gunong. Dan itu gombala kata satu sama lain, " Baik kita tunjokkan sama dia-oraig itu pintu negri shorga, kalau dia-oraig pandai teigok dalam kita puya tropoing." Si Kristian dan si Harap suka bgitu, dan smoa-nya naik kmunchak gunong yang tinggi, bernama Traig ; dan itu gombala suroh dia-orang teigok dalam tropoing. Dia-orang choba, ttapi dia-orang miggitar lagi sbab perkara yang dia-orang bharu teigok dalam pintu goa tadi, dan sbab miggitar bgitu dia-oraig ta' boleh tengok baik-baik dalam itu tropoing ; ttapi dia-oraig fikir dia-oraig nampak satu pintu juga, dan itu tmpat puya rupa mulia skali. Kmdian dia-oraig berjalan digan miyanyi bgini :

Ini gombala banyak paham,
Boleh traigkan smoa ruhsia ;
Kalau mau blajar perkara yang dalam,
Mari tanya sama gombala.

Ttapi s-blum dia-oraig berjalan, ada satu orang gombala kasi tahu sama dia-oraig bgimana itu jalan ; dan satu oraig lagi suroh dia-oraig jaga diri-nya deri-pada oraig yang pujok-pujok ; dan yang ktiga suroh dia ingat baik-baik jangan tidor di tanah bernama Sdap ; dan yang k'ampat kata, " Slamat jalan." Itu jam sahya baigun deri tidor.

FASAL 19.

DERI-HAL SI BBAL DAN SI KURANG-IMAN.

Kmdian sahya tidor lagi, dan sahya bermimpi pula. Sahya tengok dalam mimpi, itu dua orang juga turun deri gunoig Suka-Chita digan ikut jalan bsar, mau pergi negri Sion. Dan di kaki gunoig di sblah kiri ada satu tanah bernama Chongkak ; dan deri itu tanah ada satu jalan yang kecil yang beengkok, yang bersambung digan jalan bsar di mana si Kristian dan si Harap ada berjalan. Dan di sana dia-orang berjumpa satu orang muda yang pantas skali, yang datang deri itu tanah ; Krap kali orang tinggal
bbal sbab chongkak itu orang nama-nya Bbal. Si Kristian tanya deri mana dia datang, dan di mana dia mau pergi.

Si Bbal jawab, "Sahya orang peranakkan di tanah sblah kiri, dan sahya mau pergi di negri shorga."

Si Kristian kata, "B Gimana angkau fikir angkau boleh masok pintu shorga ? Barangkali susah juga angkau masok."

"Sahya boleh masok sama sperti lain orang baik-baik," si Bbal kata.

Si Kristian jawab, "Apa-kah yang angkau boleh tunjukkan di sana yang mnjadi tanda angkau patut masok ? "

Si Bbal kata, "Sahya tahu apa sahya punya Tuan punya muu, dan sahya slalu ikut klakuan yang baik ; sahya bayer hutang sahya smoa, dan sahya minta do'a dan berpuasa ; sahya bayer satu bhagian dalam s-puloh sama Allah, dan sahya kasi sdkah sama orang miskin,

dan sahya sudah tinggalkan negri sahya sndiri spaya dapat shorga."

"Ttapi aingkau tidak masok pada pintu yang smpit yang di kpala jalan," si Kristian kata, "aingkau sudah masok deri-pada ini jalan yang bengkok, dan suiggoh-pun aingkau saingkakan diri orang baik, sahya takot juga pada hari kmdian aingkau nanti disbot orang pnchuri dan pyamon, dan t'ada aingkau dapat masok dalam itu negri."

Si Bbal jawab, "Tuan-tuan ta'knal sama sahya, dan sahya pun ta'knal sama tuan; baik tuan ikut tuan

Kalau orang bbal chakap, nyata skali dia satu orang bodoh. puya agama, dan sahya pun boleh ikut sahya punya; sahya harap mau dapat slamat juga. Dan fasal pintu yang aingkau sudah katakan tadi, smoa orang tahu itu pintu jauh skali deri kita puya negri; sahya fikir t'ada satu orang dalam negri kita yang tahu itu jalan di pintu yang smpit; dan tidak apa juga kalau ta'tahu fasal pintu, kerna tuan sndiri boleh tengok ini jalan yang snaig skali, dan di situ ada banyak rumput, ia'itu jalan trus deri negri kita."

Bila si Kristian sudah tahu itu orang fikirkan dirinya pandai, dia berbisek di kuping si Harap, kata-nya, "Kalau orang yang kurang akal pun, lbeh snang dapat slamat deri-pada ini orang." * Dan dia kata lagi, "Kalau orang bodoh berjalan-jalan, sbab kuraing bijak dia nyatakan diri-nya bodoh sama smoa orang yang jumpa sama dia. † Baik kita chakap lagi sama dia-kah? atau baik kita jalan dpan dan tinggalkan dia, spaya dia boleh fikir deri-hal perkara yang kita sudah bilang sama dia

* Perumpama'an 26 : 12.

† Pgajar 10 : 3.

tadi? Kalau bgitu kmdian kita boleh nantikan dia, dan choba ajar sama dia plan-plan."

Si Harap kata :

" Baik si Bbal bersifikir s-bntar,
Ajaran kita patut dia digar;
Kalau btul dia ta'mau trima,
Orang bbal nanti masok nraka."

Dan lagi si Harap kata, " Jangan kita bilang sama dia smoa satu kali ; lbeh baik kita jalan dpan sdikit, dan kmdian kita boleh chakap lagi kalau dia boleh trima."

Kmdian dia-orang berjalan dhulu, dan si Bbal ikut di blakang. Tada brapa jauh lagi, si Kristian dan si Harap masok satu tmpat yang glap skali, dan di situ dia-orang jumpa satu orang yang sudah di-ikat oleh tujoh orang jin digan tujoh ikatan yang kuat skali; dan itu jin smoa ada bawa itu orang kmbali di pintu yang di bawah gunong Suka-Chita, yang si Kristian dan si Harap sudah tengok dhulu.* Bila dia-orang tengok itu orang yang terikat, si Kristian mngglitar, dan si Harap pun bgitu juga ; ttapi bila smoa-nya ada lalu, si Kristian teigok itu oraig kalau barangkali dia knal sama dia ; dan rupa-nya dia satu oraig yang bernama Paling yang tinggal di negri Murtad ; ttapi si Kristian ta'boleh nampak muka-nya btul-btul, sbab itu oraig tundokkan kpala-nya, sperti orang pnchuri yang sudah kna tangkap. Ttapi bila dia sudah lalu, si Kristian tengok blakang, dan nampak itu orang punya blakang ada tertampal satu surat bgini : " Oraig dusta, dan murtad yang chlaka."

Si Kristian kata sama kawan-nya, " Skaraig bharu sahya ingat satu perkara, yang sahya digar sudah jadi

* Matius 12: 45; Perumpama'an 5: 22.

dkat sini sama satu orang yang baik. Itu orang punya nama Kuraig-Iman, yang tinggal di negri Tulus. Ini-lah chrita-nya. Di tmpat kita sudah masok ini jalan yang glap tadi, ada satu sempang deri pintu Lebar; itu sempang punya jalan bernama Lorong-Orang-Mati, sbab banjak orang sudah kna bunoh di situ. Itu oraig yang bernama Kurang-Iman, yaig berjalan di negri shorga



SI KURANG-IMAN KNA CHURI.

sperti kita ini, sudah dudok dkat itu tmpat, dan sudah tidor. Tapi itu waktu ada tiga orang pnchuri datang deri pintu Lebar, yang bernama Hati-Lmhah dan Kuatir dan Berdosa, smoa-nya adek-beradek. Bila itu tiga orang tengok si Kuraig-Iman di situ, smoa-nya lkas pergi dkat dia, dan berjumpa dia bharu bangun deri tidor.

Smoa-nya gertakkan si Kuraig-Iman, dan suroli dia berhenti. Si Kuraig-Iman punya muka puchat skali, dan sbab hilaig smangat-nya dia ta'boleh lari, dan ta'brani lawan pun. Si Hati-Lmhah kata, 'Kasi aingkau puiya wang.' Ttapi dia leigah-leigah, sbab ta'suka wang-nya hilang, dan si Kuatir dataig slokkan tangan-nya dalam opau si Kurang-Iman, dan dia kluarkan wang-nya smoia. Si Kuraig-Iman bertriak, 'Pnchuri, Pnchuri.' Si Berdosa pukol kpala iya digan tongkat, dan dia jatoh di tanah, dan darah-nya pun kluar, sperti dia mau mati rupanya. Itu tiga orang pnchuri berdiri di situ, ttapi bila dia-orang digar bunyi orang dataig di itu jalan, dia-orang takot barangkali itu orang yang dataig bernama Anugrah-Bsar, yang tinggal di negri Saigat-Brani; sbab itu smoia-nya lari, dan tinggalkan si Kuraig-Iman s'orang-s'orang. Tada brapa lama lagi dia sdar deri-pada peigsan-nya, dan bangun, dan dia choba s-boleh-boleh-nya mau jalan. Itu macham chrita yaig sahya sudah digar."

Si Harap tanya, " Sudah-kah itu pnchuri ambil smoia yang ada sama dia ? "

" Bukan smoia skali," si Kristian kata, " kerna itu orang tidak dapat satu saku di mana dia ada simpan mutiara dan intan-nya. Ttapi yang sahya digar, si Kurang-Iman banyak susah hati, sbab itu orang sudah dapat hampir smoia waig tunai yaig ada sama dia; sdikit sahaja yang tinggal sama dia, ta'chukop buat blanja pada perjalinan-nya, dan sbab itu dia mstinya minta orang kasi makan, sbab dia ta'boleh jual dia puiya intan dan mutiara ; ttapi mski pun dia minta dan chari makan s-boleh-boleh-nya, ada brapa kali prot-nya kosong juga."

Si Harap kata, "Bukan-kah mnjadi hairan yang itu orang tidak churi dia punya surat yang boleh kasi masok di pintu shorga?"

"Btul hairan," si Kristian kata, "ttapi itu pnchuri ta'dapat itu surat, bukan sbab si Kuraang-Iman pandai smbuyikan dia, kerna sbab terpranjat dia t'ada kuasa smbuyikan apa-apa."

Si Harap kata, "Patut hati-nya dapat hibur sbab itu orang tidak dapat intan-nya."

Si Kristian jawab, "Patut juga dia dapat hibur, kalau dia sudah tahu pakai intan-nya; ttapi itu orang yang chritakan sama sahya sudah bilang, jarang skali dia pakai itu intan s-panjang jalan, kerna dia bingong skali sbab hilang waig-nya, dan terlupa intan-nya; dan kadaug-kadang bila dia teringat itu intan dan dapat hibur sdikit, bharu dia fikir lagi deri-hal waig-nya, sumpai dia ta'boleh fikir apa-apa lagi." *

"Kasehan itu orang," si Harap kata, "tn tu dia jadi banyak susah hati."

"Susah btul," si Kristian kata, "bukan-kah kita pun banyak susah kalau kita kna churi dan kna luka pun? ia'itu dalam satu tmpat dia blum pernah pergi dhulu; kalau dia mati pun sbab susah hati sahya tidak banyak hairan; orang kata dia bersungut sahaja s-panjang jalan, dan dia chakap fasal itu sama tiap-tiap orang yang dia jumpa, serta berkata di mana tmpat dia kna churi, dan bgimana hal-nya, dan apa nama itu orang pnchuri, dan brapa waig sudah hilang, dan bgimana dia kna luka, dan hampir-hampir mati."

* 2 Petrus 1 : 9.

Si Harap kata, "Kalau itu macham susah, sahya hairan dia tidak jual atau gadai intan-nya atau mutiara-nya, spaya chukop blanja pada perjalanan-nya."

Si Kristian jawab, "Angkau chakap sperti satu orang yang banyak kuraang tahu. Kalau gadai brapa boleh dapat? atau siapa-kah yang mau bli? Di itu tanah di mana dia kna churi t'ada orang indahkan intan atau mutiara; dan kalau jual pun dia ta'boleh dapat apa-apa di situ yang boleh tolong sama dia. Dan dia tahu baik-baik bila dia sampai pintu shorga, kalau itu intan dan mutiara tidak ada sama dia, tntu ta'boleh dapat pusaka-nya di siitu; dan kalau bgitu mnjadi lbeh rugi deri-pada s-laksa oraig pnchuri datang terkam sama dia."

"Knapa angkau chakap marah?" si Harap kata. "Bukan-kah Isau sudah jualkan pusaka-nya spaya dapat sdikit makanan? * Dan tidak ada satu intan yang lbeh bsar herga-nya deri-pada pusaka-nya. Dan kalau Isau sudah buat bgitu, baraugkali si Kuraang-Iman pun boleh buat bgitu juga."

"Btul Isau sudah jualkan pusaka-nya," si Kristian kata, "dan banyak oraig buat bgitu, ttapi kalau bgitu dia buangkan berkat yang nombor satu bsar, sperti itu orang chlaka sudah buat. Ttapi lain skali si Kuraang-Iman deri-pada Isau, dan dia punya hal pun lain skali: Isau tidak ingat Tuhan Allah, dia ingat prot-nya sahaja, ttapi si Kuraang-Iman bukan bgitu; Isau mau puaskan nafsu-nya, ttapi si Kuraang-Iman bukan bgitu; dan Isau tidak ingat apa-apa yang kmdian deri-pada itu; 'Sahya

* Ibrani 12 : 16.

hampir mati,' dia kata, 'kalau bgitu apa guna itu pusaka?' † Tapi si Kuraig-iman, miski-pun banyak kurang iman-nya, tapi sbab ada iman yang sdikit dia indahkan juga intan dan mutiara-nya, sampai dia ta'mau jualkan dia sperti Isau jualkan pusaka-nya. Kitab Allah tidak bilaq Isau ada iman, sdikit pun tidak : dan kalau itu macham orang yang t'ada iman dan yang ikut prentah nafsu-nya sahaja, kita ta'boleh hairan kalau dia jualkan pusaka-nya dan jiwa-nya skali k-pada shaitan yang dalam nraka, bila dia punya hati iingin apa-apa, satu pun ta'boleh tahankan dia. Tapi hati si Kuraig-Im-an banyak lain : dia ingat perkara Allah, dan perkara shorga jadi sperti dia punya makanan ; kalau orang yang itu macham hati-nya, mana boleh dia jualkan intan dan mutiara-nya (kalau ada orang mau bli) spaya choba puaskan hati-nya dengan perkara yang sia-sia ? Ada-kah orang mau bayer satu sen spaya makan rumput ? atau kalau pujok itu buroq tkukur, mau-kah dia makan daging sperti buroq gagak ? Orang yang skali-kali t'ada iman boleh jualkan atau gadai herta-nya, atau diri-nya sndiri skali pun, spaya puaskan nafsu-nya ; tapi orang yang ada iman, ia'itu iman yang boleh slamatkan, kalau sdikit sahaja, dia ta'boleh buat bgitu. Sbab ini perkara angkau sudah chakap salah tadi."

"Sahya punya perkata'an tidak pduli, lbeh baik ingat ini perkara yang kita bertigkar," si Kristian kata,

"Sahya punya perkata'an tidak pduli, lbeh baik ingat ini perkara yang kita bertigkar," si Kristian kata.

† Kjadian 25 : 32.

Si Harap jawab, "Sahya fikir itu tiga pnchuri jadi orang pnakot sahaja, kalau tidak mana boleh dia-orang lari bila dia dengar buyi orang datang? Knapa si Kuraig-Iman tidak branikan hati-nya? Lbeh patut dia lawan sdikit dhulu, dan kalau dia ta'chukop kuat, bharu boleh mugaku diri-nya sudah kalah."

Si Kristian jawab, "Banyak orang sudah bilaug itu pnchuri orang pnakot, ttapi kalau jumpa smoa orang banyak brani
kalau blum choba lawan, sama dia-orang, jaraig ada orang brani lawan; si Kuraig-Iman btul tidak brani, ttapi angkau pun mau lawan s-kjap sahaja, km'dian mugaku angkau puya diri kalah. Dan kalau angkau fikir itu macham bila itu pnchuri t'adadkat, baraigkali lain juga hati angkau kalau pnchuri datang. Ttapi ingat baik-baik, itu pnchuri chuma orang yang makan gaji sahaja, dia kerja di bawah prentah raja nraka; dan kalau dia-orang kalah, dia puya raja nanti dataig toloig, dan dia puya suara sperti harimau mraoig.* Dhulu sahya sndiri sudah lawan sperti si Kuraig-Iman, dan sahya sudah dapat banyak susah. Itu tiga orang jahat sudah terkam sama sahya, dan bila sahya mau lawan, sperti patut orang Kristian lawan, itu tiga orang paiggil sahaja, dan tuan-nya lkas dataig. Sahya puya nyawa tntu hilang kalau sahya tidak pakai baju bsi. Dan mski-pun sahya puya snjata chukop skali, susah juga sahya dapat lawan sama dia. Orang ta'boleh tahu apa macham itu lawanan kalau blum berpraig."

Si Harap jawab, "Ttapi itu orang sudah lari chuma sbab dia sangka Anugrah-Bsar dataig."

* 1 Petrus 5 : 8.

"Btul," si Kristian kata, "bbrapa kali itu oraig dan tuan-nya pun sudah lari kalau tengok sahaja Anugrah-Bsar; patut juga dia-oraig lari, kerna dia-lah hulubalaing Raja. Tapi tntu lain skali si Kuraig-Iman deri-pada Anugrah-Bsar. Bukan-nya smoa hamba Raja boleh jadi hulubalaing, dan ta' boleh berprang macham itu hulubalaing. Mana boleh satu budak lawan digan Goliat, sperti Da'ud sudah lawan sama dia? Dan mana boleh buroing pipit sama kuat digan kerbau? Ada oraig yang kuat, dan ada yang lmah; ada yaig banyak iman, dan ada yang sdikit sahaja. Si Kuraig-Iman lmah, dan sbab itu dia kalah."

Si Harap kata, "Baik juga kalau Anugrah-Bsar sudah jumpa sama itu pnchuri, spaya dia-oraig kna seksa yang patut."

Si Kristian jawab, "Kalau Anugrah-Bsar pun barangkali susah juga dia lawan digan itu pnchuri. Btul si Anugrah-Bsar oraig pandai main snjata, dan boleh juga dia mnaang kalau dia punya musoh s-jauh mata pdang-nya, ttapi kalau musoh-nya itu bergumpal sama dia rapat-rapat, susah juga dia tahan; dan kalau dia sudah jatoh, apa boleh buat lagi? Kalau oraig tengok muka si Anugrah-Bsar, boleh nampak smoa bkas parut yaig boleh nyatakan sperti sahya sudah chakap tadi. Sahya digar satu kali dia sudah bilaing waktu dia ada lawan lagi, 'Kita t'ada fikir boleh hidop lagi.'* Ingat juga bgimana Da'ud sudah mraong digan susah hati sbab itu tiga orang. Dan Himan dan Hizkia pun, yang jadi hulubalaing pada jman dhulu, msti lawan baik-baik bila itu tiga oraig

* 2 Korintus 1 : 8.

laiggar sama dia, dan dia-orang dua-dua kna banyak luka juga. Dan Petrus pun sudah choba lawan sama itu tiga oraig, dan mski-pun dia jadi kpala dalam itu dua-blas murid, dia pun kna itu tiga orang punya bkas taigan, sampai dia takot satu budak prempuan skali-pun. Dan kita mstil ingat yang raja-nya slalu boleh datang lkas, kalau itu tiga orang panggil. Dia slalu ada dkat; dan kalau itu tiga orang kalah, dia nanti datang tolong, kalau boleh; dan Kitab Allah kata fasal itu raja, ‘ Kalau orang chinchaig sama dia, tntu pdang-nya ta’boleh tahan, bgitu juga lmbing, atau anak-panah, atau tombak. Dia bilaangkan bsi sama sperti rumput, dan tmbaga sperti kayu burok. Dia ta’mau lari sbab anak-panah, dan batu lsing berobah mnjadi bataang padi. Anak-panah dia bilaangkan sama sperti batang padi, dan dia tertawa kalau orang gertak digan lmbing.’* Kalau bgitu, apa boleh manusia buat? Kalau orang boleh tunggang Ayub punya kuda, dan kalau dia chukop pandai dan chukop brani sampai dia boleh tunggang itu kuda, tntu dia boleh buat banyak perkara yaig hairan, ‘ Kerna teig-kok-nya ada bulu teigkok, dia lompat sperti chigkadok’ jrit-nya kasi orang takot, dia chaigkol digan kuku-nya dalam limbah digan suka hati sbab kuat-nya, dia kluar mau jumpa digan orang yang pakai snjata; dia tertawakan takot dan ta’tahu mngglitar, dan ta’mau undor deri-pada pdang, itu saroig anak-panah berbunyi kalau kna dia, dan tombak dan lmbing pun; digan garaig-nya dia ’ntakkan kaki-nya di tanah, dan dia ta’mau berhenti kalau trompet berbunyi. S-brapa kali itu trompet ber-

* Ayub 41 : 26-29.

bunyi dia kata, "Ha ya," dan dia chium itu prang punya bau deri jauh, dan suara hulubalang sperti guntor, dan suara oraig bersorak.* Ttapi kalau oraig sperti sahya atau aigkau ini yang msti prang berjalan kaki, jangan kita rindu mau jumpa digan musoh kita, dan jangan kita bsarkan diri kita bila kita digar deri-hal orang lain yang sudah kalah, dan jangan kita suka-hati sbab kita anak jantan, atau fikir kita boleh lawan lbeh baik ; kerna biasa-nya kalau itu macham oraig kna laiggar dia pun kalah. Sperti Petrus yang sahya sudah bilang tadi. Dia banyak bsarkan diri-nya, dan dia fikir dia boleh tahan lbeh baik deri-pada oraig lain, dan taenggoing lbeh susah kerna Tuan-nya ; ttapi siapa-kah yang kalah dan yang kna luka deri-pada itu tiga oraig sperti Petrus? Sbab itu bila kita digar deri-hal orang yang kna churi tigah jalan Raja, ada dua perkara yang patut kita buat : (1) Patut kita pakai chukop snjata, dan jangan lupa bawa prisai ; kerna sbab kuraig prisai bila orang lawan digan Apoluon dia-oraig tntu kalah ; dan kalau kita kuraig prisai, Apoluon skali-kali t'ada takot sama kita. Sbab itu ada satu oraig yang pandai berprang sudah bilaig, ' Dan slalu ambil prisai, ia'itu iman, oleh itu prisai aigkau boleh padamkan smoa panah-api si Jahat.'† (2)

Lagi snang kalau ada kawan
yang boleh tolong kita Dan patut kita minta Raja kasi kawan-kawan pergi sama-sama, atau lbeh baik Raja sndiri jalan sama-sama. Itu sbab Da'ud boleh dapat suka hati dalam lmbah Bayaig-bayaig Kmatian ; dan Musa pun kata dia lbeh suka mati di mana dia berdiri, kalau Allah tidak pergi sama-sama.‡ Hei saudara, kalau

* Ayub 39 : 19-25. † Ifisus 6 : 16. ‡ Kluaran 33 : 15.

itu Raja boleh berjalan sama-sama, jangan kita takot kalau s-laksa orang yang laiggar kita ; * ttapi kalau dia tidak ada sama-sama, smoa orang yang bsarkan diri-nya nanti jatoh. † Sahya sndiri sudah masok itu prang dhulu, dan sbab Tuhan sudah toloig, sahya ada hidop lagi, ttapi sahya ta'brani bsarkan diri sahya. Sahya baiyak suka kalau sahya tidak kna laiggar lagi, ttapi sahya takot barangkali kita blum lpas deri-pada smoa bahya.

Kmdian si Kristian miyanyi bgini :

“ Sayang skali si Kurang-Iman !
 Kna churi, ta'brani lawan.
 Kalau oraig yang hati tgooh,
 Tntu kalah s-ribu musoh.”

*Mazmur 3 : 5-8 ; 27 : 1-3.

† Yash'aya 10 : 4

FASAL 20.

SI KRISTIAN DAN SI HARAP KNA SEKSA SBAB SSAT DERI-PADA JALAN.

Si Kristian sama si Harap berjalan-lah, dan si Bbal pun ikut jauh-jauh. Smoa-nya berjalan sampai dia-orang datang dkat satu tmpat di mana ada lagi satu jalan, dan rupa-nya itu jalan mnuju sama sperti jalan yang dia-orang ada ikut. Sbab itu dia-orang ta'tahu yang mana jalan dia-orang patut ikut, kerna itu jalan dua-dua tuju trus di dpan, dan smoa-nya berhenti spaya dia-orang boleh fikir; dan waktu dia-orang ada berfikir lagi, ada satu orang datang yang hitam skali kulit-nya, dan yang pakai kain puteh yang nipis, dan dia tanya knapa dia-orang berdiri di situ. Dia-orang jawab dia-orang mau pergi di negri shorga, ttapi dia-orang ta'tahu jalan mana yang patut dia-orang ikut. "Ikut sama sahya," itu orang kata, "sahya pun mau pergi sana." Smoa-nya ikut dia pada itu jalan yang lain, ttapi itu jalan plan-plan mnjadi bergkok, sampai dia-orang berpaling sdikit-sdikit deri-pada jalan yang btul; ttapi smoa-nya ikut juga itu orang, dan tidak brapa lama lagi itu orang bawa si Kristian dan si Harap di dalam satu jaring, dan dia-orang dua-dua kna tangkap dalam itu jaring, sampai ta'boleh lpas. Dan itu waktu juga hilang-lah kain puteh deri-pada badan oraing yang kulit hitam, dan bharu si Kristian dan si Harap mnigerti apa macham hal-nya, dan dia-orang berbaring di situ dgan mnangis, kerna dia-orang ta'boleh lpaskan diri-nya.

Si Kristian kata sama kawan-nya, "Skarang bharu sahya tahu sahya punya salah. Bukan-kah itu gombala suroh kita jaga diri kita deri-pada orang pmbujok ? dan kita sudah dapat ini hari sperti raja Sleiman kata, 'Orang yang pujok kawan-nya bntaungkan jaring dkat kaki-nya.' " *

Si Harap kata, "Dan itu gombala sudah kasi kita ingat deri-hal itu jalan, spaya tntu kita boleh dapat ; ttapi kita sudah lupa bacha itu ingatan, dan sbab itu kita tidak jagakan diri kita deri-pada jalan kbinasa'an. Dalam itu hal Da'ud lbeh bijak deri-pada kita, kerna dia kata, 'Deri-hal perbuatan manusia, digan mnurut aingkau punya perkata'an sahya jagakan diri sahya deri-pada jalan kbinasa'an.' " †

Dia-orang berbaring juga di dalam itu jaring digan susah hati. Ttapi kmdian dia-orang tergok satu orang yang bersinar datang dkat dia-orang, digan pegang satu chabok dalam tangan-nya. Bila dia sudah sampai di sana, dia tanya deri mana itu orang datang, dan apa dia-orang buat di situ. Si Kristian dan si Harap jawab, "Kita ini berjalan mau pergi negri shorga, ttapi kita sudah ssat deri-pada jalan, sbab ikut satu orang kulit hitam yang pakai kain puteh, yaig suroh kita ikut dia, sbab dia kata dia pun mau pergi di sana."

Itu orang yang bawa chabok jawab, "Itu orang bernama Pmbujok, dia satu rasul yang bohong yang sudah buat diri-nya sperti mla'ikat yang bersinar." ‡ Kmdian dia koyakkan itu jaring, spaya mau lpaskan dia-orang ; dan dia kata, "Ikut sama sahya, spaya sahya boleh tunjok-

* Perumpama'an 29 : 5.

† Mazmur 17 : 4.

‡ 2 Korintus 11 : 13, 14.

kan jalan yang btul." Dan dia bawa dia-orang kmbali sampai jalan yang dia-orang sudah tinggalkan bila dia-orang ikut si Pmbujok ; kndian dia tanya pula, " Di mana-kah angkau tidor s-malam ? "

Dia-orang jawab, " Kita sudah tidor di rumah gombala, di atas itu gunong Suka-Chita."

Itu orang kata, " Bukan-kah itu gombala sudah kasi surat yang ingatkan bgimana itu jalan ? "

Dia-orang jawab, " Sudah."

" Ttapi bila angkau berdiri di sini, sudah-kah aingkau buka itu surat dan bacha ? "

Dia-orang jawab, " Tidak."

" Knapa tidak ? " dia tanya.

Dia-orang jawab, " Kita sudah lupa."

Itu orang tanya pula, " Bukan-kah itu gombala suroh aingkau jaga diri deri-pada orang pmbujok ? "

Dia-orang jawab, " Btul, ttapi kita tidak saungkakan orang pnipu slatu pandai ini orang jadi pmbujok yang chakap bgini chakap. *

Dm sahya tengok dalam mimpi yang itu orang suroh dia-orang berbaring, dan bila dia-orang sudah berbaring, dia pukol dia-orang kuat-kuat digan chabok, spaya dia-orang blajar fasal jalan yang baik yang patut dia-orang ikut. † Dan bila waktu dia pukol sama dia-orang, dia kata, " S-brapa orang yang sahya chinta, itu-lah yang sahya tgurkan, dan sahya pukol sama dia; sbab itn hndak-lah aingkau rajinkan diri serta bertaubat." ‡ Kndian deri-pada itu dia suroh dia-orang berjalan, dan ingat baik-baik sperti gombala punya ajaran. Dia-orang

* Rom 16 : 18. † Ulargan 25 : 2. ‡ Knyata'an 3 : 19.

balaskan trima kaseh sama dia, dan berjalan plan-plan dngan myanyi bgini:

Digar-lah angkau yang jalan di shorga,
 Kalau ssat termasok chlaka ;
 Smoa orang yang lupa nasihat
 Terkna jaring atau jrat.
 Jikalau ikut si Pmbujok,
 Patut dia-orang kna chabok.
 Ada mla'ikat yang lpaskan,
 Ttapi kmdian dia pakai rotan.

Tidak brapa lama lagi si Kristian dan si Harap tengok jauh-jauh ada satu orang datang yang jalan plan-plan, mau bertemu sama dia-orang pada itu jalan bsar.

Si Kristian kata sama kawan-nya, “ Di situ ada satu orang yang sudah balek blakang-nya pada negri Sion, dan dia datang berjumpa sama kita.”

Si Harap jawab, “ Sahya pun sudah tengok itu orang. Skaraig patut kita jaga baik-baik, barangkali dia pun satu orang pmbujok.”

Makin lama makin dkat itu orang, sampai dia berjumpa sama si Kristian dan si Harap. Itu oraig puiya nama Ta'Perchaya-Allah. Dia tanya di mana dia-orang mau pergi.

Si Kristian jawab, “ Kita mau pergi di negri Sion.”

Bila si Ta'Perchaya-Allah dngar bgitu, dia tertawa glak-glak.

“ Apa sbab angkau tertawa itu macham ? ” si Kristian tanya.

Dia jawab, “ Sahya tertawa sbab angkau bgini bodoh. Angkau buat satu perjalanan yang susah skali, dan tntu angkau ta'boleh dapat apa-apa, chuma buat pnat sahaja.”

“ Apa macham angkau fikir,” si Kristian kata, barangkali orang ta'mau trima kita di situ ? ”

"Trima! itu tmpat yang aingkau sangkakan, skali-kali tidak ada dalam dunia."

Si Kristian jawab, "Dalam dunia tidak, ttapi pada hari kmdian tntu ada."

Si Ta'Perchaya-Allah kata, "Bila sahya tinggal dalam negri sndiri sahya sudah digar itu macham, dan sbab digar bgitu sahya sudah pergi chari itu tmpat; sudah dua-puloh tahun sahya chari, blum dapat juga." *

Si Kristian jawab, "Kita sudah digar itu tmpat ada, dan kita perchaya juga bgitu."

Si Ta'Perchaya-Allah kata, "Kalau dhulu sahya tidak perchaya, tntu sahya tidak datang chari. Ttapi kalau itu tmpat ada, patut sampai skaraug sahya sudah dapat, kerna sahya sudah pergi lbeh jauh deri-pada aingkau. Dan skaraug sbab ta'dapat itu tmpat, sahya mau pulang, spaya sahya boleh puaskan sahya punya hati dgn perkara-perkara yang dhulu sahya buangkan; kerna sahya sudah buangkan smoa itu perkara sbab sahya harap mau dapat perkara-perkara yang tidak ada skali-kali."

Si Kristian kata sama kawan-nya si Harap, "Btul-kah sperti ini orang sudah bilang?"

Si Harap jawab, "Jaga baik-baik, ini pun satu orang
Kalau ingat seksa yang pmbujok. Patut kita ingat brapa susah dhulu, kita lpas deri pncho-baan.
 hal kita sbab dhulu kita digar itu macham oraig. Apa macham? Gunong Sion tidak ada? Bukan-kah kita sudah tengok itu negri punya pintu deri gunong Suka-Chita? Dan bukan-kah patut kita berjalan dgn perchaya? Baik kita jalan sahaja, spaya jangan itu oraig yang pakai chabok berjumpa sama kita lagi s-kali.†

* Mazmur 14: 1.

† Perumpama'an 19: 29.

Lbeh patut kalau aingkau ajar sama sahya sperti ini perkata'an, 'Hei anak, jaungan-lah aingkau digar pigajaran yang bawa oraig ssat deri-pada perkata'an budi.' * Ingat baik-baik jaungan kita digar sama ini orang, dan baik-lah kita perchaya spaya jiwa kita boleh slamat." †

Si Kristian jawab, "Sahya sudah tanya bgitu bukan sbab sahya sndiri tidak perchaya; chuma sahya mau choba sama aingkau, spaya dapat jawab yang boleh nyatakan hati aingkau btul. Sahya tahu baik-baik ini orang sudah di-butakan oleh pighulu dunia. ‡ Baik kita dua-dua berjalan sahaja, sbab kita tahu kita perchaya yang bnar, dan yang bohong punya asal bukan deri-pada yang bnar." §

Si Harap kata, "Skarang sahya suka hati sbab harapkan kmulia'an Allah." ||

Kmdian dia-orang berpaling deri-pada si Ta'Perchaya-Allah, ttapi dia tertawakan si Kristian dan si Harap, dan berjalan juga pulang di negri-nya sndiri.

* Perumpama'an 19: 27. † Ibrani 10: 39. ‡ 2 Korintus 4: 4.

§ 1 Yahya 2: 21. || Rom 5: 2.

FASAL 21.

BGIMANA SI HARAP MULA-MULA DAPAT SLAMAT.

Dalam itu mimpi sahya tergok si Kristian sama si Harap berjalan, sampai dia-orang datang dkat satu tmpat yang argin-nya buat orang migantok, kalau dia-orang blum tahu itu fasal. Di sana si Harap mula'i migantok, dan mau tidor; sbab itu dia kata sama si Kristian, "Skaraeng sahya rasa bgitu banyak migantok sampai sahya ta'boleh buka mata lagi; baik kita berbaring di sini, dan tidor s-kjap."

Si Kristian jawab, "Jangan skali-kali kita tidor di sini, takot barangkali kita ta'boleh bangun lagi."

"Knapa bgitu?" si Harap kata, "kalau orang kerja kuat-kuat, tntu tidor jadi banyak sdap; dan kalau kita tidor skarang tntu kita punya badan sgar."

Si Kristian jawab, "Angkau t'ada ingat-kah bgimana itu gombala suroh kita jaga baik-baik deri-hal itu tanah yang bernama Sdap? Arti-nya dia mau kasi kita ingat jangan kita tidor. 'Sbab itu jangan kita tidor sperti orang-orang lain, mlainkan baik kita berjaga dan beringat-ingat.'"^{*}

"Itu btul sahya punya salah," si Harap kata, "dan kalau sahya ada sini s'orang-s'orang, barangkali sahya tidor sampai mati di sini. Btul sperti itu orang yang bijak sudah bilang, 'Dua orang lbeh baik deri-pada satu orang sahaja.'[†] Angkau slalu jadi satu tolongan sama sahya, dan tntu angkau nanti dapat satu balasan yang baik."

* 1 Tesalonika 5 : 6.

† Pgajar 4 : 9.

Si Kristian kata, "Lbeh baik kita chakap deri-hal perkara yang baik, spaya jaigan kita mgantok di sini."

"Sahya banyak suka," si Harap kata.

"B Gimana patut kita mula'i ?" si Kristian tanya.

"Mula'i bgimana Allah sudah mula'i sama kita," si Harap jawab; "ttapi baik a ngkau chakap dhulu."

"Mula-mula sahya mau nyayi ini pantun :

Mari-lah argkau yang suka tidor,
Digar ini orang bertutor :
Bgini argkau pun boleh blajar,
Orang mgantok patut sdar.
Kalaup chakap bersama-sama,
Lagi snang orang berjaga.
Shaitan tntu nanti undor,
Ta'boleh kasi argkau tidor.

Kmdian bharu si Kristian mula'i bgini, "Sahya mau taya dhulu : B Gimana mula-mula a ngkau sudah fikir mau buat sperti a ngkau buat skaraing ?"

"Apa a ngkau puya arti ?" si Harap tanya. "A ngkau mau bilang, bgimana sahya mula-mula sudah ingat mau chari sahya punya jiwa punya untong ?"

"Btul, sahya mau bilang bgitu."

"Sudah banyak lama sahya suka skali smoa perkara yang orang jual dalam pasar di negri sahya ; ttapi sahya sudah tahu kalaup sahya sudah tinggal bersuka-suka dalam itu perkara smoa, tntu sahya punya jiwa binasa skali."

"Apa macham itu perkara ?" si Kristian taya.

"Smoa dunia puya perkara yang indah-indah, dan smoa kkaya'an-nya. Lagi pun sahya dhulu banyak suka buat gadoh, dan minum mabok, dan mneharut, dan chakap bohorg, dan buat jahat, dan main-main pada hari miingga, dan smoa perkara yang binasakan orang

punya jiwa. Tapi blakang kali bila sahya sudah digar Tuhan Allah punya perkara, dan sudah fikir fasal itu, seperti smoa perkara yang angkau dan si Stia sudah khabarkan, bharu sahya sudah dapat tahu yang itu perkara dunia mstii kasi orang mati pada pighabisan-nya,* lagi pun sbab itu juga Tuhan Allah punya marah datang atas orang yang lawan Tuhan Allah punya prentah." †

"Dan kindian angkau sudah rasa angkau punya diri satu orang yang berdosa sbab itu perkara smoa," si Kristian kata.

"Mula-mula sahya ta'mau mingaku sahya punya dosa, dan sahya ta'mau fikir deri-hal kbinasa'an yang dataing sbab dosa, mlainkan bila sahya punya hati jadi kachau sbab digar Tuhan Allah punya ajaran, sahya sudah choba tutop sihya punya mata, spaya jaigan sahya tergok Tuhan Allah punya traing. ‡

"Knapa angkau sudah lawan sama Tuhan Allah punya Roh itu macham, bila dia mula-mula mau grakkan angkau punya hati?" si Kristian tanya.

"Sahya fikir ini sbab-nya—(1) Mula-mula sahya blum tahu yang itu btul Tuhan Allah yang kachaukan sahya punya hati; dan sahya t'ada sangka yang Tuhan Allah bila dia slamatkan orang yang berdosa slalu kasi dia-orang ingat dhulu deri-hal dosa-nya. (2) Sahya banyak suka itu dosa smoa, dan sahya ta'mau buangkan itu dosa. (3) Sahya ta'mau tolakkan sahya punya sobat smoa, kerna sahya banyak sayang dia-orang. (4) Bila sahya ingat deri-hal sahya punya dosa, sahya rasa

* Rom 6: 21-23. † Ifisus 5: 6. ‡ Yahya 3: 19.

banyak susah dan banyak takot skali, sampai sahya ta'boleh tahan, dan ta'mau ingat lagi fasal itu."

" Kalau bgitu krap kali aingkau sudah lupa itu ksusahan," si Kristian kata.

" Btul," si Harap jawab, " ttapi kmdian sahya sudah ingat kmbali, dan baraugkali lbeh susah deri-pada dhulu."

" Apa itu yang kasi aingkau ingat kmbali deri-hal aingkau punya dosa?" si Kristian tanya.

" Banyak perkara juga yang kasi sahya ingat, sperti ini—

1. Kalau sahya jumpa satu orang yang baik ; atau,
2. Kalau sahya digar orang bacha Kitab Allah ; atau,
3. Kalau sahya punya kpala sakit; atau,
4. Kalau sahya digar satu sobat ada sakit; atau,
5. Kalau sahya digar orang pukol breig-breig mau pergi tanam oraing mati; atau,
6. Kalau sahya fikir sahya punya diri mstti mati ; atau,
7. Kalau sahya digar khabar lain oraing sudah mati.
8. Ttapi terlbeh lagi kalau sahya ingat deri-hal sahya punya diri sndiri, yang t'ada brapa lama lagi sahya mstti kna hukuman."

Si Kristian kata, " Kalau aingkau ingat itu macham deri-hal angkau punya dosa, boleh-kah aingkau snang buangkan itu fikiran ?"

Si Harap jawab, " Skali-kali ta'boleh, kerna kalau sahya choba buangkan itu fikiran, sahya punya hati jadi lbeh susah fasal sahya punya dosa ; dan kalau sahya

fikir mau buat dosa lagi, sahya punya hati jadi dua kali lbeh susah, sbab sahya sudah mula'i bnchi itu dosa."

" Kmdian apa angkau buat?" si Kristian tanya.

" Sahya fikir patut sahya mstti btulkan sahya punya klakuan ; kalau tidak, tntu sahya nanti masok nraka."

" Sudah-kah angkau choba buat klakuan baik ?" si Kristian tanya.

Si Harap jawab, " Ya, sahya sudah buangkan kluakuan yang jahat, dan ta'mau champur lagi sama kawan-kawan yang jahat ; dan sahya mula'i buat agama punya kerja, sperti minta do'a dan bacha Kitab, dan sahya mnangis sbab sahya punya dosa, dan t'ada chakap bohong lagi ; dan sahya buat banyak lain perkara lagi yang sahya ta'boleh sbotkan skarang."

" Bila angkau buat bgitu, sudah-kah angkau fikir angkau sudah jadi orang baik ?" si Kristian tanya.

" Ada sdikit hari sahya fikir bgitu ; ttapi t'ada brapa lama lagi sahya punya susah kmbali lagi, mskipun sahya sudah btulkan sahya punya klakuan bgitu."

" Mana boleh jadi itu macham kalau angkau sudah berobah bgitu, dan sudah jadi orang baik ?" si Kristian tanya.

Si Harap jawab, " Ada banyak perkara yang kasi susah sama sahya, sperti ini perkata'an dalam Kitab Allah : ' Kita punya kbnaran smoa-nya sperti kain kotor yang burok.' * ' T'ada satu orang nanti di-bnarkan sbab turut hukum taurit.' † ' Bila angkau sudah buat itu perkara smoa, patut angkau bilaq, " Kita t'ada apa guna." ' ‡ Dan banyak lagi perkata'an itu macham juga.

* Yashaya 64: 6. † Galatia 2: 16. ‡ Lukas 17: 10.

Sbab itu sahya sudah mula'i fikir bgini : Kalau apa-apa perkara yang baik yang sahya ada buat smoa-nya jadi sperti kain kotor, dan kalau sahya ta'boleh jadi bnar bila sahya ikut Tuhan Allah punya hukum, dan kalau kita t'ada apa guna mski pun kita sudah ikut smoa hukum-nya, tntu kita ta'boleh harap mau masok shorga sbab turut hukum taurit. Lagi pun sahya sudah fikir bgini : Kalau satu oraig ada hutang s-ribu ringgit di kdai, ttapi kndian slalu bayer tunai bila dia bli apa-apa, tntu itu oraig yaig buka kdai boleh kluar saman kalau dia blum bayer itu hutaing yang lama."

"Bgmana angkau fikir itu chrita kna sama angkau?" si Kristian tanya.

Si Harap jawab, "Sahya sudah fikir bgini : Sahya punya dosa yang dhulu-dhulu jadi satu hutaing yang bsar skali pada Allah, dan mski-pun sahya sudah berobah skarang, sahya ta'boleh bayer itu hutaing yang dhulu ; sbab itu skarang patut sahya mstti ingat bgimana sahya boleh lpas deri-pada hukuman dan seksa yang sahya mstti taiggong sbab smoa klakuan jahat yang sahya sudah buat dhulu."

"Itu banyak btul skali ; ttapi apa lagi ?" si Kristian tanya.

Si Harap kata, "Lagi satu perkara yang kasi susah sama sahya ada bgini : kalau sahya preksa baik-baik smoa perbuatan yang baik yang sahya sudah buat, sahya dapat smoa-nya ada champur sama dosa yang bharu dan yang lain deri-pada dosa yang dhulu ; sbab itu skarang juga sahya ada dosa yang chukop mau bawa sahya pergi nraka."

"Kmdian apa aingkau buat?" si Kristian tanya.

"Sahya ta'tahu apa mau buat, sampai sahya sudah pergi chakap sama si Stia, kerna sahya sudah kual saina dia deri dhulu, dan dia kata sahya ta'boleh skali-kali dapat slamat kalau sahya blum trim a kbnaran deri-pada satu orang yang blum pernah sudah buat dosa."

"Aingkau sudah fikir dia chakap btul-kah?" si Kristian tanya.

"Kalau sahya sudah jumpa sama dia dhulu, bila sahya punya hati snaig sbab sahya sudah buangkan dosa, tntu sahya ta'mau perchaya itu macham ajaran; ttapi itu waktu sahya sudah migerti sahya punya dosa, dan tahu sahya punya hati memang jahat, sbab itu sahya mstti trim dia punya ajaran."

"Ttapi bgimana aingkau boleh perchaya ada satu orang dalam ini dunia yang blum pernah sudah buat dosa?" si Kristian tanya.

"Mula-mula sahya ta'boleh migerti itu hal, ttapi bila dia sudah chakap lagi sama sahya, bharu sahya perchaya."

"Dan aingkau sudah tanya saina dia siapa itu orang, dan bgimana dia boleh ampunkan aingkau punya dosa?"

"Ya, sahya sudah taya itu niacham," si Harap kata, "dan dia jawab itu orang punya nama Tuhan Isa,
Bgimana orang boleh dapat yang skarang dudok dalam shorga, di
 ampun. sblah kanan Allah.* Dan dia kata sahya boleh dapat ampun kalau sahya harap saina Tuhan Isa, dan kalau sahya perchaya dia sudah kna seksa ganti sahya bila dia ada bergantong di kayu salib.†

* Kolosi 3 : 1.

† 1 Petrus 2 : 24.

Dan sahya tanya lagi bgimana Isa boleh kna hukuman ganti lain orang, sampai Tuhan Allah boleh ampunkan itu lain orang punya dosa? Dan dia jawab, Isa sudah mati itu macham bukan kerna diri-nya sndiri, mlainkan kerna sahya; dan kalau sahya perchaya sama Isa, sahya boleh dapat berkat deri-pada kimatian-nya.” *

“ Kmdian apa angkau kata ?” si Kristian tanya.

“ Sahya sudah bilaug barangkali Tuhan Isa ta’mau slamatkan satu orang macham sahya.”

“ Apa si Stia sudah jawab ?”

“ Dia suroh sahya pergi jumpa sama Isa sndiri; ttapi sahya t’ada brani. Si Stia jawab, t’ada patut sahya takot pergi jumpa sama Tuhan Isa, kerna Isa sndiri sudah pauggil sahya dataig; † dan si Stia kasi sama sahya satu buku, dan dalam itu buku tersbot Tuhan Isa punya perkata’an. Dia kasi itu buku spaya sahya boleh jadi lbeh brani pergi jumpa sama Tuhan Isa, dan dia kata sinoa perkata’an dalam itu buku ada lbeh ttap deri-pada laigit atau bumi. ‡ Dan sahya tanya sama si Stia, apa patut sahya msti buat bila sahya pergi jumpa sama Tuhan Isa ; dan dia jawab, sahya msti berlutut, dan digan hati btul sahya msti minta Allah kasi sahya migerti deri-hal Tuhan Isa. § Kmdian sahya tanya sama si Stia, bgimana sahya msti minta sama Allah ; dan dia jawab, bila sahya pergi sahya boleh dapat dia ada dudok atas satu krusi anugrah, || dan dia dudok di situ s-hari-hari spaya dia boleh kasi ampun pada sinoa orang yang datang. Ttapi sahya sudah bilaug sama si Stia, kalau sahya sudah sampai

* 1 Petrus 3 : 18. † Matius 11 : 28. ‡ Matius 24 : 35.

§ Yirmia 29 : 12, 13. || Ibrani 4 : 16.

sana, sahya tntu ta'tahu apa mau bilang ; dan dia jawab, sahya msti bilang ini macham : ‘Ya Allah, kasehankan sahya satu orang yang berdosa, * dan tolong sama sahya spaya sahya boleh dapat knal sama Isa Almaseh, dan perchaya sama dia; kerna kalau dia t'ada mati ganti sahya, tntu sahya msti binasa. Dan sahya sudah digar Tuhan ada banyak kasehan, dan Tuhan sudah kasi Tuhan puya Anak Isa Almaseh spaya dia boleh slamatkan ini dunia ; † dan sahya sudah digar dia mau slamatkan satu orang yang berdosa ; ‡ sbab itu sahya minta Tuhan boleh slamatkan sahya puya jiwa digan berkat Isa Almaseh. Amin.’’

“Dan sudah-kah angkau minta do'a itu macham ?”

“Ya, sahya sudah minta do'a itu macham banyak kali,” si Harap jawab.

“Dan Tuhan Allah sudah kasi angkau migerti deri hal Isa Almaseh ?” si Kristian tanya.

“Sahya minta do'a itu macham banyak kali, ttapi blum juga sahya dapat migerti.”

“Kmdian apa angkau buat ?”

“Sahya ta'tahu apa mau buat.”

“Sudah-kah angkau fikir ta'guna minta do'a lagi ?” si Kristian tanya.

“Ya, lbeh s-ratus kali sahya sudah fikir itu macham.”

“Kalau bgitu knapa angkau tidak berhenti minta do'a ?” si Kristian tanya.

“Sbab sahya sudah perchaya yang sahya skali-kali ta'boleh dapat slamat kalau Tuhan Isa tidak suchikan

* Lukas 18: 13. † Yahya 3: 16. ‡ 1 Timotius 1: 15.

hati sahya ; dan sbab itu sahya sudah fikir, kalau sahya tidak minta do'a lagi, tntu sahya nanti mati ; dan kalau sahya mati bgini sahya nanti mati dpan Tuhan Allah punya krusi. Lagi pun sahya sudah ingat ini perkata'an, 'Kalau lambat, tunggu juga ; kerna tntu dia nanti datang, dan bukan lambat.'* Sbab itu sahya tidak berhenti minta do'a sampai Tuhan Allah sudah kasi sahya migerti deri-hal Anak-nya."

"B Gimana aigkau dapat migerti?" si Kristian tanya.

Si Harap jawab, "Ada satu hari sahya punya hati banyak susah skali, sahya fikir blum pernah itu macham susah s-umor hidop sahya ; dan itu susah datang sbab sahya sudah ingat lagi satu kali deri-hal sahya punya dosa yang jahat skali. Sahya sangka sahya punya jiwa tntu mstil masok nraka dan binasa s-lama-lama-nya : ttapi itu jam juga sahya fikir Tuhan Isa ada tengok sama sahya dan kata, 'Perchaya sama Tuhan Isa, dan aigkau nanti dapat slamat.'† Ttapi sahya jawab, 'Ya Tuhan, sahya satu orang yang banyak jahat skali.' Dan dia kata, 'Sahya punya anugrah ada chukop pada angkau.'‡ Kmdian sahya sudah bilang, 'Ya Tuhan apa arti perchaya?' Ttapi bila sahya sudah ingat itu perkata'an, 'Orang yang datang sama sahya ta'boleh lapar lagi, dan orang yang perchaya sama sahya ta'boleh haus lagi,'§ bharu sahya migerti yang itu 'perchaya' dan itu 'datang' jadi sama juga, dan kalau orang datang sama Isa, arti-nya dia punya hati mau chari Isa punya slamat, dan kalau bgitu dia tntu perchaya sama Isa. Bharu ayer mata berlinang

* Habakkuk 2 : 3.

† Perbuatan Rasul 16 : 31.

‡ 2 Korintus 12 : 9.

§ Yahya 6 : 35.

dalam sahya punya mata, dan sahya tanya lagi, ‘ Ya Tuhan, boleh-kah angkau trima dan slamatkan satu orang yang bgitu jahat sperti sahya?’ Dan sahya sudah ditar dia punya perkata'an, ‘ Orang yang datang sama sahya skali-kali sahya ta'mau buangkan kluar.’ * Kmdian sahya sudah bilaq, ‘ Ya Tuhan, bgimana sahya mst i fikir deri-hal Tuhan, spaya sahya punya perchaya boleh jadi btul?’ Dan dia jawab, ‘ Isa Almaseh sudah dataug dalam dunia mau slamatkan orang berdosa.’ † ‘ Dia sudah mati kerna dosa-dosa kita, dan sudah berbaigkit spaya kita boleh jadi bnar.’ ‡ ‘ Dia sayang kita, dan sudah basohkan kita deri-pada dosa-dosa kita drgan darah-nya.’ § ‘ Dia slalu hidop mau minta do'a kerna kita.’ || Deri-pada itu perkata'an smoa sahya sudah dapat tahu yang dia sahaja boleh bikin sahya bnar, dan dia sahaja boleh kasi ampun dosa ; dan dia sudah kna seksa, bukan sbab dia sndiri sudah buat apa-apa salah, mlainkan mau jadi kita punya ganti, kalau kita suka trima dia punya slamat. Bharu sahya punya hati banyak suka skali, dan mleleh ayer-mata sahya, dan sahya rasa banyak kaseh dan sayang sama Tuhan Isa, dan smoa orang yang ikut dia punya agama.”

“ Angkau btul sudah dapat migerti deri-hal Isa Almaseh ; ttapi apa macham angkau sudah rasa dalam angkau punya hati?” si Kristian tanya.

Si Harap jawab, “ Sahya sudah dapat migerti yang ini dunia punya orang mst i kna hukuman sbab dia-orang punya dosa, dan orang yang baik pun ta'boleh lpas deri-pada itu seksa. Dan sahya sudah migerti bgimana

* Yahya 6 : 37. † 1 Timotius 1 : 15. ‡ Rom 4 : 25.

§ Kryata'an 1 : 5. || Ibrani 7 : 25.

CHRITA ORANG YANG CHARI SLAMAT.

Tuhan Allah mstinya hukumkan orang berdosa, dan bagaimana dia boleh kasi ampun kalau orang datang dan minta ampun.* Dan sahya sudah rasa banyak malu sebab dhulu sahya punya klakuan begitu jahat; dan sahya rasa sahya punya diri banyak bodoh sebab sahya banyak kurang tahu deri-hal agama punya perkara, dan sebab sahya dhulu belum pernah sudah ingat berapa mulia Tuhan Isa ada. Lagi pun sahya banyak rindu mau buat klakuan yang suchi, dan muliakan Tuhan Isa punya nama, dan sahya rasa yang sahya ada brani kna aninya dan mati pun kerna Tuhan Isa."

* Rom 3 : 26.



SI BBAL IKUT DI BLAKANG.

FASAL 22.

SI KRISTIAN MAU CHOBIA AJAR SI BBAL.

Dalam itu mimpi sahya teigok si Harap tengok blakang, dan dia lihat si Bbal ada ikut blakang; dan si Harap kata sama si Kristian, "Teigok si Bbal, brapa lambat dia datang."

"Ya, sahya teigok," si Kristian jawab, "dia ta'mau jalan sama-sama kita."

"Lbeh baik kalau dia sudah berjalan sama-sama sampai skaraang," si Harap kata.

"Btul, ttapi dia tidak fikir itu macham."

"Tntu tidak; ttapi kita boleh nantikan dia," si Harap kata.

Si Harap dan si Kristian nanti di situ sampai si Bbal sudah dataing, bharu si Kristian kata sama dia, "Knapa

angkau berjalan bgitu lambat? lbeh baik kita jalan sama-sama."

" Sahya lbeh suka berjalan s'orang-s'orang," si Bbal jawab.

Si Kristian berbisek sama si Harap, kata-nya, " Bukan-kah sahya sudah bilaq dia ta'mau jalan sama-sama kita? ttapi ini tmpat banyak sunyi, sbab itu lbeh baik kita chakap sama-sama." Kndian dia kata sama si Bbal, " Hei Bbal, apa khabar? skaraq bgimana angkau punya jiwa dpan Tuhan Allah ? "

" Sahya harap ada baik," si Bbal jawab, " kerna sahya slalu ada fikiran yang baik, yang boleh hiborkan sahya punya hati waktu sahya berjalan."

" Apa macham fikiran yang baik?" si Kristian tanya.

" Sahya fikir slalu deri-hal Tuhan Allah dan deri-hal shorga," si Bbal jawab.

" Smoa shaitan dan smoa orang yang kna seksa dalam nraka pun slalu fikir deri-hal Tuhan Allah dan deri-hal shorga," si Kristian kata.

" Ttapi sahya suka fikir deri-hal Tuhan Allah, dan sahya rindu mau masok shorga," si Bbal jawab.

" Banyak oraig mau masok shorga yang skali-kali ta'boleh sampai di sana," si Kristian kata.

" Ttapi sahya sudah tinggalkan smoa perkara spaya sahya boleh dapat masok shorga," si Bbal jawab.

Si Kristian kata, " Sahya tidak saugka angkau sudah tinggalkan smoa perkara, kerna banyak susah kita boleh tinggalkan smoa perkara, dan banyak oraig ta'migerti brapa susah ; ttapi knapa angkau fikir angkau sudah

tinggalkan smoa perkara spaya angkau boleh masok shorga ? ”

“ Sahya perchaya itu macham dalam hati sahya.”

“ Raja Sleiman sudah bilaug, ‘ Bodoh skali orang yang perchaya hati-nya sndiri.’ ” *

Si Bbal jawab, “ Dia sudah chakap itu macham deri-hal hati yang jahat, ttapi sahya punya hati baik.”

“ Bgimana angkau tahu angkau punya hati baik ? ” si Kristian tanya.

“ Sbab sahya punya hati kasi hibor sama sahya bila sahya harap sahya mau masok shorga.”

“ Barangkali angkau punya hati sudah tipu angkau ; banyak orang dapat hibor bila dia harap satu perkara yang dia t'ada patut harap skali-kali,” si Kristian jawab.

“ Ttapi sahya punya klakuan btul sperti sahya punya hati, dan sbab itu tntu patut sahya boleh harap itu macham,” si Bbal jawab.

“ Siapa kata angkau punya klakuan btul sperti angkau punya hati ? ” si Kristian tanya.

“ Sahya punya hati kata bgitu,” si Bbal jawab.

“ Siapa mau trima saksi deri-pada kita punya kawan ? Tntu angkau punya hati boleh kasi khabar yang baik deri-hal angkau punya diri. Ttapi dalam ini perkara chuma Tuhan Allah punya Kitab sahaja yang boleh kasi saksi yang btul ; lain saksi t'ada apa guna.”

Si Bbal kata, “ Bukan-kah fikiran yang baik kluar deri-pada hati yang baik ? dan kalau orang punya klakuan ikut sperti Tuhan Allah punya hukum, bukan-kah itu klakuan baik ? ” *

* Perumpama'an 28 : 26.

Si Kristian jawab, "Ya btul, fikiran yang baik mstt kluar deri-pada hati yang baik, dan orang punya klakuan tntu baik kalau dia ikut Tuhan Allah punya hukum ; ttapi banyak orang sangka dia punya fikiran dan klakuan ada baik bila dia ta'baik."

"Apa macham fikiran angkau bilang ada baik ? dan apa macham klakuan angkau fikir ada sperti Allah punya hukum ?" si Bbal tanya.

"Ada macham-macham fikiran yang baik, sparoh-nya deri-hal diri kita sndiri, dan sparoh deri-hal Allah, dan Isa Almaseh, dan sparoh deri-hal lain-lain perkara."

Si Bbal tanya, "Apa macham fikiran yang baik deri-hal diri kita sndiri ?"

"Smoa fikiran yang s-tuju digan Kitab Allah," si Kristian jawab.

"Apa macham fikiran yang s-tuju digan Kitab Allah ?" si Bbal tanya.

Si Kristian jawab, "Kalau kita fikir deri-hal diri kita sperti itu Kitab kata ; kerna Kitab Allah kata deri-hal orang yang blum dapat slamat, 'T'ada orang yang bnar, satu orang pun tidak ; t'ada orang yang buat baik.'* Lagi pun itu Kitab kata, 'Smoa fikiran hati manusia jahat sahaja slalu.'† Kalau kita fikir itu macham, dan rasa bgitu dalam hati kita, tntu itu fikiran baik, sbab jadi s-tuju digan Kitab Allah."

Si Bbal jawab, "Sahya skali-kali ta'mau perchaya sahya punya hati itu macham jahat."

"Kalau bgitu tntu angkau blum pernah sudah fikir apa-apa yang baik deri-hal angkau punya diri. Ttapi biar

* Rom 3 : 10-12.

† Kjadian 6 : 5.

sahya chakap lagi. Itu Kitab Allah boleh kasi tahu sama kita apa macham kita punya hati, dan bgitu itu Kitab boleh kasi tahu apa macham kita punya klakuan; kalau kita punya fikiran deri-hal hati dan klakuan kita ada sama sperti itu Kitab kasi tahu sama kita, tntu kita punya fikiran ada baik, sbab s-tuju dngan Kitab."

"Kasi lagi traing aingkau punya arti," si Bbal kata.

Si Kristian jawab, "Itu Kitab kata, manusia punya klakuan ada berkok; bukan-nya baik, mlainkan jahat.* Lagi pun itu Kitab kata, manusia t'ada ikut jalan yang baik, dan ta'tahu itu jalan.† Kalau orang fikir itu macham deri-hal dia punya klakuan, dan kalau dia rasa itu macham dalam hati-nya, dan rndahkan hati-nya, tntu dia punya fikiran deri-hal klakuan-nya ada baik, sbab s-tuju dgn Kitab Allah punya ajaran."

"Dan apa macham fikiran yang baik deri-hal Tuhan Allah," si Bbal tanya.

"Itu pun sama juga sperti fikiran deri-hal diri kita, tntu ada baik kalau s-tuju dgn Kitab Allah. Tntu itu fikiran ada baik kalau kita fikir Tuhan Allah tahu kita punya hati lbeh deri-pada kita sndiri tahu,‡ dan kalau kita fikir dia boleh tergok dosa dalam hati kita yang kita sndiri ta'boleh tergok, dan kalau kita fikir Tuhan Allah tahu smoa ingatan hati kita, dan kalau kita fikir Tuhan Allah ta'boleh trima kita punya perbuatan yang baik,§ dan ta'suka kalau kita harap kita punya diri orang baik."

* Mazmur 125 : 5 ; Perumpama'an 2 : 15.

† Rom 3 : 12.

‡ Mazmur 139 : 4, 6.

§ Yash'aya 64 : 6.

"Apa! angkau fikir sahya bgitu bodoh sampai sahya fikir Tuhan Allah ta'tahu lbeh deri-pada diri sahya?" si Bbal kata; "atau angkau fikir sahya brani bawa apa-apa perbuatan yang baik sama Tuhan Allah?"

"Apa angkau fikir deri-hal itu perkara?" si Kristian tanya.

"Kalau sahya chakap pendek, sahya fikir sahya mstि perchaya sama Almaseh spaya dapat slamat."

"Mana boleh angkau fikir angkau mstि perchaya sama Almaseh? kalau angkau fikir angkau punya diri chukop baik, ta'usah angkau chari slamat deri-pada Almaseh. Angkau ta'sdar fasal dosa yang ada dalam angkau punya hati, dan angkau ta'sdar fasal dosa-dosa yang angkau sudah buat; dan kalau angkau fikir itu macham deri-hal angkau punya diri, tntu angkau tidak sangka angkau ta'boleh dapat slamat kalau Almaseh blum kasi ampun. Kalau bgitu bgimana angkau brani bilang angkau ada perchaya sama Almaseh?"

"Tapi btul sahya perchaya sama dia," si Bbal jawab.

"Apa macham angkau perchaya?" si Kristian tanya.

"Sahya perchaya Almaseh sudah mati ganti orang yang berdosa," si Bbal jawab, "dan sahya nanti dapat ampun dpan Allah, kerna dia banyak kasehan, dan dia nanti trima sahya sbab sahyā turut hukum-nya. Atau sahya boleh bilang bgini: Sbab berkat Almaseh, smoa agama punya kerja yang sahya buat jadi baik, dan Tuhan Allah suka trima, dan itu macham sahya boleh jadi bnar."

Si Kristian kata, "Kalau angkau perchaya itu macham, sahya mau kasi jawab :

1. Itu macham perchaya aigkau sndiri punya fikiran, kerna skali-ka'l i'tada itu macham dalam Kitab Allah.
2. Angkau punya perchaya satu perchaya yang t'ada bnar, sbab angkau fikir aigkau boleh jadi bnar sbab aigkau buat agama punya kerja ; ttapi patut aigkau perchaya yang orang boleh jadi bnar sbab Tuhan Allah kasi ampuñ, kerna Isa Almaseh sudah tbuskan dia digan darah-nya.
3. Kalau aigkau perchaya itu macham tntu aigkau nanti kna tipu, dan aigkau nanti kna hukuman Allah pada hari kiamat ; kerna orang yang perchaya btul, skali-kali t'ada harap apa-apa yang dia-orang sndiri buat, mlainkan dia-orang sudah minta ampun digan berkat Isa Almaseh, dan dia-orang perchaya yang Isa sudah kna hukum mati ganti dia-orang, dan sbab itu Tuhan Allah boleh ampunkan dia-orang, dan bilaungkan dia-orang bnar."

Si Bbal jawab, " Aigkau bilaing ta'usah oraig harap apa-apa yang dia-orang sudah buat. Kalau bgitu, oraig boleh buat dia punya suka sndiri, dan ikut smoa hawa-nafsu ; kerna kalau kita dapat ampun digan perchuma, tntu tidak pduli apa macham kita punya klakuan."

Si Kristian jawab, " Aigkau punya nama Bbal, dan angkau btul sperti argkau punya nama juga ; kerna angkau punya jawab sudah nyatakan angkau punya kbo-dohan. Btul angkau ta'tahu apa macham Tuhan Isa punya kuasa dalam oraig punya hati. Kalau angkau btul sudah perchaya sama Isa, tntu aigkau boleh mengerti bgimana orang yang sudah dapat ampun balaskan baiyak trima kaseh sama Isa, dan baiyak sayaig dia,

dan suka turut smoa hukum-nya, dan ikut jalan-nya, dan suka champur sama lain-lain orang Kristian, kerna hatinya sudah berobah dan dia sudah jadi sperti orang yang bharu dalam Isa Almaseh, sampai dia ta'mau ikut hawa-nafsu-nya dan smoa jalan jahat yang dia suka dhulu."

Si Bbal kata, "Aingkau berjalan terlampon chpat; sahya ta'boleh jalan itu macham. Lbeh baik aingkau jalan dhulu, dan sahya boleh ikut blakaing."

Kmdian si Kristian dan si Harap kata,

" Nasihat baik aingkau ta'trima,
Kita yang ajar pnat perchuma.
Kalau orang buangkan nasihat,
Blakang kali tutu ssat."

Si Kristian kata sama si Harap, "Rupa-nya kita dua-dua msti jalan sama-sama; sahya banyak sayang ini si Bbal, blakang kali dia tntu nanti kna chlaka."

"Kasehan!" si Harap kata, "dalam sahya punya negri pun ada banyak orang itu macham, pnoh bbrapa rumah, dan smoa-nya orang yang sudah mula'i ini perjalanan; dan kalau ada bgitu banyak dalam sahya punya negri, apa lagi dalam itu tmpat yang si Bbal sudah jadi!"

"Ttapi apa aingkau fikir deri-hal itu macham orang?" si Kristian tanya; "ada-kah pernah dia-orang ingat deri-hal dosa-dosa-nya dan rasa susah hati, atau takot baraung-kali dia nanti binasa?"

"Lbeh baik aingkau sndiri kasi jawab, kerna sahya satu orang muda," si Harap jawab.

"Sahya fikir baraung-kali kadaig-kadang dia-orang ingat fasal dosa-nya; ttapi sbab memang bbal, dia-orang ta'migerti bgimana itu macham fikiran boleh jadi satu

berkat sama dia, dan sbab itu dia-orang choba buangkan itu fikiran s-boleh-boleh-nya, dan dia-orang brani fikirkan diri-nya orang baik.”

Si Harap kata, “Sahya pun fikir kalau orang jadi takot fasal dosa-nya, itu takot jadi satu berkat bsar, kerna sbab takot banyak orang mula'i fikir deri-hal ini perjalanan.”

“Tntu, kalau satu takot yang btul; kerna Kitab Allah kata, ‘Takot saina Tuhan jadi permula'an budi.’”*

“Apa macham satu takot yang btul?” si Harap tanya.

Si Kristian jawab, “Ada tiga perkara yang nyatakan satu takot yang btul:—

1. Itu takot dataug sbab orang bnchi dosa-nya dan mau buangkan itu dosa.

2. Takot yang btul msti bawa orang k-pada Isa Almaseh spaya dapat slamat.

3. Kalau orang ada takot yang btul, dia-orang slalu kasi banyak hormat sama Tuhan Allah dan smoa hukum-nya, dan dia-orang skali-kali ta'mau balek kiri-kanan, dan ta'mau buat apa-apa yang boleh kasi malu sama Tuhan Allah.”

Si Harap kata, “Angkau punya jawab banyak btul. Dan skaraug sahya fikir kita sudah hampir kluar deri ini tanah Sdap.”

“Knapa angkau kata bgitu,” si Kristian tanya, “angkau barangkali ta'mau chakap lagi fasal ini perkara.”

“Tntu sahya mau,” si Harap jawab, “chuma sahya mau dapat tahu di mana kita ada skaraug.”

* Mazmur 111 : 10.

"Kita mstil jalan chuma' dua batu lagi, bharu kita kluar deri ini tanah," si Kristian jawab. "Tapi baik kita kmbali mau chakap fasal itu perkara. Sahya sudah bilaing itu oraing bbal ta'imgerti bgimana itu fikiran deri-hal dosa-nya yang kasi takot sama dia tntu jadi satu berkat, sbab itu dia-orang choba buangkan itu fikiran."

Knapa orang bodoh ta'mau fikir deri-hal dosa-nya.

"Tapi bgimana dia-orang choba buangkan?" si Harap tanya.

Si Kristian jawab, "Dia-orang fikir (1) yang shaitan kasi dia-orang takot itu macham spaya rosakkan dia-orang; tapi yang btul Tuhan yang sudah kasi dia-orang takot. (2) Dia-orang fikir itu takot nanti rosakkan dia-orang punya perchaya; tapi yang btul dia-orang t'ada perchaya skali-kali. (3) Dia-orang fikir ta'patut dia-orang takot, dan sbab itu dia-orang choba branikan hatinya, sampai dia-orang jadi banyak kras hati. (4) Dia-orang sudah dapat tahu kalau takot bgitu dia-orang tidak fikirkan diri-nya suchi lagi, dan sbab itu dia-orang choba buangkan itu fikiran yang kasi dia-orang takot."

Si Harap kata, "Sahya sndiri sudah rasa itu macham, waktu bila sahya blum knal sahya punya diri sndiri."

Si Kristian kata, "Ta'usah kita chakap lagi fasal si Bbal; lagi baik kita timbang lain perkara yang berguna."

"Baik juga," si Harap jawab, "tapi aigkau mstil mula'i juga."

Si Kristian tanya, "Sudah-kah aigkau digar deri-hal satu orang yang bernama T'ada-Ttap? Dia sudah tinggal dkat aigkau punya negri kira-kira s-puloh tahun dhulu, dan itu waktu dia banyak rajin ikut agama."

Si Harap jawab, "Ya, sahya sudah knal sama dia ; dia dhulu tinggal di negri Kurang-Anugrah, ada kira-kira dua batu deri negri Hati-Btul ; dan dia tinggal sama satu orang yang bernama Kmbali."

"Btul itu dua orang sudah tinggal sama-sama," si Kristian jawab. "Dhulu si T'ada-Ttap btul sudah sdar ; dia sudah tahu dia punya dosa, dan dia tahu deri-hal seksa yang patut sbab dosa-nya."

"Ya, sahya pun fikir itu macham," si Harap kata, "kerna sahya punya rumah dhulu chuma tiga batu deri sana, dan baiyak kali dia sudah dataig chakap saina sahya, dan dia banyak mnangis. Sahya sudah rasa baiyak kasehan fasal dia, dan dhulu sahya ada harap dia boleh dapat slamat; ttapi kita mstti ingat yang bukan sinoa orang yang triak 'Tuhan, Tuhan ;' nanti masok shorga." *

"Ada satu kali dia sudah bilaig sama sahya dia mau berjalan di negri Sion, sperti kita berjalan skaraeng," si Kristian kata ; "ttapi t'ada brapa lama kmdian dia dapat knal sama satu orang bernama Slamatkan-Diri, dan blakaig dia ta'mau knal sama sahya lagi."

Si Harap kata, "Skaraeng kita sudah chakapkan deri-hal ini orang, lbeh baik kita timbaig apa sbab itu macham orang bgitu lkas balek jahat."

"Itu tntu berguna," si Kristian jawab, "ttapi angkau mstti mula'i."

"Baik-lah," si Harap kata, "sahya fikir ada ampat sbab :

* Matius 7 : 21.

1. Dia-orang sudah sdar deri-hal dosa-nya, ttapi niat hati-ya blum berubah; sbab itu bila dia-orang t'ada takot lagi fasal dosa,^{Apa sbab orang pnakot balek kmbali.} t'ada apa-apa lagi yang kasi dia-orang chari agama, dan kalau bgitu dia-orang balek jahat sperti dhulu. Bgitu juga kita teengok anjing, kalau dia rasa sakit sbab apa-apa yang dia sudah makan, s-lagi dia rasa sakit itu macham dia muntahkan ; ttapi bukan sbab dia suka muntah, mlainkan sbab prot-nya sudah terkachau; dan bila dia t'ada sakit lagi, dan prot-nya ada snaig, dia tidak bnchi itu makanan yaig dia sudah muntahkan, dan sbab itu dia balek dan jilat kmbali ; sperti itu ma'na kata, 'Anjing balek makan muntah-nya.' * Itu macham juga dia-orang mau chari shorga chuma sbab dia-orang takot seksa nraka, dan bila dia-orang kurang ingat deri-hal nraka dan kbinasa'an, tntu dia-orang t'ada brapa pduli deri-hal shorga atau slamat. Sbab itu bila dia-orang t'ada takot lagi fasal dosa-nya, dia-orang ta'suka shorga atau slamat lagi, dan sbab itu dia-orang balek kmbali.

2. Lagi satu sbab—dia-orang punya takot sperti satu hamba yang takot sama dia punya tuan. Dia-orang banyak rajin mau chari shorga bila dia-orang ingat deri-hal api nraka ; ttapi bila dia-orang kurang takot, dia-orang fikir lain macham. Dia-orang fikir lbeh baik timbaing baik-baik dhulu ; kalau tidak, barangkali dia-orang nanti dapat banyak susah, dan sbab itu dia-orang ikut adat dunia kmbali.

3. Dia-orang ta'suka ikut jalan agama sbab malu. Dia-orang punya hati ada somboing, dan dia-orang fikir

* 2 Petrus 2 : 22.

agama satu perkara yang hina ; sbab itu bila dia-orang t'ada rasa takot lagi deri-hal nraka dan Tuhan Allah punya marah, dia-orang balek dan ikut jalan-nya yang dhulu.

4. Dia-orang ta'suka fikir deri-hal dosa-nya, dan ta'suka rasa takot. Dia-orang ta'mau fikir deri-hal ksusahan-nya terlbeh dhulu ; kalau dia-orang mau fikir fasal itu, barangkali dia-orang nanti chari slamat deri-pada Isa dan dapat slamat. Ttapi sperti sahya sudah bilang dhulu, dia-orang ta'suka fikir fasal dosa-nya atau fasal apa-apa yang kasi takot, dan sbab itu bila dia-orang t'ada brapa ingat lagi deri-hal Tuhan Allah punya marah, dia-orang banyak suka kraskan hati-nya, dan dia-orang pileh jalan yang nanti bikin hati-nya lbeh kras lagi."


"Angkau sudah jawab banyak btul," si Kristian kata, "kerna nombor satu punya sbab, itu-lah sbab niat hatinya blum berubah. Dia-orang sperti orang jahat yang berdiri dpan hakim ; dia mngglitar, dan rupa-nya dia banyak mysal, ttapi smoa itu sbab dia takot kna gantong, bukan skali-kali sbab dia bnchi itu dosa ; itu jadi banyak nyata, kerna kalau dia dapat lpas, dia nanti jadi pnchuri atau pmbunoh kmbali ; ttapi kalau dia punya niat hati sudah berubah, tntu dia boleh jadi lain macham orang."

Si Harap kata, "Skarang sahya sudah nyatakan apa sbab dia-orang balek jahat, dan patut angkau kasi tahu sama sahya bgimana dia-orang buat bgitu."

Si Kristian jawab, "Sahya banyak suka nyatakan itu.

1. Digan s-boleh-boleh-nya dia-orang choba lupa deri-hal Allah dan kmatian dan hari kiamat.

2. Kmdian dia-orang buangkan smoa adat yang baik, sperti minta do'a, dan tahankan nafsu-nya, dan jaga dirinya, dan mysal sbab dosa-nya.
3. Kmdian dia-orang ta'mau champur lagi sama orang Kristian yang rajin dalam agama-nya.
4. Dan dia-orang jadi kurang rajin deri-hal bacha Kitab, dan pergi greja, dan chakap sama-sama deri-hal agama.
5. Dan dia-orang mula'i salahkan orang yang baik, dan kmdian dia-orang kata, kalau orang Kristian buat itu macham klakuan, skali-kali dia-orang ta'mau ikut orang Kristian puya agama.
6. Kmdian dia-orang mula'i berchampur sama orang yang ikut hawa-nafsu-nya dan yang buat jahat.
7. Dan dia-orang sndiri chakap digan smbuni deri-hal perkara yang jahat ; dan dia-orang banyak suka kalau dia-orang tergok orang yang ada nama baik yang buat itu macham juga, spaya dia-orang lbeh brani ikut tuladan-nya.
8. Kmdian dia-orang mula'i buat dosa yang sdikit nyata-nyata.
9. Blakang sbab hati-nya sudah jadi kras dia-orang nampak btul jahat. Dan bila dia-orang sudah kmbali itu macham pada jalan yang jahat, tntu dia-orang nanti binasa s-lama-lama-nya, kalau Tuhan Allah t'ada lpaskan dia-orang digan kuasa-nya yang hairan."



TANAH BIULAH.

FASAL 23.

ITU TANAH YANG BERNAMA BIULAH.

Dalam itu mimpi sahya tengok si Kristian dan si Harap sudah kluar deri itu tanah yang bernama Sdap, dan dia-orang masok satu tanah yang bernama Biulah. Di sana ada argin yang bagus skali, dan jalan-nya ikut trus itu tanah, sbab itu dia-orang dapat banyak snaig di situ.* Dalam itu tanah dia-orang slalu digar banyak buroeng-buroeng berbunyi, dan s-hari-hari dia-orang tengok bunga-bunga yang tumbuh di situ. Skaraeng dia-orang boleh tengok itu negri Sion, di mana dia-orang mau pergi; dan dia-orang berjumpa sdikit orang yang tinggal dalam itu negri, kerna itu orang yang bersinar biasa Mataikat. jalan-jalan di situ, sbab itu tanah Biulah ada banyak dkat negri shorga. Dalam itu tanah dia-orang dapat chukop makan minum, dan apa-apa yang dia-orang sudah chari s-panjang jalan-nya, dia-orang dapat di situ mewah skali. Dan dia-orang digar orang punya suara deri dalam itu negri yang nyaring skali, kata-nya, "Bilaeng sama itu putri Sion, 'Tengok, argkau punya slamat dataing.' "† Dan smoa orang yang tinggal di situ paiggil si Kristian dan si Harap "Orang suchi," dan "Orang yang di-tbus oleh Isa."‡

Waktu dia-orang berjalan trus itu tanah Biulah, dia-orang suka hati lbeh deri-pada dhulu bila dia-orang ada lagi jauh deri negri Sion; dan bila dia-orang dataing dkat, dia-orang boleh tengok itu negri lagi traig. Itu negri punya bangunan deri-pada mutiara dan permata, dan

* Yash'aya 62 : 4. † Yash'aya 62 : 11. ‡ Yash'aya 62 : 12.

jalan-nya deri-pada mas; * itu negri punya rupa bagus skali, lbeh lagi sbab kna sinar matahari.

Si Kristian dan si Harap berjalan juga dan dataig lagi dkat. Dan dia-orang sampai pada satu tmpat di mana ada kbun buiga dan kbun aigor dan lain-lain buah, yang rapat sama itu jalan bsar. Ada satu tukaig kbun yang berdiri di tpi jalan, dan dia-orang tanya sama dia, "Siapa punya ini kbun yang bagus skali?" Dia jawab, "Smoa-nya Raja punya, dan dia sudah tanam ini kbun sbab suka-nya sniri, dan spaya hiborkan hati orang yang berjalan pada ini jalan." Itu tukaig kbun bawa dia-orang masok dalam itu kbun, dan suroh makan buah-nya; dan dia tunjok sama dia-orang itu Raja punya pondok-pondok, dan itu tmpat di mana dia suka berjalan-jalan. Dia-orang berhenti di situ dan tidor.

Dalam itu mimpi sahya digar dia-orang berchakap waktu dia-orang tidor lbeh deri-pada dia-orang sudah buat s-panjang jalan-nya; dan bila sahya fikir-fikir fasal itu, itu tukang kbun kata sama sahya, "Knapa aigkau fikir-fikir fasal itu? Ini buah arggor banyak manis skali, dan ada satu kasiat sama dia yang boleh kasi orang berchakap waktu dia-orang tidor." †

Lagi pun sahya tergok bila dia-orang baigun deri-pada tidor, dia-orang mula'i berjalan naik mau masok itu negri. Ttapi sperti sahya sudah bilaing dhulu, itu negri punya sinar banyak traing skali, sampai dia-orang ta'boleh chlek mata, dan msti pakai satu tudorg.‡ Dan sahya tengok t'ada brapa jauh lagi dia-orang jumpa sama dua

*Kiyata'an 21: 21.

† Nyanyian Sleman 7: 9.

‡ 2 Korintus 3: 18.

orang yang pakai pakaian yang bersinar sperti mas, dan muka-nya pun bersinar sperti traing siang. Itu dua orang tanya sama si Kristian dan si Harap deri mana dia-orang datang, dan dia-orang bilaeng sama dia; dan itu dua orang tanya lagi di mana dia-orang sudah tumpaing, dan apa macham ksusahan dan bahya, dan apa macham hiboran dan ksuka'an dia-orang sudah rasa pada perjalanan-nya; dan itu pun dia-orang khabarkan sama dia. Kindian itu dua orang kata, "Ada lagi chuma dua ksusahan sahaja yang angkau mstil jumpa, bharu angkau boleh masok itu negri."

Si Kristian dan si Harap minta itu dua orang jalan sama-sama; dan itu dua orang suka juga. Tapi itu orang kata, "Angkau mstil dapat masok sbab angkau punya perchaya sndiri." Dan dalam itu mimpi sahya tergok dia-orang berjalan sampai dia-orang tergok itu negri punya pintu.

Lagi pun sahya sudah tergok dpan itu pintu ada satu sungai yang dia-orang mstil mybraing, Itu sungai arti-nya kma-tian ttapi t'ada satu jmbatan, dan itu sungai ada banyak dalam. Sbab itu bila si Kristian dan si Harap tergok itu sungai dia-orang terpranjat; ttapi itu dua orang yang jalan sama-sama kata sama dia-orang, "Angkau mstil jalan trus itu surgai, dan mstil arong itu ayer; kalau tidak angkau ta'boleh sampai di pintu."

Dia-orang tanya kalau ada lain jalan yang bawa di pintu, dan itu dua orang jawab, "Ada juga, ttapi deri mula-mula Tuhan Allah jadikan ini dunia chuma dua orang sahaja yang Tuhan Allah kasi jalan di situ, ia'itu

Hanuk dan Ilias ; * dan sampai hari kiamat tntu t'ada lain oraig boleh ikut itu jalan." † Kmdian si Kristian dan si Harap tawar hati sdikit, dan dia-orang tengok kiri-kanan, ttapi ta'boleh dapat tahu bgimana dia-orang boleh lpas deri-pada itu sungai. Dan dia-orang tanya sama itu dua oraig kalau itu sungai smoa sama dalam ; itu dua orang jawab, " Tidak, ttapi kita ta'boleh kasi tahu di mana ada kuraig dalam ; kerna angkau nanti dapat itu ayer dalam atau chetek sperti angkau punya perchaya sama itu Raja."

Dan sahya tengok si Kristian dan si Harap masok itu ayer sungai, dan si Kristian mula'i tingglam dalam itu ayer, dan dia triak sama kawan-nya serta berkata, " Sahya tingglam dalam ayer yang dalam ; sahya tingglam di bawah glombang-nya." ‡ Si Harap jawab, " Ttapkan-lah angkau punya hati, hei saudara, sahya boleh jjak itu pasir." Ttapi si Kristian kata, " Ksusahan mati sudah kpoigkan sahya, § dan sahya tntu ta'boleh sampai itu negri ;" dan itu jam juga si Kristian rasa banyak takot dan glap skali, sampai dia ta'boleh tengok dpan ; lagi pun dia sudah hilang smangat, sampai dia ta'ingat apa-apa, dan ta'boleh chakap deri-hal smoa ksuka'an yang dia sudah rasa pada perjalanan-nya ; ttapi apa-apa yang dia chakap smoa nyatakan dia punya hati lagi takot, sbab dia fikir dia nanti mati lmas dalam ayer sungai, dan ta'boleh dapat masok itu pintu. Lagi pun itu orang yang berdiri di situ boleh tengok yang si Kristian ada susah hati deri-hal smoa dosa-dosa yang dia sudah buat pada per-

* Kjadian 5 : 24 ; 2 Raja-raja 2 : 11.

† 1 Korintus 15 : 51.

‡ Mazmur 42 : 7.


§ Mazmur 18 : 5.

jalanan-nya, dan dhulu deri-pada dia mula'i berjalan. Dan dia takot fasal hantu shaitan yang dia fikir dia boleh tengok, kerna kadang-kadang dia chakap fasal itu. Banyak susah skali si Harap boleh timbolkan si Kristian punya kpala, kerna krap kali dia tgglam skali, dan kmdian dia timbol kmbali sparoh mati. Dan si Harap choba juga mau hiborkan hati-ya, dan dia kata, "Hei saudara, sahya boleh tengok itu pintu, dan ada orang yang berdiri di situ mau sambot kita." Tapi si Kristian jawab, "Itu orang ada nantikan aigkau sahaja; aigkau slalu ada harap sama Tuhan Allah." "Dan angkau pun ada harap itu macham juga," si Harap jawab. Si Kristian kata, "Kalau sahya punya hati ada btul, tntu Tuhan Allah nanti tolong sama sahya skaraing; ttapi sbab sahya punya dosa sahya sudah dapat ini susah, dan dia sudah tinggalkan sahya." Si Harap jawab, "Hei saudara, angkau sudah lupa itu perkata'an dalam Kitab Allah yang kata deri-hal oraig yang jahat, 'Dia-oraig t'ada ksusahan bila dia-orang mati, dan kuasa-ya tinggal ttap; dia-orang t'ada kna susah sperti lain orang, dan t'ada kna chlaka sperti lain orang.'* Ini susah dan sing-sara yang angkau rasa dalam ini sungai bukan satu tanda yang Tuhan Allah sudah tinggalkan angkau; mlainkan angkau dapat itu spaya Tuhan Allah boleh choba kalau angkau mau irgaat smoa berkat yang angkau sudah trima sampai skarang, dan kalau angkau mau harap dan ber-gantong sama Tuhan Allah bila angkau dapat susah."

Dalam itu mimpi sahya tengok si Kristian fikir-fikir s-bntar. Dan si Harap kata lagi, "Ttapkan angkau

* Mazmur 73 : 4, 5.

punya hati; Isa Almaseh ada slamatkan angkau." Dan s-bntar juga si Kristian triak dngan suara yang nyaring, "Skarang sahya boleh tengok Almaseh lagi skali, dan dia bilang sama sahya, 'Bila angkau arong itu ayer, sahya



SI HARAP DAN SI KRISTIAN MNYBRANG SUNGAI.

ada sama-sama angkau; dan dalam itu sungai, ayer-nya ta'boleh tngglamkan angkau.''"* Bharu dia-orang dua-dua branikan hati-nya, dan dia-orang punya musoh jadi diam skali deri-pada waktu itu juga sampai dia-orang sudah sampai di sbrang. Dan s-bntar juga si Kristian boleh berdiri di pasir, dan kmdian deri-pada itu dia-orang dapat itu sungai chetek lagi; dan itu macham dia-orang

* Yashaya 43 : 2.

sampai di sbrang. Dan di tpi sungai sblah sana dia-orang tengok lagi skali itu dua orang yang bersinar, yang ada nantikan dia-orang; dan bila dia-orang sudah naik deri itu ayer, itu dua orang kasi tabek sama dia-orang dan kata, "Kita ada roh yang jadi hamba Allah, yang dia suroh tolong orang yang dapat slamat."* Itu macham dia-orang berjalan dan tuju itu pintu.

Tengok-lah skaraig brapa mulia
Orang yang jalan mau masok di shorga!
Ini-lah macham Isa balaskan
Siapa yang sudah habis perjalanan.

* Ibrani 1 : 14.

FASAL 24.

SI KRISTIAN DAN SI HARAP MASOK NEGRI SION.

Angkau mstii ingat yaig itu negri Sion ada di atas satu gunoing yang tinggi, ttapi si Kristian dan si Harap naik itu gunoing snaang skali, sbab itu dua orang yang bersinar ada pimpin taigan-nya ; lagi pun dia-orang sudah tinggalkan pakaian-nya yang boleh binasa ; bila dia oraig masok itu sungai dia-orang ada pakai itu pakaian, ttapi bila dia-oraig kluar deri sungai ada lain macham pakaian.* Sbab itu mski-pun itu negri punya alas ada lbeh tinggi deri-pada awan, ttapi dia-orang naik di situ pantas skali. Dan dia-orang chakap sama-sama, dan hati-nya dapat banyak hibor sbab dia-orang sudah mybrang itu sungai digan slamat, dan sbab itu dua orang yang mulia skali jadi sobat-nya.

Itu orang yang bersinar berchakap sama dia-orang deri-hal itu negri yang mulia, serta berkata, "Orang ta'boleh bilang brapa elok dan brapa mulia itu tmpat ; ia'itu Gunong Sion, Yerusalem yang di shorga, dan di situ ada mla'ikat yang berlaksa-laksa banyak-nya, dan smoa roh oraig yang bnar yang sudah di-smpurnakan."† Lagi pun itu dua orang kata, "Skarang angkau nanti pergi masok Tuhan Allah punya firdus (Paradise), dan di sana angkau nanti tergok itu pokok kahidopan, dan makan buah-nya yang slalu ada masak ; dan bila angkau sampai di situ angkau nanti dapat pakaian puteh, dan angkau boleh tinggal sama-sama Tuhan Allah sampai

* 1 Korintus 15 : 35-49.

† Ibrani 12 : 22, 23.

s-lama-lama-nya.* Di sana angkau ta'boleh tengok lagi itu perkara yang angkau sudah tengok di bumi, seperti kesusahan dan sakit dan kmatian, kerna smoa perkara yang dhulu sudah lalu.† Skarang angkau nanti jumpa sama Ibrahim dan Isahak dan Yakob dan smoa nab-nabi; smoa-nya itu sudah lpas deri-pada kesusahan yang nanti datang, dan skarang dia-oraig dapat perhentian.”

Si Kristian dan si Harap tanya apa dia-oraig boleh buat dalam itu tmpat yang suchi. Dan itu dua orang jawab, “Di sana angkau nanti dapat snang ganti angkau punya llah, dan suka hati ganti angkau punya susah; angkau msti potong padi sperti angkau sudah tabor bneh;‡ dan angkau punya do'a, dan angkau punya mnargis, dan smoa aniaya yaig angkau sudah kna, tntu nanti trima balasan-nya. Dan angkau msti pakai makota deri-pada mas, dan angkau slalu boleh tengok Tuhan yang Maha Suchi, § dan angkau boleh slalu puji dia, dan bersorak, dan balaskan trima kaseh sama dia, lbeh deri-pada angkau sudah buat di bumi. Dan angkau nanti ditar suara-nya yang sdap skali. Dan angkau nanti bnyak suka hati bila angkau jumpa sama angkau punya sobat yang sudah pergi sana dhulu deri-pada angkau, dan digan suka hati angkau nanti trima smoa sobat-sobat yang dataing kmdian. Dan angkau nanti pakai pakaian kbsaran yaig mulia-mulia. Dan bila itu Raja nanti kluar digan bunyi trompet di atas itu awan, angkau pun nanti ikut sama dia; dan bila dia dudok di atas krusi bichara pada hari kiamat, angkau pun nanti dudok di

* Kiyata'an 2 : 7 ; 3 : 4, 5 ; 22 : 4.

† Kiyata'an 21 : 4.

‡ Galatia 6 : 7.

§ 1 Yahya 3 : 2.

situ; dan bila dia hukumkan smoa orang yang sudah buat kjahatan, manusia pun baik atau mla'ikat pun baik, angkau punya suara boleh di-dingar, sbab itu orang jahat sudah jadi Tuhan Allah punya musoh dan angkau punya musoh juga. Dan bila dia kmbali di negri Sion, angkau pun nanti datang sama-sama dngan bunyi trompet, dan angkau nanti tinggal sama dia sampai s-lama-lamanya."*

Bila dia-orang datang dkat itu pintu, ada banyak orang kluar deri shorga mau jumpa sama dia-orang, dan itu dua orang yang bersinar kata sama itu orang smoa, "Ini orang yang sudah kaseh sayang sama Tuhan Isa bila dia-orang tinggal di dunia, dan dia-orang sudah tinggalkan smoa kerna nama Isa; dan Tuhan Isa suruh kita pergi hantarkan dia-orang, dan kita sudah bawa dia-orang sampai sini spaya dia-orang boleh masok dan teigok Juru-slamat-nya dngan suka-hati." Kmdian itu orang shorga bersorak dngan suara yang nyaring, kata-nya, "Slamat-lah smoa orang yang di-jmpot pada perjamuan kahwin Anak-Domba."† Dan itu waktu ada kluar lagi itu Raja punya orang yang tiop trompet, yang pakai pakaian puteh yang bersinar, dan dia-orang tiop trompet sampai smoa shorga pun pnoh dngan bunyi-nya yang sdap. Itu oraig pun kasi berribu-ribu tabek sama si Kristian dan si Harap, dngan sorak dan bunyi trompet.

Kmdian itu orang shorga kpungkan si Kristian dan si Harap; ada yang berjalan dpan, ada yang berjalan blakang, dan ada yang berjalan kiri-kanan, sperti mau

* 1 Tessalonika 4 : 13-17 ; Yahuda 14, 15 ; Daniel 7 : 9, 10 ;

1 Korintus 6 : 2, 3.

† Knyata'an 19 : 9.

jaga dia-orang ; dan smoa-nya miyani digan bunyi-bunyian yang sdap skali. Kalau oraig boleh tengok itu hal, tntu rupa-nya sperti smoa shorga sudah turun mau jumpa sama dia-orang. Dan dia-oraig berjalan itu macham sanna-sanna, dan smoa-nya kasi tahu sama si Kristian dan si Harap brapa suka hati-nya sbab berjumpa sama dia-orang ; dan dia-oraig rasa hampir-hampir sperti dia-orang ada di shorga, mski-pun dia-orang blum sampai di situ, kerna hati-nya banyak suka skali sbab tengok itu mla'ikat, dan sbab digar itu bunyi-bunyian yang sdap. Dan skarang dia-orang boleh tengok itu negri, dan dia-orang fikir boleh digar smoa locheng berbunyi spaya sambot dia-orang digan suka-hati. Ttapi dia-orang lbeh suka sbab fikir dia-orang boleh tinggal di situ sampai s-lama-lama-nya, sama-sama itu macham orang yang boleh jadi sobat-nya. Siapa boleh bilang brapa mulia dia-orang punya suka-chita ! Itu macham hal dia-oraig sampai dkat itu pintu.

Bila dia-orang tengok itu pintu, dia-orang dapat ada ini macham surat tertulis di atas-nya digan ayer mas, "Slamat-lah oraig yang turut hukum-nya, spaya dia-orang boleh makan buah pokok kahidopan, dan boleh masok trus itu pintu di dalam itu negri." *

Dalam itu mimpi sahya tengok itu orang yang bersinar suroh si Kristian dan si Harap panggil di pintu ; dan bila dia-orang panggil, ada bbrapa orang tengok deri atas itu pintu, ia'itu Hanuk dan Musa dan Ilias dan lain-lain orang, dan itu dua orang kata sama smoa-nya, "Ini orang sudah berjalan deri negri Kbinasa'an, sbab dia-

* Knyata'an 22 : 14.

orang kaseh sayang sama ini negri punya Raja." Kmdian si Kristian dan si Harap kasi masok surat-nya masing-masing, yang dia-orang sudah trima mula-mula, dan orang bawa itu surat dpan itu Raja, dan bila dia sudah bache, dia kata, "Di mana itu orang?" Dan orang jawab, "Dia-orang berdiri dpan pintu." Bharu itu Raja suroh buka pintu "Spaya itu bangsa yang suchi yang sudah pliharakan yang bnar boleh masok." *

Dalam itu mimpi sahya tengok itu dua orang masok pintu; dan bila dia-orang masok, itu jam juga rupa-nya berubah, dan dia-orang dapat pakaian yang bersinar sperti mas. Dan ada orang datang jumpa sama dia-orang yang bawa kchapi (harp) dan makota, spaya dia-orang boleh puji Allah digan itu kchapi, dan boleh pakai itu makota jadi tanda hormat. Dan dalam itu mimpi sahya digar smoa locheig dalam itu negri ada berbunyi sbab sukahita, dan orang kata, "Masok-lah angkau dalam sukahita Tuhan angkau." † Dan sahya digar si Kristian dan si Harap sndiri nyanyi digan suara yang nyaring, "Puji dan hormat dan mulia dan kuasa pada dia yang dudok di atas itu takhta (throne) dan pada itu Anak-Domba, sampai s-lama-lama-nya." ‡

Bila orang buka itu pintu spaya dia-orang boleh masok, s-bntar sahaja sahya tengok deri blakang, dan itu negri ada bersinar sperti matahari, dan jalan-nya deri-pada mas, dan banyak orang ada berjalan-jalan di situ yang pakai makota di kpala-nya, dan dia-orang pegang kchapi dan nyanyi puji-pujian. Dan sparoh-nya ada bersayap, dan smoa-nya nyanyi bgini, "Suchi-suchi-suchi,

* Yashaya 26 : 2. † Matius 25 : 21. ‡ Kiyata'an 5 : 13.

Allah Tuhan kita." * Kmdian dia-orang tutop itu pintu, dan sahya pun banyak rindu mau masok sama-sama.

Bila sahya ada lagi fikir deri-hal smoa itu perkara, sahya berpaling dan tergok si Bbal sudah sampai di tpi sung'i, dan dia mybraig itu sungai chpat skali, dan t'ada kna susah sperti itu dua orang yang dhulu, kerna di situ ada satu orang yang ada sampan tambang, bernama Harap Sia-sia, dan dia sudah tolong si Bbal. Dan si Bbal naik itu gunong sperti itu dua orang yang dhulu ttapi si Bbal dataig s'orang-s'orang, dan t'ada orang jum-pa sama dia mau ttapkan hati-nya. Bila dia sampai di pintu, si Bbal tergok itu surat yang di atas pintu, kmdian dia ktok pintu, pada sargka-nya orang nanti lkas buka; ttapi itu orang yang tergok deri atas pintu tanya sama dia, " Deri mana aingkau dataig? dan apa aingkau mau? " Dia jawab, " Sahya sudah makan minum dpan itu Raja, dan dia sudah ajar orang dalam kita punya jalan." † Kmdian dia-orang minta si Bbal punya surat, spaya dia-orang boleh bawa masok dan tunjok sama Raja; dan si Bbal slokkan tangan-nya dalam smoa sakunya, ttapi dia ta'boleh dapat. Dia-orang tanya sama dia, " Aingkau t'ada surat-kah? " Ttapi si Bbal ta'boleh jawab satu patah pun. ‡ Sbab itu dia-orang khabarkan itu machein sama itu Raja, ttapi dia ta'mau dataig tergok, mlain-kan dia panggil itu dua orang yang bersinar yang sudah hantarkan si Kristian dan si Harap, dan suroh dia-orang kluar dan tangkap si Bbal, dan ikat kaki tangan-nya dan bawa dia pergi.* Dan dia-orang ambil si Bbal, dan bawa dia terbang di udara sampai itupintu yang sahya sudah

* Kiyata'an 4 : 8.

† Lukas 13 : 26.

‡ Matius 22 : 12.

tegok di sblah gunong, dan dia-orang masokkan dia di situ. Bharu sahya tahu ada satu jalan yang bawa orang pergi nraka deri pintu shorga, sama juga sperti orang boleh pergi nraka deri negri Kbinasa'an. Kmdian sahya bangun, dan sahya dapat tahu ini smoa satu mimpi.

* Matius 22 : 13.

NAMA-NAMA SGALA KITAB
YANG MNJADIKAN KITAB ALLAH.

KITAB PERJANJIAN LAMA.

<i>Malay.</i>	<i>Ingris.</i>	<i>Malay.</i>	<i>Ingris.</i>
KJADIAN	GENESIS	NYANYIAN SLEI	SONG OF SONGS
KLUARAN	EXODUS	MAN	
IMAMAT	LEVITICUS	YASH'AYA	ISAIAH
BILANGAN	NUMBERS	YIRMIA	JEREMIAH
ULANGAN	DEUTERONOMY	RATAPAN	LAMENTA-
YAHOSHUA	JOSHUA	YIRMIA	TIONS
HAKIM	JUDGES	HIZKIEL	EZEKIEL
RUT	RUTH	DANIEL	DANIEL
1 SAMUEL	1 SAMUEL	HOSIA	HOSEA
2 SAMUEL	2 SAMUEL	YOEL	JOEL
1 RAJA-RAJA	1 KINGS	'AMOS	AMOS
2 RAJA-RAJA	2 KINGS	'UBADYA	OBADIAH
1 HIKAYAT	1 CHRONICLES	YUNUS	JONAH
2 HIKAYAT	2 CHRONICLES	MIKA	MICAH
IZRA	EZRA	NAHUM	NAHUM
NAHIMYA	NEHEMIAH	HABAKKUK	HABAKKUK
ISTER	ESTHER	SAFANYA	ZEPHANIAH
AYUB	JOB	HAGGAI	HAGGAI
MAZMUR (ZABUR)	PSALMS	ZAKARYA	ZECHARIAH
PERUMPAMA'AN	PROVERBS	MALAKI	MALACHI
PNGAJAR	ECCLESIASTES		

KITAB PERJANJIAN BHARU.

MATIUS	MATTHEW	ROM	ROMANS
MARKUS	MARK	1 KORINTUS	1 CORINTHIANS
LUKAS	LUKE	2 KORINTUS	2 CORINTHIANS
YAHYA	JOHN	GALATIA	GALATIANS
PERBUATAN RASUL	THE ACTS	IFISUS	EPHESIANS

FILIPI	PHILIPPIANS	YAKOB	JAMES
KOLOSI	COLOSSIANS	1 PETRUS	1 PETER
1 TESALONIKA	1 THESSALONIANS	2 PETRUS	2 PETER
2 TESALONIKA	2 THESSAOLNIANS	1 YAHYA	1 JOHN
1 TIMOTIUS	1 TIMOTHY	2 YAHYA	2 JOHN
2 TIMOTIUS	2 TIMOTHY	3 YAHYA	3 JOHN
TITUS	TITUS	YARUDA	JUDE
FILIMON	PHILEMON	KNYATA'AN	REVELATION
'IBRANI	HEBREWS		

NAMA-NAMA SGALA ORANG DAN TMPAT
DALAM INI CHRITA.

<i>Malay.</i>	<i>Ingris.</i>	<i>Muka.</i>
Guru Injil	Evangelist	3
Kristian	Christian	6
Dgil	Obstinate	6
Lntor	Pliable	6
Negri Kbinasa'an	City of Destruction	6
Paya Tawar Hati	Slough of Despond	11
Pnolong	Help	12
Pandai-Chari-Dunia	Worldly Wiseman	15
Negri Akal-Nafsu-Dunia	Town of Carnal Policy	15
Kampong Klakuan-Baik	Town of Morality	19
Turut-Hukum	Legality	19
Chakap-Manis	Civility	19
Suka-Tolong	Goodwill	27
Ba'al-zbul	Beelzebub	28
Buka-Ruhsia	Interpreter	32
Marah	Passion	36
Sabar	Patience	36
Saigkaran Putus-Harap	Cage of Despair	42
Pighibur	Comforter	46
Sion	Zion	46
Tembok Slamat	Wall of Salvation	47
Bodoh	Simple	49
Malas	Sloth	49
Hati-Bsar	Presumption	49
Turut-Aturan	Formalist	50
Pura-pura	Hypocrisy	50
Tanah Sombong	Land of Vain-Glory	50
Bukit Susah	Hill Difficulty	54
Pnakot	Timorous	56
Kuraung-Iman	Mistrust	56

Istana Elok	Palace Beautiful	59
Jalan Bahya	The way of Danger	60
Jalan Kbinasa'an	The way of Destruction	60
Jaga	Watchful	61
Ssat	Graceless	62
Budi	Discretion	62
Snonoh	Prudence	63
Bakti	Piety	63
Kaseh	Charity	63
Bilek Sjahtra	Peace	72
Lawan-Almaseh	Anti-Christ	74
Gunong Sika-Chita	Delectable Mountains	74
Tanah Immanuel	Emmanuel's Land	75
Stia	Faithful	75
Lmbah Krndahan	Valley of Humiliation	77
Apoluon	Apollion	78
Jalan Ksuchian	The way of Holiness	82
Lmbah Bayang-bayang Kmatrian	Valley of the Shadow of Death	85
Awan Bingong	Cloud of Confusion	86
Snjata Slalu-Berdo'a	All-prayer	87
Rom	Pope	91
Berhala (Datok)	Pagan	91
Sundal	Wanton	95
Adam yang pertama	Adam the First	96
Negri Tipu-Daya	Town of Deceit	96
K'inginan-Tuboh	Lust of the Flesh	96
K'inginan-Mata	Lust of the Eyes	96
Mewah-Kahidopan	Pride of Life	96
Tidak-Puas	Discontent	99
Chongkak	Pride	99
Mgah	Arrogancy	99
Bsarkan-Diri	Self-conceit	99
Kmulia'an-Dunia	Worldly-glory	99
Malu	Shame	100
Bletir	Talkative	105

Pandai-Chakap	Say-well	108
Lorong Bising	Prating Row	108
Ligion	Legion	122
Pasar Sia-sia	Vanity Fair	123
Tanah Kana'an	Canaan	126
Datok Bnchi-yang-Baik	Lord Hate-good	129
Digki	Envy	130
Simbahyang-Hantu	Superstition	130
Puji-puji	Pick-thank	130
Datok Hawa-Nafsu	Lord Carnal-Delight	132
Datok Lazat	Lord Luzurious	132
Datok Chari-Kpujian	Lord Desire of Vain Glory	132
Datok Chabol	Lord Lechery	132
Datok Glojoh	Sir Having Greedy	132
Fira'on	Pharoah	134
Tuan Buta	Mr. Blindman	135
Tuan Ta' Baik	Mr. No-good	135
Tuan Dndam	Mr. Malice	135
Tuan Suka-Nafsu	Mr. Love-lust	135
Tuan Buat-Jahat	Mr. Live-loose	135
Tuan Kpala-Kras	Mr. Heady	135
Tuan Sombong	Mr. High-mind	135
Tuan Musoh	Mr. Eunuity	135
Tuan Pmbohoing	Mr. Liar	135
Tuan Bigis	Mr. Cruelty	135
Tuan Suka-Glap	Mr. Hate-light	135
Tuan Tiada-Sayaig	Mr. Implacable	135
Harap	Hopeful	137
Chari-Untong-Sndiri	By-ends	137
Negri Mulut-Manis	Town of Fair-speech	137
Datok Putar-Balek	Lord Turn-about	137
Datok Bulang-baling	Lord Time-server	137
Datok Mulut-Manis	Lord Fair-speech	137
Tuan Lichin	Mr. Smooth-man	138
Tuan Dua-Muka	Mr. Facing-both-ways	138
Tuan S-barang	Mr. Anything	138

Tuan Lidah-Berchabaung	Mr. Two-tongues	138
Bibi Pura-pura	Lady Feigning	138
Tuan Pegang-Dunia	Mr. Hold-the-world	141
Tuan Suka-wang	Mr. Money-love	141
Tuan Lokek	Mr. Save-all	141
Tuan Kechek	Mr. Gripeman	141
Negri Suka-Untoig	Town of Love-gain	141
Tanah Tmaha	County of Coveting	141
Padaang Snang	Plain called Ease	149
Bukit Untong-Wang	Hill Lucre	149
Dimas	Demas	149
Sadom	Sodom	153
Sungai Ayer yang kasi Hidop	River of the Water of Life	156
Padaang Jalan-Pintas	By-path Meadow	158
Harap-Sia-sia	Vain-confidence	159
Gergasi Putus-Harap	Giant Despair	162
Kota Shak	Doubting Castle	162
Pnakot	Diffidence	163
Pngtahuan	Knowledge	171
Biasa	Experience	171
Jaga	Watchful	171
Tulus	Sincere	171
Gunong Ssat	Hill Error	172
Gunong Jaga-Baik-baik	Hill Caution	172
Gunong Traig	Hill Clear	176
Tanah Sdap	The Enchanted Ground	176
Tanah Chongkak	Country of Conceit	177
Bbal	Ignorance	177
Paling	Turn-away	179
Negri Murtad	Town of Apostasy	179
Kuraig-Iman	Little-faith	180
Negri Tulus	Town of Sincere	180
Pintu Lebar	Broadway Gate	180
Loroig Orang-Mati	Dead-man's Lane	180
Hati-Lmah	Faint-heart	180
Kuatir	Mistrust	180

Berdosa	Guilt	180
Anugrah-Bsar	Great-grace	181
Negri Sangat-Brani	City of Good-confidence	181
Pmbujok	Flatterer	191
Ta'Perchaya-Allah	Atheist	193
Tanah Biulah	Beulah Land	224
Harap Sia-sia	Vain-hope	235

ARTI PERKATA'AN.

Adam, itu orang yang Tuhan Allah jadikan mula-mula.

Almaseh, Tuhan Isa puya pangkat; orang Melayu panggil dia "Isa Almaseh."

Angan-angan hati, itu kuasa dalam kita puya diri yang tahu baik dan jahat (conscience).

Anugrah, Tuhan Allah puya kaseban dan berkat pada manusia (grace).

Bahya, satu perkara atau satu hal yang barangkali nanti kasi chlaka (danger).

Bakti, hati btul sama Tuhan Allah (piety).

Chikeweh, satu isi rumah, sinoa orang yang satu daging-darah; orang Melayu kata kluarga (family).

Chrgkadok, satu binatang kchil yang tdaung kuat-kuat digan kakinya yang bsar, dan boleh lompat batayak jauh (cricket, grasshopper).

Derhaka, arti-nya lauggar hukum atau prentah (rebel).

Dusta, justa, bohong, t'ada bnar (false).

Gergasi, satu machain jin yang bsar; orang pakai ini chakap dalam chrita (giant).

Gombala, orang yang jaga binataig ; kadaung-kadaung orang paiggil guru injil "gombala," sbab dia-orang jaga orang Kristian punya jiwa (shepherd, pastor).

Gumpal, lawan sama-sama sperti orang yang plok badan satu sama lain; orang Melayu kata "gunol" (wrestle).

Hujat, perkata'an yang kurang hormat pada Allah, atau yang maki agama puya perkara (blasphemy).

Iman, harap dan perchaya (faith).

Indah, berguna dan berherga (precious).

Indahkan, sayang, pdulikan (value).

Injil, orang Kristian punya buku fasal agama (New Testament).

Jman=zaman

Juru-slamat, orang yang boleh kasi slamat, ia'itu Tuhan Isa (Saviour).

Kitab Allah, orang Kristian punya buku fasal agama (Bible).

K i, hina dan jahat.

Ktopong, kopiah bsi yang orang dhulu kala pakai dalam prang (helmet).

Kubang, berguling dalam lumpur, sperti babi (wallow).

L'anat, Tuhan Allah punya kutok (curse).

Lapenh, satu branda loteng yang t'ada atap, orang Melayu kata sotoh.

Lntor, snang sahaja berkok, sperti rotan (pliable).

Lsing, tali yang budak-budak pakai spaya lempar batu jauh-jauh (sling).

Maha kuasa, yang ada smoa kuasa ; boleh pakai fasal Tuhan Allah sahaja (almighty).

Makota, kopiah deri-pada 'mas intan yang raja-raja pakai (crown).

Ma'na, makna, satu chakap atau chrita yang ada satu arti yang dalam, dan boleh kasi ajaran yang baik kalau orang migerti (proverb, parable).

Masir, nama negri dalam Afrika sblah utara (Egypt).

M'ujizat, arti-nya satu perkara yang ta'boleh jadi digan kuasa manusia sahaja, atau yang lain deri-pada smoa perkara yang biasa jadi dalam dunia, kalau itu macham perkara jadi digan Tuhan Allah punya kuasa kita panggil itu perkara satu m'ujizat (miracle).

Mulia, yang kasi hormat dan puji (glorious).

Murtad, orang yang buangkan dia punya agama (apostate).

Najis, arti-nya kotor ; orang Melayu pakai ini perkata'an fasal agama punya perkara (unclean).

Opau, saku kehil dalam ikat pinggang di mana orang China simpan wang ; orang Melayu kata pundi-pundi (purse).

Perjalanan, hal orang yang pergi jalan jauh-jauh (journey).

Pmbelot, orang yang belot, arti-nya orang yang tinggalkan kawan-nya spaya tolong musoh-nya (traitor).

Pnghibur, Tuhan Allah punya Roh dapat ini nama sbab dia hiborkan dan kuatkan orang Kristian (Comforter).

Psaka, pusaka, herta yang orang trima deri-pada satu orang yang sudah mati (inheritance).

Pura-pura, kalau orang jahat mrgaku diri-nya baik, dan rupakan diri-nya sperti orang baik, dia satu orang pura-pura (hypocrite).

Roh Allah, Roh Alkudus, Tuhan Allah punya Roh, yang tinggal dalam hati orang yang ikut Tuhan Allah punya prentah.

Salib, orang Rom dhulu kals hukumkan orang yang kna hukum bunoh digan pakukan kaki-tangan-nya pada kayu ; itu orang mstig gantong sana sampai dia mati drgan banyak seksa. Isa Almaseh kna bunoh itu macham (cross).

Shak, hati bimbang dan kurang ttap (doubt).

Sia-sia, ta'guna, yang ta'boleh kasi untong (vain, useless).

Sjahtra, sntausa dan snraig dalam hati, dan slamat deri-pada bahya (peace, safety).

Srgei, buka bibir mulut spaya gigi boleh nampak, sperti anjing yang marah (show the teeth).

Stia, orang yang ikut sperti dia punya janji dan buat kerja yang patut (faithful).

Taubat, tobat, mysal sbab dosa yang kita sudah buat, dan balek mau ikut jalan yang baik (repent).

Taurit, orang Yahudi punya buku fasal agama, yang nabi Musa sudah karang; dalam itu buku ada banyak hukum dan undang-undang yang di-sbot Hukum Taurit.

REFERENCE ONLY





SI KRISTIAN TINGGALKAN RUMAH-NYA.




SI KRISTIAN SAMA ANAK-BINI-NYA.



GURU INJIL TUNJOKKAN PINTU YANG SMPIT.



SI PNOLONG TAREK SI KRISTIAN KLUAR DERI PAYA.



TUAN PANDAI-CHARI-DUNIA MAU AJAR SI KRISTIAN.




SI KRISTIAN SAMPAI DI PINTU YANG SMPIT.



SI BUKA-RUHSIA PUNYA RUMAH.



SABAR SAMA MARAH.



API YANG MNYALA SBAB MINYAK.




ITU PIKULAN HILANG DPAN SALIB.



SI KRISTIAN DAPAT TIGA ORANG TERTIDOR.




BUKIT SUSAH.



ISTANA YANG BERNAMA "ELOK".



SI KRISTIAN BERPRANG DNGAN APOLUON.



PASAR SIA-SIA.



SATU TIANG BIKIN DERI-PADA GARAM.

CHRITA ORANG YANG CHARI SLAMAT.

155




SUNGAI AYER YANG KASI HIDOP



TANGGA YANG BAWA K-PADANG JALAN-PINTAS.



KOTA YANG BERNAMA KOTA SHAK.



ORANG-ORANG YANG ITU GERGASI PUTUS-HARAP SUDAH BUTAKAN.




SI KURANG-IMAN KNA CHURI.



SI BBAL IKUT DI BLAKANG.



TANAH BIULAH.



SI HARAP DAN SI KRISTIAN MNYBRANG SUNGAI.